






*Rd Benyon De Beauvoir  
Englefield House  
Berks.*





# HISTOIRE

DES PLUS ILLUSTRES

E T

SCAVANS HOMMES

DE LEURS SIECLES.

Tant de l'Europe que de l'Asie,  
Afrique & Amerique.

Avec leurs Portraits en Tailles-douces,  
tirez sur les veritables Originaux.

*Par A. THEVET Historiographe.*

TOME TROISIEME.



A PARIS,

Chez FRANÇOIS MAUGER, au quatrième  
Pilier de la grand' Salle du Palais,  
au Grand Cyrus.

---

M. DC. LXX.

AVEC PRIVILEGE DV ROT.






TABLE DES CHAPITRES  
du III. Volume de l'Histoire des plus  
Illustres & sçavans Hommes  
de leurs siècles.

<b>C</b> onstantin le Grand,	C. 1 p. 2
Clovis premier Roy de France,	c. 2 p. 15
Charles le Grand,	c. 2 p. 35
S. Louys Roy de France,	c. 4 p. 73
Louys XI. Roy de France,	c. 5 p. 105
François I. du nom Roy de France,	c. 6 p. 155
Henry II. du nom Roy de France,	c. 7 p. 193
Charles IX. du nom Roy de France,	c. 8 p. 221
Henry III. Roy de France,	c. 9 p. 245
Henry IV. surnommé le Grand, Roy de France,	c. 10 p. 249
Louys XIII. surnommé le Juste, Roy de France,	c. 11 p. 263
Foulques de Nerra,	c. 12 p. 293
Cazimir III. Roy de Pologne,	c. 13 p. 307
Godefroy de Buillon,	c. 14 p. 333
Geofroy de Lusignan, dit à la grand dent,	ch. 15 p. 343
Pierre l'ermite,	c. 16 p. 353
Gaillaume le Conquerant,	c. 17 p. 357.


Fin de la Table du troisieme Volume.







*CONSTANTIN*  
*LE GRAND*



# HISTOIRE

DES PLUS ILLUSTRES

ET

SCAVANS HOMMES

DE LEURS SIECLES.

TOME III.

---

*CONSTANTIN*  
*le Grand.*

CHAPITRE PREMIER.



VI est celuy qui à bon droit ne doit grandement respecter & honorer la memoire de ce vaillant Constantin, Empereur, surnommé pour ses rares vertus, le Grand, comme celuy

Tome III.

A

2 *Histoire des sçavans Hommes,*

qui le premier fauteur du Christianisme & tres-heureux & sage amplificateur de l'Empire, a merit  seul entre tous les Empereurs Romains d'estre par les infideles & barbares qui n'estoi t pas sujets   sa puissance, ny encore instruits   la connoissance d'un vray Dieu, tenu & rever  pour un Dieu. Aussi les Chrestiens, Grecs & Levantins, avoient   tres-grande admiration ses l uables faits', & l'ont justement couch  au catalogue des bien-heureux. Il fut fils de Constantius & d'une nomm e Heleine, non hors legitime mariage, comme quelques-uns veulent dire, car elle estoit sa premiere femme legitime, fort devote & Chrestienne, laquelle l'instruisit soigneusement en la foy & verit , de maniere que pour la bonne esperance, que le pere conceut du bon naturel & m urs dociles de Constantin, il le prefera aux enfans de sa femme Theodore. On remarque entre les autres graces & vertus de ce Constantin, sa grande liberalit  & magnificence, qui luy donna entr e   l'Empire, & luy concilia l'affection des plus nobles Princes : car succedant   son pere au gouvernement des Gaules & d'Angleterre, pour lors dite

la grande Bretagne, de laquelle il fut le quatre-vingtième Roy, estant prié par les Romains de les secourir contre les cruautéz du superbe Tyran Maxence, il entreprit le voyage l'an 309. en laquelle année il fut élu & créé quarante-quatrième Empereur du consentement de tous, pour les délivrer & venger des injures par eux receuës de ce Tyran, & enfin ayant obtenu victoire, & Maxence tué, il fut receu victorieux à Rome, où il fit publier un Edit, que dorenavant on n'eust à rechercher & punir les Chrestiens. Mais comme il deliberoit de résister aux efforts & ruses de Maximin, il fut incontinent infecté de lepre. Et comme il ne se trouva aucun remede, & quelques Medecins luy persuadans de se baigner dans un bain fait du sang de jeunes enfans, luy outré de compassion par les pleurs & gemissemens des peres, meres & enfans, ne voulut pas permettre qu'ils fussent massacrez. La nuit ensuivant il luy apparut des visions tres-saintes, qui l'advertirent de s'adresser au Pape Sylvestre Romain, lequel luy enseigneroit un bain salutaire, par le moyen duquel il recouvreroit sa santé. Ce qu'il fit & receut le Baptisme, dont

4 *Histoire des ſçavans Hommes*,  
ſ'enſuivit la guerifon de la lepre. De-  
puis ce temps eſtant fervent en l'amour  
de Dieu, il ordonna pluſieurs belles  
loix au profit & ſoulagement des Chre-  
ſtiens, fit démolir & détruire les Idoles,  
leurs temples & oratoires, empêcha  
qu'ils ne fuſſent doreſnavant appellez  
Dieux ny adorez, fit conſtruire une  
Egliſe en ſon Palais, invitoit le monde  
à recevoir Bapteſme, & conféroit des  
choſes ſalutaires avec Sylveſtre & au-  
tres Eveſques. Ce qui eſtant venu à la  
connoiſſance de Maximin ſon Collegue  
à l'Empire, il ne ſceut le porter qu'im-  
patiemment, & dreſſa une armée pour le  
chaffer. Mais Conſtantin allant au de-  
vant, ayant pour enſeigne le ſigne de la  
Croix, le vainquit en deux batailles.  
Par ce moyen la paix eſtant renduë aux  
Chreſtiens, l'Egliſe commença à fleurir  
& pulluler, Conſtantin luy concedant  
pluſieurs privileges & immunitez, ren-  
tes, donaiſons magnifiques, libertez &  
poſſeſſions. Auſſi d'autant qu'entre les  
Egliſes il y avoit quelques diviſions  
pour les ceremonies, il ordonna & pu-  
blia deux Synodes ou Congregations  
d'Eveſques & Preſtres, eſquels ſe de-  
voient définir les queſtions & poincts  
de la Religion. Sur ces entrefaites, Lici-

nius, auquel Constantin avoit donné sa sœur à femme, & l'avoit fait son Colleague à l'Empire, se revolta contre luy, & tascha de l'exterminer ; mais estant adverty de son entreprise, il dressa son armée, le défit en Hongrie, le poursuivit en Macedoine, où il rétablissoit ses forces : le chassa d'Asie, & le poursuivit tant qu'à la fin il se rendit, se voyant ainsi vaincu par mer & par terre : fut envoyé en Thessalonie, pour y vivre en homme privé. Toutefois à la fin il ne peut échapper la vraie vengeance de son audace, cruauté & infidélité : car il fut tué des gens-d'armes de Constantin, environ l'an de Nostre-Seigneur 324. De plus, nostre Constantin prit Bisance, ville en la Grece, laquelle avoit esté détruite par Galien & Pertinax, & la faisant édifier presque tout de nouveau, la fit appeller de son nom Constantinople, y dressant infinis trophées de la Croix, consacrant plusieurs Eglises à l'honneur de Dieu, des Apostres & glorieux Martyrs. C'est une chose admirable que cette florissante ville, ainsi enrichie, édifiée & embellie presque depuis les fondemens par Constantin fils de S. Heleine, ait aussi esté par une fatale destinée, sous un autre Constantin

6 *Histoire des ſçavans Hommes,*  
ayant ſa mere de meſme nom qu'Helei-  
ne , priſe & conquiſe par Mahemet Em-  
pereur des Turcs , premier du nom ,  
l'an 1402. ſous l'obeiſſance duquel &  
de ſes ſucceſſeurs elle eſt demeurée de-  
puis ce temps juſques aujourd'huy.  
L'Empereur Conſtantin transporta  
l'Empire d'Italie en cette ville de Gre-  
ce en l'année 330. il y a demeuré preſ-  
que quatre cens ans devant que  
l'Aigle portast deux teſtes , c'eſt à dire  
avant que l'Empire Romain fut ſeparé  
en deux , ce qui fut fait l'an apres la Na-  
tivité du Sauveur & Redempteur de  
tout le monde , 776. quand Charles  
auſſi le Grand obtint la dignité Impe-  
riale en l'Egliſe d'Occident , laiſſant aux  
Grecs , par le partage qui fut fait entre  
luy & Heraclius , l'Empire du Levant.  
Devant cette diviſion , combien que les  
Empereurs reſidaſſent à Conſtantino-  
ple , neantmoins ils avoient l'admini-  
ſtration de l'Empire en Occident , & le  
gouvernoient par eux - meſmes ou par  
celuy qui leur eſtoit parent ou conjoint  
par quelque affinité , lequel ils croient  
auſſi Ceſar , ce gouvernement a duré  
juſques à Valentinien troiſi me. Il eſt  
fort conſiderable que l'Empire Romain  
ayant eſté , transporté en Grece par un

Empereur surnommé le Grand, a esté ramené en Occident par un autre Empereur, aussi surnommé le Grand. Or pour reprendre nostre Constantin, comme tout l'Empire sous le gouvernement seul de Constantin le Grand, jouït d'une paix & gloire incomparable, & plus encore l'Eglise Chrestienne s'augmentât en nombre, perfection & honneur, l'ennemy du genre humain ne pouvant souffrir ce repos, suscita l'heretique Arrius, qui a longuement troublé toutes les parties du monde par ses blasphèmes & opinions fausses, semant une division entre les Evêques & les Eglises, les uns tenans son party, les autres le detestans. Constantin en estant adverty, & fasché de telle division, & estimant estre de son devoir d'y mettre ordre, fit assembler des Synodes, pour examiner la cause d'Arrius & autres questions, écrivant aux Prelats, & les suppliant de tenir la main à la vérité. Neantmoins la discorde s'augmentoît toujours davantage, les parties estans plus envenimées. Pour y obvier parfaitement, il envoya ses Patentes par tout l'Empire, & manda tous les Evêques & doctes personnages de s'assembler à Nicée ville de Bythinie, païs

8 *Histoire des ſçavans Hommes,*  
d'Asie, auquel Synode furent comptez  
trois cens dix-huit Eveſques, avec au-  
tant ou plus de Diacres & Docteurs, qui  
fut le premier Concile tenu en l'Egliſe  
Grecque & Latine. Ce ſeroit choſe trop  
lôgue de vouloir diſcourir des belles pa-  
roles proferées par Conſtantin en ce Cõ-  
cile univerſel touchant la paix, concor-  
de, mœurs & devoir des Chreſtiens.  
Je reciteray ſeulement l'Apophtegme  
qu'il profera lors que quelques Evêques  
luy preſenterent quelques libelles in-  
jurieux & diffamatoires des vices &  
actions d'autres Eveſques; car les pre-  
nant & les jettant au feu, il ne les voulut  
lire, leur diſant que Dieu ſeul eſtoit  
juge & ſcrutateur des penſées de tous  
les hommes, & meſmes des Preſtres, ſur  
leſquels il ne vouloit entreprendre de  
connoiſtre leurs affaires & queſtions.  
En ce Concile de Nicée (& non de Nice  
ville en l'Europe, comme quelques-  
uns aſſez lourdement nous ont laiſſé  
par écrit) fut condamné l'heretique  
Arrius & ſes complices; mais depuis  
l'Empereur eſtant ſeducit & abuſé par la  
ruſe d'un Preſtre & confeſſion déguiſée  
d'Arrius, fut receu en grace: dont, quel-  
ques-uns ont pris occaſion de dire que  
Conſtantin s'eſt laiſſé ſurprendre à l'Ar-

*Constantin le Grand.* CHAP. I. ,

rianisme : Enfin ce monstre , condamné par le juste jugement de Dieu & des hommes , mourut misérablement , se crevant & jettant ses entrailles hors son corps par le fondement. Retournons à nostre Constantin , il fut grand justicier , punissant les crimes , de maniere qu'à la suscitation & accusation de sa femme Fauste , on tient qu'il fit tuer son fils Crispus , accusé par elle de l'avoir voulu forcer , & depuis adverty de la fausse accusation , il fit mourir la-dite Fauste. Severité qui luy a esté par certains imputée à cruauté , non point pour degenerer de la pieté dont il estoit doüé , puisqu'il n'estoit pas encore regeneré par le Baptisme. Ce seroit chose superflüé de vouloir nombrer les autres vertus & graces de cét Empereur , sa pieté , humanité , liberalité , étude & perfection. Il n'estoit point ignorât és sciences , car mesme il a composé plusieurs Livres , tant en Grec qu'en Latin , comme je diray cy-apres. Il honoroit tellement les hommes doctes , qu'il en avoit en sa Cour plus que d'autres , avec lesquels il conferoit volontiers pour l'intelligence des Ecritures , spécialement avec Eusebe & Lactance , deux de ses plus familiers. On trouve qu'il a com-

10 *Histoire des ſçavans Hommes,*  
poſé de beaux Livres tant en Grec qu'en  
Latin, comme nous avons dit, entr'au-  
tres un du Synode tenu à Nicée, d'au-  
tres de la Providence de Dieu, au Senat  
de Rome, aux Iuges des Provinces du  
Levant, des Loix aux Chreſtiens, con-  
tre la ſuperſtition des Gentils, à Eusebe  
Eveſque de Ceſarée, aux Provinces de  
la Paleſtine, contre Alexandre & Ar-  
rius & autres plongez en ſon heréſie, au  
peuple de Nicomedie ville d'Asie, à  
Sapor Roy des Perſes, à toutes les Egli-  
ſes d'Orient, aux Eveſques & Docteurs,  
qui aſſiſterent au Concile, aux Iuges &  
Bourgeois d'Athenes & d'Antioche, à  
l'Eveſque Machaire, aux Eveſques de la  
Paleſtine, aux bons Peres qui aſſiſterent  
au Synode de Tyr, à Athanaſe Paſteur  
d'Alexandrie, & pluſieurs autres, que  
je laiſſe pour n'eſtre pas long. Il eſtoit  
ſi affectionné à ſa nouvelle Rome, que  
pour l'orner de précieux joyaux, il ne  
fit point de difficulté de dépouïller (au  
rapport de S Hieroſme) toutes les vil-  
les, pour reparer celle de Conſtantino-  
nople. Il transporte du Chateau qui  
fut à Ilion, ville principale de Troye,  
le Palladium & la Statuë d'Apollon,  
qui eſtoit d'airain & de grandeur preſ-  
que incroyable: de Rome une colonne

de Porphyre, appellée Coclis, qu'il environna de diverses medailles, & la posa au marché pavé de pierres, sur laquelle il fit aussi mettre sa statuë faite d'airain, tenant en sa main droite une grosse pomme d'or, sur laquelle estoit posé le signe de la Croix, laquelle est encore debout sur le haut de la seconde montagne & colline de la ville, mais elle est en quelque façon diminuée, non pas tant pour l'antiquité, quoy qu'elle soit tres-ancienne, qu'à cause des brûlemens & tremblemens de terre dont la ville a esté attaquée. Auparavant (selon que nous apprennent quelques Historiens) il fit une forte guerre aux Byzantins, parce qu'ils ne luy vouloient aucunement obeïr ou payer tribut. Ayans livré un combat, Constantin du commencement y fit une grande perte de ses hommes, toutefois à la fin il vint à bout d'eux, & les ayant assujetty, il bâtit la ville, qui est honorée de son nom, & laquelle il a de tant plus chérie qu'il s'estoit monstre rude & adverseire à l'ancienne : & mesme il estoit si affectionné à sa nouvelle ville, qu'il sembloit qu'il ne se sceut empescher de l'illustrer. Apres il la repeupla de Chrestiens d'Armenie, Georgie, Palestine &

12. *Histoire des sçavans Hommes,*  
Egypte, qui s'estoient là retirez durant  
la grande persecution de Diocletian, &  
renouvellée par Licinie, beau-frere de  
nostre Constantin. Or comme il avoit  
pris l'Empire divisé, aussi le divisa-il  
encor, comme un heritage paternel, &  
en fit le partage à ses trois enfans, les-  
quels de son vivant il avoit créez Ce-  
sars l'un apres l'autre, à sçavoir Con-  
stantin son aîné, l'an dixième de son  
Empire : Constantius, le second, l'an  
vingtième, & Constans le jeune, l'an  
trentième. Leur Empire fut fort turbu-  
lent, & ne dura que vingt-quatre ans,  
cinq mois & douze jours. Q  
stre Constantin, il mourut à l'An 337.  
le 21. jour du mois de May, sous le  
Consulat de Felician & Tatian, qui fut  
l'an second de la 287. Olympiade, &  
du Salut de tous les hommes 339. apres  
avoir vescu 66. ans & regné 31. Quel-  
ques-uns veulent qu'il ait esté empoi-  
sonné en sa maison de plaisance près  
Nicomedie: Quoy que c'en soit, sa mort  
fut denoncée deux ans auparavant par  
une Comete de grandeur inusitée. Estât  
aux approches de la mort, il voulut &  
commanda qu'Athanasie fût rappellé  
d'exil, lequel trompé par les Arriens  
quiluy vouloient mal, il avoit banny,

& revint à Alexandrie en son Evesché, en presence d'Eusebe & de tous ses autres adversaires. Il mit son Testament entre les mains de ce Prestre, qui loüoit si fort Arrius, & lequel sa sœur Constance, qui avoit esté femme de Licinie, en mourant luy avoit tant recommandé & assuré qu'il estoit homme de bien. Auquel Constantin fit faire serment de ne le donner à autre qu'à Constantius lors qu'il seroit de retour d'Orient : car nul de ses enfans n'assista à sa mort : apres laquelle son corps fut mis en un cercueil d'or, & conduit par ses Capitaines ~~jusqu'~~utenans & Officiers de sa maison ~~jusqu'~~à Constantinople, & là posé en un lieu haut & eminent, pour estre veu de tous : & ceux de sa Cour luy firent le même service & honneur apres son trépas, qu'on luy avoit accoustumé de faire durant sa vie jusqu'à ce que ses enfans ou l'un d'eux fussent venus pour l'inhumer, où il n'y eut celuy, qui comme orphelin & destitué de la presence de son pere, pour avoir tous expérimenté sa grace & benignité, ne menât grand deüil & ne pleurât amèrement. Ainsi que j'ay cy-dessus touché, il laissa l'Empire à trois de ses enfans, qui au lieu de s'y maintenir en union, paix, concorde

14 *Histoire des ſçavans Hommes,*  
& amitié, ſe mirent à ſ'entre-déchirer  
les uns les autres. Par le partage que fit  
le grand Constantin, Constantin qui eſ-  
toit l'aîné, jouiſſoit des Gaules, Eſpa-  
gnes & Angleterre; Conſtans avoit l'Ita-  
lie avec la Sclavonie & la Grece, &  
Conſtantius tenoit Conſtantinople avec  
l'Orient. Ce partage ne contentant pas  
Constantin, il declara la guerre à ſon  
frere Conſtans, ſe tenant fier pour l'ar-  
mée des Gaulois, mais faiſant la guerre  
avec plus de paſſion, que finement il fut  
ſurpris dans des embuſches auprès d'A-  
quilée, & eſtant bleſſé en divers lieux, il  
mourut à l'âge de 25. ans, le 3. an de ſon  
regne, & fut jetté au fleuve, nommé Iſ-  
ſe. Au reſte je ne veux pas oublier qu'il y  
en a pluſieurs qui ne croient pas ce que  
nous avons dit touchant le Bapteſme de  
cét Empereur, & prennent plaſiſir à nier  
qu'il ait eſté baptisé par le Pape Sylveſ-  
tre, ſe fondans ſur ce qu'Eufebe Ceſarée  
en écrit, que Constantin fut baptisé à  
Nicomedie ſur la fin de ſes jours, ayant  
eſté long-temps en priere en une Eglise  
bâtie par Heleine ſa mere, non point par  
l'Eveſque de Nicomedie, lequel eſtoit  
heretique, mais par quelqu'autre Prelat  
Catholique.





*CLOVIS PREMIER ROY  
DE FRANCE CHRESTIEN*



# CLOVIS.

## PREMIER ROY

### de France Chrestien.

---

#### CHAPITRE II.

**L**A sagesse, pouvoir & magnificence de Salomon l'a rendu si admirable à tous les peuples & nations de la terre, que la Reyne de Saba est partie d'un pais fort éloigné, pour seulement admirer l'excellence de ses raretez; Et aussi n'eût elle sceu choisir un miroir de sagesse plus recommandable. Mais si nous faisons rapport des tîtres & singularitez dont il estoit couronné, avec bien peu de peine, trouverons-nous que l'excellence des perles, dont les diadêmes de nos Rois sont entourez, surpasse de beaucoup tout ce qu'on luy pourroit attribuer. De comparer nostre France à la

longue étenduë des païs, auxquels commandoit Salomon, ce ſeroit travailler en vain, pour la grande inégalité qu'aiſément on y peut reconnoiſtre, & en cela je confeſſeray librement, ſ'il faut meſurer les Royautez à l'aune ( comme l'on dit ) que Salomon a ſurpaſſé nos Rois. Mais ſi nous voulons examiner leurs Majeſtez, il n'y a perſonne qui ne m'accorde, qu'il faudra que Salomon quitte la partie, lequel eſtoit bien ſage : mais n'eult oſé porter le nom de Tres-Chreſtien, d'autant que le vray Soleil de juſtice n'avoit pas encore apparu, de maniere que la ſageſſe dont il eſtoit doiüé, n'eſtoit que bien obſcure. Et de-là je conclus que les marques de prerogative qui ſont gravées dans nos Rois, ſont beaucoup plus excellentes que ne ſont celles dont eſtoit paré Salomon, lequel a ſervy de but à tous les Princes & Monarques de la terre, qui n'ont ſceu approcher que de bien loin de ſa dignité & incomparable ſageſſe. Il n'y a que le ſceptre François qui ait pû fleurir au deſſus de la gloire de Salomon. Ce que j'en dis, n'eſt pas que j'entende faire combattre les autres Princes & Seigneurs, qui outrez d'ambition, voudroient

droient bien volontiers enjamber par dessus telles prééminences, s'ils n'avoient les jambes trop courtes : Mais puisque la verité est telle, & qu'à nul autre Prince du monde le nom de Tres-Chrestien n'est communiqué qu'aux Rois de France, ce seroit leur envier l'honneur immortel qui leur est dû, si je tâchois leur comparer aucun autre. Nos Historiens tiennent que Pepin fut le premier, qui par la grande affection qu'il avoit à maintenir la Chrestienté, emporta ce tres-magnifique & excellent titre de Tres-Chrestien, lequel a esté par apres, comme par droit hereditaire retenu par ses successeurs nos Rois, qui se sont employez à la conservation & illustration de la Chrestienté. Que Pepin ne merite pas grande loüange pour avoir acquis à luy & aux siens un si precieux & inestimable joyau, on ne le scauroit nier : autrement ce seroit se plaire à credit dans son erreur : mais celuy qui a le premier orné la Couronne des François du nom & qualité de Chrestien ne doit, à mon advis, estre moins prisé, attendu que Pepin semble avoir de degré en degré si bien monté, qu'il a enfin atteint le lieu le plus eminent de la Chrestienté,

18 *Histoire des sçavans Hommes,*  
ayant seulement suivy la trace de Clovis  
V. Roy de France, premier de ce nom &  
du Christianisme, duquel j'ay bien vou-  
lu vous représenter icy le portrait, tel  
qu'on le trouve à Rome en un Temple  
qu'il y fonda, semblablẽ pour lestraits  
de visage à celuy qui est en l'Eglise de  
sainte Genevieve du Mont à Paris, &  
quant aux habits quelque peu different.  
Ce Clovis, bien qu'il fut créé par con-  
jonction, qui n'est licite entre les Chre-  
stiens, de Chilperic IV. Roy de France  
& de Basine femme de Bissin Roy de  
Turinge, à present Lorraine, qui le  
touchoit du côté paternel (c'est merveil-  
les que Chilperic estoit tellement adon-  
né à son impudique lubricité, qu'au  
lieu de se faire redouter par des actions  
heroïques, il fut contraint de quitter le  
Royaume & s'enfuir en Lorraine, où il  
demeura fort long temps en exil volon-  
taire) neantmoins il a esté fort redouté  
pour plusieurs magnanimes, vertueuses  
& guerrieres generositez, & pour avoir  
rendu son Empire fort effroyable aux  
peuples les plus indomptables, par les  
grandes batailles, dont à son tres-grand  
honneur, & confusion de ses ennemis, il  
a remporté la victoire fort heureuse-

ment, soit contre les Romains qui occupoient la Gaule Lyonnaise & autres parties de son Royaume, soit contre les Goths, qui luy detenoient une grande étendue de ses pais d'Aquitaine, lesquels il défit en plain champ de bataille, au lieu dit Vogledin près Chauvigné, où Alaric fut tué & Apollinaris Gouverneur d'Auvergne, avec la plus grande partie des Visigots, & les autres mis en fuite, tellement que Clovis s'acquît l'honneur d'une tres-glorieuse victoire & tres-profitable, pour ce que les pais de Limosin, d'Angoumois, Bourdelois, Périgort, Quercy, Roüergue, Alby, Auvergne, Thoulouze; & generalement ce qui estoit occupé par les ennemis en la Gascogne & Aquitaine, fut remis entre les mains des François, avec les tresors d'Alaric. Et parce que ce n'estoit pas assez, pour estre seul Monarque sur les François, d'avoir chassé les Romains & les Goths, s'il ne se faisoit obeïr comme Roy, en France; pour ce sujet il pressa de si vive façon Syagre, fils de ce Gilles Romain (qui gouvernoit la France, apres que Childeric pour sa detestable vie fût contraint de s'absenter, lequel s'estoit saisi de Soissons) qu'il n'eut rien

20 *Histoire des ſçavans Hommes,*  
de plus preſſé que de s'enfuir à Thou-  
louze vers Alaric Roy des Viſigoths,  
qui le trahit, & le renvoya au Roy Clo-  
vis, qui depuis luy fit trancher la teſte,  
comme à un rebelle, ſeditieux & deſo-  
beïſſant à ſon Roy. Ce Prince François  
eſtoit entierement adonné aux heroï-  
ques exploits, faiſant peut-eſtre ſeu-  
lement eſtat de ſ'agrandir en biens,  
honneur & puissance : mais celuy qui  
guide toutes choſes par ſa divine provi-  
dence, l'appelloit bien à un plus grand  
bon-heur, ſe ſervant neantmoins de  
l'envie qu'il avoit de combattre, pour  
le reduire à la Foy Chreſtienne, où il ne  
penſoit rien moins quand il dreſſa ſon  
armée pour aller au ſecours des Sicam-  
briens contre les Allemans. La premiere  
bataille eſtant perduë près du village  
appellé Tilbiac, ne le fit pas deſeſperer,  
car apres avoir rallié ſon armée, & don-  
né l'ordre qui eſt requis en telles occa-  
ſions, il ſe mit à charger les Allemans à  
Thon, où voyant qu'il avoit du pire, &  
qu'il ne pouvoit ſ'appuyer ſur les moyés  
humains pour ſa reſſource, en une telle  
extremité il ſe tourna vers Dieu, & ſe  
ſouvenant de la promeſſe qu'il avoit  
faite à Clotilde, lors qu'il la demanda

pour femme, qu'il se feroit Chrestien, & baptiser si elle le vouloit prendre pour mary, de nouveau il reïtera ce vœu avec serment, que s'il pouvoit remporter la victoire, il embrasseroit la Foy Chrestienne. Apres une telle & si solemnelle promesse il poursuivit si bien, que moyennant la faveur du Tout-puissant qui y travailla, il gagna la victoire sur les vainqueurs : qui fut un grand advancement aux François pour deux points. Le premier est, qu'elle fit rendre les Allemans tributaires aux François. L'autre, qu'elle défilâ les yeux à ce Payen pour voir la lumiere Chrestienne, qui peu de temps apres rendit son vœu à Dieu, apres avoir oüy long-temps discourir S. Remy Pasteur de Reims, de l'humilité qui est bien-seante à tous les Chrétiens, & principalement aux Supérieurs qui sont levez en degré d'honneur & dignité principale. Lors ce grand Roy ayant mis bas toutes les pompes mondaines, se presenta pour estre baptif, avec abjection aussi grande que le moindre des siens, & en une telle soumission (peu ordinaire aux Grands) il fut baptisé l'an 419. ou selon les autres 500. par ce saint Personnage, qui à

22 *Histoire des sçavans Hommes,*  
peine avoit commencé ce sacre, que  
d'enhaut luy fut apportée par un pigeon  
blanc une ampoule pleine de liqueur  
fort precieuse & tres-odoriferante, dont  
ce bon Roy fut oinct ( d'où est venu le  
nom de Cresme ) par S. Remy, & du de-  
puis tous les successeurs en ont esté sa-  
crez par les Archevesques de Reims. Et  
pour témoigner davantage le change-  
ment qu'il faisoit, il ne voulut pas seu-  
lement prendre le symbole de l'associa-  
tion Chrestienne où il entroit, mais il  
quitta ses anciennes armes, soit que ce  
fussent trois crapaux ou trois couronnes  
de gueules en champ d'argent, & pour  
escusson digne du sceptre François prit  
les Fleurs de Lys par le ministère des  
AnGES. Ce qu'aucuns par trop difficiles  
à estre persuadez, n'ont pas voulu croi-  
re estimans que ce sont contes faits à  
plaisir, encore que nos peres ayent tenu  
ces termes en singuliere reputation,  
comme miraculeusement données à la  
Couronne de France. Ce que le Poëte  
François a fort bien reconnu parlant du  
Baptême de Clovis en ces vers.

*Vois-tu Clovis grand honneur des Troyens,  
Qui le premier abhorrant les Payens*

*Clovis I. Roy de France. CHAP. II. 23*

*Et des Gentils les menteuses escoles,  
Pour suivre Christ laissera les idoles,  
Donnant Baptisme aux François desvoyez ?  
Et lors du Ciel luy seront envoyez  
Un Oriflamme, estendart pour la crainte  
De ses haineux, & l'Ampoule tres-sainte,  
Huile sacrée, onction de tes Rois;  
Son Escusson deshonoré de trois  
Crapaux boufis pour sa vieille peinture,  
Prendra des Lys à la blanche teinture,  
Present du Ciel, Dieu qui le choisira  
D'honneur, de force & de biens l'emplira.*

Quant à moy, outre les vertus intérieures, qui sont cachées dans les Fleurs de Lys, j'ay montré assez évidemment par ma Carte fleurdelisée le bonheur qu'on doit tenir dans la Fleur de Lys, qui est tel, qu'elle peut contenir tout le monde, de maniere qu'au contentement ( comme j'estime ) des amateurs des bonnes sciences je l'ay representé cette année 1583. à la Majesté de mon Roy, comme chose rare, & qui n'avoit esté encore veüe, au bas de laquelle sont écrits ces vers.

*Sire, vostre Lys qui s'épand,  
En trois parts le monde comprend*

24 *Histoire des ſçavans Hommes,  
L'Europe, l'Afrique & l'Asie,  
Qui ſont peintes en cette fleur.  
Fleur de Lys ſur les fleurs choiſie,  
Embrassant pour voſtre valeur,  
Outre les trois avecque l'onde,  
Aux Antipodes un autre monde.*

Plusieurs ont voulu par trop ſcrupuleuſement rechercher les occasions d'un ſi remarquable & ſoudain changement; apres avoir longuement tracassé, ils ſont contraints de revenir à ce que la nature de ce bon Roy & vrayment François, n'estât pas des plus envenimez contre la Chreſtienté, a pû aiſément eſtre rengée en la bergerie de Ieſus-Chriſt, tant par la neceſſité où il eſtoit reſtraint pour ce hazard de la guerre, que par la ſolicitation de Clotilde ſa femme, qui jamais ne ceſſa qu'elle ne luy eût fait renoncer le Paganisme. En ce lieu je ne ſçay ſi je dois admirer davantage la facilité de ce grand Roy, qui s'eſt bien voulu laiſſer conduire par cette Princeſſe, ou plutôt la continuelle poursuite dont elle le preſſoit à ſuivre la vraye & pure Religion. Cet exemple devroit rembarrier l'importune temerité de certains, qui mépriſent tellemēt le ſexe féminin qu'ils voudroient

droient volontiers bannir la raison de la compagnie des femmes. Si l'ardeur de cette Princesse ne les peut contenter, je les prieray de prendre advis à ce qu'on raconte de Cesarée Reyne des Perles, qui touchée du doigt de Dieu l'an de N<sup>ost</sup>re - Seigneur 683. abandonna son mary, toutes les dignitez, prééminences & commoditez qu'elle avoit en ce Royaume, pour s'acheminer à Constantinople où elle se fist baptiser, & jamais n'en voulut partir, que son mary luy-mesme ne la vint querir. Ce qu'il entreprit & se fit baptiser. Je pourrois icy faire un grand roole de telles & semblables actions, si je ne craignois ennuyer le Lecteur; Mais ces deux exemples suffiront pour faire admirer la magnanimité, force & constance des femmes, & sur tout de nostre Princesse Bourguignotte, de qui les François (quant aux causes secondes) doivent reconnoistre tenir ce qu'ils ont de la Chrestienté. Elle fut si agreable à son seigneur & mary, que tant pour la vengeance du meurtre commis par Gondebaut en la personne de Chilperic pere de la Reine Clotilde & de ses deux freres, que pour le recouvrement de son bien il fit une cruelle guerre

20 *Histoire des ſcavans Hommes,*  
aux Bourguignons, ravagea & gâta le  
païs, & preſſa de telle façon Gonde-  
baut, qu'il le rendit ſon tributaire, &  
le contraignit de quitter la Bourgogne  
l'an 409. & ſe retirer vers le Roy des  
Oſtrogoths, où depuis il mourut; &  
n'eut cette guerre ſans grandes pertes &  
deſolations, pris fin, ſi cette vertueuſe  
Princeſſe ne l'eut elle-mesme moyenné,  
aux conditions que Clovis jouïroit de  
tout ce qui eſtoit entre les rivieres de  
Loire & Seine, & ſon oncle ſe conten-  
teroit de Suiſſe, Savoye & Bourgogne.  
A la mienne volonté que toutes les Da-  
mes, qui ſont à preſent, & qui ſuivront  
apres nôtre âge, priſſent envie de ſuivre  
la douceur & pacifique humanité de  
Clotilde, pour amortir les feux des guer-  
res. Mais ce qui davantage découvre la  
ſinguliere amitié que Clovis portoit à  
cette vertueuſe Dame, eſt qu'encore  
qu'il n'eût point ſi-toſt apres ſon maria-  
ge receu la Foy de Jeſus-Chriſt, neant-  
moins ayât eu un fils d'elle, il lui permit  
de le faire baptiſer ſelon la maniere des  
Chreſtiens, ce qu'elle fit: & à cette fin  
fit tapiffer & parer le Temple des plus  
exquis ornemens que faire ſe pût, pen-  
ſant par tel myſtere attirer le Roy au

Christianisme. Mais incontinent apres le Baptesme , son fils , qui fut nommé Ingomer , mourut , dont le Roy fut fort fâché , imputant une si soudaine mort à la vengeance de ses Dieux , & eût esté en danger d'un plus grand déplaisir , s'il n'eût esté appaisé par cette sage Princesse , qui ( ainsi que recite Gregoire de Tours ) encore qu'elle eut le cœur fort touché de la mort de son fils aîné , usa toutefois de si excellentes consolations , qu'elle remit son mary , luy remonstrent que leur enfant sucçoit un lai& immortal en la presence de Dieu. Ce ne seroit jamais fait , qui voudroit particulariser les belles actions que ce Roy a magnifiquemēt faites durant sa vie , tant contre les Etrangers que contre ceux de son pais , qui d'une audace desesperée avoient osé lever les cornes contre leur Chef. Maintenant laissant ce discours , considerons ses autres actions & paroles , qui nous presenteront un Roy doüé de merveilleuses graces , & sur tout adonné à une admirable pieté. Comme il faisoit la guerre à Richer , Duc de Cambray , homme d'une ame si mal conditionnée , que ses sujets n'avoient rien plus à contre-cœur que ses commande

28 *Histoire des sçavans Hommes,*  
mens, les Parons, Gentilshommes &  
Capitaines du pais, dont ce Duc faisoit  
grande estime, firent porter parole au  
Roy Clovis, que s'il venoit combattre  
contre leur Seigneur, ils l'abandonne-  
roient & prendroient la fuite, afin que  
sans resistance ce perfide Tyran pût estre  
apprehendé. Le Roy pour l'exécution  
d'une telle entreprise envoya aux tra-  
tres un nombre de corcelets bien dorez,  
& la chose ayant reüssi selon le complot,  
Richer fut pris & mis à mort. Les traî-  
tres fâchez de ce qu'ils avoient eu une  
recompense de si petite valeur, voulu-  
rent s'en plaindre, mais ils furent ren-  
voyez par le Roy, comme il apparte-  
noit, qui leur remonstra leur grande in-  
gratitude par ces paroles. Vous ne me  
sçavez, dit-il, aucun gré de ce que je  
vous ay sauvé la vie, dont vous estes in-  
dignes, pour avoir si perfidement trahy  
vôtre Duc. Une trahison envers le Prin-  
ce ne doit point obtenir de grace, car  
c'est un trop detestable vice. Quant aux  
actes de pieté, qui le rendent à jamais  
recommandable, nous trouvons par nos  
histoires, qu'en l'an 512. par le com-  
mandement de Clovis il fut célébré un  
Concile en la ville d'Orleans, qui est le

*Clovis I. Roy de France* CHAP. II. 29  
premier de l'Eglise Gallicane, auquel  
presidoit S. Melaine Evêque de Ren-  
nes : & y assisterent vingt-cinq Evê-  
ques, entr'autres Saint Aubin Evêque  
d'Angers; S. Mars Evêque de Nantes,  
& S. Victor Evêque du Mans : où furent  
faites plusieurs belles constitutions tou-  
chant l'estat de l'Eglise. Il a fondé plu-  
sieurs Eglises en la Chrestienté, & en-  
tr'autres une à Rome, dont cy-dessus  
avons parlé : celle de Strasbourg, que  
Dagobert d'Austrasie acheva, & plu-  
sieurs autres Il decora aussi merveil-  
leusement l'Eglise de Saint Martin de  
Tours, où se firent de grands miracles,  
& y fit present de son cheval, lequel il  
voulut depuis racheter en donnant le  
prix qu'il luy sembloit pouvoir valoir :  
& pour cette cause envoya devant la  
chasse du corps de S. Martin cent sols  
d'or de la monnoye lors courante, puis  
voulut monter dessus son cheval, qui ne  
voulut point marcher, & sembloit qu'il  
eut les pieds attachez en terre. Alors  
Clovis se souvenant peut-estre de l'As-  
nesse de Balaan, jugea qu'il falloit de-  
mander congé à Saint Martin pour faire  
marcher le cheval, & pour ce augmenta  
le prix de cinq sols d'or jusques à cinq  
fois, qui seroit trente sols d'or, & alors

le cheval commença à ſe remuer. Ce qu'ayant conſideré, le Roy dit que Saint Martin eſtoit bon à aſſiſter, mais qu'il eſtoit cher en prix. Je n'oublieray à reciter que l'Empereur Anaſtaſe ayant en admiration les prouèſſes de nôtre Roy Clovis, luy envoya à Tours des Ambaſſadeurs, qui apres l'avoir congratulé de ſes actions heroïques, & glorieuſes victoires, luy offrirent de la part de l'Empereur pluſieurs dons & preſens, & entr'autres une precieuſe robe & une Couronne d'or, avec le titre de Patrice & Conſul Romain, dont l'Empereur pardeſſus les autres Princes le vouloit honorer. Dequoy Thiederich Roy des Oſtrogoths, gendre de Clovis fut fort marry, & envoya ſes forces en Provence, où il défit juſqu'à vingt mil François, remît Narbonne & Thoulouze en la main d'Almarich ſon neveu fils d'Alarich, & la Provence en ſon obeïſſance. Clovis pour ſe venger d'une telle injure, dreſſa une fort belle & puisſante armée, mais la mort le prevint l'an 514. ayant regné 30. ans. Il fut enterré à Paris en l'Egliſe de S. Pierre & S. Paul, que nous appellons aujourd'huy Sainte Geneviefve, laquelle il avoit fait bâtir à la priere & requeſte de cette tres ſainte

Vierge, où il mît quelque nombre de Chanoines, auxquels il donna grandes rentes & revenus, qu'il assigna sur le pais de Bourgogne, qu'il avoit dompté, & plusieurs autres terres, ainsi qu'on peut recueillir par les anciennes chartes de cette Royale maison, qui miraculeusement ont esté sauvez du feu, qui 'y fut mis par les Normands, sous le regne des Pepins, l'an de grace 890. Et comme la dedicace de cette Eglise a esté changée, aussi ces Chanoines furent reformez de seculiers faits Reguliers, qui fut l'an 1148. regnant en France Loüis le Jeune, ayant de cela charge tant du Roy que du Pape Eugene III. par Suggest Abbé de S. Denis en France, lequel pour cette reformation prit des Religieux de Saint Victor, l'un desquels nommé Odot ou Eusebe, fut le premier qui porta titre d'Abbé de cette Abbaye. Et au contraire ceux de S. Martin de Tours, qui estoient Moines de Saint Benoît, comme aussi ceux de S. Martial de Limoges, de S. Spire, de Corbeil, de S. Maur des Fosses, & plusieurs autres ont esté depuis secularisez. Voila comme toutes choses ont leur temps. Mais retournons à nôtre Roy Clovis, dont la memoire est si chere, & si recommandée de Saint Remy, qu'il

32 *Histoire des ſcavans Hommes,*  
compoſa à ſon honneur l'Epitaphe qui  
ſuit, que j'ay tiré d'Aymon le Moyne.


*Dives opum, virtute potens, clarusque trium-  
pho*

*Condidit hanc ſedem Clodoveus, & item  
Patricius, magno ſublimis fulcit honore,  
Plenus amore Dei, contempſit credere mille  
Numina, quæ varijs horrent portenta figuris:  
Mox purgatur aquis, & Chriſti fonte renatus,  
Fragrantem geſſit infuſo Chriſmate crinem,  
Exemplumque dedit, ſequitur quod plurima  
turba*

*Gentilis populi, quæ ſpreto errore ſuorum  
Ductorum eſt cultura Deum, verumque pa-  
rentem.*

*Hic felix mentis ſuperavit geſta priorum  
Semper conſilio, caſtris bellisque timendus  
Hortatur dux ipſe bonus, ac pectore fortis:  
Conſtructas acies firmavit in agmine primus.*

D'aſſeurer ſi ces vers ſont partis de la  
cervelle de S. Remy, je ne le puis pour la  
contrariété qui ſe preſente de divers  
Auteurs auſque's on les attribué. Quoy  
que c'en ſoit, il décrit en peu de paroles  
la vie de ce grand Roy, qui chassa les  
Romains de tout ce qu'ils tenoient des  
Gaules, & les delivra de la captivité,  
s'en rendit Seigneur & Monarque l'an





*CHARLES LE GRAND*

482. apres qu'ils y eurent demeuré plus de 500. ans, c'est à sçavoir depuis Jules Cesar. Trois ans apres il conquît la Thuringe, & accreut son Royaume depuis le fleuve du Rhin jusqu'au fleuve de Seine du côté des Allemagnes : En sorte que son Empire s'étendoit depuis le fleuve du Rhin ( qui fait la separation des Gaules & des Allemagnes ) jusqu'aux Monts Pyrenées, qui divisent les Espagnes des Gaules du côté d'Arragon & de la Navarre. Quant aux autres particularitez qui sont touchées dans cét Epltaphe, nous en avons assez amplement parlé: il a esté seulement besoin de faire ressouvenir quelque mot des autres, parce que le fil de nôtre discours n'avoit pas permis que nous exprimassions tout distinctement, comme il estoit requis. Or apres que la vertueuse Princesse Clotilde fut decedée dans la ville de Tours, du temps du 15. Archevesque du lieu, nommé Injurieux, son corps fut transporté jusqu'à Paris à la diligence de Chilperic & Clotaire ses fils, lors regnans, & fut enterré au chœur de Sainte Geneviefve auprès du Roy Clovis son mary : Sa fille Clotilde fut aussi enterrée au sepulchre de ses pere & mere, qui avoit esté mariée avec Almarich Roy

34 *Histoire des ſçavans Hommes*,  
des Viſigoths, l'an 515. par le moyen de  
ce mariage luy fut rendu le Comté de  
Thoulouſe : mais Almarich ( qui eſt ap-  
pellé par d'autres Amaulry ) eſtant ta-  
ché de l'Arrianisme traitoit ſi mal cette  
vertueuſe Princeſſe , que meſme il l'ex-  
poſoit à l'opprobre & à la mercy de ſes  
ſujets. Pour davantage agrandir l'enor-  
mité du mauvais traitement qu'elle re-  
cevoit de ſon mary , elle leur envoya ſa  
robe toute enſanglantée : dont ils furent  
tellement indignez , qu'incontinent ils  
firent marcher leur armée contre les Vi-  
ſigoths , leſquels ils défirent & tuerent  
leur Roy Amaulry fils d'Alarich : ce  
qui eſtât fait , ils ſe ſaiſirent de leur ſœur  
Clotilde pour la ramener en France ,  
mais elle mourut en chemin. Quant à  
l'autre fille du Roy Clovis, nommée Si-  
childe, quelques-uns ont laiſſé par écrit  
qu'elle eſtoit Religieuſe , mais ils ont  
oublié à coter de quelle Religion , ce  
qu'ils devoient bien remarquer. Outre  
ceux-cy il eut encore quatre fils mâles,  
leſquels apres ſa mort diviſerent entr'eux  
les Royaumes , Païs & Seigneuries  
de leur deſunt pere. A Theodoric écheut  
le Royaume de Mets, à Clodomire celui  
d'Orleans , à Clotaire Soissons , & à  
Childebert Paris.



# CHARLES

## LE GRAND.

---

### CHAPITRE III.



**P** LVSIEURS se sont grandement travaillez à rechercher l'occasion qui avoit honoré cét Empereur du titre de Grand. Je ne m'arrestera pas à ce que l'Auteur du triomphe des neuf Preux en a écrit , tenant pour chose ridicule de croire , que pour avoir abbatu avec une barre l'Ourse dont il est fait mention, il ait esté surnommé Grand ; non pas que je vueille nier que le país de Poictou & ma patrie d'Angoumois , ne fussent grandement molestez par cette furieuse beste , mais que pour ce seul acte il ait esté qualifié du nom de Grand , il n'y a aucune apparence de le croire. Je suis plutôt d'avis de reprendre la cause de ce

36 *Histoire des ſçavans Hommes,*  
nom d'une infinité de ſes heroïques &  
vertueux exploits . qui par deſſus le reſte des  
*Princes & Seigneurs l'ont fait paroître* , ne  
plus ne moins que les conquêtes & vi-  
ctoires d'Alexandre , fils de Philippes  
Roy de Macedoine , le firèt propriétaire &  
poſſeſſeur du meſme tître de Grand.  
De les comparer l'un avec l'autre je n'o-  
ſerois , ce preſent diſcours n'eſtant pas  
ſuffiſant pour pouvoir contenir la mul-  
tude incroyable de leurs actions. Mais  
je puis aſſeurer que nôtre Charles ne ce-  
doit en rien à Alexandre , comme la ſui-  
te de ſa vie , victoires & bravoure le  
pourra monſtrer. Il eſtoit natif de Ingel-  
heim , ſelon l'opinion preſque de tous  
les Hiſtoriens , qui eſt diſtant de Mayen-  
ce de deux lieuës d'Allemagne , ou ſelon  
les autres de Liege , lequel ſucceda avec  
ſon frere Carloman à Pepin premier du  
nom & le premier appellé Tres-Chre-  
ſtien , qui enſemble diviſerent le Roy-  
aume de France , de maniere que Char-  
les , qui eſtoit l'ainé eût pour ſa portion  
la France & l'Aquitaine , qui aupara-  
vant eſtoient écheuës à Pepin leur pere  
par le partage qu'il avoit fait avec Car-  
loman ſon frere , lequel l'an 747. s'en  
alla à Rome , où il ſe fit Moine , & ſe

retira au Mont appellé Soraacte , où il fit bâtir un Monastere pour s'y tenir avec quelques autres Religieux : mais parce que ce lieu estoit trop commun , & qu'il avoit envie de se retirer du monde & de la frequentatiô des François qui luy venoient faire la reverence , il s'en alla au Mont Cassin , qui est au pais de Sueve , & là se relegua dans le Monastere de S. Benoît , où il finît ses jours. Plusieurs toutefois tiennent qu'il mourut à Vienne sur le Rhône l'an 754. où il fut après porté enterrer en son Abbaye. A Carloman frere de nôtre Charles écheut le Royaume de Soissons avec les terres d'outre le Rhin , qui apres avoir regné avec son frere en commun l'espace de deux ans , mourut le 4. de Decembre l'an apres la Nativité de Nôtre-Seigneur 771. qui estoit le troisiéme du regne de Charles. Apres la mort de Carloman , du commun accord des Estats de France, Charles fut fait Roy de tout le Royaume. Particularitez qu'il m'a semblé estre besoin de remarquer , non que je fasse estat de suivre la suite du temps , durant lequel il a vescu , & specifier tout ce qu'il peut avoir non moins genereusement qu'heureusement ex-

38 *Histoire des ſçavans Hommes,*  
ploité. J'ay delibéré de ſuivre un autre  
ſtile en ce diſcours, & il faudra que je  
remonte beaucoup plus haut, pour enta-  
mer les magnanimes executions de ce  
grand Monarque. Ce que je feray apres  
que j'auray fait icy une maniere de recit  
de ſa ſtature, mœurs & exercices cou-  
tumiers. Turpin Archeveſque de Reims  
rapporte qu'il eſtoit d'une grande ſtatu-  
re, fort bien proportionné de corps, &  
avoit huit pieds de haut : ſa face eſtoit  
d'un eſpan & demy de long, & ſon front  
d'un pied de large. Il avoit le chef gros,  
l'entre-deux de ſes ſourcils eſtoit d'un  
eſpan : ſon nez eſtoit petit, & plat. Son  
regard fier, & ſembloit avoir des yeux  
de Lyon, gros, verds & étincelans com-  
me eſcarboucles. De ſorte que quand il  
eſtoit échauffé & en colere, il épouven-  
toit de ſa ſeule veüe ſon ennemy. Il man-  
geoit à ſon repas bien peu de pain, &  
uſoit volontiers de chair de venaiſon,  
dont il eſtoit fort amoureux, parce que  
( comme aucuns tiennent ) il eſtoit fort  
adonné à la chaffe. Au dîner il avoit or-  
dinairement un quartier de mouton ou  
un paon, ou une gruë, ou deux volailles,  
ou une oye, ou un lièvre, ſans les autres  
ſervices d'entrée & iſſué de table. Sa

regle ordinaire, estoit d'avoir toujourns outre le rôty quatre mets à son repas, ce qui semble estre un excessif ordinaire pour ceux qui ne sont fameliques comme il estoit ; autrement s'il n'eut pris sa reflection, il souffroit des douleurs & cruditez d'estomach n'ompareilles. Il se passoit à bien peu de vin, & au plus ne beuvoit que trois fois, dont est venue le proverbe, *Ter bibere in mensa Carolinum.* Ce qui est d'autant plus à admirer, parce que l'on trouve bien peu d'Allemands qui n'y soient excessifs. En Esté quand il avoit dormy à midy environ deux ou trois heures tout nud, il mangeoit quelques prunes. Il s'habilloit à la Françoisse, & portoit toujourns un coôteau ou épée pendue à sa ceinture, au pommeau de laquelle il y avoit le seau de ses armes : & avoit coôteume de dire quand il cachetoit & scelloit quelques Loix, Edits ou Statuts : Voila l'épée qui defendra mon Ordonnance, & qui fera la guerre à ceux qui y contreviendront. Il estoit toujourns en perpetuelle action, mesme le plus souvent il se relevoit la nuit, pour dresser les memoires des grandes affaires de son Royaume. La nuit il avoit quatre-vingt Archers tous

40 *Histoire des ſçavans Hommes,*  
armes pour la garde de ſon corps, à ſça-  
voir quarante devant minuit, & quaran-  
te apres, dont il y en avoit dix à ſon  
chevet du lit, dix à ſes pieds, dix à droit,  
& dix à gauche, qui tenoient chacun  
une épée nuë en leur main droite, & un  
flambeau ardent à la gauche. C'eſt choſe  
preſque incroyable de ce qu'on racon-  
te de ſa grande force, qui eſtoit telle,  
qu'il levoit aiſément de terre auſſi haut  
que ſa teſte vn Chevalier tout armé.  
Avec ſes mains il étendoit quatre fers de  
cheval joints enſemble. Il avoit une tel-  
le roideur de bras, que d'un coup il fen-  
doit un Chevalier tout armé & ſon che-  
val. Il faut bien dire qu'il déchargeoit  
d'une merveilleuſe rudelle. Si ſa ſtature  
& force corporelle eſtoit grande, la  
magnanimité de ſon courage l'eſtoit en-  
cor plus, & comme ſes actions le mon-  
ſtrèrent bien, je ne pretends pas icy les  
propoſer que ſuperficieirement, ren-  
voyant le Lecteur deſireux de ſçavoir les  
particularitez que i auray obmiſes, à ce  
que pluſieurs autres Eſcrivains en ont  
eſcrit. Avant qu'il eût mis le pied dans  
la Royauté, & durant la vie de Pepin, il  
commanda l'armée que ſon pere avoit  
dreſſée contre Vvaifer Duc d'Aquitai-  
ne:

ue : conquist le Poictou, le Berry & Clermont en Auvergne, avec plusieurs autres villes. En laquelle rencontre Chilpingue & Amingue, l'un Comte d'Auvergne, & l'autre Comte de Poictou furent tuez. Apres cette victoire il passa d'Aquitaine en Biscaye, pour secourir les Biscains, qui estoient presque hors d'espoir, à cause des continuelles courses & ravages que faisoient les Sarrasins sur eux : mais aussi-tost qu'ils virent Charles le Grand, le prejudgé qu'ils firent de luy qu'il seroit leur libérateur, leur fist prendre un tel courage, qu'ils recouvrerent leur esperance perdue & défirent les Sarrazins. Ces exploits ainsi heureusement executez, il ne fut pas plûtôt appelé à la Royauté (qui fut l'an 769.) que la mesme année il ne fut contraint de dresser une forte & puissante armée, pour aller contre Hunault Comte de Provence, qui ayant recüeilly le reste de l'armée de Vvoifer, lequel Pepin avoit fait pendre & étrangler, avoit avec peu de résistance usurpé le Duché d'Aquitaine. En cette guerre il fut tellement heureux, que les Xaintongeois, Poitevins & Angoumois ayans refusé de prendre les armes pour Hunault con-

42 *Histoire des ſçavans Hommes,*  
tre leur Roy, il contraignit de prendre  
la fuite, & de ſe ſauver pour toute re-  
traite vers le Duc Loup en Gaſcogne, le-  
quel encore qu'il ne tint le party de  
Charles, mais le ſentant ſi près de ſes  
limites avec ſon armée, livra au Roy ledit  
Hunault, ſa femme & ſes enfans, qui fu-  
rent amenez priſonniers en France : &  
par ce moyen le Roy receut le Duc Loup  
à mercy, & ceſſa la guerre d'Aquitaine.  
Au meſme temps, ſçavoir l'an 770. le  
Roy fiſt bâtir Fronſſac, qui vaut autant  
à dire comme *Frons Sarracenorum*, qui  
eſt encore de preſent une forte Place ſur  
la riviere de Dordonne, près Liborne  
en Bourdelois, pour eſtre frontiere con-  
tre les Sarrazins, qui habitoient alors  
au-delà du fleuve de Gironde & Dor-  
donne. L'année ſuivante toute la Mo-  
narchie du Royaume de France luy re-  
vint par la mort de ſon frere Carloman,  
dont la veuve accompagnée d'un Gen-  
til-homme François, fort brave & de  
grande authorité, nommé Anthar ou  
Antoine, ſe retira avec ſes enfans vers le  
Duc de Baviere Taſſilon, d'où depuis  
elle ſe transporta vers Diſier Roy des  
Lombards; dont Charles fut fort indi-  
gné, & pour cette cauſe repudia Her-

mingarde fille de Disier. D'autres écri-  
vent qu'elle avoit nom Theodora, &  
qu'elle n'estoit point sa fille, mais sa  
sœur, qu'il avoit épousée l'année aupa-  
ravant par le commandement de Ber-  
the sa mere, encore que Paul Æmile rap-  
porte la cause de l'inimitié de ces deux  
Princes à la repudiation d'Hermingar-  
de. Qui fut cause de plusieurs guerres  
entre ces Royaumes, & enfin de la sub-  
version de celui des Lombards. La sour-  
ce en proceda de ce que Disier se mesloit  
du partage du Royaume de France, &  
qu'il nourrissoit une partialité entre  
Charles & les enfans de feu Carloman  
ses neveux, dont il vouloit estre le seul  
arbitre. Et ce qui irrita davantage le  
Roy Charles, fut que Disier avoit reti-  
ré Hunault son ancien ennemy, lequel  
ayant receu congé de luy pour aller à  
Rome sous ombre de pelerinage, s'alla  
ranger avec Disier, qui l'ayant fait Ge-  
neral de son armée, luy avoit donné la  
garde des détroits des Alpes. Nonob-  
stant Charles estant appelé au secours  
du Pape, les traversa, & eut de cruelles  
& sanglantes batailles contre les Lom-  
bards, tant en Piedmont qu'au lieu ap-  
pellé Meurtry, esquelles il fut si vail-

44 *Histoire des ſçavans Hommes,*  
lammement combatu, qu'enfin Diſier fut  
contraint de ſe retirer dans Pavie, où il  
ſe deffendit ſi courageuſement avec les  
Lombards, que les François demeure-  
rent ſix mois à ce ſiege : dont Diſier en-  
nuyé, outre la contagion qui diminuoit  
fort ſes forces, fut contraint de ſe rendre  
à la mercy de Charles, lequel depuis  
l'envoya avec ſa femme & ſes enfans en  
exil au Liege. Et ainſi en l'an 773. prit  
fin en Italie le Royaume des Lombards,  
qui avoit duré 224. ans, ou 213. ou 205.  
car en cecy les Ecrivains & Historiogra-  
phes ne s'accordent pas, apres que Di-  
ſier y eut regné 18. ans. L'an 781. Char-  
les fiſt couronner Roy de ce Royaume  
de Lombardie Pepin ſon fils puiſné, qu'il  
avoit eu de Hildegarde fille de Hille-  
prand Duc de Sueve : donc l'étendue du  
conſentement de l'Empereur fut arref-  
tée par ce qui ſe tient entre l'Apenin, les  
Alpes, le Lac de Garde & le fleuve  
Mincio : ou bien ſelon les vieux Chro-  
niqueurs Lombards, parce que les fleu-  
ves d'Adige, du Pau & du Rhin Bolo-  
nois ſeparent le reſte de l'Italie. Apres  
la mort de Pepin, qui fut l'an 811. le 8.  
de Juillet, Charles donna le Royaume  
de Lombardie à Bernard ſon petit-fils.

dudit Pepin l'an 813. auquel il donna pour Gouverneur un nommé Vvalic, homme sage & fort experimenté, qui estoit fils de Bernard son oncle, qu'il avoit laissé au siege devant Pavie, lors qu'il fit son premier voyage à Rome. Il commanda au jeune Roy & à son Gouverneur de repousser les Barbares, qui avec une armée de mer brûloient toute la côte d'Italie. Ce que peu apres fist Herman-gare Comte d'Empus : car s'estant mis en embuscade aupres de Maillorque, il surprit les Sarrafins qui retournoient de Sardaigne en Espagne, leurs navires toutes pleines de butin, il en prit la plupart, & recouvra outre le grand butin qu'il y trouva, plus de cinq cens prisonniers Sardes, que ces Barbares emmenotent. Durant le reste du temps du regne de Charles, la France eut plusieurs guerres, auxquelles par sa vertu il sceut donner si bon ordre, qu'elles passerent sans endommager que bien'peu le Royaume. Enquoy la magnanimité de ce Prince est fort recommandable, spécialement pour avoir, par maniere de dire, dompté ses ennemis sans que son peuple s'en soit ressenty, & entr'autres les Saxons, auxquels il a si souvent fait la

46 *Histoire des ſçavans Hommes.*

guerre que par onze fois il les a défaits. Et neantmoins ne les a jamais pû reduire ſujets à ſon Prince, ſoit que par douceur il ait eſſayé à les gagner, ou qu'il n'y tâche par ſupplices à reprimer la felonnie des ſeditieux; ou que par efforts de la guerre il ſe ſoit efforcé de contrecarrer leur perfidie & revolte, juſques à ce qu'ennuyé de leur impiété & de l'effuſion de leur ſang, qu'il avoit continué par l'eſpace de trente-trois ans, il aima beaucoup mieux les transporter en France avec leurs femmes & enfans, afin qu'ayans changé de demeure, & humé le doux & benin air des François, ils fuſſent plus arreſtez à l'obeiſſance de leur Prince qu'ils n'eſtoient: & leur donna pour habiter le long de la côte de la grand Mer, commandant à Lideric Comte d'Harlebec, grand Foreſtier & Admiral du païs, de les y tenir en ſeureté. C'eſt le païs que nous appellons Flandres & Brabant: d'où eſt venu que les habitans retiennent encore à peu près le langage Saxon. Et afin que leurs premières habitations ne demeuraſſent vagues, on y envoya les Abrodites, l'an après la Nativité de Nôtre-Seigneur 805. Or tous ceux qui entendoient re-

citer les heureuses victoires de Charles, & ses rencontres, ne pouvoient assez l'admirer. Quelques-uns en estoient tellement surpris de frayeur, qu'ils se rendoient entre ses mains afin qu'il les conservât en sa protection, & les garentit des incursions des ennemis. Entr'autres une partie des Espagnes, qui avoit les Sarrafins en queue, ne sçachant à quel Saint se vouër, pour éviter l'orage de leur inhumanité, ne sçurent à qui recourir, sinon à Charles, dont la puissance estoit redoutée par tout le monde, & qui déjà avoit fait preuve de sa magnimité contre ces Infideles, au secours qu'il fit aux Biscains, n'estant pas encore Roy, l'an 758. Apres plusieurs remonstrances, Charles fit marcher son armée pour combattre les Sarrafins, où les François se monstrent si vaillans, qu'il se rendit maistre de Pampelune, qu'ils saccagerent, & y trouverent une infinité de richesses,, que ces Sarrafins avoient pillées presque par tout le monde; on en fit raser les murailles, pour donner crainte aux autres. Qui fut cause que Sarragoce n'endura que bien peu de temps le siege, mais se rendit au Roy Charles, qui y fit reconnoître Ibnabal,

48 *Histoire des sçavans Hommes,*  
Roy, lequel en avoit esté chassé par  
Abutaure & Denisfuzé, lesquels es-  
branlez de cette victoire, se retirèrent  
pardevers Charles avec presens, & se  
rendirent ses tributaires. Il fit une si rude  
guerre en ces quartiers là, que toute  
l'Espagne trembla sous le nom de Char-  
les, & diminua de beaucoup la puissan-  
ce des Sarrazins, qui n'avoient aupara-  
vant luy, pû estre domptez. Et pour cet-  
te cause Adelphonse II. du nom, Roy  
d'Asture & de Galice, surnommé le  
Chaste, apres avoir obtenu une signalée  
victoire sur les Sarrazins, & avoir défait  
soixante & dix mille, envoya des Am-  
bassadeurs vers Charles, chargez du bu-  
tin des ennemis, reconnoissant tenir de  
luy cette victoire. Du reste de ces dé-  
pouilles il fit bastir deux Monasteres,  
sçavoir Ouentenese & Esturiese. Mais  
dautant que les Infideles relevoient tou-  
jours leurs cornes contre les Espagnols,  
Charles y envoya Adamare Comte de  
Genes, Hermangare Comte d'Empus, &  
le Conestable Bouchard, sous la condui-  
te desquels il fit de fort belles prises sur  
les ennemis. Il a fait une seule perte  
memorable durant son regne, à la jour-  
née de Roncevaux, par la trahison de  
Ganes,

Ganes, qui gagné par les grands presens des Rois Marfillon & Balligant, livra entre leurs mains Roland & Olivier avec la fleur & élite de la noblesse de France, qu'ils mirent au fil de l'épée. Dont Charles poursuivit la vengeance e telle, que près le fleuve Ebra proche Sarragoce, il défit 30000. Sarrafins, où de sa main mesme il tua le Roy Balligant, & depuis fit prendre Pinabel neveu de Ganes, parce qu'il avoit esté complice de la trahison. Quant à Ganes il fut jugé par Naimes de Bavières, Oger & les Nobles de France à estre demembré & tiré à quatre chevaux près de Laon. Il est bien vray que le bagage de Charles, au retour du voyage d'Espagne en l'an 79. fut presque pillé, mais ce ne fut pas par les Sarrafins, mais par quelques Gascons, qui se fâchoient de ce qu'on estoit en leur pais plus long-temps qu'ils ne desiroient. Ces bandouïllers sçavoient si bien les adresses du pais, qu'il estoit impossible de les prendre, & ils exerçoient si adroitement leur pillerie, que les principaux de l'armée ne se doutoient que d'Ibnabal : & ce blâme eut demeuré sur ce pauvre Prince, si on n'eût décou-

50 *Histoire des ſcavans Hommes,*  
vert la bande de ces voleurs, qui au  
meſme temps s'éleverent ſous un nom-  
mé Burgand, duquel eſt fait mention  
en un Concile aſſemblé à Thionville,  
& en une Epître du Pape Nicolas à  
l'Archeveſque de Bordeaux, leſquels  
ruynoient & pilloient les Eglifeſ. En  
horreur & deteſtation de ce malheu-  
reux, tous les deteſtables voleurs & ſa-  
crileges ont eſté depuis appelez bri-  
gands. Charles le Grand avoit bien en-  
vie d'exterminer ces voleurs, mais la  
guerre des Saxons, qui ſe revolterent  
contre luy l'an 780. l'empeschâ de le  
faire. Et dautant que cy-deſſus nous  
avons déjà parlé de la rebellion & châ-  
timent des Saxons, les laiſſans nous  
retournerons vers les Bretons, qui l'an  
786. vouloient auſſi faire des mauvais,  
& ne vouloient obeir à ſes commande-  
mens, deſavouans tenir leur ſeigneu-  
rie de la Couronne de France; mais ils  
furent domptez : & à cette occaſion  
Charles y envoya une puiffante armée  
ſous la conduite d'Adulphe, l'un de ſes  
Senéchaux, lequel abbaiſſa tellement  
leur orgueil & preſomption, qu'ils fu-  
rent contraints de venir à mercy faire  
joug. Taſſilon pareillement Duc de

Baviere fut subjugué par Charles, lequel par le conseil de sa femme, fille du Roy Disier, pour se vanger de ce que le Roy Charles avoit fait à ses pere & frere, s'estoit ligué avec les Huns, & pour ce dressa une armée à sa grande confusion, d'autant qu'aussi-tôt qu'il sentit que Charles estoit arrivé jusqu'à la riviere de Lech, qui divise la terre de Baviere & d'Allemagne, il fut contraint de s'humilier, quitter la partie, & donner pour ostage son fils Theodon, dont Charles ne fut pas content, mais voulut aussi avoir Tassilon, lequel avec son fils il rendit Moine l'an 788. Et ne luy semblant pas suffisant d'avoir purgé ce siecle de tels rebelles, il luy osta sa Duché de Baviere, en laquelle il ne mit plus de Ducs, mais la donna à des Comtes. N'estant besoin de s'arrester tant sur le recit des Nations, Peuples & Provinces subjuguées par ce puissant Monarque, puisque nos Historiens ne sçavent presque publier autre chose que les victoires par luy obtenues : Il estoit aussi tellement redouté par tout le monde, que ses plus grands ennemis estoient contraints malgré qu'ils en eussent de le caresser, s'allier

52 *Histoire des sçavans Hommes,*  
avec luy & le reconnoistre comme leur  
Superieur. De ce font foy les presens  
que luy envoya le Roy de Perse, qui se  
disoit Roy des Rois, ce qu'il faisoit  
plûtôt pour l'amuser à ronger cét os,  
que pour amitié qu'il luy portât. Et à  
dire la verité, non seulement les Grecs,  
mais aussi les Romains apprehendoient  
fort la puissancé d'un tel Roy, d'où est  
venu ce proverbe Grec. Τὸν φραγκὸν  
φίλον ἔχεις, γείτονα δὲν ἔχεις, qui est à dire.

*Sois toujours amy du François,  
Mais son voisin iamaïs ne sois.*

Le Seigneur de Huesel nommé Azé,  
envoya semblablement les clefs de sa  
ville à Charles. Abdelle fils du Roy  
Ibminangue vint de Mauritanie le  
trouver à Aix la Chapelle, avec force  
presens & une si grande humilité, qu'il  
monstroît assez combien il reputoit à  
grand honneur, s'il pouvoit s'insinuer  
en la bonne grace de ce'uy que Irene  
Imperatrice de Constantinople redou-  
toit tant, que pour luy oster l'envie  
d'entreprendre rien sur son Empire,  
elle luy envoya demander à Rome une  
de ses filles en mariage pour son fils

Constantin fils de Leon Empereur de Constantinople. Qui estoit, ce semble, un grand honneur fait à Charles, lequel neantmoins l'éconduisit de sa demande, dont elle fut tellement indignée, que par dépit elle voulut décharger sa colere sur les Comtes de Spolete & Benevent où elle perdit beaucoup de gens. Les Ambassadeurs aussi d'Abraham, Roy de Barbarie vindrent vers Charles avec d'autres rares & magnifiques presens : de sorte qu'il sembloit que tous les Rois du monde cherchassent à l'envy l'un de l'autre l'amitié de ce Monarque François. Et pour conclusion il suffira d'ajouter icy l'alliance qu'Acacine 65. Roy des Escossois fit avec luy l'an 804. laquelle les Escossois ont toujours depuis gardée & observée, & ont leurs Rois pris en leurs armes un double trait de gueule avec des Fleurs de lys à l'entour de leur escusson, pour monstrier que l'alliance des François leur a beaucoup servy à la protection de leur Royaume. Consideration principale qui a fait que j'ay parlé de cette alliance, avant que j'aye entamé le discours des belles actions de nostre Charles depuis qu'il fut Em-

54 *Histoire des sçavans Hommes,*  
pereur, afin que chacun sçache que cet-  
te alliance d'Escoffe a esté faite avec  
Charles n'estant encore que Roy de  
France. Doneques apres une infinité  
de victoires, Charles fut premierement  
déclaré Patrice de Rome par le Pape  
Adrian, l'an 773. qui estoit un degré  
pour monter quelquefois à l'Empire,  
tout ainsi que la Connestablie & Prin-  
cipauté des François avoient poussé ses  
predecesseurs à la Couronne; & finale-  
ment parvint à l'Empire des Romains  
le 25. jour de Decembre l'an 801. de  
nostre salut, & de son regne le 33. qui  
estoit le jour de la celebration de la  
Naissance du Sauveur du monde, du-  
rant la solemnité de laquelle le Pape  
Leon proclama Charles Empereur  
des Romains, du consentement des  
Princes, qui de toutes parts s'estoient  
assemblez à Rome pour voir ce grand  
Roy: puis il luy mit la Couronne sur la  
teste, d'où est venu que les Empereurs  
ont esté depuis ce temps jusques à ce  
jourd huy sacrez, oints & couronnez  
par le Pape de Rome. Lors tout le peu-  
ple s'écria d'une commune voix: Heur,  
longue vie & victoire à Charles Augu-  
ste divinement couronné, grand &

pacifique Empereur. Il y a quelque'Auteurs qui ont voulu subtiliser sur une telle creation nouvelle, allegorisant sur la comparaïson qu'ils font du Redempteur du monde à Charles le Grand, parce qu'à semblable jour que nâquit le Sauveur des hommes, Charles fut installé au Siege Imperial, comme par presage de la restauration de l'Empire Romain qui survivoit en sa personne, d'autant qu'ayant esté transporté en Grece il estoit tombé és mains de personnes qui n'estoient de race Imperiale. De mesme ils philosophèrent sur le jour, auquel Charles fut nommé Empereur. Mais quant à moy je ne voy point qu'il y ait grand fondement, si seulement on veut prendre garde à nostre nouvelle reformation de Kalendrier, qui tout d'un coup étourdit telles formalitez : lesquelles je laisseray pour retourner à nostre nouveau Empereur, qui toujours continua ses glorieux & heroïques exploits d'armes, du recit desquels je me déporteray, de peur d'estre trop long : & aussi en ce que j'estime avoir cy-devant amplement parlé de ses guerrieres rencontres, victoires & actions, pour le rendre admirable à

16 *Histoire des sçavans Hommes,*  
chacun. Maintenant donc il ne sera  
pas hors de propos de monstrier, que le  
bruit des armes n'a point banny ce  
magnanime Prince de la pieté & amour  
des lettres. Quant à la pieté il ne se  
pouvoit faire qu'il ne fût grandement  
affectonné au Christianisme, estant  
descendu d'un pere qui avoit eu cet  
honneur d'avoir le premier des Rois  
de France porté le nom de Tres-Chre-  
stien. Pour preuve de quoy je produi-  
ray la descente qu'il fit en Italie, pour  
repousser Didier Roy des Lombards,  
qui s'estoit bandé contre le Pape, &  
fait donner l'an 774. en plein Concile  
de cent & treize Prelats, le droit d'éli-  
re le Pape, les Archevesques & Evê-  
ques de toute la Chrestienté. A ce pro-  
pos aussi pourrois-je mettre en compte  
les liberalitez de Charles le Grand en-  
vers les Eglises de Rome, en la confir-  
mation qu'il fit des dons que Pepin  
avoit faits à l'Eglise, outre ceux que luy  
mesme fit au siege Romain & la remise  
de l'Exarchat de Ravenne, lequel il  
voulut d'oresnavant estre de l'obeis-  
sance du Pape: & la donation que quel-  
ques-uns écrivent avoir esté faite par  
luy de l'Isle de Corse, & de tout ce qui

se contient de la Ligurie , depuis les vieilles ruines de la ville de Luna jusqu'aux Alpes. Toutes ces actions, toutes grandes & remarquables qu'elles soient, ne me semblent neantmoins pas estre les principaux témoignages de sa pieté ; & pour cette cause j'en feray seulement mention de trois autres, qui justifieront de sa preud'homme & sainte vie. Le premier est l'institution qui estoit en sa maison , qui estoit telle , qu'en la Cour d'un tel Prince les débordemens & dissolutions courtisannes ne se voyoient point : car au lieu de bouffons & tels enjoeurs , desquels la pluspart des Grands se servent pour leur servir de fols , afin que durant le repas , ils repaissent leurs oreilles de quelque recreation , il avoit un homme qui luy faisoit lecture de l'Ecriture Sainte, des Histoires, & principalement des Livres de S. Augustin de la Cité de Dieu , qui luy estoient tellement agreables , qu'il ne pouvoit se rassasier de les voir lire & écouter. Et c'est un Patron , auquel tous les Princes qui veulent parvenir au sommet d'honneur , doivent regler, & chasser ces causeurs, qui pour la pluspart empuantissent les

38 *Histoire des ſçavans Hommes,*  
Cours des Rois & Monarques, de lu-  
bricitez, corruptions, & d'une infinité  
d'autres meſchancetez. Le ſecond con-  
cerne la charité qu'il exerçoit à l'en-  
droit des pauvres, qui eſtoit telle, que  
juſques en Egypte, Hieruſalem, Afri-  
que & Syrie il envoyoit de grandes  
ſommes de deniers pour donner aux  
pauvres Chreſtiens qui vivoient en ſer-  
vitude ſous les Sarraſins. En France &  
Allemagne il a fondé pluſieurs Hoſpi-  
taux, & deſtiné des deniers, qui ſont  
voiez à la nourriture & ſuſtentation  
des pauvres. A ſa ſuite il avoit toujourns  
douze pauvres leſquels vivoient à ſa  
dépenſe; mais depuis que le Roy Ay-  
goland luy reprocha qu'ils n'eſtoient ſi  
bien traitez que ſes ſerviteurs, ils fu-  
rent plus honorablement traitez. Pour  
le troiſième, nous representerons ſes  
magnificences envers les Eglifes, leſ-  
quelles ſeroient par trop longues à rap-  
porter par le menu. Aux Eglifes de  
Mayence, Straſbourg, Cologne, Tre-  
ves & autres, tant d'Allemagne que de  
la France, il a octroyé pluſieurs privi-  
leges, & donné de grands biens & re-  
venus. Il erigea en Allemagne plu-  
ſieurs Eglifes Cathedrales, comme en

France, & beaucoup d'Abbayes, dont le nombre est presque infiny. Tout ce que dessus pouvoit assez suffire pour eterniser la memoire de ce Prince, qui pour encore mieux l'immortaliser, dressa quatre fort belles Universitez, l'une à Padouë l'an 81. apres qu'il eut chassé Difier de Lombardie. Je sçay bien qu'il y en a qui veulent attribuer son institution à Frideric II. mais ils s'abusent par trop. Il envoya à Pavie l'an 792. Jean Mailros Escossois, compagnon de Jean Duns & d'Alcuin Precepteur de Charles, qui fut un de ces deux Moines, qui croient par Paris, qu'ils avoient de la science à vendre, & ne demandoient que leur vie & habits. Il luy donna l'Abbaye de S. Augustin près Pavie, afin qu'il commençât à planter en cette contrée la science, & là il finit ses jours. Quant à l'Université de Boulogne, certains luy en veulent dérober l'institution, pour la transporter à l'Empereur Theodose; mais ils sont bien empeschez de designer duquel c'est qu'ils entendent parler. De celle de Paris, c'est sans doute qu'il en a esté le premier Fondateur à la sollicitation de son Precepteur Alcuin,

60 *Histoire des ſcavans Hommes,*  
non pas que je veuille dire qu'il n'y  
eût des ſciēces en cette ville; mais elles  
eſtoient expliquées avec une ſi groſſie-  
re ignorance, que c'eſtoit plus au deſ-  
honneur des bonnes lettres qu'à leur  
recommandation. Et par ce moyen il  
fraya le chemin à ſes ſuccesſeurs, pour  
parachever une ſi heureuſe entrepriſe.  
Je ne m'arreſteray point icy ſur les  
louanges de cette Univerſité, pour la  
briefveté de ce diſcours que je pretends  
faire. Nôtre Charles n'eſtoit pas de ces  
grands entrepreneurs, qui diſent beau-  
coup, & ne veulent (comme l'on dit)  
mettre la main à la beſogne. Il ne repu-  
toit pas à deſhonneur de faire appren-  
dre ſes filles à manier l'aiguille, filer &  
exercer le meſtier de la meſnagere Pal-  
las. Il faiſoit inſtruire ſes fils aux bonnes  
ſciences & Arts liberaux. Et neant-  
moins aujourd'huy on voit certains  
bouffons, qui veulent diſpenſer & em-  
peſcher les Princes de s'adonner aux  
lettres & ſciences contemplatives, par  
ce (diſent-ils) que cela leur trouble-  
roit le cerveau. Mais où ces pauvres  
gens ont-ils les yeux? virent-ils jamais  
Prince de plus grande execution que  
nôtre Charles, qui neantmoins eſt fort

studieux, & encore plus eloquent? Aussi eut-il pour Precepteur en Grammaire Pierre de Pise, & aux autres Sciences l'Anglois Alcuin, duquel il fut instruit en l'Art de Rhetorique, Dialectique & Astrologie. Il commença une Grammaire du vulgaire Theutonique, & corrigea plusieurs fautes barbares & corrompues, esquelles estoient contenus les plus loüables faicts des anciens Rois & vaillans Capitaines, & les fit apprendre à ses sujets. Pour le gouvernement de la Republique il établit de fort belles Loix & Ordonnances, desquelles Ansegise Abbé de Lobe, & depuis Archevesque de Sens, fit quatre Livres. Il avoit aussi bien deliberé de changer le Droit & les anciennes Coutumes des François; mais crainte de sedition qu'un tel changement pourroit apporter, il quitta son dessein sans passer outre. Ce fut luy (comme Paul Æmile & Gaguin écrivent) qui le premier institua les douze Pairs en France, l'an 812. à sçavoir l'Archevesque de Reims, l'Évesque de Laon & l'Evesque de Langres, & ces trois sont Ducs. Les Evesques de Chaalons, Noyon & Beauvais, & ces trois sont Comtes. Les au-

62 *Histoire des ſçavans Hommes,*  
tres ſix ſont ſeculiers, à ſçavoir les Ducs  
de Bourgogne, de Normandie & de  
Guyenne : les Comtes de Flandres, de  
Thoulouſe & de Champagne. Toute-  
fois il y a eu beaucoup de changemens,  
& il n'eſt pas croyable qu'il ait inſtitué  
ces pairs, comme j'ay déjà remarqué  
en ma *Cosmographie*. Tant plus je  
poursuis ce diſcours, & plus je trouve  
de matiere, avec une telle quantité,  
que ſi je voulois écrire tout ce qui s'of-  
fre, je pourrois faire pluſieurs Tomes,  
ſans toutefois dire des choſes qui n'ayēt  
eſté dites, faites ou entrepriſes par no-  
ſtre Empereur. Lequel l'Autheur du  
Roman des neuf preux nous veut faire  
croire avoir eſté en Ieruſalem. Ce qui  
eſt cōtre la verité, car dans le cartel des  
princes Chreſtiens qui ont eſté en la ter-  
re Sainte, il n'eſt fait aucune mention  
de luy, & dans pluſieurs autres Histo-  
riographes ce voyage eſt paſſé ſous ſi-  
lence. Ce qu'ils n'eufſēt pas oublié, s'il  
eût obtenu de telles & de ſi avantageu-  
ſes victoires contre les Infidelles, cōme  
il les raporte. Et pour cette cauſe quel-  
ques-uns ont pris la hardieſſe de forger  
une infinité de fables & des plus gran-  
des fandaiſes, qu'il eſt poſſible de pen-

ser, & d'autres de controller les faits & actions de cet Empereur, le blâmant de mauvaise vie, cruauté & déloyauté. Ils fondent leur calomnie sur deux points. Le premier est, qu'il a esté fort ambitieux. L'autre, que l'année de son entrée à l'Empire & à sa mort, plusieurs horribles signes & prodiges furent veus; mais voyons si cette tache pourra aucunement effacer l'honneur qui est deu à ce vaillant & indompté Empereur. Pour preuve de son ambition ils font bouclier principalement de deux de ses actions. La premiere est de l'entreprise, non pas du pont de bois qu'il fit bâtir à Mayence sur le Rhin, mais du Canal qu'il avoit fait rechercher pour naviger du Rhin au Danube. Que tel dessein ne soit bien merveilleux, je n'en feray aucune difficulté, mais que de là on puisse tirer argument pour mépriser nôtre Charles, il n'y auroit point de raison. Au contraire il doit estre recommandé d'avoir cherché la plus belle commodité qu'il est possible de penser pour la navigation, au contentement de tous ses sujets. Encore moins d'apparence y a-il à ce qu'ils disent, qu'en l'année 802. il commença de prendre

64 *Histoire des ſçavans Hommes,*  
pour blason des Armoiries Imperiales  
l'Aigle à deux testes, d'où ces control-  
leurs inferent qu'il le faisoit par pre-  
sompction, superbe & envie qu'il avoit  
d'attraper sous les griffes de l'Aigle les  
deux Empires. Je le pourrois en un mot  
justifier de cette calomnie, par l'imita-  
tion des autres Empereurs & succes-  
seurs, qui ont tous commandé jusques  
aujourd'huy sous ces mesmes blasons,  
pour monstrier que l'Aigle doit regar-  
der & cōmander tant à l'Eglise Orien-  
tale qu'Occidentale. Mais pour mieux  
rembarrer ces imposteurs, j'ameneray  
en jeu l'accord que Charles fist l'an  
802. avec les Ambassadeurs de Nice-  
phore, Empereur de Grece, par lequel  
ils promettoient n'empieter rien l'un sur  
l'autre, & qu'ils seroient tous deux ap-  
pellez Augustes. Qui fut la seule cause  
que Charles ne voulut entreprendre  
aucune chose sur l'estat des Grecs. Si  
son ambition eût esté telle, comme la  
publient ces ennemis, outre les moyens  
que luy avoit ouvert le prince de Zara,  
n'avoit-il pas un fort beau pretexte de  
le faire, à cause de la guerre que Ire-  
ne mere de l'Empereur Constantin  
avoit excitée contre ses allies: Et d'ail-

leurs s'il eût voulu prendre à femme cette Imperatrice, qui luy en avoit fait porter la parole l'an 802. n'eût-il pas pû se rendre Seigneur & Maître des deux Empires, sans se brider par ce partage fait avec Nicephore? Voila quant au premier. Quant à l'autre chef qui concerne les prodiges qui advindrent à son advenement à la dignité Imperiale, je n'estime point qu'on en puisse tirer un bon & assuré jugement, autrement il faudroit avoir eu quelque revelation d'enhaut qui eût découvert tels signes, & à quelle fin Dieu les auroit envoyez. Des autres qui advindrent à sa mort, je m'en rapporte à ce qui en est, parce que ce n'est pas un article de foy, à sçavoir que Turpin Archevesque de Reims estant à Vienne, une infinité de Diables s'apparurent à luy comme il commençoit son psautier, lesquels il adjura & leur commanda de s'arrester, ce qu'ils firent, & lors il leur demanda où ils alloient, & l'un d'eux répondit qu'ils alloient à Aix en Allemagne à la mort de l'Empereur Charles. Et que lors Turpin les adjura & leur commanda qu'ils passassent à leur retour par-devers luy. Et avant qu'il eût parachevé

66 *Histoire des ſçavans Hommes,*  
ſon pſautier, ces diables retournerent  
tous tristes, auxquels il demanda ce qui  
eſtoit arriué, & qu'ils répondirent ainſi.  
L'Empereur ſelon ſes merites eſtoit à  
nous, mais il eſt venu un Galicien ſans  
teſte, qui a tant mis de bois & de  
pierres en la balance, que les vices  
que nous mettons contre ne peſent  
rien. Cecy eſt recité par Nicolas Gilles,  
& a eſté écrit par Turpin & autres,  
qui par ce moyen ont donné occaſion à  
ceux qui n'eſtoient pas trop affection-  
nez aux merites des Saints, de penſer  
que tout ce qu'on recite de leurs mira-  
cles eſt faux & controuvé Si ces diſ-  
cours ſont veritables, trouvera-on oc-  
caſion de blâmer Charles ? Tout au-  
tant à mon advis que ce qui eſt écrit de  
Guillaume l'Allemand deuxiême Com-  
te de Maſcon, lequel au rapport de  
Pierre Abbé de Cluny au ſecond livre  
de ſes Epiſtres, fut emporté par le dia-  
ble, parce qu'il uſurpoit le bien du  
Clergé. Et touteſois j'ay leu en quel-  
ques Autheurs que cette charité luy  
fut preſtée par ceux qui vouloient luy  
diſputer le dixme de Priſſé, Davayé,  
Chivignes & S. Sorlin ( duquel on peut  
par cōmunes années tirer vaillant plus

de deux mil écus ) & que pour decider tout d'un coup l'affaire , il fut tué au retour de sa maison de Saint Sorlin par quelques garnemens, qui l'attendoient de pied ferme aux Roches de Solutré. Que pour éblouir un tel assassin , on fit courir par le país un bruit apres sa mort , que son corps fut emporté par un diable , parce que quelque temps apres il fut veu sur la ville de Mascon un fantosme , lequel on disoit estre le Comte de Mascon , & qu'estant échappé des griffes du diable , qui ne le pût emporter, parce qu'il sentit du pain benît qu'il avoit au ply de son chapeau, ( c'est que le charme du chassís ne pouvoit porter plus outre ) & tombé en la prairie , qui est par delà le pont de Mâcon , un homme à cheval habillé de noir se trouva là , qui l'emporta bien loin, ( à sçavoir au Pont de Velle , où le chassís fut brûlé. ) De maniere qu'il n'a point esté veu depuis. Cela fait, puis que l'Abbé Pierre estoit soupçonneux en cette cause, que je croy ce qu'il en raconte , estre chose plus supposée qu'autrement, dautant que les Auteurs ne sont d'accord si c'estoit le Bailly ou le Comte de Mâcon : & d'ailleurs que :

68 *Histoire des sçavans Hommes,*  
ceux qui se sentoient soupçonnez de  
luy avoir fait passer le pas, ont fait cou-  
rir le bruit que c'estoit le Comte de  
Châlons, de peur qu'on se deûtât qu'on  
eût rien voulu attenter sur la vie du  
Comte de Châlons, qui n'avoit rien à  
demeurer en ce quartier, où fut massacré  
ce pauvre Allemand, avec ceux qui par  
sa seule mort sont demeurez Seigneurs  
& Maistres du dixme contentieux, le-  
quel les hoirs du pauvre Comte n'ose-  
rent quereler, soit pour la crainte qu'ils  
avoient d'estre possédez par les diables  
des Roches de Solutré : soit pour l'im-  
pieté, infamie & execration qu'on im-  
posoit au pauvre assassiné, telles que  
quelques-uns des siens de dépit se reti-  
rerent du monde, comme on voit par  
un ancien Monument qui est en l'Ab-  
baye de Cluny. Peut-estre aussi que cét  
Abbé Pierre mal adverty, comme plu-  
sieurs autres de l'apparition des mau-  
vais Esprits, a mis par écrit cette pos-  
session épouvantable à bonne intention  
pour divertir les hommes de malfaire.  
Pour cela toutefois nous ne devons  
croire que Charles par ses crimes se  
soit laissé ainsi empestre dedans le lac  
de Sathan, comme semble représenter

ce qui a esté proposé par le sieur Gilles. Puis donc que toutes les médisances dont on a assailly ce grand & magnanime Empereur ne sont rien, je puis à bon droit maintenir qu'il a esté à juste occasion qualifié du titre de Grand, ayant esté celuy qui par sa bravoure, justice & dexterité fit monter la Couronne de France à son periode, & qui s'aquît une grandeur à laquelle aucun des autres Rois n'a pû atteindre, y ayant esté tiré par la main de son pere Pepin, & de Martel son ayeul. Et ainsi trouvat l'échelle dressée par ses devanciers, il luy fut aisé par l'agilité de son esprit & sō industrie de monter à cette grâdeur, qui fut redoutable à toute l'Europe. Il fit si bien, qu'apres avoir remis le Pape en sa dignité, il ramena l'Empire d'Orient en Occident, qui dès si longtemps en estoit sorty; & demeura Seigneur & Maistre paisible de la France, de Gascogne, Bretagne, Italie, Allemagne, de Hongrie, de Behoëme, de Sclavonie, de Baviere, de Saxe, de Dace, de Frise, de Liburnie, d'Istrie, de Dalmatie, & de la plus grand part d'Espagne. Apres telles victoires par luy obtenues, une fièvre pleuritique le saisit & l'em-

70 *Histoire des scavans Hommes,*  
porta le 8. de Janvier, l'an apres la Na-  
tivité de nostre Sauveur 814. de son  
âge 71. de son Regne 46. & de son Em-  
pire 13. & fut enterré à Aix la Chapel-  
le. Sur la lame de son tombeau, avec  
son portrait, est gravé cét Epitaphe :

SVB HOC CONDITORIO SITVM  
EST CORPVS CAROLI MAGNI,  
ATQVE ORTHODOXI IMPERATO-  
RIS, QVI REGNVM FRANCORVM  
NOBILITER AMPLIAVIT, ET PER  
ANNOS XLVII. FOELICITER TENVIT.  
DECESSIT SEPTVAGENARIVS, AN-  
NO DOMINI DCCCXIII. INDIC-  
TIONE VII. V. CALEND. FEBR.

C'est à dire.


*Sous ce tombeau gist le corps de Charles  
le Grand, & Catholique Empereur, qui  
augmenta vaillamment le Royaume des  
François, & le tint heureusement par l'es-  
pace de quarante-sept ans. Il mourut sep-  
tuagenaire, l'an de Grace huit cens quator-  
ze, Indiction septième, le cinquième des Ca-  
lendes de Fevrier.*

Il eut cinq femmes. La première,  
nommée Galiene, fut fille du Roy de  
Galastrie, de laquelle il n'eut aucune  
lignée. La seconde Hermingarde, fille

de Difier Roy de Lombardie, (ou bien sa sœur, selon quelques-uns nommée Theodora) laquelle en dédain de la veuve de Carloman & de ce Difier il repudia, ou bien pour une autre action. La troisiéme estoit fille de Hildebrand, Duc de Sueve, laquelle il aimoit fort, & qui luy engendra trois fils & autant de filles, à sçavoir, Charles, Pepin Roy d'Italie & Duc de Baviere, & Louïs surnommé le Debonnaire Roy d'Aquitaine, lequel il s'associa à l'Empire. Les trois filles furent Rothrude, à laquelle pretendoit Constantin. La seconde Berthe, & la troisiéme Gisele, qui jamais ne se voulut marier. Il prit sa quatriéme femme en Allemagne, nommée Fastrade. Et la dernière fut Luithgrande Alemande, issuë de la race des Sueves, de laquelle il n'eut aucuns enfans. Apres sa mort il s'accosta d'autres femmes, desquelles il eut plusieurs bâtards, & entr'autres Pepin, lequel il relegua dans un Monastere, parce qu'il avoit conspiré contre luy. Cét Empereur est fort estimé pour ses vertus, il estoit fort doux, humain & lent à prendre vengeance contre ceux qui luy avoient fait tort, comme il monstra


72 *Histoire des scavans Hommes,*  
quand il vid par sa fenestre Eginard à  
l'heure de minuit porté sur le dos de sa  
fille aînée, se contenta de le repren-  
dre en la presence de ses Seigneurs. Il  
y en a bien peu qui eussent voulu le qui-  
ter à si bon marché.







*SAINT LOUIS ROY  
DE FRANCE.*



# S. L O V I S.

## ROY DE FRANCE.

---

### CHAPITRE IV.



LES heureuses conquestes que fit Godefroy de Bouilló, & les autres Seigneurs croisez qui firent le voyage d'outremer, semblent m'avoir fait envie de proposer la vie de ce magnanime & tres-vertueux Roy Louïs IX. non pas que le sujet ne soit assez ample & spacieux pour s'ébatre, ou qu'il ne merite de tenir un des premiers rangs entre tous les hommes illustres : D'ailleurs l'Histoire de ses faits, dits & gestes estant assez ordinaire à ceux qui prennent plaisir d'entendre parler des gens de vertu, j'ay esté presque ébranlé de

74 *Histoire des sçavans Hommes,*  
le passer sous silence, & renvoyer le  
Lecteur aux Historiens, qui ont déduit  
au long ce qui est requis de sçavoir, des  
vertus de ce Prince, qui ont tellement  
abondé en luy, que sur tous autres Rois  
François il s'est trouvé honoré du titre  
de Saint. Toutefois puis que le fil de  
notre histoire nous a fait glisser en ce  
discours, je suis bien content, avant  
que de parler de ses belles actions au  
voyage d'outre-mer, de dire quelque  
chose de ses premiers exercices, & du  
gouvernement qu'il a tenu pour main-  
tenir la splendeur de son Royaume. Il  
estoit fils du Roy Louïs VIII. & de  
Blanche, fille du Roy de Castille, qui  
donnerent ordre de le faire instruire en  
toutes vertus & sciences, afin qu'estant  
appellé au gouvernement du Royau-  
me, il sceust bien & justement com-  
mander, suivant la trace de son pere,  
dont fut fait cét Eloge :

*Albinos domat hæreticos, dum Gallus &  
Anglus*

*Ad rapidi pugnant sinuosa fluenta Ga-  
rumna,*

*Hic fœlix regno, bellis, natòque fidèque.*

Que ce Loüis VIII. ne fut fort heureux en ses entreprises , & affectionné à la pieté , defense de la Religion Chrétiennne , & à l'illustration de son Royaume on ne le peut nier : & toutefois par sa mort il laissa son fils embrouillé en tant d'affaires , que si Dieu n'eût preveu à la miserable subversion dont il estoit menacé , sans doute qu'il ne pouvoit esperer qu'un remuëment de son Estat. A l'âge seulement de douze ans il demeura orphelin de son pere sous la charge & tutele de sa mere , à laquelle le deffunt avoit donné le gouvernement du Royaume , dès qu'il embrassa le voyage contre les Albigeois , & mesme par son testament il ordonna qu'apres son deceds le maniement des affaires de France & de ses enfans tombât entre les mains de sa femme , la declarant Regente , pour l'avoir connue femme sage , prudente & meure d'esprit. Cette sage Princesse , pour tenir le peuple mieux en bride , conduisit son fils à Reims , & le fit sacrer par l'Evesque de Soissons , le premier jour de Decembre , l'an de grace 1226. Mais la bonne Dame , quelque bien advisée qu'elle fust , ne peût prevenir les mal-

76 *Histoire des ſcavans Hommes,*  
heureuſes ſeditions des Albigeois &  
d'autres rebelles, qui refuſoient d'o-  
beïr à la Reyne Mere. Quant aux Al-  
bigeois, parce qu'ils avoient reçu quel-  
que mauvais traitement du Roy Louïs  
VIII. ils s'éleverent pour ſe maintenir  
en leur erreur, faiſans eſtat que la mi-  
norité du Roy leur appreſteroit matiere  
pour remettre au deſſus leur reſverie.  
Meſmes ils avoient pour chef Ray-  
mond Comte de Thoulouſe, qui toute-  
fois fut vaincu par le bon ordre qu'y  
donna la Reyne Regente, laquelle  
avoit commandé à Ymber de Beau-jeu,  
Gouverneur de Languedoc, de courir  
tout le païs de ce Comte: ce qu'il fit,  
prit Thoulouze, & le preſſa de ſi près,  
qu'il fut contraint de tomber d'accord  
& quitter les armes. Ce remuëment  
ne fut pas plûtôt appaiſé, que Philip-  
pes Comte de Boulogne, oncle du Roy,  
( mal-content de voir la Regence du  
Royaume entre les mains d'une femme  
Eſpagnole ) commença auſſi à remuer  
ménage, & eût ſans doute ébranlé le  
gouvernement, ſi la Reyne Regente ne  
luy eût mis en terre Ferrand Comte de  
Flandres, & Thibaut Comte de Cham-  
pagne, avec lequel elle avoit fait paix,

apres que par la mort de sa mere & de son oncle, il fut Roy de Navarre, qui dissipèrent les complots, apprests & machinations qu'il avoit dressé contre le Royaume. Apres ce trouble, Pierre de Dreux, Duc de Bretagne, & Robert Comte de Dreux son frere, se saisirent de quelques places, indignez allencontre de la Reyne Blanche, de ce qu'elle leur avoit fait refus de quelque terre du domaine du Roy. Toutefois par le moyen du Comte Thibaut, qui quittant leur party, avoit grandement affoibly la Ligue, apres plusieurs menées, & avoir esté fatiguez comme ils meritoient, Robert Comte de Dreux fut contraint de venir demander pardon au Roy, comme aussi par apres Pierre Duc de Bretagne, qui deslors reconnut tenir en foy & hommage du Royle Duché de Bretagne, & en fit serment de fidelité devant tous les Princes. Dont il fut grandement blâmé par les Bretons, qui l'appelloient le Duc de Mauclerc. Toutes ces guerres ne furent que contre ceux, auxquels comme leur Roy & Prince, il pouvoit donner la Loy : mais la revolte que fit Hugues Comte de la Marche, à la sollicitation

78 *Histoire des ſçavans Hommes,*  
d'Elifabeth ſa femme, fut beaucoup  
plus prejudiciable à ce Royaume. L'oc-  
caſion de ce trouble fut, qu'en l'année  
1241. en l'aſſemblée, que le Roy fit à  
Saumur, il fit ſon frere Alphonſe Che-  
valier, & traita du mariage entre luy  
& Ieanne, fille du Comte de Thoulou-  
ſe, & luy donna en appanage la Comté  
de Poictou, & les païs d'Auvergne &  
d'Albigeois, commandant à tous les  
Seigneurs du païs de luy faire homma-  
ge: entre lesquels eſtoit compris Hu-  
gues à cauſe de ſa Comté de la Marche.  
Lequel enflé de preſomption de ce qu'il  
appartenoit à Henry Roy d'Angleter-  
re, pour avoir épouſé Elifabeth fille ai-  
née du Roy Edoüard, & laiſſée de Hen-  
ry Comte de Richemont, & apres Roy  
d'Angleterre ſeptième du nom, fit refus  
de reconnoître Alphonſe pour ſon ſu-  
perieur, qui luy eſtoit, ce luy ſembloit  
inferieur. Dont le Roy fut fort marry,  
il delibera donc deſlors de faire obeïr  
par force Hugues. Ce qu'ayant décou-  
vert, il ſuſcita Henry Roy d'Angleter-  
re, pour venir en France. Pendant que  
tous ces appreſts ſe faiſoient, Elifabeth  
attira à ſa Ligue Geoffroy Comte de Lu-  
ſignan, & le fit bander contre le Roy.

lequel en l'an 1242. entra avec main armée dans les terres de Hugues Comte de la Marche, & prit Monstreuil, Borne & Fontenay, où estoit le Comte de Lusignan. Cette rusée Comtesse de la Marche, voyant que les forces de son mary n'estoient pas suffisantes pour résister à celles du Roy, delibera de le faire mourir par poison. Ce que n'ayant pû effectuer, elle pratiqua des assassins pour tuer secrettement le Roy: mais rien n'ayant reüssi selon ses desseins, elle en eut un tel regret, qu'elle se voulut tuer d'un coüteau, appercevant bien qu'à jamais le Roy leur seroit ennemy, puis que ceux qui avoient eu charge d'elle d'exécuter ses malheureuses entreprises, avoient esté pris, pendus & étranglez, & avoient confessé le fait. C'est merveilles que ce Prince ait esté si souvent menacé d'estre tué, que mesme l'année 1236. le Roy des Arsacides, qui demouroit és Provinces d'Antioche & de Damas, ait envoyé de ses meurtriers à gage pour le tuer, & toutefois Dieu l'en perserva miraculeusement, par les advertissemens mesme de ce Roy, qui luy envoya ses seconds Messagers, pour l'avertir qu'il se donnât de garde. Cette

mauvaise Comtesse au contraire continuant en sa maudite conspiration, envoya des Freres Mineurs en Angleterre, pour faire entendre au Roy qu'il meriteroit davantage de faire la guerre contre le Roy de France, que contre les Sarrafins. Ces supposts d'iniquité executerent si adroitement leur commission, qu'ils mirent tellement le feu au cœur des Anglois, qui n'estoient pas déjà trop bien affectionnez aux François, qu'incontinent ils mirent une armée en campagne, & s'embarquerent pour venir descendre en France, & se joindre avec le Comte de la Marche. Mais devant que les forces d'Angleterre fussent arrivées, Saint Louis alla mettre le siege devant Fontenay, qui apres un dur assaut, fut pris, la ville saccagée & toute rasée, excepté l'Eglise. Depuis estant adverty que l'Anglois avec le Comte de la Marche estoit au Xaintongeois, il tira vers Xaintes & Taillebourg, & fit faire un pont sur la riviere de Charente, pour faire passer son armée, parce que celuy qui y estoit de pierre, estoit trop étroit pour passer. Et quoy qu'Henry eut en sa compagnie les Comtes de Cornouaille, de Glocest-

tre, le Prince de Galles & plusieurs autres valeureux Chevaliers, toutefois quand il sceut que le Roy avoit passé la riviere avec grande force, il n'osa marcher vers luy pour combatre, mais se retira au grand galop vers Taillebourg, où il fut suivy avec une telle charge, qu'outre la défaite de son armée, il fut contraint de s'enfuir avec le Comte de la Marche, & se sauver au Château de Blaye sur Gironde, & Hugues, de donner le serment de fidelité & faire l'hommage à Alphonse, quoy qu'il luy fascha fort. Je laisseray plusieurs victoires par luy obtenues sur ceux qui l'avoient attaqué en son Royaume, par le moyen desquelles il se fit tellement redouter, qu'aucun n'osoit plus se rebeller contre luy, mais tous ses voisins luy cedoient, n'osans attenter sur luy ou sur ses alliez. Et entr'autres le Roy d'Arragon; qui estoit entré en Provence en l'an 1246. pour enlever Beatrix fille du Comte de Provence & sœur de Marguerite sa femme, aussi fille dudit Comte. Les nouvelles de cette décente ne furent plutôt apportées au Roy, qui retournoit de Cluny visiter le Pape Innocent IV. qui y faisoit pour lors sa residence, & y te-

82 *Histoire des sçavans Hommes,*  
noit le siege, estant chassé de Rome par  
l'Empereur Frederic, que soudain il ne  
luy mandast qu'il s'abstint de faire la  
guerre à sa sœur, autrement il seroit  
contraint de marcher contre luy. Cette  
denonciation servit de commandement  
au Roy d'Arragon, qui deslors cessa de  
faire la guerre en Provence. Depuis la  
Comtesse Beatrix se retira en France, &  
l'année suivante fut mariée le jour de la  
Pentecoste à Charles frere du Roy, qui  
luy donna en appanage le Comté d'An-  
jou. Et parce qu'il estoit beaucoup plus  
seant à un Prince Tres-Chrestien d'al-  
ler contre les Infideles, que s'acharner  
sur ses freres Chrestiens & sujets, il de-  
libera d'aller faire conqueste sur l'Infi-  
dele. A ce dessein l'aidoit fort le Pape  
Innocent IV. & chassé comme j'ay dit,  
qui estoit expressement venu à Cluny  
pour animer les Princes, Seigneurs &  
Gentils-hommes François de traverser  
jusques en la terre Sainte. Le Roy es-  
tant guery, fut trouver le Pape en l'Ab-  
baye de Cluny, où ils confererent en-  
semble, & ordonnerent des moyens  
qu'il falloit tenir pour l'accomplisse-  
ment de ce voyage d'outre-mer. L'an  
1248. le Roy s'embarqua avec une

*S. Louis Roy de France.* CHAP. IV. 83  
belle troupe de grands Seigneurs du  
Royaume, laissant le gouvernement à  
sa mere la Reyne Blanche & à Alphon-  
se son frere. Estant arriuez à Cypre, ils  
furent honorablement receus par Guy  
de Lusignan Roy de cette Isle. Oū pen-  
dant le sejour qu'il y fit il perdit Robert  
Evesque de Beauvais, Jean Comte de  
Montfort, le Comte de Vendosme, le  
Comte de Dreux, Archambaut Sei-  
gneur de Bourbon, Guillaume des Bar-  
res & plusieurs autres vaillans Cheva-  
liers, jusques au nombre de 240. qui  
moururent de peste qui se mit au camp  
du Roy. Cét accident apporta une gran-  
de fascherie au Roy, qui diminua  
neantmoins de beaucoup lors qu'il  
entendit que le Roy de Tartarie luy  
mandoit, qu'il s'estoit fait Chretien,  
& avoit grand desir de sa venuë, & en  
attendant il estoit deliberé de mettre  
le siege devant la ville de Bandans, où  
se tenoit le Pape de la Loy de Mahemet,  
qu'ils appellent Caliphe. De plus il luy  
offroit toute sa puissance, pour luy ai-  
der à conquerir la terre Sainte. Le Roy  
s'estant rafraischy quelque temps en  
Cypre, singla en mer, & prit la route  
d'Egypte avec tant de bon-heur, que

84 *Histoire des scavans Hommes,*  
quelque résistance que les Sarrazins sceussent faire, Damiette fut prise, dans laquelle les Infideles avoient mis le feu, pour oster au Roy le fruit de sa victoire. Cette ville est grâde & forte, côme j'ay veu plusieurs fois estant en Alexandrie, & laquelle Selim Empereur des Turcs, qui conquist l'Egypte l'an 1517. fist reparer & fortifier, comme je vous ay dit en ma Cosmographie. Apres cette conquête, le Roy poursuivant sa pointe, marcha contre Massere, où Melaxala fils du Sultan l'attendoit. Il y eut d'un costé & d'autre de fort furieuses rencontres. Mais ce qui affoiblit davantage l'armée Chrestienne, fut l'affiette du pais marescageux qui y causa une extrême peste & mortalité. De maniere que les Chrestiens furent contraints de lever le siege, tant à cause des maladies, dont ils estoient attenuez, que pour la faute de vivres. L'ennemy se servant de l'incommodité des Chrestiens, qui luy sembloit apprester la victoire, les ayant chargé les, dedit. Et le Roy S. Louys y fut pris par Melech Salem, & ses deux freres aussi, avec plusieurs autres Seigneurs & gens de guerre, en nombre de douze mil. Desquels Turcenia, ou selon

*S. Louis Roy de France.* CHAP. IV. 85  
d'autres Turquiman, ne relâcha que  
quatre mil, moyennant grande rançon  
qu'il fallut payer, la restitution de Da-  
miette qu'il fallut promettre, & au-  
tres conditions portées par l'accord de  
trêves pour deux ans fait avec eux.  
Après que le Roy fut delivré des mains  
des Infideles il se retira en Syrie avec  
peu de Soldats qui luy estoient restez,  
& renvoye ses freres Alphonse & Char-  
les en France vers la Reyne Blanche,  
pour l'asseurer de sa delivrance: mais  
la bonne Dame ne la fit pas longue, soit  
que le regret de la prison & misere où  
avoit esté reduite l'armée Chrétienne lui  
eut saisi le cœur, soit que son âge l'ap-  
pellast au sepulchre. Sa mort qui ad-  
vint en l'an 1252. rappella S. Louis  
au Royaume, qui estoit exposé à la  
mercy des tempestes & esmeutes de  
plusieurs, qui ne demandoient que re-  
nuëment. Et de fait s'éleverent en ce  
temps certains garnemens, qui sous pre-  
texte de la Croisade, & du secours  
qu'il falloit pour ravoir le Roy captif,  
firent des excez à Orleans & Bourges,  
si horribles, que ceux du pais furent  
contraints de prendre les armes contre  
de tels brigands, qui furent en peu de

86 *Histoire des ſçavans Hommes,*  
temps défaits, & Hongrie tué avec la  
pluspart de ſes gens, dont le reſte ſer-  
vit par apres à la reparation des gibets  
de la France. Partant le Roy delibera  
de ſ'en retourner, & pour le faire il  
amassa tous les prisonniers Chreſtiens  
qu'il pût racepter des griffes des Infide-  
les. Environ ce temps, qui fut l'an 1253.  
Robert de Sorbonne institua la Sorbon-  
ne à Paris, & donna des rentes pour  
l'entretienement des Bacheliers & nour-  
riture des Docteurs de la Faculté de  
Theologie. Je n'entreray point au re-  
cit de leurs loüanges, pour ne me pas  
éloigner de nostre Roy, lequel à son re-  
tour fit de fort belles ordonnances pour  
tenir le peuple en son devoir. Il chassa  
de la Cour les baſteleurs, farceurs &  
toutes autres manieres de gens de nulle  
valeur. Il defendit toutes brigues, me-  
nées & monopoles qu'on faisoit pour  
avoir les Offices, Dignitez & Benefices.  
Deffendit aussi à tous ſes Officiers de  
faire aucuns acquests és limites de leurs  
jurisdictions, ny qu'ils brigassent au-  
cuns mariages ou Benefices pour leurs  
enfants dedans ny dehors le ressort de  
leur jurisdiction. Chassa du Royaume  
tous les Banquiers étrangers, pour la

grande evacuation des deniers qu'ils faisoient, les transportans hors le Royaume. Ordonna de grosses peines contre les Blasphemateurs du nom de Dieu, deffendit tous les bordels & jeux hazardeux, permettant seulement ceux de l'arc & de l'arbaleste. Et encore qu'il eut souffert beaucoup de maux au premier voyage d'outre-mer, il voulut encore passer en Affrique pour defendre les Chrestiens, tout vieil, caduque, brisé & maladis qu'il estoit. De Marseille ou bien d'Aix en Provence il partit le premier jour de Mars 1270. avec ses trois enfans, apres avoir laissé le gouvernement du Royaume à Simon Comte de Nesle & à Mathieu de Vendosme Abbé de S. Denys. Estant sur mer il fut agité de grandes tempestes, tellement qu'à peine pût-il prendre terre en l'Isle de Sardaigne. Il prit Carthage la nouvelle, & non l'ancienne, comme j'ay dit dans ma Cosmographie, quelques saillies que fissent les Barbares. A la fin passant en Barbarie contre le Roy de Thunes, la peste se mit en son camp si forte, que Jean son fils y mourut, lequel estoit surnommé Tristean, à cause qu'il avoit esté né à Da-

88 *Histoire des ſçavans Hommes,*  
miette, lors que ſon pere eſtoit en Aſie  
au milieu de ſes plus grandes tritteſſes.  
Luyauſſi ne tarda pas long-temps apres:  
car une diſſenterie le ſaiſit ſi violem-  
ment, qu'il paſſa de cette vie en l'aut-  
re ſiecle l'an de Grace 1270. & de ſon  
regne le 43. le lendemain du jour Saint  
Barthelemy: & par le commandement  
de Philippes ſon fils, ſon corps fut porté  
à Saint Denys en France, & depuis ca-  
noniſé par le Pape Boniface VIII. pour  
la ſaincteté de vie, qui avoit eſté en luy,  
& le zele qu'il avoit eu à la deſenſe du  
Chriſtianisme; ces vers ont eſté com-  
poſez à ſon honneur.

*Rex diuus, diuus qui rex, qui gloria regum  
Et Diuum, ſacra bella gerit, qua principe  
Gallo,  
Et Rege, & Divo, & Ludovico principe di-  
gna.*

Par tout ce diſcours ie n'ay guere fait  
retentir que les guerres, batailles, trou-  
bles & remuëmens, qui ont accompa-  
gné le regne de ce bon Prince, je ne ſçay  
ſi on le doit plus admirer pour ſes heroi-  
ques actions, que pour le ménage qu'il  
luy a fallu tenir pour pouvoir fournir à  
tous ſes

*S. Louis Roy de France.* CHAP. IV. 89  
exploits. En quarante-quatre ans qu'il  
a regné, il a esté bien peu de temps qu'il  
n'ait eu en son païs armée sur les bras,  
& si outre cela il entreprit la guerre  
contre les Infideles, qui n'épuisa pas  
peu ses trefors, comme il sera aisé à  
verifier, si on veut dresser un estat des  
charges qui estoient necessaires pour  
une telle execution. Les Historiens  
rapportent qu'il y avoit un tel amas de  
vin & bleds en l'Isle de Chipre, qu'on  
eut dit à les voir, que c'estoit de gran-  
des & hautes montagnes. Aussi sans  
doute, falloit-il une grande provision  
pour entretenir dix-huit cens vaisseaux  
qui débarquerent avec luy de Mar-  
seille. De plus il luy fallut payer pour  
sa rançon huit mil Bizantins Sarrafins,  
qui pourroient valoir environ quatre  
cens mil livres, outre plusieurs deniers,  
qu'il luy fallût donner pour ceux qu'il  
rachepta des mains des Infideles. Et  
neantmoins je trouve qu'il a fondé plu-  
sieurs superbes & magnifiques Eglises,  
à sçavoir Reaumon, l'abbaye de Saint  
Antoine lez Paris, l'Hostel des Quinze-  
Vingts de Paris pour les trois cens Che-  
valiers aveuglez en la Terre Sainte par  
le Souldan du grand Caire, lesquels il

90 *Histoire des ſçavans Hommes,*  
luy avoit laiffé en oſtage : l'Eglife de  
Sainte Catherine du val des Eſcoliers,  
l'Hoſtel-Dieu près l'Eglife de Noſtre-  
Dame, l'Eglife des Beguines, des Blancs  
Manteaux, de Sainte Croix de la Bre-  
tonnerie, des Cordeliers, Chartreux,  
des Mathurins & pluſieurs autres, qui  
témoignent aſſez de quelle épargne eſ-  
toit ce Prince, qui pour quelque guerre  
qu'il fiſt, & pour telles fondations ne  
laiſſoit pas d'acquérir touſjours quelque  
piece au Royaume. Entr'autres l'an  
1239. au mois de Fevrier, Jean Comte  
de Maſcon & Alis ſa femme vendirent  
à touſjours au Roy & à ſes ſucceſſeurs la  
Comté de Maſconnois & ſes apparte-  
nances, moyennant dix mil livres,  
qu'ils receurent contant, & mil livres  
en revenu, à aſſeoir ſur la Normandie.  
Aux Venitiens leur donna grande ſom-  
me de deniers pour rachepter d'eux les  
Reliques qu'ils avoient de gage de Bau-  
doun Empereur de Conſtantinople, le-  
quel en fit transport au Roy l'an 1247.  
à la charge qu'il rembourſeroit les de-  
niers pour leſquels elles eſtoient aſſe-  
ctées aux Venitiens, deſquels il avoit  
eſté contraint d'emprunter de l'argent  
pour ſubvenir aux affaires de l'Empire,

ainsi qu'on peut recueillir d'un tableau qui est en la sainte Chapelle de Paris, qui a esté fondée par ce Roy, pour y mettre ces Reliques dégagées. Si c'étoit la seule qu'il eut fondé, j'eusse esté bien content de particulariser les singularitez d'un tel edifice, qui se peuvent voir dans le Tresor des Chroniques de ladite sainte Chapelle. Il n'estoit pas seulement curieux de faire faire de baux & superbes bâtimens, mais il vouloit que ceux qui estoient destinez au service divin fussent aussi bien composez & bâtis, ainsi que la dignité de leur estat le requeroit : c'est pourquoy il reforma plusieurs abus que commettoient quelques-uns du Clergé, sur tout il retranscha les monopoles qui se faisoient pour les Benefices, & d'autant que la pluralité des Benefices estoit tellement indifferente, qu'on ne faisoit aucune difficulté d'en tenir plusieurs à la fois (encore que telle pluralité comme incompatible, fut defenduë par les Canons & Decrets Apostoliques) à cette occasion il fit agiter publiquement en l'année 1239. la question qui fut proposée par Guillaume II. du nom, & en ordre septante-troisième Evesque de Paris, à

92 *Histoire des sçavans Hommes,*  
sçavoir s'il estoit loisible de ten'r plusieurs Benefices. Ceux qui sentoient bien que cela estoit pour les dégraisser, & leur oster de sous leurs aisles ce qui accommodoit leur cuisine, tascherent à prouver que cette pluralité estoit permise, il n'y avoit moyens qu'ils n'employassent, afin que soustenans une telle multiplicité de Benefices; ils maintinssent la chaleur de la marmite : mais ils furent vivement rembarrez & condamnez à se déporter de cette confusion & meffange de Benefices. On dit que S. Thomas d'Aquin dit alors que si cette Ordonnance tenoit, la moitié du Clergé se retireroit pour le grand desir des Benefices, lesquels ce bon Roy ne vouloit estre conferez à autres qu'à ceux qui estoient consommez en science, & doüez des qualitez requises par les Canons, Decrets & Ordonnances de l'Eglise. Il se monstroît en toutes ses actions & comportemens homme de bonne & sainte vie, sobre en son boire & manger, discret en ses paroles : ses habillemens estoient fort simples & non dissolus. Il ne portoit soye ny pierrierie, & donnoit de grands biens aux pauvres. Il se plaisoit à la lecture, prin-

ciipalement de la Bible , qu'il avoit fait traduire en François , écrite en velin & toute figurée & enluminée , laquelle j'ay veu dans vn Monastere en l'Isle de Lezante , comme je vous ay dit dans ma Cosmographie, appartenante aux Venitiens, & non au grand Turc , comme dit & raconte Munster. Pour les sciences humaines il en estoit fort soigneux, & à cét effet par ses liberalitez il entretenoit l'Université de Paris, qui se dissipap en l'année 1230. à cause de certaines piques qui survindrent entre les Escoliers & Bourgeois de Paris , tellement qu'il fallut venir à *verbis ad verbera*. Les Escoliers se sentoient indignez d'avoir receu quelque affront de certains Parisiens, dont ils ne pouvoient avoir raison : toutefois, pour éviter que le mal ne s'augmentast, ils delibererent d'abandonner Paris. Le Roy d'Angleterre n'en sceut pas plustost les nouvelles, qu'il voulut en repeupler son Université d'Oxford. Mais apres par la vigilance de ce bon Prince, ils furent rappellez & leur fut reparation faite des torts dont ils se sentoient irritez. Il eut pour femme Marguerite fille de Raymond Comte de Provence , laquelle il épousa le

94 *Histoire des ſcavans Hommes,*  
ſeptième an de ſon regne, l'an apres la  
Nativité de Jeſus- Chriſt 1233. Elle  
fonda les Cordelières de Saint Marcel à  
Paris, où elle veſquit fort ſainte- ment le  
reſte de ſa vie, apres le deceds de ſon  
Seigneur & mary. Elle giſt à S. Denis  
en France. D'elle S. Louis eut pluſieurs  
enfans, à ſçavoir Philippes qui luy ſuc-  
ceda à la Couronne, & auquel à cét ef-  
fet avant que de mourir, il donna de  
fort beaux advertiſſemens pour vivre  
en vray Prince Chreſtien, & qui épou-  
ſa le jour de la Pentecoſte en l'année  
1262. Elifabeth fille de Jacques Roy  
d'Arragõ. Les autres furēt Pierre Comte  
d'Alençon: Robert Seigneur de Bour-  
bon, Comte de Clermont en Beauvoïſis,  
lequel mourut le 7. jour de Fevrier,  
l'an 1317. & gît aux Jacobins à Paris.  
Jean ſurnommé le Triſtan, qui fut de-  
puis Comte de Nevers: Louys qui ne  
veſquit gueres. De filles il en eut qua-  
tre, à ſçavoir Blanche, qui fut mariée à  
Fernand Roy de Caſtille, elle deceda  
le 17. de Juillet, l'an 1322. & gît à  
l'entrée du Chœur des Cordeliers à Pa-  
ris: Iſabeau eſpouſe de Thibauld Roy  
de Navarre & Comte de Champagne  
& Brie, leſquelles decederent toutes

*S. Louis Roy de France.* CHAP. IV. 95  
deux l'ã 1270. Marguerite qui eut pour  
mary Louis Duc de Brabant, & Agnes  
donnée en mariage à Robert Duc de  
Bourgogne : il n'estoit point Prince qui  
entretint ses enfans en dissolutions &  
oisiveté, mais les formoit à la vertu luy  
mesme, & avoit de coûtume devant que  
s'aller coucher de les faire venir de-  
vant luy, leur faisant entendre comme  
les bons & vertueux Princes avoient  
vescu, quels faits les avoient fait re-  
douter par tout le monde, afin de leur  
donner envie de les imiter : au contraire  
il leur proposoit l'orgueil, la luxure &  
avarice d'un Heliogabale, Neron, Sar-  
danapale & tels autres monstres d'im-  
pieté, afin que considerans le pauvre  
estat où ils avoient esté reduits, ils se  
donnassent de garde de s'enlacer dans  
les vices, qui les avoient ainsi misera-  
blement défigurez. Quant aux qualitez  
dont il scelloit ses lettres, ce n'estoient  
pas titres magnifiques, superbes & am-  
bitieux, mais seulement il sous-signoit  
*Louys de Poissy*, se reputant à plus grand  
honneur d'avoir le nom du lieu auquel  
il avoit pris les arres & assurances de  
Chrestien, qu'aucune grande digni-  
té. De fait il fut baptisé en l'Eglise

Nostre-Dame de Poissy, comme l'on voit au 353. feüillet d'un certain Livre authentique, appelé le Livre jadis rouge, estant en la Chambre des Comptes du Roy nostre Sire à Paris. Quant à la loyauté, s'il eut donné parole à un étranger, il eut mieux aimé mourir de cent mil morts que de fausser sa foy, comme il le monstra bien, quand philippes de Montfort luy rapporta que les Sarrafins s'estoient trompez de dix mil francs sur les deux cens mil livres, qu'il fallut payer pour la rançon de son frere Alphonse Comte de poictiers. A l'heure mesme le Roy donna ordre qu'on allât rapporter ce qu'il falloit, & jamais ne voulut débarquer du port où il s'estoit embarqué pour son retour, jusqu'à ce que la somme fut acquittée. En son país dès qu'il découvroit quelque querelle ou dissension entre les princes, il couroit au devant, pour empescher qu'elle ne prit racine : sçachant bien que la dissention entre les Sujets sert de présage de la dissipation de la communion, corps & unité du Royaume. Toutefois il ne peût si bien donner ordre qu'il n'y eust une division entre les Escoliers & les Bourgeois de Paris, laquelle neant-

moins

moins il appaisa. Mais celle des Mendians contre Guillaume de S. Amour, Docteur de Sorbonne & Chanoine de Beauvais, il ne fut pas en son pouvoir de la pacifier, il fallut que le Pape Alexandre quatrième du nom y intervint, lequel l'an 1261. condamna ce Livre comme heretique & contraire aux Statuts & Constitutions Ecclesiastiques : il ne faut pas douter que ce grand Prince ne fût en grande peine, pour l'amitié qu'il portoit au Docteur dit S. Amour, à cause de la rareté de son sçavoir & intégrité de vie fort memorable, mais aussi il luy faisoit bien mal de voir tout en un coup ruiner les Mendians, pour lesquels il avoit fait bâtir deux Temples à Paris. Et aussi qu'il estoit bien content de les voir, comme ceux qui servoient de témoins des aumônes qu'il faisoit pour l'honneur de Dieu. Quant à la Justice, il ne se contentoit pas d'établir de belles Loix, mais il prenoit encore plus de peine de les faire observer plus étroitement; & comme il estoit grand ennemy d s vices, pailardises & telles dissolutions, aussi faisoit il châtier ceux qui y estoient surpris, comme l'énormité de leur delit le

98 *Histoire des sçavans Hommes,*  
requeroit, un jour ayant entendu qu'un  
Chevalier avoit esté trouvé dans un  
bordel, il commanda qu'on le luy ame-  
nast pour plus aggraver l'infamie de la  
peine qu'il luy vouloit donner, pour  
reparation du deshonneur qu'il avoit  
fait à la Noblesse, le jugement portoit  
ou que la Dona, avec laquelle il avoit  
prostitué son honneur & pudicité, le  
meneroit parmy le camp en chemise,  
ayant une corde attachée aux parties  
naturelles, laquelle la Dona tiendrait  
d'un bout, ou s'il ne vouloit souffrir un  
tel supplice, qu'il seroit dégradé des ar-  
mes, cassé de la compagnie dont il es-  
toit, & perdrait son cheval. Quelques-  
uns peut-estre voudroient controller  
sur ce jugement, que j'ay recüeilly d'u-  
ne vieille Chronique écrite à la main,  
& jugeroient qu'il falloit faire mourir  
le ruffien & sa mignone. Mais s'ils  
prennent garde à la distinction des  
temps, ils pourront entendre les écri-  
tures. La licence de la guerre sembloit  
donner privilege à ce Soldat de se loger  
où il pouvoit : voilà pourquoy la peine  
de mort ne s'est pas ensuivie : mais s'il  
eut eu un cœur genereux, autant luy  
eut valu de mourir comme de souffrir

cette condamnation, qui luy ostoit la qualité du poinct d'honneur, dont la Noblesse fait tant de cas. Et quant à l'autre peine, c'estoit appliquer le remede à la playe offensée : tout ainsi qu'à un faussaire on luy coupe le poing, aussi ce bon Roy vouloit que la partie peccante fût affligée par le sujet mesme qu'elle avoit corrompu ; & enfin qu'en commun l'agent & le patient beussent la honte, puis que reciproquement aussi ils avoient participé à l'injure. Je n'avois pas deliberé d'amplifier davantage ce discours, n'eut esté que j'ay trouvé quelque varieté entre certains memoires qui sont tombez en mes mains, afin d'en advertir le Lecteur, & au mieux qu'il me sera possible éclaircir ce qui pourroit donner à quelques-uns de la peine. Cy-dessus nous avons dit que ce Saint Loüis fut sacré Roy l'an 1526. au mois de Novembre le premier jour de l'Advent de Nôtre-Seigneur, tellement que ç'auroit esté en l'âge de 13. ou 14. ans. Et neantmoins on trouve au 190. feüillet du Livre marqué du signe de la Croix, qui est en la Chambre des Compt s du Roy nôtre Sire à Paris, que la dépense totale du Couronnement

100 *Histoire des ſçavans Hommes,*  
du Roy S. Louïs fut faite au mois de  
Novembre, l'an 1221. de maniere qu'il  
y a à ce compte trois ans de mécompte  
ou quatre, ſi ſelon les Chroniqueurs,  
nous tenons qu'il ne commença à re-  
gner qu'en l'année 1227. Pour accorder  
ces contradictions, j'eſtime qu'il ſe  
peut faire qu'il ait eſté couronné l'an  
1223. car pour lors certains Rois fai-  
ſoient en leur vivant couronner leurs  
enſans aiſnez, qui devoient apres eux  
ſucceder au Royaume & à la Couron-  
ne de France. Toutefois ne commença  
nôtre S. Louïs à regner qu'apres le de-  
cés du Roy Louïs VIII. ſon pere, qui fut  
l'an 1226. Et qu'ainſi ſoit, on le voit par  
ce qui eſt contenu au 131. feuillet du  
Livre de M. Iean de S. Juſt, qui eſt en la  
Chambre des Comptes. Auquel Livre  
eſt enregiſtré une lettre, dattée du mois  
de Mars, l'an 1226. par laquelle Phi-  
lippes lors Comte de Boulogne appelle  
un Louïs Roy de France ſon neveu, qui  
eſt celuy qu'aucuns ont reputé bâtard  
de Philippes II. ſurnommé Auguſte, au-  
trement le Conquerant. Mais parce que  
cette lettre juſtifie tant ſeulement qu'il  
regnoit l'an 1226. & non qu'il com-  
mençât lors à tenir le Royaume, je ſuis

bien content de dōner d'autres preuves qui monstrent qu'il a commencē à regner en l'année 1226. à ceux qui daigneront supputer & calculer les temps : j'en coteray trois. La premiere est au Livre, nommé autrefois rouge, au commencement & avant la table, dattee par S. Louis au Bois de Vincennes, du mois d'Avril, l'an apres l'Incarnation du Sauveur & Redempteur de tout le monde, 1248. & de son regne le 22. La seconde est au 7. feuillet du 5. Livre des Chartes de cette Chambre, donnée à Paris l'an 1257. & de son regne 31. la troisieme est enregistrée au 15. feuillet du Livre, cotté B. estant en cette chambre, dattee par S. Louys à Paris, au mois d'Octobre, l'an 1259. & de son regne le 33. Encore pourroit-on bien fournir plusieurs lettres octroyées par S. Louys qui sont en nature, saines & entieres, par lesquelles à l'œil on pourroit decouvrir la verité que j'ay proposée. Je suis contraint de parler au long de cecy, parce que j'apperçois que plusieurs se feront lourdement abusez sur ce calcul, imposans à S. Louys des choses qui ont esté faites du temps de Louys son pere, ( j'ay bonne memoire ) j'en ay déjà tou-

102 *Histoire des ſçavans Hommes,*  
ché quelque mot en ma Cōsmographie,  
& j'ay remarqué en quelque part que  
nos Historiens racontent que ſon fils  
aiſné Philippes fit amener de Thunes  
le corps de S. Louys lequel fut depuis  
canonizé environ 27. ans apres par le  
Pape Boniface VIII. au mois d'Aouſt,  
l'année apres la Nativité de Jeſus-  
Chriſt, 1297. le douzième an du regne  
de Philippes le Bel lors Roy de France.  
Ce qui ſe voit par le 6. feuillet du Li-  
vre, appellé, *Noſter* eſtant en la Cham-  
bre des Comptes à Paris. Certains m l-  
advifez ſe ſont fait entendre, que le  
Pape eſtant gagné par argent, preſens  
& bien-faits des Rois de France a eſté  
plus prodigue qu'il n'eſtoit ſeant, à dé-  
ployer les treſors de S. Pierre, & par ce  
moyen voudroient volontiers ravir à  
noſtre Louis la ſaincteté qu'il ſ'eſt par  
ſes ſaints & heroïques exploits acquis,  
ſous le pretexte qu'ils veulent faire Sy-  
moniaque ce Pape Boniface : mais s'ils  
entendoient bien les écritures, il n'eſt  
pas croyable qu'ils oſaſſent tenir tel  
langage. Je n'oppoſeray point l'inté-  
grité des ſouverains Pontifes, qui re-  
pugne à telles calomnies, d'autant  
qu'ils pourroient le denigrer auſſi bien

qu'ils font plusieurs autres choses. Je les veux battre par la verité des Histoires. Que s'ils les eussent leu, sans doute ils eussent appris que Philippes le Bel fut en fort mauvais mesnage avec ce Pape, pource qu'il vouloit assujettir le Royaume de France à la Papauté, par vertu de la preeminence qu'il s'attribuoit en qualité de Vicaire de Jesus-Christ, lequel estoit Seigneur souverain de tout le monde. Pauvres gens ils n'ont pas leu que ce Pape envoya denoncer au Roy Tres-Chrestien, que s'il ne s'humilioit au siege papal, deslors il le declaroit indigne d'estre Roy : & que Philippes brûla ses lettres devant ses Legats : & fit de plus une assemblée à paris, par laquelle Boniface fut condamné comme heretique, schismatique, & qui par illegitimes moyens avoit monté au siege papal. Est-il donc vraisemblable que par grace, faveur ou par argent le pape ait esté gagné pour canoniser S. Louis pere de philippes, ennemy mortel de Boniface, veu que la sentence de cét interdit fut seulement revoquée par le pape Clement V. qui n'estoit au siege qu'en l'année apres l'Incarnation du Sauveur de tout le mon-

104 *Histoire des ſçavans Hommes,*  
de, 1305. de fait il n'y a homme, ſi de  
gayeté de cœur il ne prend plaisir de de-  
meurer dans l'erreur & menſonge, qui  
puiſſe revoquer en doute cette haine  
capitale entre le Roy philippes le Bel &  
le pape Boniface, qui ſe ſont entr'écrits  
des lettres ſi bigearres, que Boniface  
pour favoriſer & agréer au Roy philip-  
pes, eut daigné honorer ſon pere du ti-  
tre de Sainct. Il y en a entr'autres une  
de philippes, où il tranche ces mots de  
folie, ſotiſe & beſtiſe, dont il veut coif-  
fer le pape, s'il vouloit atenter aucune  
choſe ſur la temporalité de ſon Royau-  
me, ny meſme ſur les proviſions & col-  
lations des Benefices François. pour cét  
effet il deffendit qu'aucun ne transporta  
argent ny marchandiſe hors du Royau-  
me.







LOVIS XI. DV NOM  
ROY DE FRANCE




# LOUIS XI.

## ROY DE FRANCE.

---

### CHAPITRE V.

 Plusieurs qui ont discouru des moyens nécessaires à un Prince qui veut se maintenir au commandement, souveraineté & puissance absoluë, ont entr'autres maximes remarqué le fard & déguisement, & de ce en a dressé un chapitre exprés, Nicolas Machiavel, qui nous met en butte la ruse d'un Junius Brutus. Il a pris trop de peine, s'il eut daigné jeter sa veüe sur la France, il eut decouvert un Louis XI. qui donna à son fils Charles VIII. avant que de mourir cét advertissement, *nescit regnare. qui nescit dissimulare*, c'est à dire, ne sçait regner & commander, qui ne sçait

106 *Histoire des ſcavans Hommes,*  
diffimuler. Pour fortifier cét axiome,  
il ne faut pas apporter des raisons, ny  
rechercher les anciennes Histoires, luy-  
meſme ſervoit d'exemple à ſon fils. Qui  
eſt l'occasion qui a pouſſé quelques-uns  
de luy dire ces Vers.

*Rex cautus, regum exemplar, rex cautior*  
*hoſte,*

*Tan dem hoſtes ſuperat, toties ſuperatus ab*  
*iisdem :*

*Rex primùm pauper, dein magnus, dives &*  
*aſper.*

Ces trois vers contiennent la vie du  
Roy, dont je produis icy le portrait,  
tel, que Meſſieurs de la ville de Tours  
amateurs de vertu m'ont envoyé, avec  
toutes les antiquitez de leur ville ; ſur  
tout ils le font fin, accord & ruſé, té-  
moignant par-là cette facilité, qu'il  
avoit d'accommoder ſes paſſions aux  
humeurs de ceux qu'il vou'oit gagner  
ou attirer dans ſes filets. En apres il le  
propoſe pour miroir des autres Rois,  
dautant que ceux qui n'ont voulu tem-  
poriſer & ſe feindre, ſont pour la pluſ-  
part demeurez acculez. L'experience  
en eſt ſi manifeſte, qu'il n'eſt pas beſoin

*Louis XI. Roy de France. CH. V. 107*  
d'entrer en preuve, mais de retourner  
à nostre Louis qui a esté fin & rusé plus  
qu'aucun de son temps, ainsi que la sui-  
te de sa vie pourra plus ouvertement  
découvrir. Il fut fils de Charles VII &  
de Marie d'Anjou, estant âgé de tren-  
te-huit ans ou environ, il succeda à la  
Couronne, & fut sacré à Rheims le 15.  
d'Août 1461. où il remua bien ménage,  
comme il estoit d'un naturel si fretil-  
lant, que Charles son pere eut volon-  
tiers donné la Couronne à Charles son  
puisé, qui depuis fut Duc de Nor-  
mandie, & à la fin de Guyenne, mais  
les Loix de France y contredisoient, &  
les Seigneurs n'y vouurent pas enten-  
dre. Lesquels depuis, mais ce fut trop  
tard, experimenterent quel fruit ap-  
portoient au Royaume les ruses de ce  
Monarque, qui ne fut pas plustost cou-  
ronné à Reims, qu'incontinent les siens  
propres ne s'élevassent contre luy sous  
pretexte du bien public, de laquelle fut  
chef Charles le Charrolois Duc de  
Bourgogne, qui avec François Duc de  
Bretagne, Jacques Duc de Nemours,  
Jean Duc de Bourbon, Jean Comte d'Al-  
magnac, Charles Comte d'Albret fi-  
rent tant qu'ils attirerent à leur ligue

Charles frere du Roy, auquel il avoit donné au mois d'Octobre en l'année 1461. le païs & Duché de Berry pour appanage. L'occasion de ce trouble fut que le Roy privoit des dignitez & offices les plus grands Seigneurs, plus vail-lans & anciens du Royaume, auxquels Charles VII. les avoit élevez; que son Cōſeil n'eſtoit réply que de gens de vie & baſſe condition: enfin qu'il conſondoit les grands avec les petits, & quelquefois preferoit les plus chetifs aux plus éleuez, & le plus ſouvent ne vouloit croire autre perſonne que ſa teſte, dont il ſe repentit quelquefois, & plus tard qu'il n'eſtoit beſoin, ayant eſté fort ſouvent adverty par certains Seigneurs du tort qu'il ſe faiſoit de ſe fier ainſi à ſon jugement. Entr'autres le Seigneur de Breſay le luy fit entendre, avec une rencontre ſi à propos, que le Roy n'eut pas occaſion de ſ'en formalifer. A lant à la chaſſe avec luy, il luy demanda où il avoit recouvert un ſi fort & puiſſant cheval. Comment, dit le Roy, il eſt ſi foible & ſi petit. Il me ſemble de grande force, dit le ſieur de Breſay, il vous porte & tout vôtre Cōſeil. Telles remōſtrances, quelques ſerieuſes qu'elles fuſ-

*Louis XI. Roy de France.* CH. V 109  
sent, ne pûrent remettre en cervelle le  
Roy, puisque le sieur d'Argenton luy  
repute à loüange une telle presumption,  
taxant bien au reste quelques Gentilâ-  
tres, qui n'ayans pas de rente dix livres,  
renvoyent la resolution des affaires  
dont ils sont requis à leurs hommes :  
mais pour contenter en un mot le sieur  
de Commines, je ne veux luy mettre en  
butte, que le pas de Clerc que fit le Roy  
quand il dépescha Balue Evêque d'E-  
vreux pour aller faire monstre des hom-  
mes d'armes à Paris. Il en fut gaillarde-  
ment relevé par le grand Maistre de  
Chabannes, qui luy requît luy donner  
commission d'aller reformer les Cha-  
noines d'Evreux. Cette charge, dit le  
Roy, ne vous appartient pas. Elle m'est  
(repliqua le sieur de Chabannes) aussi  
propre & convenable, comme à l'Evê-  
que d'Evreux d'aller mettre ordre en  
une milice. Je sçay bien que ce Roy a  
fort long-temps esté tenu en ver-  
deur, mais apres qu'à ses dépens i' eut appris  
combien est dangereux un tel change-  
ment, il enjoignit tres-expressement à  
Charles son fils qu'il se donnât bien  
garde de changer les offices qu'il avoit  
establis, pour la pernicieuse consequen-

110 *Histoire des ſcavans Hommes,*  
ce qui ſ'en enſuivroit, & dont il luy en  
avoit mal pris : mais ce fut apres avoir  
eſté bien pourſuivy, meſmes apres avoir  
perdu la bataille de la journée de Mont-  
lehery, au mois de May en l'année  
1465. Entre pluſieurs pertes qu'il fit  
alors, ſur tout il regrettoit le Seigneur  
Pierre de Breſay, Senefchal de Norman-  
die, qui en pluſieurs expéditions s'eſtoit  
monſtré non moins affectionné à ſon  
ſervice que fidele, ſoit en prudens con-  
ſeils, ſoit en diverſes rencontres, où  
fort magnanimement il ſe porta ; mais  
la dernière qu'il pût faire, fut en partie  
dommageable à la France, qui ne ſçau-  
roit aſſez déplorer la mort de tels &  
va leurs Chevaliers, en partie auſſi  
profitable à la France, à laquelle elle  
reſerva ſon Prince & Monarque, & fi-  
nalement ſervit pour immortalifer ſes  
heroïques faits, qu'il avoit auparavant  
executés pour le ſervice de la Couronne.  
En cette bataille pour monſtrer au Roy  
qu'il n'y avoit en toute la troupe aucun  
qui fut voüé à ce Prince, comme il eſtoit,  
il luy dit. Sire, donnez moy voſtre cotte  
d'armes, afin que je vous ſauve la vie.  
Car puſque vous n'eſtes pas ſi fort que  
les Bourguignons, c'eſt ſans doute qu'ils

ne tâcheront qu'à vous jeter par terre. L'échange des armes & enseignes se fit : les Bourguignons prenant le sieur de Bresay pour le Roy, se ruèrent sur luy, & le tuerent. O grandeur de courage, qu'assez on ne sçauroit admirer ! mais aussi est bien à taxer le Seigneur de Bresay, de ce qu'il se mit avant dans la presse. Et je ne sçay si sa vie n'eut esté plus profitable à la France, que de celuy qu'il sauua. Si il est permis de conjecturer par les effets, beaucoup plus eut gagné le Royaume, si ce magnanime Chevalier eut pû rester de cette meſlée. Par son sage advis il eut redressé plusieurs choses, qui depuis sont allé de mal en pis, & eut peut-estre empesché que la victoire ne fût demeurée au Bou guignon, qui chargea si brusquement le Roy, qu'il fut contraint d'accorder toutes les conditions portées par la capitulation faite avec ceux du party du bien public, quelques excessives qu'elles fussent : mais c'estoit nécessité à laquelle il falloit obeïr. Entre autres choses il donna à son frere Charles, pour lors Duc de Berry, la Duché de Normandie, avec tout le revenu des deniers des finances tant ordi-

112 *Histoire des ſçavans Hommes,*  
naires qu'extraordinaires, & reprit le  
Duché de Berry. Louys de Luxembourg  
Comte de S. Paul, qui eſtoit le princi-  
pal conducteur de l'armée du Comte  
de Charrolois fut fait Conneſtable de  
France. Au Duc de Bourbon il reſtitua  
tout ce qu'il luy retenoit : & de plus il  
luy fit penſion de trente-fix mil livres.  
Sous ombre de ces appointemens &  
promeſſes, le Roy les deſarma, apres il  
ſçeut bien joüer ſes coups, & monſtrer  
qu'il en ſçavoit plus qu'eux, & que  
pour avoir ſceu diſſimuler apres, il  
avoit moyen de les faire venir au point,  
& avec le temps leur fit bien payer leur  
eſcot. Quant à ſon frere Charles, pre-  
mierement il le dépouilla du Duché de  
Normandie, & l'amuſa du Duché de  
Guyenne, où il mourut le 4. jour du  
mois de May, l'an 1472. empoisonné  
(à ce qu'on tient) par les moyens du  
Roy, & ſon corps fut enterré en l'E-  
gliſe Cathedrale de Saint André de Bor-  
deaux. Ce qui confirme le ſoupçon, eſt  
que jamais on ne fit pourſuite de ceux,  
leſquels n'eſtoient que trop averés avoir  
commis un tel crime, Dieu auſſi par  
apres fit punition, & en prit luy-mef-  
me vengeance : le Conneſtable de S.  
Paul

Paul n'en eut pas meilleur marché. Car il luy fit trancher la teste à Paris publiquement (avec une note d'infamie tres-grande) par Arrest de la Cour de Parlement, parce qu'il avoit eu pratiques secretes avec les Anglois & les Bourguignons, qui estoient ennemis de la France, & firent une grande guerre à l'encontre de Louis. L'Anglois demandoit les Duchez de Normandie & de Guyenne, mesme il s'estoit déjà mis en campagne. Louis qui n'avoit jamais coûtume de mettre au hazard d'une bataille ce qu'il tenoit dans ses mains par le moyen de ses simulations & palliemens, aima mieux renvoyer le Roy Edoüard, qui estoit déjà arrivé à Calais, que le laisser plus outre, moyennant quelque somme de deniers que le Roy luy promit, outre ce qu'il luy donna de content à Piquigny, où l'accord fut fait le dernier du mois d'Août mil quatre cens septante-cinq, pour les frais qu'il avoit fait. Le Connestable qui avoit esté l'Autheur de cette descente, voyant que ses desseins ne réussissoient pas, & qu'il faisoit mauvais pour luy, se retira és pais du Duc de Bourgogne, & écrivit au Roy d'Angle-

114 *Histoire des mauvais Hommes,*  
terre, qu'il estoit un lâche, pauvre &  
deshonoré Roy, d'avoir à si bon mar-  
ché appointé avec le Roy de France,  
qui estoit bien en peine de luy pouvoir  
resister, & apres qu'il aura pû se de ivrer  
de lui, se gardera bien de lui tenir pro-  
messe. Le Roi envoya ses Lettres à Louis  
XI. qui les rapportant avec les conjectu-  
res, qu'il avoit de l'intelligence qu'a-  
voit ce Comte de S. Paul avec le Duc  
Bourguignon, deslors delibera de le re-  
compenser des peines qu'il avoit prises  
contre son gré avec Charles son frere.  
Pour l'avoir, il envoya le bâtard de  
Bourbon Admiral de France, les Sei-  
gneurs du Bouchage & de saint Pierre  
avec une compagnie de gens de guerre,  
jusqu'aux portes de Peronne, & là leur  
fut donné, & l'amenerent en la Tour  
de la Bastille à Paris, où il trouva le  
Chancelier avec les Presidens, & quel-  
ques Conseillers de la Cour de Parle-  
ment, qui lui firent & parfirent son  
proces. Le 19. jour de Decembre en  
ladite année 1475. apres qu'ils lui eu-  
rent fait poser l'Ordre du Roy & l'épée  
de Connestable, i's lui prononcerent  
son Arrest de condamnation, à estre dé-  
capité en la Place de Greve, comme cri-

minel de leze-Majesté, ses terres & biens acquis au Roi. Et fut le mesme jour cét arrest mis à execution : son corps fut enterré aux Cordeliers, ainsi qu'il avoit esté requis à la justice. Quand j'écris ces Histoires, je me resouviens de la mort de l'Orateur Cicéron qui fut livré à son ennemi Marc-Antoine par Cesar encore qu'il lui fut fort affectionné : mais voila ce que c'est, le Proverbe est toujours veritable, que le moins qu'on se peut meller de la querele des Grands, ce n'est que le meilleur, d'autant qu'ils se pourront accorder par ensemble, & ne demeureront en la presse que les moindres, qui se feront trop indiscretement poussez à la foule. Ce n'est pas que je veuille justifier le Comte de S. Paul, mais on ne peut qu'on ne condamne le Duc de Bourgogne, qui ne pouvoit sans faire tort à sa fidelité, livrer es mains du Roi celui, lequel n'estoit en partie hay que pour ce qu'il estoit secret partisan des Bourguignons. Mais Charles ne regardoit point plus loin que son nez : il pensoit que c'estoit bien peu de livrer un homme, pour avoir outre la paix environ quatre-vingt mil écus que pouvoient va-

116 *Histoire des sçavans Hommes,*  
loir les meubles du Connestable, sans  
les villes de S. Quentin, Ham, Bohaim,  
& tout ce que le Comte de S. Paul pos-  
sèdoit chez le Duc, lequel ne prevoyoit  
pas que le Roi ne tâchoit qu'à lui affoi-  
blir ses forces, afin qu'il eut meilleur  
marché de lui, lors & quand il n'au-  
roit plus à son costé celui, qu'il redou-  
toit si fort, & qui luy donnoit plusieurs  
ennuis & traverses, cependant qu'il fit  
retraite du costé du bourguignon. Le  
Roi n'usa point de plus grande douceur  
envers Jacques d'Armagnac Duc de  
Nemours, & Comte de la Marche, le-  
quel il fit décapiter aux Halles à Paris  
le 24. jour d'Août, l'an 1477. Enfin  
il sembloit que ce Prince n'avoit que  
deux moyens pour venir à bout de ses  
affaires, c'est ou qu'il estoit rusé, ou se-  
vere : il en faisoit tellement vertu,  
qu'un jour il répondit à l'Archevesque  
de Tours, qui lui demandoit pourquoi  
il avoit perdu l'affection des Princes &  
grands Seigneurs de son Royaume: Si  
je ne me fusse, dit-il, fait craindre, me  
monstrant vertueux, expérimenté &  
rigoureux, j'eusse servy de dernier cha-  
pitre au Livre de Boccace des nobles  
malheureux. Que la severité ne soit ne-

*Louis XI. Roy de France.* CH. V. 117  
cessaire à gouverner une Principauté je  
n'en fais point de difficulté : mais au  
choix, j'estime que l'amitié du Sujet  
envers son Seigneur est beaucoup plus  
louable que la terreur & crainte, dau-  
tant que l'obeïssance servile n'a que  
trop souvent apporté l'entiere subver-  
sion des Estats, & quelquefois Dieu a  
tellement symbolisé les comportemens  
des Princes severes envers leurs Sujets,  
que par apres eux-mesmes ont esté en ce  
monde, au veu & sçeu d'un chacun,  
payez de telle monnoye qu'ils avoient  
donnée à leur pauvre peuple. Et afin  
que nous ne sortions du champ où nous  
sômes entrez, s'il y a un Prince qui ait  
usé en France de severité, c'est ce Louis.  
Sous la rigueur de son inclemence pas-  
serent les Ducs de Nemours & le Con-  
nestable assez precipitamment. C'est  
luy qui fit faire des cages de fer, & au-  
tres de bois, couvertes de pates de fer  
par le dehors, & par le dedans avec de  
terribles serrures de huit pieds de large,  
de la hauteur d'un homme, & un pied  
plus. Plusieurs personnes furent empri-  
sonnées dedans, & le premier qui les  
essaya fut l'Evesque de Verdun qui de-  
meura quatorze ans dans la premiere

118 *Histoire des ſçavans Hommes,*  
qui fut faite, & le Sieur Philippes de  
Commines huit mois, avec lequel ſi  
nous voulons faire rapport des tour-  
mens qu'a ſouffert en ce monde Louis  
XI. nous trouverons qu'il a eſté encore  
plus gehenné, que ceux ſur leſquels il  
vouloit déployer ſa ſeverité. Quand il  
n'auroit eu que la peur que lui donne-  
rent ceux qui lui ſignifierent qu'il per-  
doit ſes peines de ſe fier à frere Robert  
le Roi, ou ſelon les autres François  
Paule, premier Fondateur des Capu-  
cins, lequel on appelloit Saint-Homme,  
& qui à cét effet fut appellé de Calabre  
par le Roi, afin qu'il pût lui prolonger  
ſa vie. Ce qui le mit en plus grande per-  
plexité, fut qu'ils lui denoncèrent que  
ſa mort eſtant prochaine, il devoit pen-  
ſer à ſa conſcience. Jean Cottis ſon Me-  
decin, connoiſſant l'humeur de ce Roi,  
& qu'il apprehendoit fort la mort, fit  
ſon profit de cette ſomation, & enco-  
re qu'en quatre mois il eut reçu cin-  
quante - quatre mil écus contens, l'E-  
veſché d'Amiens pour ſon neveu, &  
autres offices & terres pour lui & ſes  
amis, ſi le tint-il ſi ſujet, que quelques  
rudes propos, dont trop temerairement  
il l'outragea, il nel'oſoit envoyer, pour

la crainte qu'il avoit de mourir huit jours apres qu'il l'auroit perdu. On parle du Tyran Denis , qui de peur d'estre égorgé par ses barbiers, lui-mesme se brûloit la barbe ; quant à moi, j'estime qu'encore estoit-il plus assuré que ce 54. Roi des François , qui ayant tenu sous une grande terreur une infinité de personnes , lui mesme sur la fin de ses jours se trouva si mal assuré, qu'il ne fut pas jusqu'à son fils Charles , à sa fille & son gendre le Duc de Bourbon , qu'il ne se méfiât d'eux. La garde qu'il faisoit faire de sa personne , les reparations & fortifications de sa maison du Plessis lez Tours , & l'étroite retraite qu'il faisoit , montrent assez un juste Jugement de Dieu des vengeance , qui ne vouloit pas qu'on le mit dedans une cage de fer , ayant huit pieds en quarré, mais que lui-mesme s'emprisonnât dedans son château , duquel il n'osoit sortir , & mesme à grand peine osoit-il montrer le nez parmi la Cour , pour la crainte qu'il avoit de quelque coup. Mais qu'est-il besoin d'arrester davantage en ce discours : puisque nos Historiés font assez mentiõ des frayeurs qui agitoient incessamment ce Prince, qui est

120 *Histoire des ſçavans Hommes,*  
taxé par certains d'ingratitude, de ce  
qu'à feu & à ſang il ſe banda contre le  
Duc de Bourgogne, auquel, par mnaie-  
re de dire, il étoit plus obligé qu'à Char-  
les ſon pere, duquel par pluſieurs fois il  
ſ'éloigna, & n'eut aucun recours qu'à  
Philippes Duc de Bourgogne, qui en re-  
ceut le ſalaire qui avoit eſté predit par  
Charles VII. lequel ſe mécontentant  
du recueil qu'il faiſoit à ſon fils Louis,  
avoit accoûtumé de dire que Philippes  
nourriſſoit le regnard, qui un jour man-  
geroit ſes poules, l'euenement ne tarda  
pas long-temps, ny l'effet d'une telle  
prophetie. Les guerres & ſanglantes  
batailles qui ont eſté entre ces deux  
puiffantes Maisons n'en font qu'une  
trop évidente preuve, quaſi tous les  
Eſtez ils avoient piques & caſtilles en-  
ſemble, & l'Hiver ils faiſoient trefves.  
Tantost ils prenoient, apres ils quit-  
toient, & ſembloit que ce fut un jeu de  
barres que ces Princes vouloient jouer  
par enſemble, pour s'exercer l'un &  
l'autre. Et parce qu'il ſeroit trop long  
de ſpecifier par le menu toutes les ren-  
contres, eſquelles ces magnanimes  
guerriers ſe ſont entrechoquez, deſ-  
quelles je fais eſtat de toucher encore  
quelque

quelque mot par cy-apres en la vie de Charles Duc de Bourgogne, pour le present je me contenteray de parler du siege qui fut mis par ce Duc devant la ville de Beauvais & de Nus. Quant au siege de Beauvais, qui fut mis en l'an 1472. il n'y gagna gueres, par ce qu'il fut contraint par les assiegez de lever le siege sans rien gagner sur la ville que sa courte honte. Pour lequel devoir le Roy Louis leur donna de grands privileges & immunitiez, desquelles ils jouissent encore, comme de tenir fiefs sans payer au Roy aucune finance, ny estre sujets au ban ou arriereban. Et pource que les femmes & filles firent un admirable devoir en ce siege du Bourguignon, Louis XI. voulut qu'en souvenance de cela, tous les ans le jour de la Feste S. gadresme en la Procession generale qui y est faite, les femmes & filles precedassent les hommes, comme aussi que ce jour là elles fussent les premieres à l'offrande, leur octroyant de plus que le jour de leurs nopces elles se parassent aussi somptueusement que les grandes Dames, tout ainsi que bon leur sembleroit. chose bien

122 *Histoire des ſçavans Hommes,*  
peu permife durant le regne de ce  
Roy. Encore moins gagna-il au ſiege  
qu'il mit devant la ville de Nus, qui  
eſt au commencement des Allema-  
gnes ſur la riviere du Rhin près Colo-  
gne. Où il fût longuement, & enfin  
fut repouſſé, ſous certaines conditions  
par l'Empereur Frideric, troiſième  
du nom, qui ſortit d'Allemagne pour  
ſecourir le Roy Louis, qui penſoit dé-  
ja tenir en ſa puiſſance ce pauvre Duc,  
& ne faiſoit plus ſon compte d'autre  
choſe, ſinon de le devaliſer & parta-  
ger avec l'Empereur toutes les terres  
de Charles. A cét effet il envoya des  
Ambaſſadeurs vers Frideric, pour le  
pratiquer, à ce qu'il voulut mettre  
ſous ſa main & conſiſquer les terres &  
ſeigneuries que ce Duc tenoit de l'Em-  
pire : de ſon coſté luy promettoit qu'il  
feroit de meſme des terres de Flan-  
dres, Artois, Bourgogne & autres  
mouvans de la Couronne de France.  
L'Empereur pour réponſe, dit à l'Am-  
baſſadeur François. Icy près d'une  
ville d'Allemagne couroit un ours  
cruel & dangereux, qui faiſoit beau-  
coup de maux à tout le voiſinage: trois  
compagnons beuvans en une taverne,

*Louys XI. Roy de France. CH. V. 123*  
qui n'avoient pas de toute monnoye  
un picotin, se faisoient forts de pren-  
dre l'ours, & de l'argent qu'ils retire-  
roient de la vente de la peau, promet-  
toient de payer leur écot. Apres disner  
ils se mirent à la queste, s'approche-  
rent de la caverne où il faisoit sa re-  
traite : dès qu'il les découvrit avec  
grande furie, il saillit sur eux,  
lesquels surpris de soudaine frayeur,  
s'enfuirent, l'un vers la ville, l'autre  
grimpa sur un arbre, & le troisiéme  
fut attrapé de l'ours, qui le fouïlla  
avec sa patte, le tourna sans l'endom-  
mager autrement, sinon qu'il mettoit  
bien souvent son museau près de l'o-  
reille du pauvre homme, qui s'abstint  
de respirer, car tel est le naturel de  
l'ours, de ne toucher ny offenser les  
corps morts : apres que l'ours se fut  
retiré, ce pauvre homme se leve, & se  
met à s'en retourner : celui qui s'estoit  
juché sur l'arbre, descend, & demande  
à son compagnon qu'elle chose luy  
avoit dit l'ours. Il me disoit, répondit-  
il, que jamais je ne marchandisse de la  
peau de l'ours jusques à ce que la beste  
fut morte. Avec cette fable l'Empe-  
reur paya de réponse l'Ambassadeur

124 *Histoire des ſçavans Hommes,*  
du Roy, & mythologifant, vouloit dire  
qu'il falloit prendre le Duc de Bour-  
gogne premier que faire partage de ce  
qui luy appartient. Et fans doute Fri-  
deric le prenoit fort bien. Car Char-  
les donna bien à penſer au Roy de  
France, & luy tailla par apres aſſez de  
beſogne, pour luy donner du paſſe-  
temps, & luy apprit que le proverbe  
n'eſtoit que trop veritable, que qui  
compte ſans ſon hoſte, eſt contraint le  
plus ſouvent de compter deux fois.  
Témoin la faillie de ceux de Cam-  
bray, qui en l'an 1479. ſe mirent en  
l'obeiſſance du Duc d'Auſtriche, chaſ-  
ſerent les gens du Roy, & quoy que le  
Roy ſçeut faire, ſ'emparèrent du Châ-  
teau. Puis au mois d'Août le Duc  
d'Auſtriche & le Comte de Romont,  
avec bien environ ſoixante mil com-  
batans, vindrent ſe parquer en un  
village nommé *Guinegate*. entre The-  
roüene & Aire, firent pluſieurs cour-  
ſes ſur la compagnie du Duc de Bour-  
bon, & ſur autres gens du Roy qui  
eſtoient dedans Theroüenne. Au  
moyen de ce on leva d'Arras, Bithy-  
nie, Theroüenne & autres villes de Pi-  
cardie, gens qui avec telle viſteſſe,

donnerent sur les Flamans, qu'ils les menerent toujourns batans jusques dedans l'Aire, & y demurerent onze à douze mil Flamans qu'Allemands qui furent tuez, & onze cens prisonniers, entre lesquels estoit le fils du Roy de Pologne, un autre Comte Allemand & autres grands & puissans Seigneurs: de maniere que si les francs Archers ne se fussent amassez au pillage & depouille des morts, la victoire demeureroit au Roy de France. Mais le Comte de Romont appercevant le desordre des François, qui ne s'amusoient qu'à piller, r'allia un grand nombre de pietons & piquiers, qu'on estimoit à quinze mil ou environ, & retourna tout court sur les francs Archers, desquels il en défit une grande multitude. En cette meslée demurerent le Capitaine Jean de Beauvoisin, le sieur de Montpendo Bailly de Rouen, & environ trois cens Seigneurs de remarque. Bien-tost apres le Duc d'Autriche mit le siege devant Mallaunay, où commandoit pour le Roy un appelé Cabdet Raymonet avec huit vingt Arbalestiers, qui apres avoir aillamment resisté, voyant qu'il ne

126 *Histoire des ſcavans Hommes,*  
pouvoit ſoutenir, demanda à parler,  
menter, & fut accordé qu'à ſeureté  
il ſortiroit. Mais ainſi qu'il délogoit,  
les gens du Duc entrèrent dedans, qui  
firent un terrible carnage, emmene-  
rent le Cabdet, lequel combien que  
luy fut donnée parole de ſeureté, le  
Duc fit pendre. Le Roy en eſtant ad-  
verty, fit pendre & étrangler cinquante  
des meilleurs prifonniers qu'il au-  
roit pris ſur le Duc, à ſçavoir ſept des  
plus ſignalez, au meſme lieu où le  
Cabdet avoit eſté pendu, dix devant la  
ville de Doujay, dix devant S. Omer,  
dix devant Arras, & le reſte devant  
l'Isle. Apres une telle execution, ils  
firent le dégast au païs de Flandres, &  
le Roy deſtitua tous les francs Archers,  
& en leur lieu delibera d'avoir quatre  
mil Suiffes, deſquels il fut fait Bour-  
geois, & la garde d'Eſcoſſe qu'il en-  
tretiendroit à gages. Jamais ce ne ſe-  
roit fait, ſi je voulois déchiffrer par le  
menu toutes les particularitez qui  
pourroient découvrir, tans les ruses  
de ce Roy qu'auffi les traverses qu'il  
a reccu de la maifon de Bourgogne, de  
laquelle il demeura Seigneur & Mai-  
ſtre, apres que Charles Duc de Bour-

gogne fut défait à Nancy par René Duc de Lorraine, l'an 1476. Cinq choses principalement rendent ce Prince recommandable. La premiere est, qu'il châtia bien asprement les rebelles, & ceux qui conspiroient contre luy : car quoy qu'il eut peut-estre quelque mauvaise inclination, & que le Duc de Bourgogne soit grandement à reprendre, de ce qu'il livra le Comte de S. Paul trop legerement au Roy, si est-ce que l'intelligence & accord qu'avoit ce Connestable avec les ennemis de la Couronne, le rendoient coupable du crime de leze-Majesté. La seconde est, qu'il estoit soigneux de l'accroissement du Royaume, dont entr'autres choses fera foy l'acquisition qu'il fit des Comtez de Roussillon & Sardaigne, pour lesquelles pieces il luy falloit financer au Roy d'Aragon trois cens mil écus, d'où je ne veux pas nier que ne soient sortis plusieurs troubles, qui ont apporté à la France plusieurs ennuis, mais pour cela on ne doit pas mépriser la sincere affection de ce Prince, qui ne taschoit qu'à amplifier & agrandir son Royaume, & encore que l'affaire ne reussit

128 *Histoire des ſcavans Hommes,*  
au point nommé, & ainſi qu'il eut bien  
deſiré, ce ſeroit luy faire tort de luy  
attribuer l'occaſion des remuëmens  
qui ſurvindrent, comme icy dit, con-  
tre ſon gré. On ne peut auſſi nier qu'il  
n'ait dégagé les terres de Picardie,  
eſtans ſur le long de la riviere de Som-  
me, c'eſt à ſçavoir Amiens, S. Quen-  
tin, Corbie, Arles, Mortaigne, Ab-  
beville, Ponthieu & autres, qui par le  
traité fait en la ville d'Arras en l'an  
1435. par Charles VII. avoient eſté  
données au Duc de Bourgogne, en ga-  
ge de quatre cens mil écus d'or, de  
ſoixante-quatre au marc : laquelle  
ſomme il paya comptant, & furent les  
villes & ſeigneuries rejointes & reü-  
nies à la Couronne de France. La troi-  
ſième eſt qu'il eſtoit fort devot, & pour  
preuve, on a de coûtume de produire  
la foy & hommage qu'il fit à la Vierge  
Marie du Comté de Boulogne, en l'E-  
gliſe & Abbaye du lieu, & pour droit  
& devoir donna, & fit mettre devant  
l'Image de la Vierge, un cœur d'or fin,  
peſant deux mil écus. Et ordonna que  
deſlors en avant, luy & ſes ſucceſſeurs  
Rois de France tiendroient ce Comté  
de la Vierge Marie, & en feroient.

hommage devant son Image en cette Eglise, & à chaque changement de Vassal, payeroient un cœur d'or fin du mesme poids de deux mil écus d'or. Il laisse le treillis d'argent qu'il fit faire à S. Martin de Tours, au lieu de celuy de fer, lequel pesoit cinq mil sept cens soixante & seize marcs d'argent, & coûta treize mil cinq cens trente-six livres, qui reduites à écus, reviennent à quatre mil cinq cens douze écus, d'autant qu'il luy falloit payer onze livres pour marc & pour façon, comme aussi je conte la fondation de l'Eglise de Nostre-Dame de Clery, laquelle il fit bâtir à grands frais, d'autant qu'il faudroit par mesme moyen dresser une liste de plusieurs autres Eglises, qu'il enrichit, & dota de grands revenus : à ce meu par la crainte qu'il avoit de mourir, estimant que telles fondations pourroient luy prolonger le cours de ses jours. J'ay honte de parler de telles fondations, parce que nos Historiens témoignent qu'il a pour cét effet foulé son peuple de subsides plus que nul autre de ses predecesseurs, & mesme qu'il a quelquefois bâty des Eglises du sang des pauvres,

leur oſtant les revenus pour les appliquer aux Eccleſiaſtiques. La quatrième eſt pour l'ordre & police qu'il mit au gouvernement du Royaume, & pour l'heureux & loüable deſſein, qu'il avoit fait de faire un Edit ſur l'abreviation des procez, & de racler toutes les tromperies & larcins que commettent journellement ceux qui ſous le voile de juſtice, chicanent, rapinent & griſſent tout ce qu'ils peuvent. De plus, il j'avoit deliberé de faire qu'en tout le Royaume il n'y auroit plus qu'un droit & une coûtume, qui ſeroient redigez par écrit, finalement qu'il n'y auroit plus qu'un poids & une meſure. Il n'eſt pas poſſible de priſer le grand bien qu'il eut fait à la France, ſi la mort ne l'eut empesché de pourſuivre une telle union, égalité & conformité de droit, aulnes & meſures. Il avoit déjà particulièrement reformé pluſieurs points, qui concernoient la tranquillité du public, & avoit contraint les pauvres Gentilſhommes de ſervir, plutost que s'adonner à actes indignes, non pas ſeulement de Nobleſſe, mais de l'honnelteté, pieté & integrité requiſe en-

*Louis XI. Roy de France. CH. V. 131*  
tre les Citoyens. Par ce moyen il a  
retranché les moyens , qui sembloient  
les chatoüiller , estans dénuiez de  
moyens , & voulans paroistre par des-  
sus les non nobles à quester la proye  
en un coin d'un bois , & à commettre  
des crimes du tout detestables. On  
en voit un tas , qui usurpans le titre  
de noblesse & faisans des gentillâtres,  
ne daignent s'entremettre à faire quel-  
que chose de bien , & n'ayans de quoy  
foncer à l'appointement pour entre-  
tenir le train de la grandeur , veulent  
piaffer , d'où vient que bien souvent  
ils se licentient à des malheurs , les-  
quels m'est plus seant de taire , que  
d'en empuantir ce discours. Or pour  
honorer ceux de son Royaume , qui  
de sang illustres continuoient à s'en-  
noblir de plus en plus par le service  
qu'ils faisoient à sa Majesté , il insti-  
tua en l'année 1469. au Château  
d'Amboise les Chevaliers de l'Ordre  
S. Michel : l'institution, regles , privi-  
leges & auctoritez desquels j'ay assez  
amplement déduit en ma Cosmogra-  
phie, qui sera cause que je renvoyeray  
le Lecteur à ce que là j'en ay dit, pour  
remarquer que l'affiète des Postes & le

112 *Histoire des ſçavans Hommes,*  
logis à trouver des chevaux pour courir  
furent premierement ordonnez par le  
Roy en l'année 1477. Ce n'eſt pas  
qu'auparavant on n'eût des chevaux-  
legers pour ſervir aux Courriers, deſ-  
quels Cyrus Roy des Perſes & des  
Medes fut le premier auteur, les La-  
tins meſme ont eu des chevaux-le-  
gers, qu'ils appelloient *Veredos* ou *Vc-*  
*redarios* viſte-allans & legers, mais  
d'avoir eu des poſtes aſſiſes, il ne s'en  
lit rien dans les anciens, la pratique  
en ayant eſté dreſſée par ce Roy de  
France. Lequel adverty de la grande  
évacuation qui ſe faiſoit des finances  
de ſon Royaume, que certains galands  
erochetoient pour les porter à Rome,  
pour le vacant des Prelatures, pour  
les fraix qu'il convient pour ce faire,  
qui ſont au detriment de la choſe pu-  
blique, il fit aſſembler les Prelats &  
Univerſitez de ſon Royaume en la  
ville d'Orleans, pour abolir la Prag-  
matique Sanction, laquelle ſon pere  
avoit pourſuivy au Concile de Baſſe  
le 7. de Juillet, l'an 1438. Mais la  
Cour n'y voulant pas entendre, &  
l'Univerſité s'y oppoſant, elle demeura  
en ſon entier. On tient que c'eſtoit

*Louis XI. Roy de France. CH. V. 133*  
le Pape qui sollicitoit à le faire, mais il trouva à qui parler. A la mienne volonté qu'encore aujourd'huy les François se comportassent en cette honneste & vertueuse liberté, sans souffrir le ravissement des privileges de l'Eglise Gallicane pour enrichir la Chambre Apostolique. Toutefois quelques-uns estiment que ce ne fut pas pour l'affection qu'il portast aux Ecclesiastiques, mais pour avoir moyé de remplir ses coffres. Et de fait il est taxé d'avoir bien rudement pincé son peuple par subsides & imposts, desquels il ne faisoit que bien peu de conscience. A ce propos raconte-on qu'il répondit à un Seigneur, qui luy avoit demandé combien valoit le Royaume de France, que facilement il ne pouvoit le sçavoir, encore que fort long-temps il eut commandé, parce, dit-il, que je le fais valoir autant qu'il me plaist, c'est un pré lequel je tonds tous les ans toutes les fois que je le veux, & la faux n'est pas hors, que l'herbe ne soit aussi-tost creüe. Voila pourquoy l'Empereur Maximilien disoit parlant des Empires, Royaumes & Seigneuries, qu'il voudroit si les

134 *Histoire des sçavans Hommes,*  
souhaits pouvoient avoir lieu, estre  
Dieu & avoir deux fils, qu'à l'aîné il  
resignerait la Deïté, & au puîné le  
Royaume de France, lequel il prisoit  
tant pour le titre de Tres-Chrestien,  
qu'il a de preciput sur les autres prin-  
cipautez, qu'aussi pour sa fertilité &  
obeïssance des François, qui tres-  
francs, sont libres à donner à leur  
Prince ce qu'il demande. D'où est ve-  
nu qu'aucuns se gaussans de la facilité  
& obeïssance de nostre nation, on  
peint un cocq avec un bât, pour signi-  
fier qu'encore que le François tienne  
le premier rang entre les autres par-  
ties de la Chrestienté, il est neant-  
moins grand bâtier, & supporte tou-  
tes les charges qu'on luy met sur le  
dos. Et pour cette seule occasion les  
François sont appelez *Clitellarij* par  
certains, qui ont pris plus de peine à  
refuter les imperfections de nos Prin-  
ces, qu'à priser ce qui estoit exquis &  
remarquable en eux. Il est temps que  
nous sortions de ce borbier, repre-  
nant nostre discours pour parler des  
rares vertus qui reluisoient en ce ma-  
gnanime Prince. Icy donc est lieu du  
cinquième poinct, qui a fait admirer

*Louis XI. Roy de France.* CH. V. 135  
par tout ce Roy, c'est qu'encore qu'il  
fut assez rigoureux à ceux qui luy es-  
toient mal affectionnez, il ne vouloit  
pas pourtant exercer sur eux une  
cruauté tigresse, dont pourront faire  
foy plusieurs de ses actions genereu-  
ses: & entr'autres la courtoisie qu'il  
fit à l'Escuyer Raoul de Launoy, qui  
avoit esté du nombre de ceux qui  
avoient tenu à bon credit contre sa  
Majesté, qui l'an 1477. s'estant saisi  
de la ville par le moyen des sieurs de  
Crevecœur, Seigneur d'Esquerdes, &  
autres, fist sommer ceux qui estoient  
dedans le Château pour la Comtesse  
de Flandres, de luy rendre la place,  
apres en avoir fait par plusieurs fois  
refus, enfin voyans qu'ils ne pouvoient  
subsister, demanderent à parlemen-  
ter, & entr'autres cét Escuyer, qui  
trouva une telle grace envers le Roy,  
qu'encore que la victoire fut en sa  
main, il les receut benignement, &  
leur accorda, que ceux qui estoient  
dedans sortiroient avec leurs biens  
saufs. Et de plus gratifia cét Escuyer  
de gages & pensions pour l'entretenir  
honnestement: puis luy donna une  
chainne de la valeur de deux mil es-

136 *Histoire des scavans Hommes,*  
cus. Et parce qu'on pouvoit soupçon-  
ner cét Escuyer de trahison, & dire  
que pour le gagner, le Roy luy auroit  
fait plusieurs caresses & presens, dau-  
tant qu'encore que le Château fut bat-  
tu, si est-ce que le Roy n'estoit dedans.  
Je suis content de produire icy un  
exemple d'une bonté merveilleuse de  
cetres-prudent Prince, lequel se mon-  
stra doux & humain envers ceux d'Ar-  
ras qui s'estoient mutinez & obstinez  
à l'encontre de luy, & si ils furent sur-  
pris alors qu'ils vouloient, comme de-  
leguez de la Communauté d'Arras,  
aller demander secours à la Comtesse  
de Flandres contre le Roy. Le Prevost  
des Mareschaux de vingt-deux ou  
vingt-trois qui avoient esté pris, en  
avoient fait décapiter dix-huit, entre  
lesquels estoit Oudart de Bussi, trop  
tost, car le Roy avoit bien envie de le  
sauver: c'est pourquoy il demanda dès  
qu'il fut arrivé, s'il avoit esté dépes-  
ché, & apres qu'il eut appris qu'il  
estoit vray, il commanda qu'on deter-  
rast la teste dudit Bussi. Ce qui fut  
fait, & fit dresser un haut chevron au  
milieu du marché, & sur iceluy fit at-  
tacher sa teste revestue d'un chaperon  
rouge

*Loüis XI. Roy de France. CH. V. 137*  
rouge fourré de menu vert, à la man-  
niere d'un des Conseillers de la Cour  
de Parlement. Il le tenoit en reputa-  
tion, pource que c'avoit esté un hom-  
me prudent & entendu és affaires d'E-  
stat, auquel pour cette occasion il  
avoit voulu donner un Estat de Con-  
seiller en la Cour de Parlement à Pa-  
ris, mais il ne voulut pas l'accepter en  
son vivant, ny moins aussi l'estat de  
Maistre des Comptes, dont il l'avoit  
voulu honorer. Toutefois apres sa  
mort, encore qu'il s'en fut rendu in-  
digne, tant par le refus qu'il avoit  
fait, que pour la rébellion, qui trop  
temerairement l'avoit fait ainsi avec  
les siens élever à l'encontre du Roy, il  
en receut honneur apres sa mort. Ce  
qui fait davantage admirer la bonté  
de ce Prince est, qu'outre sa coûtume il  
vouloit pour voir d'un estat d'office ce  
Bussi Parisien, au lieu qu'il avoit ac-  
coûtumé de tenir en haleine ceux qu'il  
voyoit aspirer apres les offices. Et de  
fait raconte-on qu'un personnage luy  
demanda un office qui vaquoit en la  
ville d'où il estoit, le Roy luy refusa,  
& luy osta toute esperance de l'obte-  
nir de premier coup, sans le faire long-

138 *Histoire des sçavans Hommes,*  
temps courtoiser, pour avoir réponse  
d'estre admis ou éconduit. Le deman-  
dant apres qu'il veid qu'il n'y avoit  
plus d'espoir de parvenir à cét estat, il  
remercia le Roy avec grande reveren-  
ce, de ce qu'il luy avoit fait un plus  
grand bien qu'il ne pensoit, luy ayant  
si-tost donné sa dépesche, sans luy fai-  
re perdre temps de courir apres luy,  
le repassant de vaine esperance. Le  
Roy se contentant grandement de cet-  
te réponse, luy fit à l'instant expedier  
des lettres de l'office, dont il se pour-  
vut. Entre une infinité d'autres sin-  
gularitez qu'on a remarqué en ce Roi,  
se trouve qu'il a esté un grand gaus-  
seur, & aimoit à dire le mot, mais ren-  
controit fort bien, comme quand le  
Capitaine Naran venant vers luy pour  
l'advertir des expéditions qu'il avoit  
fait à Cambray, il portoit au col un  
riche colier d'or, qui avoit esté fabri-  
qué des reliques des Eglises de Cam-  
bray. Et comme un Gentil-homme  
s'avança pour manier ce colier, le Roi  
luy dît. Garde-toy bien d'y toucher,  
car c'est chose sacrée, donnant à en-  
tendre que Naran avoit esté un sacri-  
lege. Sur tout parmy ces petites risées

*Louis XI. Roy de France* CH. V. 139  
il jettoit brocard, blâmoit toujours  
quelqu'un des vices, qu'il remarquoit  
en luy. Ainsi qu'il fit à Nicolas Kau-  
lin, qui estoit Chancelier de Philip-  
pes III. Duc de Bourgogne, lequel ou-  
tre plusieurs excellentes graces qui le  
rendoient admirable, estoit fort prisé  
de ce qu'il avoit fait bâtir ce beau &  
riche Hospital de Beaune, excellent  
en édifices & en meubles plus qu'au-  
cun de France. Il dit, c'est bien la rai-  
son que le Chancelier de Bourgogne,  
qui en son temps a fait plusieurs pau-  
vres à la fin de ses jours fasse un Hos-  
pital pour les nourrir & loger, regar-  
dant peut-estre à l'Apologie qui est  
fort bien représenté par le fleuron des  
Loix Alciat, qui au 108. de ses Em-  
blèmes represente un petit Milan, qui  
regorgeoit des tripes & boyaux qu'il  
avoit mangé. Auquel sa mere qui est  
juchée, au devant de luy, remonstre  
qu'il ne doit se mécontenter, d'autant  
que ce qu'il jettoit dehors n'estoit de  
ses tripailles, mais de celles d'autrui.  
Il ne voulut point pardonner à Millon  
d'Isle 93. Evêque de Chartres, le  
voyât monté sur une mule harnachée  
de veloux, avec les freins dorez. Il luy

140 *Histoire des sçavans Hommes,*  
dit que les Evesques du temps passé  
se contentoient d'un asne ou une as-  
nesse avec un simple licol : c'estoit du  
temps, dit Millon, que les Rois es-  
toient Bergers & gardoient les bre-  
bis. Le Roy repliqua qu'il ne parloit  
point du vieil Testament, mais du  
nouveau. Ha ! répondit l'Evesque,  
c'estoit alors que les Rois estoient  
grands Aumosniers, qu'ils faisoient  
asseoir les ladres & pauvres en leur ta-  
ble, & lavoient les pieds aux pauvres.  
Non, redoubla Louïs, les ornemens  
precieux sont ordinaires aux Rois,  
pour servir de marque, & les distin-  
guer des autres, mais en la primitive  
Eglise les Evesques se contentoient de  
simples habits. Icy le Roy avec cét  
Evesque contestoit des superfluitez du  
train Episcopal lesquelles il detestoit  
totalement, & mesme en sa Cour il  
ne vouloit permettre la dissolution  
d'habits. Et de fait luy-mesme n'e-  
stoit aucunement curieux d'avoir des  
habits trop precieux & magnifiques,  
dont il fut taxé lors qu'il fut esleu ar-  
bitre, pour juger le different d'entre  
les Rois de Navarre & de Castille. Les  
Espagnols à l'arrivée se mocquoient

*Louis XI. Roy de France.* CH. V. 141  
des François & de leur Roy, qui sem-  
bloit quelque Pelerin de S. Jacques,  
avec son chapeau gras, bordé d'ima-  
ges, & sa jaquette de drap tanné, &  
qui n'avoit aucune majesté. C'est mer-  
veilles cōment il fut élu pour arbitre,  
veu qu'il n'estoit pas lettré, & ne vou-  
loit permettre mesme que son fils  
Charles s'appliqua aux lettres. Pour  
raison disoit-il que le temps employé  
à l'étude occupoit la place du soin,  
qu'il falloit avoir pour l'administra-  
tion du public, & que celui qui va-  
quoit aux lettres, estoit par leur prati-  
que rendu timide, coïard & moins  
hardy aux grandes affaires, prenant de  
si près l'exemple d'autrui par les écri-  
tures, qu'il n'osoit entreprendre un  
fait d'importance & douteux à execu-  
ter. Voicy le miroir, auquel se veulent  
mirer la pluspart de ceux qui tiennent  
les premiers rangs & principales di-  
gnitez par dessus les autres. Ils esti-  
ment avoir emporté gain de cause  
quand ils peuvent enfler leur gran-  
deur d'une ignorance. Je ne veux pas  
leur opposer l'autorité d'un Platon,  
qui tient que les Republiques, Peu-  
ples & Nations sont heureuses seule-

142 *Histoire des sçavans Hommes,*  
ment, lors qu'elles ont pour Seigneurs  
ceux qui sont doctes. Ils me pour-  
roient dire , qu'il en parle en clerks  
d'armes. Partant je leur mettray en  
teste un Salomon , un Alexandre , un  
Ju'es Cesar , un Charles le Grand &  
plusieurs autres , qui estoient bien  
composez d'autre humeur que nostre  
Loüis , & qui ne cedoient à luy. Que  
s'il les eut suivy , il n'eut fait les fautes  
qu'il a faites , de maniere que pour  
rembarrer cette brutale ignorance , il  
n'est pas besoin de mettre en compte  
les malheurs qui ont suivy ceux qui se  
bannissoient ainsi de gayeté de cœur  
de l'adresse des bonnes lettres. Et sans  
doute eut-il fait d'autres démarches  
s'il n'eut esté secondé par plusieurs  
siens Officiers , qui au mieux qu'ils  
pouvoient , reparoient les bresches ,  
que par inadvertance faisoit ce prince ,  
lequel ils relevoient quelquefois ,  
quand ils le sentoient glisser à quelque  
defaut. Entr eux j'en remarqueray icy  
seulement d'eux , le premier sera, Tri-  
stan l'Hermite , qui fut grand Prevost  
de son Hostel , & le Dain Olivier son  
Barbier , qui se faisoit appeller Comte  
de Meulanc ou Melun , dont il estoit

*Louis XI. Roy de France.* CH. V. 143

Capitaine seulement, & non Comte, lequel il envoya à Gand, pour pratiquer les Gaulois, desquels il ne pût venir à bout: partant afin que sa charge ne fut inutile, il fit tant qu'il trouva moyen de mettre les Gens d'armes du Roy dedans Tournay, dont les Flamans reçurent grand dommage, & y moururent plusieurs des ennemis, & entr'autres leur Chef le Duc de Gueldres. Apres avoir regné vingt-trois ans, en grandes peines, travaux soucis, frayeurs & soupçons, il mourut âgé de 57. ans, le penultième jour d'Août 1423. environ huit heures du soir à Pleffis lez Tours, où il faisoit sa residence, puis fut enterré en l'Eglise de Nostre-Dame de Cléry, qu'il avoit fondé, & où il avoit esleu sa sepulture. Apres Charles VIII. luy succeda, auquel avant sa mort il avoit déjà resigné son Royaume. Ce Roy Louis eut deux femmes, la premiere fut Marguerite, fille de Jacques Roy d'Escoffe premier de ce nom, laquelle deceda sans enfans: la seconde fut Charlotte fille de Louis Duc d'Orleans, qui un peu apres son mary deceda en la mesme année au Château d'Amboise, & fut aussi

144 *Histoire des sçavans Hommes,*  
enterrée en l'Eglise de Nostre-Dame  
de Clery, auprès du Roy Louïs. Qui  
avoit eu d'elle quatre enfans, à sçavoir  
Joachim, qui mourut en son enfance,  
Jeanne qu'il fit épouser par force à  
Louis Duc d'Orleans. Anne épouse  
de Pierre de Bourbon, Seigneur de  
Beaujeu, & depuis Duc de Bourbon, &  
le dernier fut Charles, auquel le Roy  
avant que de mourir, ordonna de se  
gouverner par le conseil de son beau-  
frere le Duc de Bourbon & du Sei-  
gneur d'Esquerdes. Du temps de ce  
Roy Louis advindrent plusieurs cala-  
mités au Royaume en l'année 1422.  
les vignes gelerent, la cherté de bleds  
fut universelle dont mourut de faim  
grande quantité de gens, que l'on  
trouvoit morts es champs. L'année en-  
suivante couroit une maladie de fiè-  
vre & rage de teste, en maniere de co-  
queluche, dont moururent plusieurs  
grands & notables personnages. En-  
tr'autres l'archevesque de Narbonne,  
l'Evesque de Lizieux, Messire Jean  
Boulanger premier President, Maistre  
Martin Magistri, Docteur & Aumos-  
nier du Roy & autres, qui avoient du  
bled en leurs greniers, durant la fami-  
ne

*Louis XI. Roy de France.* CH. V. 145  
ne de l'année precedente. Environ ce  
temps aussi, le 6 de Juin le clocher  
de sainte Genevieve à Paris fut brûlé  
par la foudre, & le feu du Ciel, qui y  
cheut entre huit & neuf heures du  
soir. Or encore que la memoire de  
ces defastres puisse servir au public,  
toutefois puis qu'elle engendreroit  
trop de melancolie, j'aime mieux pour  
clore & finir la presente Histoire, ad-  
jouter encore icy quelque chose des  
faits & actions de ce Roy, lequel à son  
advenement à la Couronne établit  
l'ordre des Presidens, premier, second,  
troisième & quatrième en la Cour de  
Parlement à Paris, ainsi qu'on voit  
par les dates du 8. de Septembre 1461.  
Semblablement ce fut luy, qui en l'an-  
née 1467. envoya un mandement à  
Paris, que les quartiers de la ville fus-  
sent divisez en dixaines, chacune des-  
quelles eut sa banniere, avec des Ca-  
pitaines & Lieutenans, qui sont nom-  
mez par l'ancienne Histoire Princi-  
paux & Sous-principaux, lesquels fe-  
roient armer tous les Citoyens com-  
pris sous leurs dixaines, tant nobles  
que roturiers, gens d'Eglise que de  
Justice, Marchands & gens de mestier.

Et pour ce que par le malheur des guerres, famines & peste, la ville de Paris estoit décheute de sa grandeur & magnificence, il permit à tous, de quelque estat ou condition qu'ils fussent, de venir demeurer à Paris, Faux-bourgs & Banlieuë de cette ville, avec abolition & franchise de tous maux par eux commis, sans réserver les crimes de larcins, volerie, meurtre ny autres, le seul crime de leze-Majesté estant excepté : dont quelques-uns se formalisent, d'autant, disent-ils, qu'il faisoit de Paris (vray chef de tout son Royaume) un asile & refuge pour les mal-vivans. Mais ces gentils contrôleurs ne considerent pas que la Republique de Venise sert de mesme port de salut à ceux qui sont diffamez de tels & horribles crimes. Je leur voudrois demander si jamais ils ouyrent parler d'une plus grande ville que fut Rome, & neantmoins Romule, lors qu'il la voulut peupler, permit libre entrée à toutes personnes, sans faire cette scrupuleuse separation des biens vivans ou mal-vivans. Au reste, comme je ne suis pas de ceux qui prennent plaisir d'épouser les quereles particu-

*Louis XI. Roy de France.* CH. V. 147  
lières des uns & des autres au discours  
de cette Histoire, aussi ne voudrois-je  
glisser tellement, que je laissasse de  
gayeté de cœur fouler aux pieds l'hon-  
neur de ceux qui ont merité beaucoup  
pour la Republique, & nommément  
de nostre Louys, auquel certains con-  
troleurs ne peuvent rien reprocher,  
sinon qu'il s'accostoit de mauvais con-  
seil, & desappointoit ceux qui pou-  
voient de beaucoup luy aider. Iene  
veux point entrer en la justification  
du Jurisconsulte Ambroise de Cam-  
bray, ny aussi mal parler de luy, mais  
j'oseray bien asseurer qu'encore qu'il  
eut esté pire cinq cens mil fois qu'il  
n'estoit, toujours eut-il esté trop bon,  
pour mâtiner ces testes folles, qui  
osoient s'attaquer à nostre Louys. Au-  
quel on sçait fort mauvais gré qu'il  
favorisoit les petits, & estoit insup-  
portable aux grands. Ce que je ne puis  
nier, reconnoissant qu'il donna re-  
mission à Messire Jean de Hangest Sei-  
gneur de Senly, qui avoit suivy le  
Duc de Bourgogne, & servy le Comte  
de S. Paul : & à Renaud de Durfort,  
Seigneur de Duras, & Seigneur de  
Beaumont en Agénois, qui avoit tenu

148 *Histoire des ſçavans Hommes,*  
le party du Roy d'Angleterre, il donna la moitié de la Seigneurie de la ville du Port Sainte Marie, aſſiſe ſur la Garonne en Agenois, comme par indivis avec le Chapitre de Sainte Capraïſe. Et bien que Meſſire Gail-  
lard de Durfort, Seigneur de Duras, Blancafort & Villandrau ſe fut opiniâſtré avec l'Anglois, ſi eſt-ce que le Roy ne luy en fit pas grand mal, mais luy en oſtroya pardon fort liberalement, & luy rendit toutes ſes terres. De plus je ſçay fort bien qu'il avoit ſon Maïſtre Pierre des Habi itez, lequel ( comme l'on dit ) luy ſouſtenoit la teſte ſous ſon chevet. Mais qui prendra garde de près à l'humeur & prudence de ce Louys, ſoudain il découvrira à quelle fin les Grands n'eſtoient pas tant ſupportez que les petits. C'eſt que ce Roy avoit envie d'eſtre obey, & tenu le plus grand de ſon Royaume, auſſi falloir-il qu'il ſuivit tous les moyens qui pouvoient le maintenir en une telle grandeur. Le plus propre eſtoit d'appaiſer & aterrer ceux, qui eſtans trop haut perchez pouvoient luy faire ombre & obſcurcir la lumiere de ſa Majeſté. Et pour

ce qu'il devoit avoir à l'entour de sa  
personne gens d'apparence, il avan-  
çoit les petits, qui à peine eussent  
fçeu estre si bien rempumez qu'ils  
osassent prendre leur vol par dessus  
son siege. Ioint que telles partialitez  
qu'il feroit entre les Grands desap-  
pointez & les petits avancez, sem-  
bloient servir à la conservation de son  
Estat, d'autant que s'entrepillans par  
ensemble, ils ne s'amuseroient pas à  
luy broüiller la tranquillité de son  
Royaume. Et pour mieux rafermir son  
Estat, il s'entretenoit de la Cour de  
Parlement, & à cét effet en l'an 149.  
il octroya le privilege d'exemption de  
l'arriere-ban à tous les Seigneurs du  
corps. Qui est chose raisonnable &  
bien considerée, que ceux qui font la  
justice à chacun soient respectez sur  
tous autres, & exempts de toutes char-  
ges & servitudes. En laquelle immuni-  
té & exemptiō furent compris tous les  
Notaires & Secretaires du Roy en cet-  
te Cour souveraine. Ce n'est pas que  
pour tout cela je veüi le affranchir no-  
stre Louys des excez, esquels il s'est  
laissé aller sur l'imposition des Tail-  
les, dont il se licentia tellement, que


150 *Histoire des ſçavans Hommes,*  
ſon peuple en fut grandement chargé.  
Et c'eſt pourquoy on dit que le feu  
Roy François premier du nom, diſoit  
que Louys XI. avoit mis les Rois hors  
de page, les affranchiſſant de cette  
obligation de la Loy ancienne, qui  
leur lioit aucunement les mains, &  
leur empeschoit de faire levées ſur le  
peuple qu'en urgente neceſſité, ſans  
le conſentement des Eſtats. Et comme  
il ſe plaſoit aux petits, auſſi ne faiſoit-  
il aucune conſcience de les avancer,  
leur faire dons immenſes, & ſoutenir  
par ce moyen ſon Royaume. A Coſtier  
ſon Medecin, vice-Preſident des Com-  
ptes il donna les Seigneuries de S. Ger-  
main en Laye, ſejour des Rois an-  
ciens & de Triel, appellée autrefois la  
Chaſtellenie de Poiſſy, lesquelles il  
oſta à Jean d'Ailly Vidame d'Amiens;  
il luy donna encore la Chaſtellenie de  
Germont & ville de Poligny ſur Aglan-  
tine au Comté de Bourgogne: & à un  
ſien valet nommé Olivier le Dain, il  
donna le Vicomté de Corbeil & la  
Seigneurie de Choisy, la Garenne &  
Forest de Senart, toute la Juſtice &  
Villages compris. Ce que j'ay bien  
voulu icy propoſer pour rabatre les


*Louis XI. Roy de France. CH. V. 151*  
cloux à ces Satyriques censeurs, qui  
veulent tenir le controlle des libera-  
litez de nos Rois. Je leur represente  
ce Louys, qui fit à de si petits compa-  
gnons des dons de telle importance.  
S'il l'a pû faire, pourquoy ne sera-il  
permis à nos Rois de gratifier, recon-  
noître & honorer le service de ceux  
qui auront employé leur valeur, pru-  
dence & dexterité pour la Couronne  
& le public? Là dessus je sçay qu'on  
me dira que ces donataires ne iouy-  
rent gueres long-temps de telles libe-  
ralitez, qui estoient faites au prejudi-  
ce de l'Estat, ce que je ne veux pas  
nier; mais aussi il faudra qu'on me  
confesse que la vertu & merite de ceux  
qui sont avancez par les Rois, sert  
d'un merveilleux rempart à l'encon-  
tre des invalidations, retraites & re-  
tranchemens qu'on pourroit preten-  
dre de ces donations, qui estans con-  
ferées à personnes dignes & l'ayans  
merité, doivent estre irrevocables. Or  
comme ce Prince estoit fort merveil-  
leux en ses actions, l'un des plus sa-  
ges de son temps, des mieux disans &  
plus lettrez Princes qui vescuissent  
pour lors, dissimulé en ses affaires,

152 *Histoire des ſçavans Hommes,*  
ſecret en ſes deſſeins, déſiant, ſoup-  
conneux, colere, vindicatif, accort,  
ſubtil, prevoyant & diſcret, l'Empe-  
reur Charles le Quint tenoit touſjours  
devant ſes yeux le diſcours de ſa vie,  
ſes dits & geſtes, pour ſe faire deſſus  
ce modele. De fait il eut eſté bien em-  
peſché de choiſir un plus beau, plus  
propre & plus excellent exéplaire que  
celuy de noſtre Louys, auquel ſes en-  
nemis eſtoient contraints de faire bon-  
ne mine : & entr'autres Bajazeth ſe-  
cond du nom, & fils de ce Mahemeth,  
qui conquit les Empires de Grece &  
Trebizode, leque'envoia ſes Chiaoux  
& Meſſagers vers Louys, avec un in-  
ventaire de pluſieurs Reliques, qui  
reſtoient encore du ſac de Conſtanti-  
nople, & une grande ſomme d'argent  
pour offrir à ce Roy, & par ce moyen  
tirer de luy ſon oncle Zizin, qui eſtoit  
en France ſous la garde du Seigneur  
d'Aubuſſon, grand Maïſtre de l'Ordre  
de S. Jean de Rhodes, & pour avoir  
ſon alliance. Mais comme nôtre Louïs  
eſtoit conſciencieux, auſſi refuſa-il  
l'alliance d'un perſecuteur juré des  
Chreſtiens, & ne voulut pas qu'on li-  
vrâ le Prince Turc, s'eſtant rendu ſous

*Louis XI Roy de France. CH V. 153*  
la foy des nostres, & desquels il em-  
brassoit la doctrine. Une chose est à  
admirer, que plusieurs Princes qui vi-  
voient du temps de ce Louys, & les-  
quels il empeschoit de pouvoir atten-  
ter sur l'Estat du Royaume, allerent  
avant luy payer le tribut à nature, tels  
que furent Charles Duc de Bourgo-  
gne, la Duchesse Marie fille de ce Duc  
& épouse du Prince d'Austriche, E-  
douïard d'York Roy d'Angleterre, qui  
mourut l'onzième d'Août 1422. Ga-  
leas Sforce Duc de Milan, Iean d'Ar-  
ragon & autres. Au reste, j'advertis le  
Lecteur qu'en cette vie par mégarde  
on a laissé couler que François de Paule  
estoit Fondateur des Capucins, au lieu  
qu'il falloit dire des Bons-hommes.  
Et ce afin qu'il ne tombe en erreur.









FRANÇOIS I. DV NOM  
ROY DE FRANCE




# FRANÇOIS I.

DU NOM,

## ROY DE FRANCE.

---

### CHAPITRE VI.

 N n'a pas dit sans occasion  
que les deux principales  
colonnes de la Royauté,  
sont la sagesse & la vertu:  
la sagesse sert pour remedier aux par-  
ties du Royaume interessées, & les  
conserver en la composition bien or-  
donnée, qui entretient la splendeur,  
fermeté & autorité: la vertu, la bra-  
voure & la magnanimité pour faire  
joug à ceux qui trop mal appris ven-  
lent attenter sur l'Estat, le troubler &

156 *Histoire des sçavans Hommes,*  
renverser: toutes deux ensemblement  
conjointes, pour raison de la fin, sou-  
tiennent les Principautez, & les main-  
tiennent en heureuse & stable durée.  
Pour verification de mon dire, il n'est  
pas besoin que je m'égaré dans l'an-  
tiquité, encore que l'excellence des  
Empires Grecs & Romains ne nous en  
appreste que trop de matiere, je ne  
veux point m'éloigner de nostre Fran-  
ce, qui nous en a dès un long-temps  
produit de fort beaux témoignages. Et  
sur tout en la magnanime sagesse de ce  
premier François, qui a par son adref-  
se tellement affranchy la France des  
griffes de ceux qui la vouloient tyran-  
niquement rendre esclave, que je se-  
rois taxé de trop grande ingratitude,  
si je laissois rouler ce globe d'hommes  
Illustres, sans donner atteinte au lus-  
tre de nostre France, lequel n'a point  
esté seulement un Mars victorieux,  
mais aussi le Pere nourricier & ama-  
teur des bonnes lettres. C'en est pas  
que je fasse estat de particulariser tout  
ce qui seroit requis pour l'Histoire, ses  
dits, faits & gestes, mais j'en veux seu-  
lement ébaucher quelque simple ab-  
bregé, pour représenter à la posterité

les tres-dignes vertus, qui l'ont maintenu en sa Royale grandeur, afin que s'y regardant, elle continuë toujous aux heureux & vertueux exploits, qui à tout jamais immortaliseront le nom François. Et parce que certains se font accroire, que celuy dont presentement je veux parler, il a assez brusquement esté élevé à la Couronne de France, & que pour cette occasion il a esté querelé par aucuns Princes, je veux bien avant que d'entrer au recit de ses magnanimes executions, montrer d'où il est sorty. On demeure d'accord que son pere estoit Charles Comte d'Angoulesme, fils de Iean d'Orleans Comte d'Angoulesme, assez remarqué par les Historiens pour la longue & ennuyeuse prison, qu'il souffrit par l'espace de trente-deux ans en Angleterre où il fut mené par les Anglois qui le prirent à la bataille d'Azincourt, & le relâcherent l'an 1445. Apres il mourut l'an 1468. Sa mere fut Louyse de Savoye fille de Philippes Duc de Savoye VII. du nom, & de Marguerite de Bourbon, laquelle mourut le 22. de Septembre, l'an 153. en un village nommé Grez en Gastinois: de maniere

158 *Histoire des ſçavans Hommes,*  
qu'il faut conclure que le Roy Louys  
XII. eſtant decedé ſans hoirs maſles, il  
n'y a eu aucun plus proche du ſang en  
ligne maſculine & collaterale que  
François : ce qui ſera aiſé à entendre  
de certe maniere. Charles V. eut deux  
ſils, à ſçavoir Charles VI. duquel vint  
Charles VII. & de ce Louys XI. qui  
engendra Charles VIII. Le ſecond fut  
Louys Duc d'Orleans, qui eut de Va-  
lentine, fille de Galeas Duc de Milan  
trois ſils, Charles qui fut Duc d'Or-  
leans, Jean Comte d'Angoulefme &  
Philippes Comte de Vertus. Charles  
eut de Marie de Cleves Louys, qui fut  
Roy de France, douzième du nom, &  
Marie qui fut donnée en mariage à  
Jean de Foix, Vicomte de Narbonne.  
Louis douzième n'eut que deux filles,  
à ſçavoir Claude & Renée, qui fut  
mariée à Hercule Duc de Ferrare, le  
28. jour du mois de Juîn, l'an 1528.  
Or par la Loy Salique on ſçait bien  
que le Royaume ne tombe point en  
quenoüille, de maniere qu'il a fallu  
reprendre la ſouche de Jean Comte  
d'Angoulefme, lequel eut de Mar-  
guerite fille du Seigneur de Rohan,  
Charles & Ieanne qui fut mariée à

Charles de Coitivy, Seigneur de Taillebourg & Baron de Craon. De Charles sont descendus nostre François & Marguerite Duchesse d'Alençon, & depuis Reine de Navarre, voilà pourquoy il fut sacré à Reims, presens les Deputez, representans les douze Pairs de France le 25. jour du mois de Janvier, l'an 1514. A S. Denis il fut couronné suivant l'ancienne coûtume, y assistans tous les Princes, Seigneurs & autres, qui doivent se trouver en une telle ceremonie. Par les Cours de Parlemens fut-il advoûé, de maniere que ceux-là s'abusent, qui n'entendans pas l'Histoire, tiennent qu'il s'est glissé furtivement à la Couronne, sans y estre appelé par le droit fil de succession. Comme aussi ceux qui sous le voile du mariage qui fut entre luy & Claude fille de Louis XII. laquelle deceda le 26. jour de Juillet, l'an mil cinq cens vingt-quatre, estiment que la Royauté luy soit écheuë, & comment se pourroit faire cela, si Claude pouvoit parvenir? est-il vray-semblable qu'à cause d'elle François en ait esté impatronizé? Doncques François nâquit l'an 1490. le 12. de Septem-

160 *Histoire des sçavans Hommes,*  
bre : & parvint au Royaume en l'année de son âge vingt-vn, succedant à Louis XII. lequel pour le bon traitement qu'il faisoit à son peuple, ne le surchargeant point de Tailles & autres tels faits, qui accablent par trop souvent les Sujets, fut appellé Pere du peuple, comme aussi Philippes III. du nom, & dix-neufiéme Duc de Bourgogne fut appellé Bon, pour la descharge qu'il fit à ses Sujets des Tailles, Subsidés & Imposts. Si ces deux Princes ont merité d'estre ornez de telles qualitez, celuy duquel je parle presentement, devra estre de la partie, tant pour le soin qu'il a pris à amplifier & illustrer son Royaume, que pour l'affection qu'il a eu à l'endroit des vertueux & sçavans personnages. Bien peu de temps peût-il demeurer en son Royaume, que contre Sforce Duc presomptif de Milan, ou contre les Suisses il ne dressast une furieuse & grosse armée. Contre le Milanois, il fit de grandes actions par l'armée qu'il donna en charge à Charles de Bourbon, Prince autant valeureux que nul autre de son temps : lequel aussi par la singularité de son adresse sçeut si bien

captiver le cœur de son Roy, qu'encores qu'il n'y eust eu en France Connestable depuis la mort de Louis de Luxembourg, qui fut décapité à Paris du temps du Roy Louis XI. le 19. jour de Decembre en l'année 1475. pour s'estre déloyalement porté tant envers la Couronne de France, que le Roy d'Angleterre & la Maison de Bourgogne, au commencement de ce regne il fut fait Connestable de France. Et de cette charge par quelque temps il s'aquitta tellement au gré de son Roy, que soit qu'il eut envie d'avancer les Princes du sang, soit qu'il ne voulut estre ingrat à reconnoistre la generosité de cét Heroïque Chevalier, il luy donna la Chastelleraudoye en titre de Duché, quoy que ce pais soit sujet au ressort de poictou, qui ne porte que titre de Comté. La guerre de Milan servit en partie à exercer le courage de ce Duc de Bourbon, & aussi luy apprester matiere de se venger du tort qu'il croyoit avoir receu par la perte dont il estoit menacé à l'encontre de Maximilian fils de Louis Sforce usurpateur de Milan. Le Roy preparoit une puissante armée, parce qu'il avoit affaire

162 *Histoire des sçavans Hommes,*  
à forte partie. Le Pape Leon d'un côté  
donnoit secours aux Milanois, & de  
fait Prosper Colonne Romain fut pris  
à Villefranche par le Seigneur d'Him-  
bercourt. Apres il fit avancer vers Mi-  
lan son armée, parce que d'autre côté  
il aprenoit que les Suisses marchaient  
jour & nuit pour secourir le Mila-  
nois, ils estoient mesme entrez de-  
dans Novare, d'où ils furent chassés  
par Pierre de Navarre. Et alors ils fi-  
rent parler d'appointement au Roy,  
qui pour n'estre de mauvaise intelli-  
gence avec eux, leur envoya par le  
sieur de Lautrec la somme qui leur  
avoit esté promise. Cependant les  
Suisses se laisserent prendre à la pipée  
du Cardinal de Sion Imperialiste, &  
s'aveuglerent si fort d'une ridicule  
presomption d'estre dompteurs des  
Princes, que contre leur foy, promes-  
se & serment ils rebroussèrent che-  
min: se mirent en devoir de surpren-  
dre le Roy, qui mécontent d'une telle  
perfidie, delibera de combattre cette  
compagnie déloyale. La bataille fut  
assez rude, en la meslée il y eut de  
costé & d'autre perte notable, tant ils  
estoient acharnez les uns sur les au-

tres, qu'il sembloit impossible de les  
separer. Enfin les Suisses perdirent la  
place. De dérober l'honneur de cette  
victoire aux Seigneurs, Capitaines &  
Soldats, qui se comporterent gene-  
reusement en cette bataille, ce n'est  
pas mon intention; mais que princi-  
palement l'honneur n'en doive estre  
attribué à cet invincible François, on  
ne le peut le nier, puisque continuel-  
lement il estoit bandé à encourager  
son armée pour se comporter vigou-  
reusement contre la fierté trop hautaine  
de ces dompteurs, qui furent domptez  
eux-mesmes. Le lendemain ceux qui  
restoient des Suisses, secondez de ceux  
qui estoient sortis de Milan, environ  
trente-six mil combatans tant à pied  
qu'à cheval, vinrent charger de telle  
vitesse les François, que le fils du  
Comte de Petillanne, le Seigneur  
d'Himbercourt, François frere de  
Charles Duc de Bourbon & Connesta-  
ble, Charles de la Trimouille, Prince  
de Thalorut, le Comte de Sancerre,  
le Seigneur de Bussi, le Capitaine  
Mouy & autres tres hardis Capitaines  
y demurerent. Cette défaite neant-  
moins n'amoindrit pas le cœur des

164. *Histoire des ſçavans Hommes,*  
françois & l'avantage qu'ils avoient  
pris ſur les Milanois. Leſquels rendi-  
rent au Roy la ville, ſe ſoumettans à  
ſa mercy. De meſme fit Maximilian  
Sforce, qui apres avoir eſté par quel-  
que temps aſſié gé par l'ierre de Na-  
varre, voyant que les mines qui eſ-  
toient faites, avoient déjà de telle ſor-  
te ébranlé le Chateau, qu'une bonne  
partie eſtoit déjà renverſée, il ſe rendit  
à la mercy du Roy, qui le luy accor-  
da, & deſlors ſ'empara de Milan, y  
étabit juſtice, & mit Officiers pour la  
police de la ville. Apres il ſ'aboucha  
avec le Pape Leon X. du nom à Bou-  
logne la Graſſe, ce qui ne ſervit gueres  
à la France, à cauſe de l'abolition en  
partie de la Pragmatique Sanction. Un  
peu auparavant il avoit fait appoin-  
tement avec les Suiffes, qui moyennant  
grande ſomme de deniers que le Roy  
leur donna, ſe declarerent ſes amis &  
de ſon alliance, comme auſſi ceux de  
Pavie. Ce pour parler de Boulogne re-  
mit ſur le tapis cette Croiſade ſans  
eſſet, qui ſi mal à propos fut maniée,  
qu'elle réveilla Martin Luther & plu-  
ſieurs autres, qui ſous ombre d'abus,  
ayans découvert la malheureuſe fin

*François I. Roy de Fr. CH. VI. 165*  
où on tenoit que la pluspart des derniers de cette Croisade jubilee estoient destineez, de plein saut se retirerent de l'Eglise Catholique Romaine. Cette paix ne dura gueres, sur la fin du Carême vinrent nouvelles au Roy à Lyon, que l'Empereur Maximilian avoit pratiqué quelques alliez du Roi, mesme avoit secreete intelligence avec quelques citoyens de Milan, & qu'il decendoit avec de grandes forces en la plaine de Veronne & à Landes. Le Duc de Bourbon qui avoit esté laissé Gouverneur & Lieutenant general à Milan, n'en fut pas plustost adverty, qu'il sortit de Milan pour aller contre; mais voyant l'armée de l'Empereur de la moitié plus puissante que celle du Roy, il se retira, estimant qu'il feroit une action de temerité s'il hazar-  
doit ses troupes à la foule des ennemis: toutefois l'Empereur fut si bien ruiné devant le siege de Milan, que force luy fut, non sans grande honte de lever le siege, apres avoir si long-temps esté devant la place, qu'il fut contraint d'emprunter de Henry VIII. du nom Roy d'Angleterre cinquante mil angelots. Pour mieux asseurer son Estat,

166 *Histoire des ſçavans Hommes,*  
le Roy traitta alliance avec l'Archiduc, ( qui pour lors n'eſtoit que Roy d'Arragon, & depuis fut Empereur ) à Noyon : mais ce traité ne vint point à effet : auſſi bien-toſt apres ils commencerent les guerres en Picardie, lesquelles ont duré juſques à noſtre temps. En l'année 1521. les Eſpagnols & Hannuyers aſſiegerent la ville de Meſieres, où ils ne perdirent que leur temps, à cauſe de la reſiſtance qu'y faiſoit le Capitaine Bayard avec le ſieur de Montmorency, de Montmoreau, de Lucé, de la Tour, de Bre-mont, Jean de Dureil, de la Barbée, Nicolas de Toüars & pluſieurs autres, qui valeureuſement repouſſerent l'Eſpagnol ſi vivement, que force luy fut de quitter le ſiege : le Roy ſe mit deſ-lors à pourſuivre à feu & à ſang l'Empereur : ſur lequel en faveur du Roy de Navarre, privé de ſes terres pour faire ſervice au Roy Louis XII. il prit Fontarabie, d'où encore qu'elle fut reputée imprenable, il en fut chaffé par le ſieur de Lude, qui entra dedans. Depuis par les menées du Pape Leon, les Milanois ſe revolterent contre le Seigneur de Lautrec, Gouverneur du

païs pour sa Majesté, de sorte que par faute de secours il quitta le país. Apres que Charles le Quint fut installé dans l'Empire, les affaires du Roy commencerent davantage de s'embroüiller, à cause de l'alliance qui estoit entre l'Empereur & le Roy Henry d'Angleterre. Lequel au mois d'Octobre en l'année 1524. descendit en Picardie, & commençoit déjà à y prendre pied, si par le secours qui fut dépesché de Paris, tant de munitions que de guerriers, leur entreprise n'eut esté interrompue. Là les Seigneurs de Vendosme & Louis de la Trimouille leur rabatirent leurs coups, comme il appartenoit. Mais le Seigneur de la Trimouille ne pût gueres y arrester, il fut rappellé en son Gouvernement de Bourgogne, où l'Espagnol vouloit descendre. Lequel voyant que la traisnée qu'il avoit fait, ne pouvoit prendre feu, cependant que le valeureux la Trimouille seroit present, quitta sa poursuite. Partant derechef le Seigneur de la Trimouille fut renvoyé en Picardie pour renfort du Seigneur de Vendosme avec les Mareschaux de Foix & Montmorency & les Bandes de

168 *Histoire des sçavans Hommes,*  
Mesieres & de Baugé. Si les troubles,  
dont j'ay cy-dessus tracé quelque dis-  
cours, ont servy pour exercer la sages-  
se & prudence de ce magnanime Roy,  
ceux qui ont ensuivy luy ont encore  
appresté plus belle matiere. A Lyon  
le Roy d'Ang'eterre par son heraut  
luy dénonce une guerre mortelle. Il  
reçoit nouvelles que son Connestable  
le Duc de Bourbon s'est rangé du par-  
ty de l'Empereur avec plusieurs Sei-  
gneurs & Gentilshommes signalez du  
Royaume : Que derechef les Anglois  
& Flamans s'armoient pour retourner  
en Picardie. Pour cela il ne perdit  
point cœur. Pour donner ordre aux  
desseins que pouvoit faire le sieur de  
Bourbon, il se saisit du Chancelier de  
Bourbonnois, du Seneschal, du Sei-  
gneur des Cars, du Seigneur de Saint  
Valier, & de deux Gentilshommes du  
Connestable, qui luy menoient son  
tresor, il les fit mettre prisonniers  
dans la Conciergerie du Palais à Paris.  
Il découvrit d'eux les secrets, prati-  
ques & menées du Seigneur de Bour-  
bon, où fort prudemment il preveut.  
Et parce que le sieur Jean de Poitiers,  
Seigneur de S. Valier ne vouloit chan-  
ter

ter, comme on vouloit, ( encore qu'il eut confessé en la Tour de Loches au President de Selva & à l'Evesque du Puy, que l'occasion qui fit rebeller le Duc de Bourbon, estoit la réponse que le Roy avoit fait aux articles par luy envoyez à la Cour de Parlement, sur le procez qu'il avoit contre la Regente, touchant le domaine ) il fut condamné le 17. du mois de Fevrier, l'an 1523. apres estre degradé des armes, d'avoir la teste tranchée en la place de Greve, où il fut à cét effet mené, & ne faisoit pas son compte autre que de passer le pas pour cette heure. Toutefois sa grace luy fut envoyée par le Roy, & par ce moyen en réchapa. Cependant de toutes parts le Roy fait entendre aux Villes & Places fortes qu'on se tint sur ses gardes, à cause de la rebellion du Connestable & autres ses alliez. Ce que le Roy d'Angleterre avoit mandé au Roy, il ne manqua pas à l'executer. Se joignant avec les Flamands il aborda à Theroüienne, où ils receurent un grand échec par le Capitaine Pierre-pont, Lieutenant du Duc de Lorraine. Encore moins firent-ils devant Dourlans, le Seigneur de la

170 *Histoire des ſcavans Hommes,*  
Trimouille prevenoît ſi bien leurs entre-  
trepriſes. Il ne ſçeut neantmoins faire  
ſi bien, qu'ils ne priſſent Braye, Roye  
& Montdidier. Cependant qu'on re-  
muoit ſi fort les mains en Picardie, le  
Roy avançoit le plus qu'il pouvoit  
ſon voyage d'Italie, pour recouvrer ſa  
Duché de Milan, où il avoit bonne  
envie de ſ'acheminer, mais les affai-  
res du Royaume ne pouvans lui per-  
mettre cette expedition, il y envoya  
le ſieur Guillaume Goffier, Seigneur  
de Bonnavet Admiral de France, qui  
ne pût rien y executer, parce que le  
Duc de Bourbon s'eſtoit déjà emparé  
de Milan, & partant il fut contraint  
de ſ'en retourner avec les Seigneurs  
de Vaudemont, de Vandeneſſe & le  
Capitaine Bayard. Leſquels ce Prince  
fit ſuivre par quatre mil Harquebu-  
ſiers, qui bleſſerent tant l'Admiral,  
que le Seigneur de Vandeneſſe, qui  
toſt apres en mourut, comme auſſi le  
generoux Bayard, qui eſtant decendu  
de cheval, ſe mit ſous un arbre, où  
bien-toſt apres il mourut, dont fut  
fort falché le Seigneur de Bourbon,  
qui ſe trouva à ſa mort. Quand un Su-  
jet ſe bande contre ſon Prince, il luy

donne beaucoup plus d'algarades, que ne ſçauroit faire l'ennemy étranger, quelque fort qu'il ſoit : icy vous voyez le ſieur de Bourbon, qui ſeul brife les deſſeins du Roy pour Milan. Il aſſiege Marſeille, la met en tel hazard, qu'il faut y depeſcher le Seigneur Philippes de Chabot, le Seigneur Rance & autres: même il fallut dreſſer une armée, dont fut Lieutenant le Seigneur de la Palice pour l'en faire décamber. De parler ici de la journée de Pavie ſeroit renouveler la playe, qui dès ſi longtemps a défiguré ce Royaume, veu la défaite des nôtres & la priſon du Roy meſme, laquelle principalement on doit imputer à la ſecouſſe que donna le ſieur de Bourbon, qui alors ſe vengea de celui, qui n'ayant daigné lui faire raiſon du tort que lui vouloit faire Louiſe Reine Mere du Roy, lui avoit donné occaſion de ſ'abſenter de la Cour. Je ne veux pareillement parler du traité de Madrit ny de la delivrance du Roy, à cauſe que cela enfleroit de trop ce diſcours. Joint auſſi que pour la nullité de ce traité les choſes allerent tout autrement qu'il n'avoit eſté dit par ledit accord, ainſi que les

172 *Histoire des sçavans Hommes,*  
Histoires de ce temps-là ne le justi-  
fient que par trop. Après sa delivran-  
ce il ne cessa pas de reprendre ses pre-  
miers desseins contre l'Empereur  
Charles, qui voulut venir en Proven-  
ce, mais il n'y gagna gueres qu'une  
honte de s'enfuir, apres avoir perdu  
une infinité de ses gens en Piedmont,  
il traversa pour reprendre Milan, ce  
qu'il fit ne sera pas ici couché par moi,  
non plus que les actiōs de François de  
Bourbon sieur d'Anguien, qui fit cette  
tant celebrée défaite des Espagnols &  
Lansquenets à Carmaignole, l'an mil  
cinq cens quarante-quatre, où il prit  
deux mil cinq cens prisonniers : entre  
lesquels estoient Dom Charles de Gon-  
zague, chef de l'avantgarde & Colo-  
nel de leurs gens de cheval, Remy de  
Mandone Colonel des Espagnols &  
autres Seigneurs & Capitaines de re-  
marque. Pareillement si je parlois de  
la prise de Cazignan, il sembleroit  
que je voudrois chatouiller le sort, qui  
d'une façon incroyable accompagnoit  
la tres-illustre generosité de ce Prince  
vertueux. J'aime mieux renvoyant le  
Lecteur à ce qui en est assez amplemēt  
proposé par les Annales de France à re-

chercher la cause sur laquelle estoit fondée cette guerre de Milan. A dire la verité quād il eut fallu acheter la Duché de Milan, le Royaume eut pû la payer, qu'il fallut déboursier pour la conquérir, outre les rançons que tira l'Espagnol, & plusieurs milliers de braves & valeureux Capitaines; mais voila ce que c'est, les Princes ne regardent pas de si près, quoy qu'il coûte, il faut que ce qu'ils pretendent leur appartenir leur soit rendu. Que cette piece n'ait esté dés un fort long-temps querelée par les François, on ne peut le nier. Lesquels y pretendent droit par le moyen de Valentine, fille de Jean Galeace, créé premier Duc de Milan par Vvenceslas, laquelle fut mariée à Louis Duc d'Orleans, à cette condition, que si Jean Marie & Philippes Marie ses deux freres qui furent Ducs, mouroient sans enfant masse, que les enfans legitimes & successeurs de Valentine, seroient heritiers du Duché de Milan. Et on dit que le Pape sous-signa ce traité. A cette occasion Charles d'Orleans fils de Louis & Valentine, apres la mort de son oncle, leva une armée contre Milan, & continuerent ses successeurs jusques à nostre

174 *Histoire des sçavans Hommes,*  
François, qui estoit affectionné si fort  
qu'il ne pouvoit se donner le loisir de  
penser aux affaires de son Royaume.  
A peine fut il de retour en France, par  
maniere de dire, qu'il commença à re-  
mettre ses forces pour aller reconque-  
rir son Milan. Et parce qu'il lui fal-  
loit passer par les terres appartenan-  
tes au Duc de Savoye, qui pour lors  
estoit en Cour, il le pria de lui oc-  
troyer passage. Ce qu'il refusa à cause  
de l'alliance qui estoit jurée entre lui  
& l'Empereur. Il eut vallu beaucoup  
mieux qu'il le lui eut acordé, dautant  
que ce refus donna occasion au Roi de  
s'emparer de la Savoye, où il preten-  
doit droit à cause de Louïse la mere  
fille de Philippes Duc de Savoye, au-  
quel elle apporta pour son dot soixan-  
te mil écus, & eut don en ce mariage  
pour leur premier fils masse du Comté  
de Bauge & de la Chastellenie de  
Bourg en Bresse, pour preciput &  
avantage, & à cause de Marguerite de  
Bourbon son ayeule femme dudit Phi-  
lippe ; comme pareillement pour la  
succeſſion qu'il y pretendoit par testa-  
mens des Comtes de Provence, dont il  
avoit souvent adverti & sommé le

Duc , qui ne faisoit aucun conte d'y vouloir entendre. Il y mit le pied si avant , que par l'espace de plus de 30. années la Maison de France en a jouy. Toutefois elle fut renduë au Duc Philibert Emanuel par la paix faite l'an 1558. moyennant qu'il épousast Marguerite de Valois sœur unique du Roy Henry II. du nom, tres-vertueuse & tres-illustre Princesse , laquelle apres avoir restauré la florissante Université de Bourges, & par infinies autres actions heroïques agrandy sa renommée, quitta ce monde pour aspirer aux Cieux l'an 1574. De ma part quand je me mets à examiner le commencement, progrès & issues de cette guerre de Milan, je suis contraint de déplorer la perte de nos François, & l'évacuation des deniers qui ont esté employez en une telle affaire, & d'autre costé reconnoistre qu'elle a esté aucunement profitable au Royaume de France, non point tant seulement à cause du Piedmont & Savoye, qui alors s'acrocherent à la Couronne de France, mais pour l'exercice qu'y ont pris nos François pour, se formans à la guerre, n'entreprendre rien pour le remuë-

176 *Histoire des sçavans Hommes,*  
ment de l'Estat. Ce qui fut tres-sage-  
ment reconnu par ce grand cerveau  
d'Antoine du Prat Chancelier de Fran-  
ce, auquel on proposoit que le recou-  
vrement de Milan estoit tres-difficile,  
qu'il épuiserait les tresors de la Fran-  
ce, & qu'il y demeureroit des Chefs,  
dont le Royaume auroit besoin. Las  
(dit-il) il est necessaire que Milan  
demeure ainsi comme il est, car il sert  
de purgation à la France, pour arra-  
cher les mauvaises humeurs des hom-  
mes gastez & débauchez, qui pour-  
roient infecter & corrompre le Royau-  
me, s'ils ne prenoient un peu d'air.  
Si je n'estois trop long, je mettrois icy  
en liste ce qu'il fit à Gennes en l'an  
1515. qu'il remit sous sa puissance par  
plusieurs fois : car les Genevois sont  
plus flotans & variables que l'incon-  
stance de la mer qui ont leurs murs.  
Après avoir conquis Milan, il assujet-  
tit Gennes étant Duc Octavian Fre-  
gose : mais ils ne pûrent gueres perse-  
verer en la fidelité jurée, en l'on 1527.  
ils mirent par terre à grands frais le  
Fort de Bride, partant derechef ils fu-  
rent assaillis si asprement par Odet de  
Foix, Seigneur de Lautrec & André

Dorie, qu'ils furent contraints de se rendre. Mais qu'est-il besoin de s'arrêter sur les victoires & belliqueux exploits de ce magnanime Prince, puisque non seulement par l'épée, mais aussi par sa plume il a si heureusement fait voler la renommée du nom François, qu'à tres juste occasion il a esté apellé l'Apollon des Gaulois, pour les medecines salutaires, qu'il leur a donnez pour chasser les maladies qui eussent pû corrompre le corps & composition du Royaume. A cét effet il remit en honneur les bonnes sciences, les Langues Hebraïque, Grecque & Latine. C'est ce Roy qui institua les douze Lecteurs Royaux en son Université de Paris, & auquel principalement ce titre, par droit de preciput, luy est escheu de pere & amateur des bonnes lettres, lesquelles il a mis à une telle perfection, qu'elles sont arrivées au faiste de leur gloire, & jusques à ce poinct, que le siecle d'Auguste fils adoptif de Jules Cesar n'a point esté si copieux en hommes de grande literature & pleins de diversité de sciences, que le temps qui nous a amené & mis au siege Royal ce

178 *Histoire des sçavans Hommes,*  
François pere des Muses. Si je voulois  
déduire au long ce qui seroit besoin de  
specifier pour l'illustration de l'Aca-  
demie de Paris, j'étendrois trop ce  
discours, en general j'oseray bien af-  
firmer que cét indompté Prince a par  
ses diligences, soins & moyens rame-  
né dans son Paris la fameuse Acade-  
mie d'Athenes. On luy doit (sans  
faire bresche à l'honneur de ses prede-  
cesseurs) attribuer l'honneur des ri-  
ches & rares Bibliothèques de ce  
Royaume. Tant il estoit curieux d'a-  
voir de bons Livres, qu'il n'y a coin  
de la terre où il n'ait fait sonder pour  
recueillir tout ce qui pourroit estre  
de précieux & digne de reparer la sin-  
gularité d'une Bibliothèque Royale,  
telle qu'il vouloit bâtir pour la splen-  
deur des bonnes lettres. Thevet en  
parle seurement ayant fait le voyage  
du Levant avec le sieur Pierre Gille,  
homme consommé és raretez de plu-  
sieurs sciences, auquel il donna char-  
ge de recouvrer plusieurs Livres ex-  
quis en Asie & Grece, & pour ce su-  
jet il luy livra la somme de six mil li-  
vres, pour faire l'employ, outre la  
pension honorable dont il le gratifia.

Toutefois si l'on croit à quelques autres, ce sera Guillaume Postel, auquel ils disent qu'on a delivré la somme de quatre mil écus pour amasser des Livres, desquels ce Monarque des Gaulois enrichit sa Bibliotheque de Fontainebleau. Je ne fais point de doute que mon grand compagnon & amy Postel n'ait apporté de beaux Livres, mais que sçait esté apres avoir touché une si notable somme, j'auray bien affaire à le croire, attendu que je sçay bien le contraire. Mais soit que Postel ait receu ces deniers ou non, la liberalité de ce Prince est d'autant plus à estimer, qu'il ne pouvoit se rassasier de dépenser de l'argent pour remeubler son Arsenal de sciences, afin qu'au besoin il pût rembarrer les puissances des barbares & ignorans, qui oseroient attenter sur le fort des disciplines. J'ay esté bien content de faire un si long discours des grandes sommes, qu'il a fallu que ce Prince ait déboursé, tant pour les charges de l'art militaire, que de l'avancement & decoration des Muses, afin qu'aiguillonnant tous les autres Rois, Monarques & Empereurs à suivre sa trace,

180 *Histoire des sçavans Hommes,*  
je leur dresse un patron du ménage  
qu'ils doivent faire, d'autant qu'on ne  
peut nier que la charge qu'il a eu sur  
les bras de telles & si longues guerres  
n'ait terriblement diminué ces tre-  
sors, & neantmoins on voit qu'il se  
trouva à l'Espargne quand il mourut,  
un million d'or & sept cens mil écus,  
& le quartier de Mars à recevoir, sans  
qu'il fut rien deu, sinon bien peu de  
chose aux Seigneurs des Liges & à la  
Banque de Lyon, qu'on ne vouloit  
payer pour les reténir en devoir : la  
paix affleurée avec tous les Princes de  
la terre : les frontieres étenduës jus-  
ques aux portes de Milan : le Royau-  
me plein de grands Capitaines & des  
plus sçavans hommes du monde. Là  
dessus on me pourra répondre qu'il  
n'estoit surchargé de telles pensions,  
comme ont esté ceux qui l'ont suivy.  
Il avoit les Allemands, Anglois, Ita-  
liens, Suisses, Albanois, Espagnols &  
Grisons. Toutes ces pensions, hors  
celles des Liges, ne montoient au  
plus à cent trente mil livres par an.  
Et quant à l'estat des pensions qu'il  
donnoit à ses Sujets, princes du sang,  
Chevaliers de l'Ordre, Capitaines en

grand nombre, Lieutenans, Conseillers d'Estat, gens de Justice, Ambassadeurs, Escoliers étudiants, & plusieurs excellens Artisans & sçavans personnages, il ne pouvoit revenir qu'à quatre cens vingt-sept mil six cens quatre-vingts-douze livres. Aujourd'huy les pensions des étrangers & de ceux du Royaume sont dix fois plus grandes : l'interest des deniers deubs monte beaucoup plus que toutes ces pensions, de maniere qu'encore qu'aujourd'huy le peuple paye davantage que lors il ne faisoit, il est impossible que le Roy puisse faire une telle reserve. Il a tant d'Officiers, qui ayans financé pour avoir leurs estats, veulent en tirer, comme l'on dit, plume ou aïsse. Il laisse plusieurs autres charges extraordinaires, ne faisant estat de controller la dépense des deniers de sa Majesté. Partant pour revenir à nostre François, il haïssoit la vente des offices, comme dommageable au salut du Royaume, & ne vouloit pas qu'ils fussent donnez, comme aussi les Benefices qu'au merite des gens d'honneur. Et à cette occasion il se mécontentoit fort des Gentilshommes de son

182 *Histoire des ſçavans Hommes,*  
Royaume, parce qu'ils ne s'adon-  
noient ny à l'étude ny à l'exercice des  
bonnes lettres, regretant & leur laſ-  
cheté & le miſerable eſtat du Royau-  
me, qui par ce moyen demeueroit pri-  
vé de Juges, qui ſembloient devoir  
avoir beaucoup plus d'integrité, con-  
ſcience & generoſité que les autres,  
eſtimant que s'ils euſſent eſté pro-  
meus aux eſtats & dignitez, la Juſtice  
eut eſté beaucoup plus droitement ad-  
miniſtrée, parce qu'ils doivent eſtre  
moins enclins à des choſes reprocha-  
bles que gens de petite étoffe & baſſe  
condition. Il y en a encore pour le  
preſent dont la pluſpart ſe qualifient  
du titre de nobleſſe, & font vertu d'i-  
gnorance, qui moyennant qu'ils ſça-  
chent griffonner tellement quelle-  
ment quelques lettres contrefaites,  
dont ils paraphent leur ſein à la gran-  
deur, s'eſtiment, comme l'on dit, eſtre  
trop grands Clercs. Je ne daignerois  
les renvoyer au temps de nos peres, ils  
ne voudroient ſe tourmenter la cer-  
velle de feüilleter l'antiquité, ſeule-  
ment je les veux laiſſer ſous la rigueur  
de la diſcipline, dont ce Prince a re-  
primé la laſcheté de ceux qui foulent

aux pieds l'excellence & la dignité des arts & sciences literales. Je les y pouffe hardiment, d'autant que ie sçay bien que s'ils ne sont dénaturez, ils repouteront à tres-grand bon-heur d'avoir receu un advertissement d'un tel Roy. Ioint aussi que je voy qu'ils ont fait regle & maxime de ce qui ne devoit pas estre tiré à consequence, pour servir en general. Ce Roy ayant démenty l'Empereur Charles le Quint par ses Herauts d'armes, pour les paroles qu'il avoit dites contre son honneur, dit un jour en l'assemblée des plus grands Seigneurs que celuy-là n'estoit pas homme de bien, qui endureoit un démenty, de là ont-ils fondé un axiome, qu'un démenty meritoit un coup d'épée ou de pistolet, non pas que cette precipitée vengeance n'eut déjà esté pourmenée, & mesme certains Docteurs ne se fussent amusez, pour sçavoir si celuy qui recevoit un démenty, estoit interessé & outragé en son honneur, & par consequent s'il en devoit prendre la raison, mais parce qu'ils avoient l'exemple & autorité d'un si magnanime & prudent Roy, ils estoient bien d'advys, pour

184 *Histoire des ſçavans Hommes.*  
contenter leurs insolentes paſſions, de  
ſe régler à ſon patron, ſelon le com-  
mun proverbe.

*À l'exēple du Roy un chacun ſe gouverne.*

Puiſque donc il eſt vray, que tirans  
les cheveux aux faits & aux dits de  
cēt indompté Prince, ils ſe licentient  
à poignarder, tuer & prendre raiſon  
du point d'honneur qu'ils ſentent  
offenſé : pourquoy ne ſuivent ils l'ad-  
vertiſſement qu'il leur a donné & ad-  
dreiſſé à eux privativement ? Ils pren-  
nent bien plaſiſir de ſe flater en leurs  
conceptions, encore qu'il n'y ait rai-  
ſon, mais s'il y a quelque bon & ſage  
enſeignement, qui ſoit (ſelon leur  
opinion) à leur deſavantage, ou moins  
à leur gré, ils font la ſourde oreille.  
Ils ne peuvent ignorer que l'exemple  
de ce Prince, eſtant particulier à la di-  
gnité & royal eſtat qu'il tenoit, ne doit  
eſtre approprié à ceux qui ne ſont de la  
qualité des Princes. Et pour cette oc-  
caſion le Roy Charles I X. du nom,  
voyant les meurtres & autres incon-  
veniens qui enſuivoient, pour avoir  
ainſi mal pris l'autorité de ſon Sei-  
gneur

gneur & pere-grand, suivant l'Edit fait par le Roy Henry son pere, sur la defense des duels & combats, il declara qu'il prenoit sur luy l'honneur de ceux, qui autrement penseroient estre offensez s'ils n'avoient combattu. Que cela ne soit de fort dure digestion à ceux qui ont ce poinct d'honneur tellement en recommandation, qu'ils méprisent le devoir de modestie & pieté, je ne le veux nier: mais il faudra s'ils veulent prendre raison en payement, qu'ils passent condamnation & reconnoissent avec moy que le paradoxe est veritable qu'un démentir n'emporte infamie, principalement entre nob'es, quoy qu'entre roturiers il porte action d'injures, encore qu'on y adjoûte ces mots, *sous correction ou sans vostre reverence*, dautant que celuy qui dément autruy, ne veut donner autre chose à entendre, sinon qu'il a parlé faussement, ou qu'il n'a pas dit la verité. S'il est ainsi, il ne luy fait point de tort s'il le dément: car la verité d'elle-mesme le démentoit déjà. S'il n'a point menty, encore moins est-il interressé, parce que la fausse calomnie d'autruy ne peut nous imposer le

186 *Histoire des sçavans Hommes,*  
crime, duquel nous ne sommes pas  
tachez. Et sous ces distinctions doit  
estre pris, ce qui est dit ordinairement,  
qu'un démenty n'emporte aucune in-  
jure, soit du costé de l'agent, soit de  
celuy du patient, qui suivant ce que  
nous venons de dire n'est intéressé. Et  
à ce propos est fort pertinente la ré-  
ponse de Socrates à un sien amy, qui  
se formalisoit de ce que trop patiem-  
ment il enduroit qu'un meschant gar-  
nement-luy disoit poiïilles. Ha, dit-il,  
il ne me fait point de tort, car il n'est  
rien de ce qu'il dit. Aussi prenoit-il  
plaisir de servir de sujet aux Farceurs  
& Comédiens, parce (disoit il) que  
s'ils remarquent quelque vice, qui  
soit en moy, je me peineray de le re-  
trancher: mais aussi s'ils m'en impo-  
sent faussement, il tombera sur leur  
nez. Je suis fâché d'avoir fait une si  
longue digression, mais la lâcheté de  
certains, qui indignement s'affublent  
de Noblesse m'a jetté vers cét écüeil,  
duquel me des-ancrant, je reprendray  
la route vers nostre Apollon, qui sur  
tout taschoit que les Offices & Benefi-  
ces tombassent és mains de ceux, qui à  
la décharge de leur conscience & au

*François I. Roy de Fr.* CH. VI. 187  
salut du public pouvoient honorable-  
ment & saintement s'en acquiter, &  
taschoient par ce moyen d'oster la ve-  
rification & preuve de la sentence du  
Roy Louis XII. qui disoit que les as-  
nes avoient en France meilleur temps  
que les chevaux : car les chevaux vont  
en poste à Rome courir les Benefices,  
dont plusieurs asnes sont pourvus.  
Ce fut luy qui desirant singulierement  
la conservation & deffence du Royau-  
me, fit dresser & mettre en estat l'an  
1533. une force de gens de pied par les  
provinces en forme de legions, à l'e-  
xemple des Romains, pour s'en servir  
& aider, ainsi que l'affaire le requie-  
roit : lesquelles furent par le Roy de-  
parties en sept provinces, à sçavoir és  
païs & Duché de Normandie une le-  
gion, au païs & Duché de Bretagne  
une legion, és païs de picardie une au-  
tre legion, au païs & Duché de Bour-  
gogne, Champagne, Nivernois & une  
autre legiõ, au païs du Lionnois, Dau-  
phiné, Auvergne & provence une le-  
gion, au païs de Languedoc une le-  
gion : chacune desquelles legions es-  
toit composée de six mil hommes de  
pied qui se leveroient esdits païs &

188 *Histoire des scavans Hommes,*  
provinces de son Royaume : de ma-  
niere que tout d'un coup il avoit une  
force de quarante-deux mil hommes.  
Conrad Gesner a dressé la liste des œu-  
vres de ce prince, que je ne veux pas  
icy particulariser, aimant mieux ren-  
voyer là le Lecteur, qui y trouvera  
plusieurs Apologies, Epîtres & Ré-  
ponses servans à justifier l'intention  
de sa Majesté à l'encontre de ceux qui  
mal enclins à sa félicité, en médisoient  
contre la verité; mais il ne fait men-  
tion du traité qui a esté tres-diserte-  
ment écrit par ce pere des lettres tou-  
chant la discipline militaire, qu'il en-  
tendoit devoir estre gardée par ces le-  
gionnaires : une infinité d'autres singu-  
laritez pourroit-on icy particulariser  
des rares vertus qui reluit en la vie de  
ce miroir d'excellence, si tel recit ne  
tenoit trop en longueur le discours de  
cette vie, auquel je mettray fin, apres  
que j'auray remarqué quelle estoit la  
constitution du corps, & quelle lignée  
& famille avoit nostre François. Il  
estoit d'une taille belle, bien propor-  
tionné de membres, portant en son  
seul visage la majesté qui éclairoit en  
ses actions, dits, gestes & comportes.

mens : son front estoit élevé, portant la marque de generosité, le nez long & grand ( d'où par le commun populaire il a esté appellé le Roy au grand nez ) dressé toutefois selon le juste compartiment de son visage : ses yeux estoient clairs & étincelans : sa teste estoit si bien faite , que par la figure d'icelle on ne pouvoit juger de luy autre chose qu'une grande maturité & sagesse en ce Roy. C'estoit le prince, qui comme il estoit vray appuy & support des bonnes lettres, aussi prenoit-il un merveilleux plaisir d'estre acompagné de gens sçavans qui avoient veu & voyagé aux pais étrangers , aux discours desquels il se baignoit, & sur tout durant son repas prenoit un contentement nonpareil de les entendre déduire des choses rares ; de fois à autre luy-mesme entroit en conference avec eux , & adjoûtoit à leurs raisons les siennes , si pertinentes, que la plupart s'estonnoient de la beauté & subtilité d'esprit de ce prince. En premieres nopces il épousa comme j'ay cy-dessus remarqué, Claude fille de Louis XII. du nom , princesse accomplie d'autant de vertus que nulle autre de

190 *Histoire des sçavans Hommes,*  
son âge. Il en eut quatre fils & autant  
de filles, à sçavoir François Dauphin  
de Viennois Duc de Bretagne, & heritier  
presomptif de la Couronne, lequel  
nâquit le dernier jour de Fevrier 1517.  
environ six heures du soir, & fut bap-  
tisé à Amboise le 25. jour du mois  
d'Avril: l'année suivante il mourut à  
Tournon sur le Rosne le 10. jour  
d'Août 1535. empoisonné en joüant à  
la paulme, par un Italien, qui fut pour  
cé crime tiré à quatre chevaux. Le se-  
cond fut Henry, qui succedant à son  
pere par une maniere de metempsico-  
se fut revestu des vertus de son pere.  
Le troisiéme fut Charles Duc d'Or-  
leans qui conquist le Luxembourg l'an  
1542. & mourut d'une fièvre pestilen-  
tielle, sans hoirs, pour n'avoir esté  
marié le 9. jour de Septembre 1545.  
en l'Abbaye de Forest-Monstier près  
Abbeville, duquellieu il avoit esté in-  
continent transporté & conduit en  
l'Abbaye de S. Lucian lez Beauvais. Le  
quatriéme fut Louïs qui mourut jeun-  
ne. Puis i' eut quatre filles, à sçavoir  
Magdeleine, laquelle fut mariée le  
premier jour du mois de Janvier, l'an  
1536. à Jacques Roy d'Escole, avec

lequel elle ne demeura guere, & deceda au mois de Juillet suivant. La seconde fut Louïse, qu'on pensoit donner à Charles Archiduc d'Arragon, l'an 1517. mais le mariage fut interrompu. La troisième fille se nommoit Charlote, laquelle trépassa en fort bas âge. La quatrième fut Marguerite Reine de Navarre, l'honneur, excellence & Phenix des Princesses & Dames en toute sagesse, science, vertu, bonté & humanité. La seconde épouse de ce Roy & premier François fut Eleonor fille de Philippes Archiduc d'Austriche & sœur aînée de Charles le Quint Empereur, laquelle fut couronnée Reine de France à S. Denis le 5. jour de Mars en l'an 1530. Elle avoit auparavant esté mariée à Emanuel Roy de Portugal, lequel deceda le 13. jour du mois de Decembre en l'an 1521. laissant une fille nommée Marie, de laquelle accoucha la Reine Eleonor à Lisbonne au mois de Juin en la mesme année. Ayant laissé une infinité de témoignages de ses belles actions, vertus & une tres-heureuse lignée, il mourut le dernier jour du mois de Mars 1547. avant pasques au

192 *Histoire des sçavans Hommes,*  
Château de Ramboüillet, ayant re-  
gné trente-deux ans. Plusieurs Epita-  
phes ont esté composées en son hon-  
neur. Entre lesquels j'ay choisi celuy  
qui luy a esté consacré.

*E P I T A P H E.*

*Hic FRANCISCVS eo situs est Rex nomine*  
*primus*


*Gallorum : ex fama cetera scire potes.*

*Largiter hac flerent, si quo essent predita*  
*sensu,*

*Marmora, & hac lachrymis tota ma-*  
*deret humus.*

*Artes ingenue unâ omnes cum Rege se-*  
*pulta*

*Protinus HENRICI restituentur ope.*





*HENRY. II. DV NOM  
ROY DE FRANCE*



# HENRY II.

DU NOM,

ROY DE FRANCE.

## CHAPITRE VII.



OVR le regret que je puis avoir presentement , est qu'il faille que je mette la main à la plume , pour d'écrire les vies , gestes & actions de ce valeureux & magnanime Monarque , & qu'il ne me soit pas permis d'en dire ce que je voudrois , le sujet ne le meriteroit que trop. Ce n'est pas que les memoires me manquent , y ayant une infinité d'Histoires qui traitent de ce modele des Princes vertueux , dont si j'eusse voulu tirer tout ce qui estoit

194 *Histoire des ſçavans Hommes,*  
neceſſaire, j'euffe pû dreſſer un Tome  
particulier, encore en eut-il fallu  
abreger la plus grande part. Je touche-  
ray donc ſeulement les principaux  
poincts qui ont immortalifé la me-  
moire de ce vertueux & debonnaire  
Prince. Lequel ſuccedant à un grand  
& magnifique Roy, n'a point dege-  
neré de vertus, generofitez & rare va-  
leur de François I. du nom ſon pere.  
Le dernier jour du mois de Mars en  
l'an apres l'Incarnation du Sauveur  
de tout le monde 1518. il vint en ce  
monde, & luy fut donné ce nom par  
Henry VIII. Roy d'Angleterre. Du-  
rant la vie de ſon pere il commença à  
goûter des miſeres, ennuis & traver-  
ſes du monde. Et avec ſon frere Fran-  
çois, qui fut empoifonné, & mourut  
à Tournon en l'année 1535. il ſe reſſen-  
tit de l'injure de la journée de Payie.  
Il fallut qu'il ſe pliât ſous le comman-  
dement de Charles le Quint, & fut en  
oſtage pour la rançon de ſon pere, &  
ſeurté des conditions portées par l'ac-  
cord fait de la delivrance du Roy. Il  
parvint à la Couronne de ce Royau-  
me, & fut ſacré & couronné à Reims  
le 26. jour de Juillet, l'an 1547, âgé

*Henry II. Roy de Fr.* CH. VII. 195  
d'environ dix-neuf ans. L'entrée de  
son regne a esté par justice & pieté,  
entant que le premier Edit qu'il fit  
contenoit inhibitions & defenses à  
toutes personnes de ne renier, mau-  
gréer, dépiter, blasphemer & faire  
autres vilains & detestables sermens  
contre l'honneur de Dieu. Apres il fit  
plusieurs ordonnances tant sur la re-  
formation des draps, toiles d'or &  
d'argent, orfeveries, canetilles, bro-  
deries, que sur le reglement de ses fi-  
nances, police des pauvres, suppres-  
sion d'offices nouvellement erigés &  
sur le fait des Eaux & Forests. Peu de  
temps apres sa Majesté voulut visiter  
les villes de son Royaume, & y fit son  
entrée, avec grandes magnificence &  
trionphes, non à autre intention, que  
pour retrancher tout ce qui pourroit  
nuire au salut public du Royaume.  
Cependant on commença à parler de  
la guerre contre les Anglois pour le  
fait de Boulogne, qui fut toutefois in-  
terrompuë, & dont cy-apres nous par-  
lerons. Mais il en survint bien d'au-  
tres, qui n'ébranlerent pas peu le Roy-  
aume, d'autant qu'il estoit assailly & au-  
dedans & par le dehors. La Guyenne

196 *Histoire des ſçavans Hommes,*  
pour raiſon de la Gabelle du ſel ſ'éleva  
avec telle furie, qu'à Bordeaux, ſans  
garder aucune formalité, les mutins  
ſe ruèrent ſur ceux qui tenoient le par-  
ty du Roy. Et entr'autres tuèrent laſ-  
chement le Capitaine de Monneins  
contre leur foy jurée, & exercèrent ſur  
luy des cruautéz ſi inhumaines & ef-  
tranges, qu'il ſeroit impoſſible de le  
croire, ſi ce n'eſt qu'on ſçait bien, que  
dès que la fureur d'une populace ſ'é-  
chauffe, il n'y a droit ſi ſaint, ſacré &  
inviolable contre lequel elle ne ſe dé-  
borde. Il eſt bié vray qu'après l'arrivée  
de Monſieur le Conneſtable leur feu  
fut bien moderé, mais toutes les re-  
parations qu'ils leur firent, ne pûrent  
remettre la vie à ce bon ſerviteur du  
Roy. A l'honneur duquel fut mis cét  
Epitaphe ſur ſon tombeau, qui eſt en  
l'Egliſe de Saint André à Bordeaux.  
TRISTANI MONENTII EQVI-  
TIS, REGE NAVARRÆ ABSEN-  
TE IN AQVITANIA PROREGIS  
OSSA HIC SITA SVNT: QVI-  
DVM PROREGIS MVNERE  
FVNGERETVR, ET SEDITIO-  
NIS ACCENSAS FACES CONA-  
RETVR EXTINGVERE ABVR-  
DEGALENSIBVS CIVIBVS PER-

FIDIOSÆ CRVDELITERQVE  
TRVCIDATVS IN IPSA  
TRVCIDATIONE MORTEM  
OPPETIIT XIII. CALEND. SEP-  
TEMB. ANNO A SALVTE MOR-  
TALIBUS PER CHRISTVM RES-  
TITVTA M. D. XLVIII. C'est

à dire. Cygisent les os de Trifan de Monneins Efcuyer, Gouverneur de Guyenne pour fa Majesté, en l'absence du Roy de Nauarre. Lequel lors qu'il exerçoit son estat de Gouverneur & tafchoit d'étaindre les feux allumez de sedition, a déloyaument & cruellement esté assassiné par les habitans de Bordeaux : il mourut durant la tuerie le 20. jour du mois d'Aouft, l'an apres le salut rachepté aux humains par Christ 1548. La miserable defolation qui paroist en ce bon Seigneur de Monneins, suffira pour témoigner le malheur dont ce Royaume estoit agité, si par la vigilance & prudence du sieur Connestable on n'eut coupé le fil à de telles émeutes intestines. Hors du Royaume il y avoit deux tres-puiffans monarques, qui ne luy donnoient heure de repos, le Roy d'Angleterre & l'Empereur Charles le Quint. Con-

198 *Histoire des sçavans Hommes,*  
tre l'Anglois il depescha Gaspard de  
Colligny Seigneur de Chastillon ne-  
veu du Connestable qui a esté un grand  
guerrier & sage conducteur, & depuis  
appellé à l'Admirauté apres la mort  
de Claude d'Annebaut, avec forces, &  
l'envoya à Bologne : là il commença à  
bastir & construire un nouveau Fort  
situé près & sur le haut du Havre de  
la ville de Boulogne sur la mer, vis à  
vis de la Tour d'Ordre, bon gré mal-  
gré l'Anglois, bien-tost apres on y mit  
bon nombre d'artillerie, munitions &  
gens de guerre en garnison : dont les  
Anglois n'estoient pas contens, & es-  
sayerent de les empescher : mesmes  
de fois à autre faisoient des courses les  
uns sur les autres aux environs de Bou-  
logne, Guynes & Ardres où furent  
plusieurs gens tuez des deux partis.  
Toutefois cela fut bien-tost appaisé à  
la requeste & poursuite de l'Anglois,  
qui ne se sentoit pas le plus fort, & qui  
prevoyoit bien qu'il ne pouvoit luy en  
advenir que malheur, tant pour le Fort  
d'Ambleteüil, le Mont-lambert & au-  
tres fortes places des environs qu'on  
avoit déjà gagné sur luy, que pareille-  
ment à cause du secours qui estoit dé-

*Henry II. Roy de Fr.* CH. VII. 1549  
cendu de France en Escosse au mois  
de May, en l'année 1548. sous la con-  
duite du Seigneur d'Esse, Colonel des  
gens de cheval : de François de Colli-  
gny Seigneur d'Andelot ( l'un des  
plus hardis & heroïques guerriers qui  
fut en la France ) Colonel des gens de  
pied François, du Seigneur Pierre  
Strossy, Colonel des Italiés, du Rhein-  
grave, Colonel des Allemans : du  
Prince de Capouë Colonel des Galeres  
Françoises. L'Anglois se sentant res-  
veillé de tant de costez, aima mieux  
se retirer & venir à appointment tel  
qu'il pleut à sa Majesté, que l'arcellant  
davantage, l'attirer non pas en Es-  
cosse, mais jusques en Angleterre. Et  
de fait il n'avoit pas grand tort, ayant  
esté si rudement traité par les forces  
qui furent depeschées en Angleterre  
de la part de sa Majesté, pour remet-  
tre l'Ecosse à Marie Stuard, qui depuis  
fut femme de François Dauphin, &  
second de ce nom, Roy de France, à la  
quelle je ne fais point de doute que le  
Roy ne fut bien affectionné, mais il  
estoit bien joyeux d'avoir occasion  
pour tourmenter l'Anglois delà le  
grand Ocean, afin qu'il n'eut le loisir,  
ou qu'il ne pût prendre envie de tra-

200 *Histoire des ſçavans Hommes,*  
verſer en France , & y venir broüiller  
les cartes à ſa façon accouſtumée. Je  
pourrois icy déchiffer particuliere-  
ment pluſieurs rencontres où les Fran-  
çois & autres qui paſſerent en Eſcoſſe  
donnerent preuve de leur valeur &  
magnanimité, combien défirer ils  
d'Anglois près d'Edimton: l'étrille &  
camifade donné à ceux d'Edimton par  
le Sr d'Effé ſi à propos, que ſi l'heur eut  
continué de rire aux François cōme il  
avoit commencé, c eſt ſans doute que  
pour l'heure Edimton eſtoit hors des  
griffes des Anglois par les exploits des  
François devant Dombarre, & finale-  
ment la priſe de l'Iſle-Dieu. Mais quel  
beſoin ſeroit-il de ſe plonger en une ſi  
longue Hiſtoire, qui a eſté aſſez co-  
pieuſement décrite par le ſieur Jean  
de Beaugué, qui a écrit l'Hiſtoire de la  
guerre d'Eſcoſſe. Joint que je n'ay pas  
preſentement délibéré de tracer l'Hi-  
ſtoire Eſcoſſoiſe. Et auſſi que le Roy-  
aume d'Eſcoſſe ne demeura gueres en-  
tre les mains de ce jeune Prince, qui  
apres avoir eſté ſacré à Reims Roy de  
France le dix-huitième jour de Sep-  
tembre 1559. fut ſaiſi à Orleans d'un  
catarre, qui luy tomba ſur l'oreille le  
Dimanche 17. de Novembre, & luy

dura cette maladie dix-neuf jours, de laquelle il mourut le Jeudy 5. de Decembre 1560. à dix heures vn quart du soir, en l'âge de seize ans, dix mois dix-sept jours, & fut enterré à S. Denis en France le Jeudy 19. dudit mois à sept heures du soir. Partant je veux rebrousser vers l'Empereur Charles le Quint, auquel ainsi qu'il est facile de conjecturer par les Histoires, sembloit que la Couronne de France servit de lice, pour faire voir sa bravoure qui l'a rendu fort recommandable, & qui l'auroit mis en beaucoup plus grande estime, s'il eut sceu mesurer l'heur de sa felicité à l'aune ordonnée aux affaires humaines, & par ce moyen qu'il eut un peu quitté de cette ambitieuse presumption, dont il estoit tellement bouffi, qu'il n'estimoit Prince aucun digne d'estre comparé avec luy. Durant la vie de François premier du nom Roy de France, & pere de celuy duquel presentement je represente le portrait, il n'y eut traverses aucunes dont il se pût adviser, desquelles il ne tascha d'algarader cét Apolon Gaulois, de sorte qu'il sembloit que ces deux Princes ne s'efforçassent à faire

202 *Histoire des sçavans Hommes*,  
autre chose qu'à entrechoquer l'estat  
l'un de l'autre. Apres la mort du pere  
il ne se contenta pas, mais il voulut  
tenir toûjours le fils captif sous la grif-  
fe de l'aigle, mais il se trouva bien  
éloigné de son compte, ainsi que le  
present discours pourra le justifier.  
Donc nostre Henry, apres qu'il eut  
donné le meilleur ordre qu'il pût à ses  
affaires, comme il estoit desireux d'en-  
treenir la paix, amitié & concorde avec  
les Princes voisins, il envoya ses Am-  
bassadeurs devers cét Empereur, qui  
en ce temps là se pennadoit de telle  
façon dans les plumes de son Aigle,  
qu'il se faisoit entendre, que luy seul  
pouvoit souverainement commander  
en Europe, afin de confirmer la paix  
faite avec feu son pere François pre-  
mier du nom. Et comme il vit que  
l'Empereur faisoit peu de semblant de  
tenir compte de tels propos, de sa part  
aussi le paya-il de mesme monnoye,  
indigné principalement de ce qu'ou-  
tre plusieurs griefs dont son pere se  
plaignoit, il taschoit de rompre les  
traitez de paix, alliances & amitez  
par luy faits avec plusieurs Princes &  
Seigneurs, mesme il fit tant qu'il at-

*Henry II. Roy de Fr. CH. VII. 203*  
tira à sa confederation tous les cantons des Suisses, qui déjà & dès vn fort long-temps estoient liez avec la Couronne de France : Cela fut cause qu'à feu & à sang ils se poursuivirent l'un l'autre. Ils épouserent les quereles les uns des autres, afin de se donner atteintes le plus rudement qu'ils pourroient. De fait le Roy prit en sa protection Octavian Farnese, sur lequel couroient le Pape Jules III du nom, & cét Empereur. Pareillement il delivra Pavie qui estoit assiegée par Char'es, & la Mirandole par le Pape, & remit Sienne en liberté, chassant les Espagnols. Il pressa si rudement son ennemy, qu'il le chassa jusqu'à Villac, & à sa barbe prit sur luy en cette expedition, Mets, Thoul, Verdun, Danvilliers, Bovines, Mariembourg, Dimant, Ivoy, Cimay, Montmédy, Stenay & autres places desquelles Charles s'estoit auparavant emparé sur les François à la bataille de Renty, il le poursuivit de telle façon, que deslors quelques uns asseuerent qu'il se sequestra de la secularité, & donna à son fils la charge de poursuivre son indompté Henry, & en dé-

204 *Histoire des sçavans Hommes,*  
pit qu'il eut d'avoir esté ainsi atterrè  
par celuy lequel il pensoit ne pouvoir  
luy faire teste. Ce qui luy faschoit fort  
est, qu'il avoit perdu Mets, qui luy ser-  
voit de clef, pour entrer quand bon  
luy sembleroit dedans la France : &  
pour ce sujet il mit son camp devant  
la ville, équipé de toutes façons, &  
y mena plus de cent mil hommes : Il  
faisoit bien son compte de l'emporter  
en peu, à cause de l'absence du Roy,  
qui avoit ses forces en Italie, mais il  
trouva bien dans Mets à qui parler :  
car le Seigneur de Guise qui estoit de-  
dans, luy donna tant d'ennuis, peines  
& fatigues, qu'outre la perte qu'il  
avoit fait à la sortie, qui fut assez brus-  
quement faite par Monsieur de Guise,  
des plus signalez Seigneurs de la mai-  
son de Broudembourg, il fut non sans  
grande honte, contraint de lever le  
siege ; mais une telle défaite n'estoit  
rien au prix de l'algarade que luy fit le  
magnanime Henry, quand il presta se-  
cours aux Princes d'Allemagne, qui  
redoutans la subjection & servitude,  
où ils tomboient, s'ils se fussent laissè  
mettre le pied sur la gorge par Char-  
les, qui vouloit changer l'estat d'Al-  
lemagne en Royaume hereditaire, re ;

*Henry II. Roy de Fr. CH. VII. 205*  
coururent en France pour requerir sa  
Majesté de les delivrer du malheur,  
qui devoit assujettir toute la pauvre  
Allemagne. Tant il s'y opposa avec de  
si puissantes forces, qu'il fut procla-  
mé par les Allemans Protecteur de  
l'Empire & liberateur des Princes.  
D'autre part ce Charles ne laissoit  
passer aucune occasion qu'il pût dé-  
couvrir propre pour nuire aux desseins  
des François, qu'il ne la prit, & quand  
je parle de l'Empereur, j'entends aussi  
de son fils, n'observant pas icy le droit  
fil de la suite de l'Histoire. Je ne dai-  
gnerois icy ouvrir davantage les playes  
qu'il a fait en nostre France. La jour-  
née de Saint Laurens, n'est que trop  
remarquée pour la perte de plusieurs  
Gentilshommes & grands Seigneurs  
François, qui y furent tuez ou emprison-  
nez en l'année 1557. & entr'au-  
tres le Duc d'Anguien, duquel on ra-  
conte une chose presque incroyable,  
c'est que luy estant né proche le lieu  
où fut donnée cette bataille, de son  
costé il parut du feu aussi rouge qu'un  
charbon ardent, lequel alla toujours  
en croissant jusqu'au jour de sa mort,  
qu'il se perdit sans qu'on pût y apper-

206 *Histoire des sçavans Hommes,*  
cevoir aucune trace , & fut aussi tué le  
Vicomte de Turenne avec le fils aîné  
du Seigneur de la Roche Dumaîne &  
plusieurs autres , qui furent honorez  
de la mort , qu'ils receurent en cette  
journée. Messire Honoré de Savoye,  
Marquis de Villars , & qui a succédé  
en l'estat d'Admirauté apres le deceds  
de Gaspard de Colligny , fut long-  
temps entre les morts, mais enfin il est  
échappé au grand bien & soulagement  
de la Couronne de France. Apres cet-  
te grande défaite , la prise de S. Quen-  
tin , Ham & Catelet apporta un grand  
dommage aux François , dautant que  
ce sont places, servans de clef au Roy-  
aume, au temps qu'il y a guerre contre  
celuy qui tient le país bas. Mais de-  
puis par la paix qui fut arrestée l'année  
suivante , elle retourna en la puissance  
du Roy Tres-Chrestien. Ce ne fut pas  
jusqu'en Bresse qu'il ne fourrageât , &  
fit assieger Bourg, ville capitale de  
Bresse , par le Baron de Polleville ( qui  
auroit esté peut estre plustost suscitè  
par le Duc de Savoye ) qui est nommé  
par quelques-uns Paul de Villiers , es-  
perant emporter tout d'un coup & la  
Bresse & le Lyonnois , mais il fut assez

diligemment chassé tant par les Compagnies Françoises qui retournoient d'Italie, où sa Majesté Tres - Chrestienne avoit envoyé des forces pour la deffence du Pape contre les Bouloinois qui luy faisoient la guerre, qu'aussi par les Seigneurs de la Guiche, Digoine & Antas, qui ne luy rompirent pas seulement ses desseins par les reparations qu'ils y firent, mais aussi avec l'aide des Seigneurs Vidame de Chartres, des sieurs de James & de Jours qui le réveillèrent de telle façon, qu'il prit bien plaisir de déloger sans trompette, & sans attendre le réveil matin qui luy estoit préparé par nostre armée. Enfin quand elle vit que l'Espagno' continuoit à joüer ses jeux, pour troubler & tourmenter ce Royaume, elle delibera, quoy que la saison fut fort mal propre, de dresser une armée sous la conduite de cet heroïque & Martial guerrier François de Lorraine Duc de Guise, qui avec un tel heur, fit si bien la guerre, qu'au septième jour apres le siege il emporta Guynes & Calais, encore qu'elle semblât invincible. Mais l'importance de cette ville fit mettre cœur au ventre,

208 *Histoire des ſçavans Hommes,*  
non point ſeulement à ce vaillant  
Capitaine, mais auſſi aux ſieurs Duc  
de Nevers, ſieur de Cipierre, Mareſ-  
chal Strozzi, le Capitaine S. Steph<sup>t</sup> &  
autres hardis & braves François, qui  
au plus fort de l'hyver, & non ſans  
étonnement de toute l'Europe, veu la  
forte aſſiette de Calais & le grand  
cœur de ceux qui la deffendoient, don-  
nerent dedans avec telle allegreſſe,  
qu'elle fut remiſe ſous le ſceptre tres-  
Chreſtien, auquel les Anglois l'a-  
voient arraché ſous le regne de Phi-  
lippines de Valois apres la malheureuſe  
journée de Creſſy en l'année 1347. Et  
parce qu'à Thionville Charles le  
Quint Empereur dreſſoit l'équipage  
des armées, qu'il menoit contre ce  
Royaume, ſe ſervant tant de l'aſſiet-  
te du lieu qui eſt forte & preſque im-  
prenable, qu'auſſi de la commodité  
qu'il ſçavoit fort bien en tirer, la te-  
nant depuis l'acquiſition de Mets au  
Royaume de France, comme la clef  
d'entrée & l'arcenal de la maiſon  
d'Auſtriche; le Roy y voulut pourvoir,  
& partant commit cette execution à  
Monſieur de Guiſe, qui pourmèna ſi  
bien ceux qui eſtoient dedans, & rom-  
pit

pit les mines, que le 22. de Juin 1558. le Seigneur de Capedcrebe Gouverneur de Thionville, le Capitaine Major de Louvain & autres Capitaines commis de la part du Roy Catholique à la deffense de cette ville, furent contraints de se rendre à la mercy dudit Seigneur, mettre la ville en l'obeïssance du Roy, & entrer en une capitulation fort avantageuse pour sa Majesté, & encore plus pour Monseigneur le Duc de Guise, qui y acquit alors une grande louange. Si je voulois specifier les particulieres conquestes qu'il fit au Comté d'Oye, il faudroit employer plus de trois cahiers de papier blanc, j'oseray bien assurer qu'il remit sous sa main & autorité tout le Comté d'Oye. Apres poursuivant son ennemy, il dressa le Camp d'Amiens, qui fut sans nul effet, & à la fin fut concluë la paix entre ces deux puissans Monarques, qui harassez des ennuis qu'ils s'estoient par ensemble baillez, d'un commun consentement ils jurèrent la paix, qui les reunit. Et pour plus ferme alliance, il donna sa fille aisnée Elisabeth pour femme à Philippes Roy d'Espagne, & sa sœur

210 *Histoire des ſçavans Hommes,*  
Marguerite à Emanuel Philibert Duc  
de Savoye, toutes les conquêtes pref-  
que remiſes és mains de leurs anciens  
poſſeſſeurs, non ſans grand méconten-  
tement de certains qui avoient tenu  
le party de ceux qui devoient eſtre  
derechef leurs Seigneurs. Je laiſſeray  
derechef les affranchiſſemens & ad-  
mortiſſemens de ſervitudes & main-  
mortes, qui furent ſpecialement re-  
ſervez par le traité, que le Duc de Sa-  
voye maintiendrait à la forme & ma-  
niere que ſa Maieſté ou ſes predecef-  
ſeurs fort ſainement les avoient oc-  
troyez, & qui ne pourroient eſtre re-  
fuzez par les Princes Chreſtiens. J'ai-  
me beaucoup mieux viſiter les triom-  
phes & magnificences qui furent fai-  
tes à ces nœpes, non pas que je faiſſe  
eſtat de m'y arreſter beaucoup, ayant  
trop à contre-cœur la miſerable ad-  
venture, qui au milieu de ces r. joüiſ-  
ſances apporta à la France un deuil  
perpetuel, dautant que le Roy ſe trou-  
vant à un Tournoy où il eſtoit un des  
tenans, fut fortuitement bleſſé d'un  
coup de lance le dernier jour de Juin,  
dont il mourut le 10. de Juillet en  
l'an 1559. de ſon regne le 13. & le 41.

*Henry II. Roy de Fr. CH. VII. 211*  
de son âge. Je sçay bien que ceux qui  
sont mal affectionnez à l'Eglise Ca-  
tholique Romaine , ont de coûtume  
de dire que pour delivrer l'Eglise de  
persecution Dieu suscita un tel & si  
ferme tireur : mais comme ils ont li-  
berté de dire ce qu'il leur plaist, de ma  
part je dois croire ce que j'estime es-  
tre vray , que la France a perdu en cet  
Henry l'appuy de sa liberté & de son  
repos , & finalement le lustre de  
son honneur. Les regrets & plaintes  
des François feront foy de la verité  
de mon dire , ensemble plusieurs Elo-  
ges , Vœux & Epitaphes dressez , pour  
témoigner la tristesse qu'a eu le peu-  
ple François d'avoir perdu un si bon  
vaillant & magnanime Prince. Je  
ne contenteray de coucher icy l'affi-  
che qui fut mise aux portes de Nostre-  
Dame à Paris l'onzième d'Août 1559.  
ors qu'on luy faisoit son Service.

*E P I T A P H E*  
*du Roy Henry II.*

HEN-  
RICO II.  
GALLIARVM  
REGI FOELICISS.  
PRINCIPI OPTIMO  
LIBERALISS. LENISS.  
PIETATIS IVSTITIÆ  
LIBERTATISQVE PVB.  
ASSERTORI FORTISS. DVM  
PACE PER ORBEM CRI-  
STIANVM PARTA FILIÆ  
CHARISS. SORORISQVE  
SAPIENTISS. NVPTIAS CE-  
LEBRAT. INTIER POPV-  
LI PLAVSVS IN LVDL-  
CRO CERTAMINE  
VVLNERE CÆSO  
SVI FLENTES  
AC MOESTISS.  
POSVE-  
RE.

# EPITAPHE

## DU COEUR DU FEV

### ROY HENRY II.

*Du Roy Henry second icy fut mis le cœur;  
Lequel tant qu'il batit dans son corps plein  
de vie,*

*Ne fut iamaïs vaincu ny de peur ny d'en-  
vie,*

*Ny troublé de courroux, ny brûlé de ran-  
cœur;*

*Mais il fut le séjour de constance & dou-  
ceur,*

*D'honneste affection, d'humaine courtoisie;  
Outre d'une vertu sus les vertus choisie,  
Par laquelle il estoit de tous cœur ravis-  
seur.*

*I'en appelle à tescmoin les soupirs & les  
larmes*

*Qu'en iettent aujoura'huy, non les siens  
seulement,*

*Mais ceux qui ont senty la force de ses ar-  
mes.*

*Et si l'or & les pleurs pouvoient faire plus  
tendre*

214 *Histoire des sçavans Hommes,*  
*Le dur cœur de la mort, tous feroient telle-*  
*ment,*  
*Que la mort n'oferoit refuser de le rendre.*

*Le tombeau cizelé en la brave apparence*  
*Des combats furieux, ou l'orgueil affronté*  
*D'un ennemy selon brusquement surmon-*  
*té*

*Doit porter aux neveux la royale vail-*  
*lance.*

*Ne fait contre le temps si forte résistan-*  
*ce*

*Que la seule vertu coniointe à verité,*  
*Dont HENRY magnanime a toujours*  
*imité*

*Les plus braves ayeuls, d'invincible con-*  
*stance*

*Si doncques son tombeau peut seul encon-*  
*rager*

*Vn homme de grand ame, afin de se van-*  
*ger*

*De l'iniure du temps, par faits d'armes*  
*semblables:*

*Combien plus la vertu dont il estoit doüé,*  
*Doit inciter un cœur pour se voir aduoüé*  
*Aurang des immortels à iamais admira-*  
*bles?*

*Sur toutes les autres vertus de ce Prin*

*Henry 1<sup>er</sup> Roy de Fr. CH. VII. 215*  
ce, celle-cy est recommandable, qui  
le pouſſoit à cherir, honorer & avan-  
cer les bonnes diſciplines. A luy doit  
eſtre attribué l'occaſion de mon ſe-  
cond voyage, que je fis à la mer Ocea-  
ne vers le Pol Antarctique par ſon  
commandement avec le ſieur Nicolas  
de Villegaignon Chevalier de Malte.  
Mais puis que le ſouvenir de ſes dignes  
vertus ne fait qu'acroiſtre noſtre deüil,  
il vaut mieux que je repreſente à la  
France ſon heureuſe poſterité de plu-  
ſieurs HENRYS, qui reprenans les tra-  
ces de leur Seigneur & pere, ont par  
leur juſtice & pieté divinement enno-  
bly noſtre France. Avant que je m'a-  
dreſſe à eux, il m'a ſemblé eſtre fort  
à propos que je joigniſſe à ſon Sei-  
gneur & mary cette excellente & ver-  
tueuſe Dame CATHERINE DE MEDI-  
CIS, fille de Laurent de Medicis, Duc  
d'Urbain, niepce du Pape Clement  
VII. Comteſſe de Bologne, Clermont  
& l'Auragues, &c. ma tres-honorée  
Dame & maiſtreſſe, qui a bien voulu  
m'honorer de l'eſtat d'Aumofnier or-  
dinaire de ſa maiſon : l'une des Prin-  
ceſſes plus vertueuſe, ſage & pru-  
dente, qui ſoit en toute l'Europe,

216 *Histoire des ſçavans Hommes,*  
comme elle a bien montré au ſoin,  
diligence & adreſſe qu'elle a mis à  
appaifer les troubles ſurvenus en ce  
Royaume. De cette ſi illuſtre Dame,  
le Roy Henry eut les enfans qui ſui-  
vent. L'aiſné fut nommé François,  
duquel elle accoucha à Fontainebleau  
le Samedi 19. jour de Januier 1543.  
entre quatre & cinq heures du ſoir.  
Ses Parrains furent ſon ayeul le Roy  
François premier du nom, noſtre S.  
Pere le Pape Paul troiſième du nom &  
la Seigneurie de Veniſe: & ſa Maraine  
Madame Marguerite ſa tante, Du-  
cheſſe de Berry, & qui fut femme d'E-  
manuel Philibert Duc de Savoye.  
Après cette vertueuſe Dame accou-  
cha à Fontainebleau le Vendredy 2.  
jour d'Avril, l'an 1545. de Madame  
Elifabeth Reine d'Eſpagne, qui mou-  
rut ayant eu un enfant n'eſtant pas à  
terme, ſon Parrain fut Henry huitiè-  
me du nom Roy d'Angleterre: ſes  
Maraines furent la Reine Eleonor, &  
Madame la Princeſſe de Navarre. Ac-  
coucha encore à Fontainebleau ma-  
tres-illuſtre Dame & maiſtreſſe Ma-  
dame Claude épouſe du Duc de Lor-  
raine, le Samedi 12. jour de Novem-  
bre.

*Henry II. Roy de Fr.* CH. VII. 217  
bre, l'an 1547. entre sept & huit  
heures du matin. Ses Parains furent  
les Suiffes : ses Maraines, la Reine de  
Navarre & Madame la Doüairiere de  
Guise. A Saint Germain en Laye, nâ-  
quit d'elle Louis Duc d'Orleans le  
Dimanche troisiéme jour de Fevrier,  
l'an mil cinq cens quarante-huit, en-  
tre trois & quatre heures du soir. Et  
furent ses Parains Dom Constantin à  
ce delegué par Jean Roy de Portugal,  
& le Duc de Guise pour Hercules Duc  
de Ferrare : sa Maraine, fut la Doüai-  
riere d'Escoffe, & tint sa place la Du-  
chesse d'Aumale sa belle sœur. Lequel  
deceda fort jeune au Chasteau de Man-  
te sur Seine, le vingt-quatriéme jour  
d'Octobre, l'an mil cinq cens cin-  
quante. Leur troisiéme fils masle fut  
Charles Maximilien, portant premie-  
rement le titre de Duc d'Alañon &  
d'Angoulesme, depuis de Duc d'Or-  
leans, & à la fin a esté Roy de France.  
Il nâquit à Saint Germain en Laye, le  
Vendredy vingt-septiéme jour du  
mois de Juin en l'année mil cinq cens  
cinquante, à cinq heures un quart du  
matin. Et furent ses Parains l'Archi-

218 *Histoire des sçavans Hommes,*  
duc d'Autriche, Regent ès Espagnes  
& le Roy de Navarre. Sa Maraine fut  
Madame Renée Duchesse de Ferrare.  
Le Samedi vingtième jour du mois  
de Septembre mil cinq cens cinquante-un, à trois quarts d'heure apres  
minuit, à Fontainebleau accoucha  
cette vertueuse Princesse d'Alexandre  
Edouïard Henry, premierement Duc  
d'Orleans, puis d'Anjou & Bourbon-  
nois, & apres fait Roy de Pologne,  
maintenant appellé à la Couronne de  
France. Ses Parains furent Edouïard  
Roy d'Angleterre & Monseigneur de  
de Vendosme. Sa Maraine fut Mad-  
ame la Duchesse de Mantouë. A Saint  
Germain en Laye, le Dimanche qua-  
torzième jour du mois de May, l'an  
mil cinq cens cinquante-trois, à qua-  
tre heures & un quart du soir nâquit  
Madame Marguerite, donnée en ma-  
riage à Henry de Bourbon tres-illu-  
stre Roy de Navarre le dix-huitième  
jour d'Aoust, mil cinq cens septante-  
deux. Son Parain fut Monsieur le Prin-  
ce de Ferrare; sa Maraine Madame  
Marguerite Duchesse de Berry & es-  
pouse du Duc de Sayoye & Prince de

Piedmont sa tante. A Fontainebleau accoucha la Reine le Lundy 18. du mois de Mars en l'année mil cinq cens cinquante-quatre, à neuf heures trois quarts du matin d'Hercules, à present François, premierement Duc d'Anjou & du Maine, & maintenant Duc d'Alençon, appelé pour le present par les Estats du Pais-Bas au Comté de Flandres & Duché de Brabant. Ses Parains furent le Reverendissime Cardinal de Lorraine & ce grand Anne Duc de Montmorency Connestable & Pair de France. Sa Maraine fut Madame la Duchesse de Guise. Elle accoucha encor à Fontainebleau de Madame Victoire, le jour de Saint Jean Baptiste vingt-quatrième jour de Juin, mil cinq cens cinquante six, à huit heures du matin. Ses Parains furent le Reuerendissime Cardinal Charles Caraffa, Legat en France & neveu du Pape, paul quatrième, & le Duc de Guise pair de France. Ses Maraines furent les Duchesses de Montpensier & de Saint paul, elle vesquit bien peu, car elle mourut en la mesme année au Chasteau de Fontainebleau

220 *Histoire des scavans Hommes,*  
La derniere fille nâquit au mesme  
lieu au mesme jour à six heures du soir  
& fut nommée Julie, elle mourut le  
dix-septième jour du mois d'Août,







CHARLES. IX. DV NOM  
ROY DE FRANCE.



# CHARLES IX.

D V N O M,

ROY DE FRANCE.

## CHAPITRE VIII.

**S**'IL y a Prince dont la vertu ait esté éprouvée dans les broüilleries, traverses & algarades, c'est celuy duquel je represente icy le portrait, qui dès le berceau, au moins en sa tendre enfance a esté agité de divers revers de fortune. Toutefois comme il estoit issu de tres bon lieu & de famille genereuse, il s'est trouvé si bien ancré, qu'il n'y a eu aucun assault qui ait pû luy faire perdre terre; mais tout ainsi qu'un gros & grand arbre, tant plus il

222 *Histoire des ſçavans Hommes,*  
eſt ébranlé des orages des vents, ſem-  
ble avoir plus recouvert de force; auſſi  
par les attentats de la fortune, quel-  
ques violens qu'ils fuſſent, ce grand  
Charles ſe roidiſſant contre, en a re-  
pris plus de grandeur & puiffance,  
comme la ſuite de ce diſcours le pour-  
ra juſtifier. Donques apres le decede-  
de François II. du nom, Roy de France  
& d'Ecoſſe, qui fut le 5. jour de De-  
cembre 1561. Charles IX. de ce nô, &  
troiſième fils d'Henry, deuxième du  
nom, auparavant nommé Charles  
Maximilien Duc d'Orleans, ayant at-  
teint à peine l'onzième année de ſon  
âge commença à regner. A ſon adve-  
nement à la Couronne il trouva le  
Royaume plein de troubles, de divi-  
ſions & partialitez, telles que quel-  
ques-uns s'eſtoient déjà aigris à cauſe  
de la ſeverité trop grande, qu'ils a-  
voient trouvé au jeune prince deſſunt,  
qui pour ſage, bon, courtois & magna-  
nime qu'il fut, ne pût pourtant agréer  
à tous ſes Sujets, d'autant que quel-  
ques-uns fort mal appris ont pris pour  
cruauté la rigueur dont il pourſuivoit  
les ſiens, qu'il voyoit mal affectionnez  
à ſa Majeſté. Je ne fais point icy eſtat

de rechercher l'occasion, d'où sont  
provenus de tels troubles, n'estant pas  
de mon dessein, & parce que ce seroit  
mal édifier certains, qui ne prendroient  
pas plaisir d'estre ainsi manifestement  
décriez. Enfin je ne pourrois en par-  
ler qu'après plusieurs qui en ont jase  
en Clercs d'armes. Il me suffira de  
remarquer que pour obvier à plus  
grand mal, & assoupir tous ces diffé-  
rens, il fut arresté que les Estats gene-  
raux de France seroient tenus à Meaux,  
puis ils furent assignez à Orleans.  
Mais parce qu'il estoit de besoin d'au-  
thoriser les Estats par un chef, & que  
le Roy estoit encore mineur il y eut  
quelques difficultez touchant la Re-  
gence. Quelques-uns des Estats par-  
ticuliers élisans la Reine Mere du  
Roy, les autres s'arrestans au Roy de  
Navarre: Tout cela fut soudain rapai-  
sé par la prudence des princes & Sei-  
gneurs, qui nommerent la Reine gou-  
vernante & regente en France durant  
la minorité du Roy son fils, assistée du  
Conseil des princes du sang & Conseil-  
lers du Conseil privé: & le Roy de Na-  
varre associé à la Regente, fut étably  
Lieutenât general par toutes les terres

224 *Histoire des sçavans Hommes*,  
de son obeïssance. Et apres on s'a-  
chemina aux Estats d'Orleans, les-  
quels furent depuis continuez à Pon-  
toise, qui fut cause de faire encore le-  
ver les cornes à ceux qui quereloient  
pour la Regence. Lesquels furent con-  
tentez pour avoir veu qu'on associoit  
le Roy de Navarre à la Regence du  
Royaume avec la Reine Mere du Roy.  
Cependant on commença à jouer des  
couteaux à Quercy, & le Baron de  
Fumes fut mis à mort, dont plusieurs  
de Cahors irritez se jetterent sur les  
Huguenots, & en firent un terrible  
carnage. Peu de temps apres le Roy  
fut conduit à Reims pour y estre sacré,  
& y fut oint par le Cardinal Charles  
de Lorraine Archevesque de Reims,  
en la presence de la Reine Mere, du  
Roy de Navarre, Princes du sang &  
Pairs de France. Deslors on commença  
à proceder à la justification de Louis  
de Bourbon Prince de Condé. L'Ar-  
rest de laquelle fut publié à huis ou-  
vert & les Chambres assemblées au  
Palais à Paris; mais cela ne pût couper  
le fil aux dissentions civiles, qui de  
plus en plus se rallumerent. Pour les  
étourdir on fit ce bel Edit de Juillet,

*Charles IX. Roy de Fr. CH. VI. 225*  
qui fut d'aussi peu d'efficace que l'assemblée du colloque de Poissy, tant pour l'interdiction qui fut faite par le Cardinal de Ferrare, envoyé Legat en France, pour s'opposer à la resolution des articles de la Religion : qu'aussi pour le peu d'intelligence, accord & dissention d'aucuns qui se trouverent en cette si solemnelle assemblée. A cette occasion, & pour éteindre le feu des seditions, dont la traisnée estoit fort longue en France, fut par l'assemblée faite à S. Germain en Laye, où se trouverent deux Conseillers de chaque Parlement où fut prononcé cet Edit, qui est appelé de lanvier pour ce qu'il fut fait le 17. de Janvier en l'an 1562. & publié à Paris en Parlement le 6. de Mars. Où plusieurs ne prenoient point trop grand plaisir, mal-contens de ce qu'on favorisoit trop ceux de la nouvelle Religion. De fait le Duc de Guise se retira en sa maison, & le Cardinal de Lorraine au Concile de Trente, & le grand Anne de Montmorency s'estoit aussi absenté de la Cour avec plusieurs Seigneurs Catholiques, qui firent ligue ensemble, & firent tant, que quoy que la

226 *Histoire des ſcavans Hommes,*  
Reine de Navarre Ieanne d'Albret fut  
entièrement portée au party des Re-  
formez, ils attirerent à leurs deſſeins  
Antoine de Bourbon ſon mary, dont  
l'autorité leur ſervoit d'un impre-  
nable rampart contre leurs adverſai-  
res, pour le rang & dignité qu'il tenoit  
en France. Ce fut alors qu'on ſema  
ces beaux fruits de je ne ſçay quelle  
recompenſe que devoit faire le Roy  
Catholique à ce prince pour ſon Roy-  
aume de Navarre, uſurpé par les Rois  
Caſtillans ſur la maiſon d'Albret, ſans  
autre droit que de bien-ſeance. On  
accommoda de ſi bonne grace cette  
perſuaſion, que ce bon Seigneur ſe de-  
clara ennemy des Reformez : qui  
eurent des partiſans, lesquels rele-  
verent tout incontinent ce ſoudain  
changement, & par mépris nomme-  
rent cette ligue du Roy de Navarre,  
du Conneſtable & du Duc de Guiſe le  
Triumvirat, empruntans ce nom de  
ceſtrois hommes de Rome, qui ren-  
dirent eſclave la Republique Romaine  
ſous l'autorité & puiſſance de Ce-  
ſar, de Lentule & de Marc-Antoine.  
En ce point on fait tort à ce prince de  
Bourbon, auquel on veut faire acroire

qu'il a empieté avec les autres la pré-  
éminence de l'Estat François, encore  
qu'on sçache tres-bien que jamais il  
n'a eu veine qui ait tendu à une telle  
ambition. Que s'il en eut esté frappé,  
on sçait bien qu'il avoit le chemin si  
bien frayé, que sans se mouïller il pou-  
voit se mettre au siege le plus émi-  
nent qui soit en France. Partant je  
passeray sous silence plusieurs prises &  
assauts de villes, les pratiques & me-  
nées qu'ont brassé ces deux partis,  
parce que cela pourra estre dit ailleurs  
plus commodement, & aussi que ce  
recit ne serviroit qu'à rafraischir les  
playes, qui pourroient porter preju-  
dice au salut de la Republique Fran-  
çoise si on venoit à les réveiller. Pas-  
sant donc par dessus tout le passé, je  
feray voile au Hayre de Grace dete-  
nu par les Anglois, lesquels encore  
qu'ils fussent desadvoüez par lettres  
authentiques des Seigneurs de la li-  
gue, vouloient neantmoins tenir bon  
à l'encontre de sa Majesté. Ce qui fut  
cause qu'on dressa une armée, de la-  
quelle fut déclaré General & Condu-  
cteur, M<sup>re</sup> Charles de Cossé, Seigneur

228 *Histoire des ſçavans Hommes,*  
de Briffac & Mareſchal de France. Le  
Comte de Vvarvich fut aſſaill ſi ſou-  
dainement, que luy qui commandoit  
dans le Havre pour les Anglois, ayant  
ouy la volonté du Roy de la bouche de  
Meſſieurs les Conneſtable & Mareſ-  
chaux de France le 28. jour de Juillet  
1563. il accorda les articles de la red-  
dition: & pour oſtages donna au nom  
de l'Anglois les Seigneurs Clivier  
Naver, frere du Comte de Rothland,  
les Capitaines Pellehan, Horſey &  
Lethon. Apres que ſa Majeſté vid le  
Royaume haraſſé de telles & ſi gran-  
des diviſions, qui pour la pluſpart dé-  
membroient le corps de ce Royaume,  
& que les rétabliſſemens & reconci-  
liations qu'il faiſoit du mieux qu'il  
luy eſtoit poſſible, ne pouvoient repa-  
rer les breſches qui eſtoient faites par  
de telles partialitez, il delibera de  
faire une reveuë de tout ſon Royau-  
me, pour entendre les requestes, plain-  
tes de ſon peuple, qui ſe plaignoit de  
pluſieurs oppreſſions dont il eſtoit  
foulé. Sur leſquelles ſa Majeſté ordon-  
na pluſieurs choſes dignes de tres-  
grande recommandation: & entr'au-  
tres fit publier cét Edit de Rouſſillon,

*Charles IX. Roy de Fr.* CH. VII. 229  
qui est si commun à la bouche de ceux  
qui se meslent de feüilleter les Ordon-  
nances Royaux. Achevant son voya-  
ge il donna jusqu'à Bayonne, où il eut  
abouchement avec sa sœur Elisabeth,  
femme du Roy Catholique, l'an 1565,  
Qui donna bien à penser aux Reformez,  
qui balançans la haine mortelle  
que leur portoit l'Espagnol, conjectu-  
rerent incontinent que cette entre-  
veuë ne tendoit qu'à dresser un mau-  
vais potage : partant de leur costé ils  
donnerent au Roy Catholique à  
ronger en Flandres un os d'assez diffi-  
le digestion. Firent soulever les Fla-  
mans sous pretexte du bien public,  
pour des concussions & malversations  
des Espagnols. Ils broüillerent si bien  
les cartes, que le Cardinal de Gran-  
velle Evesque d'Arras n'eut rien de  
plus seur que de vuider païs. Ce qui  
causoit de telles impressions dans  
le cœur des Reformez, est qu'ils ap-  
prenoient que Dom fernand Aluarez  
de Toledé, Duc d'Alue, estoit le fort  
bien venu en la Cour du Roy : que fort  
long-temps il avoit esté avec le Roy, la  
Reine & les Seigneurs du Conseil.  
Lors que nostre Roy faisoit ce voyage,

230 *Histoire des ſçavans Hommes,*  
Sultan Solyman envoya une puiffante  
armée contre les Chevaliers de Saint  
Jean de Hierufalem, qui ont mainte-  
nant leur retraite en l'Ifle de Malthe.  
Il n'avoit pas moins de deux cens qua-  
rante voiles, fur lesquelles comman-  
doit Dragut Raïs Tyran d'Alger, &  
le General estoit Muſtapha Baſſa de  
Natolie & Solbey avoit charge de l'ar-  
tillerie. Il les reduiſit tellement au pe-  
tit pied, qu'ils furent contraints de  
recourir au ſecours que pourroit don-  
ner à ces pauvres aſſiegez noſtre Roy,  
qui pour le devoir qu'il doit au nom  
de la Chreſtienté, n'en fit point de re-  
fus, encore qu'à Bayonne l'Ambaſſa-  
deur Turc l'eut ſommé & interpellé  
de garder & entretenir l'alliance d'en-  
tre les Rois de France & les Ottho-  
mans. Apres que le tour du Royau-  
me fut fait, on fit entendre au Roy  
qu'il y avoit quelque broüillaminy,  
qui pourroit endommager la paix &  
tranquillité de la France, partant pour  
prevenir de tels remuëmens, il fit cet-  
te ſolemnelle convocation de Mou-  
lins, pour le reglement de la France :  
& cependant ſous main ce genereux

Prince taschoit de réunir tant de partisans qu'il avoit en ses païs. Et pour ce sujet, en l'année 1566. il permit plusieurs conferences & disputes entre les Docteurs de l'une & l'autre Religion, qui ne perdirent que leurs peines pour la pluspart. Environ ce mesme temps mourut Antoine de Croüy, Prince de Portian, lequel quoy que bien jeune, estoit un des vail-lans Seigneurs de son âge. Il mourut d'une fièvre chaude quelque temps apres le deceds de la Comtesse de Sengnan, issuë de la maison d'Amboise. Quelques-uns ont fait des Livres sur sa mort, par lesquels ils témoignent qu'il fut attaqué d'une rage & folie. L'Annaliste Munster a dit qu'on luy donna de vilaines taches; mais s'il eut leu les moyens qui sont décrits par un certain anonyme, il eut appris qu'il mourut d'un boucon. Or pour revenir au fil de mon discours, quelque soin & diligence que mit sa Majesté à gagner le cœur de ses Sujets, pour leur faire embrasser la paix & concorde, il éprouva néanmoins encore les furieux éclats des mal-advisez;

232 *Histoire des ſçavans Hommes,*  
qui furent tellement ébloüis de leurs  
folies & insolences , qu'ils oſerent at-  
tenter ſur la perſonne ſacrée du Roy à  
Meaux, qui pour éviter leur effort, fut  
contraint de ſe retirer à Paris plus  
viſte que le pas. Je ſçay bien que le  
pretexte duquel eſtoit voilée cette en-  
trepriſe, eſtoit fondé ſur la requête  
qu'on devoit preſenter pour ceux de la  
Religion. Tel deſappointement cau-  
ſa les ſeconds troubles en ce Royau-  
me : car deſlors le Roy depeſcha des  
gens de toutes parts pour faire levées  
d'hommes, & les Reformez commen-  
cerent à faire leurs approches de Pa-  
ris, apres s'eſtre ſaiſis de pluſieurs vil-  
les la meſme nuit que le Roy ſe ſauva  
à Paris. Dès qu'ils eurent la ville de  
S. Denis, ils ne tarderent gueres à fai-  
re ſentir aux Pariſiens leur venuë, ils  
ferrerent de ſi près cette grande ville,  
que pour ſe dégager il fallut livrer la  
bataille de S. Denis, où demeura ce  
grand Anne de Montmorency, Con-  
neſtable de France, bleſſé au viſage,  
qu'il portoit découvert, de coups d'é-  
pée, & en la teſte d'un coup de maſſe  
& d'un coup de piſtolet aux reins. Les  
pretendus Reformez pourſuivirent ſi  
bien

*Charles IX. Roy de Fr.* CH. VIII. 233  
bien leur pointe , que sa Majesté regretant la ruine de ses Sujets & la mort de tant de Noblesse, fit cette belle paix de Chartres. Laquelle assoupit vrayment les seconds troubles , mais ne pût interrompre l'entrée des troisièmes , qui ébranlerent bien d'autre façon le Royaume que les precedens, d'autant qu'on faisoit courir vn faux bruit qu'il y avoit des conspirations & menées dressées contre les Princes du sang. Ce qui fut cause de les faire armer de toutes parts, courir & ravager les païs , assieger & prendre des villes , forts & forteresses. Plusieurs batailles furent données, ou de l'un & de l'autre costé perit une infinité de grands Seigneurs, qui eussent pû, s'ils se fussent employez à d'autre charge, faire des choses merveilleuses pour le salut , honneur & avancement du Royaume. Entre les autres batailles celle du Bassac païs d'Angoulmois éclipsa de la France ce vaillant & genereux Louis de Bourbon Prince de Condé , qui en la rencontre qui luy causa la mort, se porta si vaillamment ( comme il a esté un des plus hardis de nostre temps ) que tout brisé qu'il es-

234 *Histoire des sçavans Hommes,*  
toit , encore se fourroit-il par la mê-  
lée si avant, qu'il fut pris, sans estre du  
commencement reconnu, & enfin tué  
d'un coup de pistolet. Apres plusieurs  
grandes pertes & d'hommes & de for-  
ces, l'onzième du mois d'Aoust, l'an  
1570. la Paix fut conclüe & publiée  
aux deux Camps, receuë & homolo-  
guée en la Cour de Parlement à Paris,  
laquelle mit pour quelque temps la  
France en repos. Durant la negocia-  
tion, le Roy fit aussi poursuivre le  
mariage de Madame Elisabeth d'Au-  
striche, fille de l'Empereur Maximi-  
lian, lequel luy fut accordée. Et apres  
les solemnelles ceremonies des fian-  
çailles faites à Spire, l'Empereur depu-  
ta l'Archevesque de Treves Electeur  
de l'Empire, l'Évesque de Strasbourg,  
le Marquis de Baden & le Comte de  
Solern, pour conduire cette bonne &  
pudique Dame en France, avec une  
fort belle & honorable compagnie de  
grands Seigneurs de sa Cour. Peu de  
temps apres nostre Charles l'épousa,  
agé de vingt ans & cinq mois, elle  
estant en l'âge de seize ans ou envi-  
ron. La ceremonie des épousailles fut  
faite par Monseigneur le Cardinal de

Bourbon un jour de Dimanche le 26. du mois de Novembre 1570. Cette Reine a esté & devoit encore servir d'exemplaire de toute vertu, modestie & prudence à celles qui veulent vivre Chrestiennement. Elles apprendroient d'elle une sainte & chrestienne humilité, qui (à ce que la pluspart d'elles se font aujourd'huy entendre) aviliroit leur grandeur. Je ne les veux battre que de l'exemple de cette Princesse. Qui au lieu de s'amuser à plusieurs fadaïses, jour & nuit meditoit sur les Livres sacrez. Ce qu'un jour le Roy reconnut fort bien, quand il répondit à un Seigneur qui luy tenoit propos de ce modele des Princesses, luy proposant le danger où sa grosseffe la mettoit, si elle estoit en compagnie ou en presse. A quoy il répondit d'une grace fort loüable, son fruit (dit-il) ne scauroit estre gasté, si ce n'est que Saint Augustin la fasse avorter. Cela, disoit-il, pourla voir toujours bandée à la lecture des Livres qu'à écrit Saint Augustin de la Cité de Dieu, à laquelle elle se plaisoit particulièrement. D'elle il eut une fille qui fut baptisée à Saint Germain de

236 *Histoire des sçavans Hommes,*  
l'Auxerrois à Paris, le deuxiême jour  
de fevrier, l'an 1573. estant Parain  
Philibert Emanuel Duc de Savoye,  
lequel y envoya un député pour la te-  
nir sur les fonds. Les Maraines furent  
Madame Marie d'Espagne Imperatri-  
ce de Rome, & Reine d'Hongrie & de  
Boesme, mere de cette vertueuse Rei-  
ne. L'autre fut ce miroir de vertus  
Elisabeth Reine d'Angleterre. Le de-  
puté de l'Imperatrice porta l'enfant à  
l'Eglise, auquel servirent Messieurs  
du sang, à sçavoir Louis de Bourbon  
Marquis de Conty & Charles Mon-  
sieur de Bourbon freres. Celuy qui  
tenoit lieu de l'Imperatrice, donna  
nom à la fille Marie, & le député de  
la Reine Angloise, l'appella Elisabeth  
du nom de sa maistresse. Cette tran-  
quillité fit remuer les François pour  
entendre à plusieurs mariages, mesme  
Gaspard de Colligny Admiral, veuf  
de Charlote de Laval, épousa en se-  
condes nopces la fille du Comte d'En-  
tremont, puis au mesme temps donna  
Louise de Colligny sa fille au Seigneur  
de Telligny. Apres on reprit les pre-  
mieres brisées du mariage d'Henry de  
Bourbon, Prince de Navarre avec

Madame Marguerite de France sœur du Roy : qui donnoit esperance d'une paix de longue durée. Mais l'Admiral comme il estoit fin, taschoit par tous moyens qu'il pouvoit de dissiper de telles pratiques, se doutant (peut-estre) à peu près de ce qui par apres advint. D'autre costé Odet de Coligny brassoit le mariage de Monseigneur d'Anjou Henry III. par la grace de Dieu Roy de France & de Pologne avec la Reine d'Angleterre. Toutefois, soit que ce grand Monarque n'eut aucune veine qui tendit à une telle alliance, soit qu'il visast ailleurs, les desseins & menées de ce mariage allerent en fumée. Mais celui du Prince de Navarre fut trouvé de beaucoup meilleure grace. Partant pour y parvenir par douceur & magnificences, le Roy gagna tellement les cœurs des pretendus Reformez, qu'ils estimoient que la Cour ne fut destinée que pour eux. De fait l'Admiral estant venu en Cour à Blois il fut si bien veu du Roy, qu'il luy remit ses estats & pensions en main, l'introduisit au Conseil Privé, luy donna de grands deniers pour le recompenser de ses pertes, & le revenu

238 *Histoire des ſçavans Hommes,*  
d'un an de tous les Benefices poffedez  
par le deffunt Cardinal de Chaſtillon,  
qui au retour de ſon voyage d'Angle-  
terre fut ſaiſi d'une fièvre continuë,  
( quelques-uns diſent de poiſon ) de  
forte qu'il mourut. Je pourrois icy  
parler de pluſieurs deſordres, ſurve-  
nus à cauſe de troubles, la mort de la  
Reine de Navarre, le mariage d'Hen-  
ry de Bourbon Roy de Navarre avec  
Madame Marguerite, l'arrivée des  
Polonois en France pour emmener en  
Pologne le Roy Henry III. & autres  
particularitez, ſi elles n'eſtoient aſſez  
amplement décrites par nos Annali-  
ſtes. J'aime mieux propoſer la pitoya-  
ble advenuë des Reformez, d'autant  
que le Vendredy vingt-deuxième du  
mois d'Aouſt, l'Admiral comme il ſe  
retiroit du Louvre en ſon logis, fut at-  
teint d'un coup d'arquebuſe, tiré d'u-  
ne maiſon treilliſſée, duquel coup il  
eut le doigt emporté & le bras bleſſé,  
au grand regret de ſes Partifans. Qui  
pour ne s'eſtre tenus fermes comme il  
appartenoit, furent réveillés le vingt-  
quatrième d'Aouſt par les matines en-  
ſanglantées, & fut tué ce grand &  
ſage mondain, l'un des plus redoutez

*Charles IX. Roy de Fr. CH. VII. 239*  
guerriers de son âge. Gaspard de Coligny, avec plusieurs autres, tant à Paris qu'és autres lieux de la France. Je ne veux point icy controller sur cette execution, laissant de telles recherches à ceux qui ont meilleur loisir de la faire que je ne puis avoir : je regretteray seulement la grande multitude d'ames innocentes, & qui ne sçavoient ce que c'estoit de cette nouvelle Reformation, qui passerent sous la rigueur d'une telle journée. J'en ay connu plusieurs, qui estans bons Catholiques furent massacrez, pour avoir esté seulement qualifiez du nom d'Huguenot. Apres telle depesche, le Roy se resolut de reduire sous son obeïssance Nismes, Sancerre, Montauban & la Rochelle. Pour ce sujet il dressa l'an mil cinq cens septante-trois une grosse armée contre la Rochelle, & de laquelle fut chef Monsieur : à Sancerre il depescha les Seigneurs de la Chastre & de Fontaines, & le Marechal d'Amville à Sommieres en Languedoc. Les Rochelois furent pressez si vivement, qu'ayans perdu la fleur de leurs soldats, ils estoient sur le point de rendre les abois.

240 *Histoire des sçavans Hommes,*  
comme hors d'esper de pouvoir estre  
secourus, si ce grand Jean de Monluc  
Evesque de Valence n'eut rapporté de  
bonnes nouvelles de sa negociation  
en pologne. Telles qu'il fut preferé au  
Royaume au fils de l'Empereur, aux  
princes de Moscovie, de Suede & de  
prusse. Je laisseray les honnestetez &  
magnifiques accueils qui furent faits  
à ces Ambassadeurs, & le discours du  
voyage de ce nouveau Roy de polo-  
gne, pour reprendre mes premieres  
brisées & retourner à nostre Charles  
qui tomba malade à Vitry en partoiz  
de la maladie, qui apres l'avoir fait  
long-temps languir, ne l'a point aban-  
donné jusques à ce qu'elle l'a mis dans  
le sepulchre. Il commença un peu à  
reprendre cœur, dont il eut bon be-  
soin : car apres avoir amorty les plain-  
tes des reformez, il fallut qu'il dom-  
tast les mal-contens qui commen-  
çoient à se rétablir par le royaume :  
quelques-uns pour recompense de  
leurs insolences servirent de repara-  
tions aux gibets. Cependant le Roy  
Charles se minoit, & à veuë d'œil on  
le voyoit fondre. D'en attribuer la  
cause à quelques enforcelemens je  
n'oserois,

*Charles IX Roy de Fr. C. VIII. 241*  
n'oserois, puisque ce poinct n'a pas esté  
bien verifié, encor qu'on eut fait met-  
tre plusieurs Magiciens & Devins, qui  
ayans esté trouvez innocens de ce fait,  
furent depuis delivrez : joint qu'au  
rapport des Medecins, on a trouvé que  
cette maladie luy procedoit des poul-  
mons, pour les grands excés qu'il avoit  
fait à la chasse nuit & jour, où il em-  
ploit son temps, ne prenant plaisir  
qu'à des exercices si violens, qu'il n'y  
avoit homme qui le pût imiter, ny  
souffrir le travail & la peine qu'endu-  
roit ce genereux Prince. Lequel, apres  
avoir long-temps esté en une telle mi-  
sere, mourut le jour de la Pentecoste  
30. du mois de May, en l'an de grace  
1574. âgé de 24. ans, & de son regne  
le 14. Il estoit de fort belle taille, si  
haut qu'il se courboit un peu, son  
teint estoit plombé, sa face un peu pâ-  
le, le nez un peu aquilain, le col long,  
la poitrine haute, & du reste tres-bien  
composé de tous membres. Sa cheve-  
lure estoit assez rare en la teste, mais  
assez abondante en la barbe, qui ap-  
prochoit de la couleur de chasteigné.  
Il n'y avoit rien de plus doux & mieux  
temperé que ses mœurs. Pour la so.


242 *Histoire des sçavans Hommes,*  
brieté il n'y avoit aucun qui le surpassast, d'autant qu'il ne mangeoit que pour se sustanter, & pour la santé il se priva volontairement de l'usage du vin. En ses entreprises il estoit hastif & soudain au possible, impatient d'attendre, d'un jugement merveilleux, diligent à reconnoistre les humeurs & complexions des hommes, & au reste vray disciple du Roy Louis XI. qui disoit.

*Qu'on ne peut bien maistriser,  
Sans estre accort pour déguiser.*

De fait, s'il estoit question de cacher en son cœur une chose qui meritoit de n'estre point découverte, il y marchoit avec une prudence si grande, qu'il n'y avoit celuy, qui apres l'exécution de ses desseins n'admirast sa froideur extérieure, pleine d'ardeur en son cœur. En témoignage dequoy, le lendemain de la S. Barthelemy il répondit à un Seigneur, qui luy disoit qu'on n'esperoit pas cela de luy. Aussi, dit-il, nostre bonnet ne le sçavoit pas. De son costé il n'estoit jamais oisif, toujours en action, ou à courir ou à sauter ou à jolier à la paulme, ou piquer des chevaux, ou forger des ar-

mes , maniant aussi bien le fer & le feu que Marefchal ny Armurier en France. Sur tout il estoit si bien fait à la vènerie, qu'il en a écrit un Livre, lequel surmonte tout le sçavoir de ceux qui devant luy se meslerent jamais de cét exercice. Quant aux rares, bons & curieux esprits , je puis tèmoiner qu'il en a esté fort amoureux : je reconnois avoir receu de luy plusieurs courtoisies , munificences & liberalitez : souvent avoir esté mandé par sa Majesté pour luy éclaircir les difficultez qu'il avoit sur le fait des Cartes & des païs étrangers. De la Poësie il en estoit tellement ravy, que bien souvent il prenoit plaisir à faire des vers qu'il envoyoit aux Poètes François. Pareillement il estoit affectionné à ceux qu'il sçavoit rares & exquis en la perfection de cét art , mais ne les voulut pas enrichir , disant que les Poètes ressembloient aux chevaux genereux , lesquels il falloir nourrir , & non point les engraisser. Je ne propose point l'exemple de ce Roy , pour dégôûter les Princes & Monarques d'avancer ceux qui peuvent publier par leur plume leurs glorieux & heroïques exploits.

244 *Histoire des ſçavans Hommes,*  
dautant qu'aujourd'huy les largeſſes  
& liberalitez de pluſieurs Seigneurs  
ne ſont que trop refroidies : ſi bien  
qu'il n'eſt pas beſoin de les dégouter  
de bien faire aux Poëtes, attendu  
qu'ils n'y ſont pour la pluſpart trop  
portez. Mais comme il y a du danger  
de laiſſer languir ces ſacrées trompet-  
tes, auſſi eſt-il bien à craindre de leur  
remplir tellement la panſe, que la fu-  
mée de la cuiſine ne conſtiſe & en-  
gourdiſſe la generoſité & ſublimité  
de leur entendement ; ou bien de les  
amuser tellement à compter leurs eſ-  
cus, qu'au lieu de celebrer l'excellen-  
ce de leurs Princes, ils jettent & cal-  
culent ſeulement leur dépenſe, & ſe  
veautrent ſur la plume de leurs ri-  
cheſſes. Pour telles conſiderations  
pluſieurs philoſophes ont refusé les  
preſens qui leur eſtoient offerts de la  
part des grands Seigneurs, d'autres  
ont jetté dans la mer leurs richeſſes,  
diſans qu'elles ne ſervoiſent que d'em-  
barras pour les empêcher de philoſo-  
pher.





*HENRY III. ROY DE FR.*



# HENRY III.

## ROY DE FRANCE.

---

### CHAPITRE IX.

**H**ENRY ayant appris la mort du Roy Charles son frere, se rendit promptement en son Royaume paternel, & comme il avoit toujourns esté ennemy de ceux de la Religion, il se proposa encore de les ruynér par beaucoup d'Edits & de guerres continuelles, à quoy son naturel & l'envie des plus passionnez le portoient puissamment. Il se fit sourdement une certaine alliance entre les Catholiques, qu'ils appellerent Ligue ou sainte Union, en laquelle ils embarquerent mesmes des peuples étrangers, ce qui apporta

246 *Histoire des ſcavans Hommes,*  
tañt de deſordres & de miſeres à la  
France, que c'eſt comme un miracle  
qu'elle en ſoit relevée.

Le Roy craignant que l'Eſtat ne tom-  
baſt dans ſa derniere ruïne dont il eſ-  
toit ſi fort menacé, parla d'accord avec  
le Roy de Navarre & les autres Prin-  
ces de ſon party ; mais leur amitié eſ-  
tant bien-toſt rompuë, il ſe reſolut  
derechef à la guerre. Ainſi ce paiſible  
Roy diſtrait par diverſes conſidera-  
tions, fut long-temps en branle de  
quel coſté il ſe devoit tourner ; mais  
enfin, ſuivant le conſeil du Duc de  
Guiſe, il ſe declara contre le Roy de  
Navarre & le Prince de Condé avec  
toutes les forces de ſon Royaume.

Ceux-cy, de peur d'eſtre pris au dé-  
pourveu, r'allierent leurs troupes de  
tous coſtez, & donnerent l'entrée de  
la France aux Etrangers, qui n'en ont  
depuis eſté chaffez que bien tard, &  
non ſans beaucoup de peine ; l'Armée  
Royale eſtoit commandée par le Duc  
de Joyeuſe, qui n'attendoit que joye  
& que bon-heur de l'ardeur de ſes  
ſoldats, le combat ſe donna à Cou-  
tras, avec un pareil effort & courage  
des deux partis ; mais le Roy de Na-

varre se jettâ sur son ennemy, l'enfonça & le mit en déroute : de sorte que cette belle Armée frappée par le vainqueur comme d'un coup de foudre, se dissipa en un moment dans une honteuse fuite, le Duc de Joyeuse fut pris à la bataille, & tué d'un coup de pistolet sur le debat de sa prise. Le grand nombre & le merite des morts ont rendu celebre la victoire de Coutras. Le Duc de Guise effaçâ l'infamie de cette déroute à Auneau près de Chartres, où il défit les Etrangers, avec un tel applaudissement du peuple, qu'il receut en son Entrée tout l'honneur possible, & qu'on defere seulement aux Rois, lequel fut bien-tost la cause de sa ruyne. Le Roy estant soupçonné de maintenir ceux de la Religion, se trouva en un visible danger de sa vie parmy une fureur civile : ce qui le fit sortir tout en colere de la ville de Paris, resolu de la perdre avec le Duc de Guise, sur lequel il fit enfin éclater sa haine, par l'ordre qu'il donna de le tuer avec le Cardinal son frere dans le Château de Blois. On accusoit ce Prince Lorrain d'affecter la Couronne, & de tramér sous main quelque

248 *Histoire desçavans Hommes,*  
conjurat[i]on contre la personne du  
Roy, tant le soupçon est un venin dan-  
gereux, lors qu'il s'est insinué un peu  
avant dans l'esprit des hommes, peu  
s'en fallut que ce coup ne causast dans  
la France un s[ou]lèvement universel,  
puisque toutes les meilleures villes  
abusées du pretexte de la Religion,  
suivirent aveuglement le party de la  
Ligue, dont le Duc de Mayenne ayant  
esté fait Chef, il employa tous ses  
soins à lever des nouvelles troupes  
contre le Roy, lequel ne se croyant  
pas assez fort, appelle à son secours le  
Roy de Navarre son beau-frere, en-  
voye querir quelque renfort en Suisse,  
& vient dans cét estat poser le siege  
devant Paris, qu'il eut sans doute re-  
duit à son obeïssance, si un malheu-  
reux parricide, un Moine Jacobin qui  
l'assassina dans S. Cloud, n'eut preve-  
nu ses desseins detestables, exemple à  
la posterité, & digne de l'execration  
de tous les siècles; le Regne de ce  
Monarque a esté de quinze ans.







*HENRY III. ROY DE  
FRANCE .*



# HENRY IV.

SVRNOMME' LE GRAND,

ROY DE FRANCE.

## CHAPITRE X.



A vie toute pleine de mer-  
veilles du grand & victo-  
rieux Henry , assisté d'une  
faveur speciale du Ciel , a  
esté un cours perpetuel de glorieux  
trionphes ; ayant conquis le Royau-  
me des Fleurs de Lys , autant par la  
vertu de son bras invincible , que par  
les droits d'une legitime succession : sa  
generosité, sa clemence, & un nombre  
insiny de belles actions de justice , de  
paix & de prudence , ayans servy de

250 *Histoire des sçavans Hommes,*  
ciment pour unir les cœurs de ses Sujets, & de sacrez instrumens pour re-  
stablir cette Monarchie dans sa pre-  
miere splendeur : cét admirable Prin-  
ce ayant encore porté en un si haut  
point la reputation de son courage &  
de sa vaillance dans l'esprit de ses en-  
nemis, & sa bien-veillance & son res-  
pect dans celuy des autres Princes ses  
alliez, que ceux-là n'osoient plus re-  
garder ses frontieres qu'avec beau-  
coup d'effroy, & ceux-cy ne cessoient  
de le cherir & de l'honorer.

Le Chasteau de Pau, Ville capitale  
de sa Principauté souveraine de Bearn,  
eut le bon-heur de le voir naistre l'an  
1553. le 13. de Decembre. Le Roy  
Henry de Navarre son ayeul maternel  
le fit élever assez austèrement, pour  
l'accoustumer de bonne heure aux pe-  
nibles exercices, comme s'il eut eu le  
don de prévoir que la vie de ce Prince  
seroit agitée de plusieurs travaux, &  
traversée de mille incommoditez  
pleines de peril; mais il en tira cét  
avantage, qu'il en devint plus robuste,  
plus patient & plus moderé en toutes  
choses, & il trouva parmy ces épines  
une agreable moisson de fleurs & de

roses, dont il couronna sa vertu heroïque avec tant de gloire, qu'il s'aquit le surnom auguste de Grand Conquerant, & de pere de son peuple. Il n'avoit que neuf ans, lors que le Roy Antoine de Navarre son pere fut tué au siege de Roüen, au commencement des funestes guerres civiles qui faillirent à perdre la Monarchie.

A l'âge de quinze ans il commença à porter les armes, & à se declarer Chef d'un party si miserable, qu'il eut peine à le relever : & deux ou trois ans apres, la Couronne de Navarre luy estant écheuë par la mort de la Reine Jeanne sa mere, il se trouva enveloppé de plusieurs & dangereuses difficultez, par la perte ou la proscription de ses plus fideles amis & serviteurs : ce qui l'obligea de se retirer en Guyenne, & de quitter la Cour de France, où sa liberté estoit gescnée & contrainte. Il fut accueilly par les Protestans avec des joyes indicibles, & tout incontinent apres son arrivée, il fut déclaré & reconnu Generalissime de tout le Royaume. Le premier exploit qu'il fit en cette qualité, fut la prise de Cahors, apres un combat opiniastré de

252 *Histoire des ſçavans Hommes,*  
cinq jours, auquel il aſſiſta en perſonne, & y rendit des preuves d'un courage invincible. Et comme les pratiques de la Cour, & les funeſtes commencemens de la Ligue, luy eurent mis en teſte pluſieurs puisſans ennemis, il ſe reſolut de leur oppoſer une ſi vigoureuſe deſence, & il fut ſecondé par de ſi vaillans Chefs dans toutes les Provinces de France, que les pratiques & les forces de ceux qui le voulurent attaquer furent rendus inutiles, & il ſe trouva preſque touſjours victorieux, & ſe roidiſſant contre les difficultez, & triomphant des aſſauts de la fortune. Il vainquit en bataille rangée le Duc de Joyeuſe à Coutras; & uſa d'une tres-grande moderation dans ſa victoire, ſignalée par la mort du Duc, General de l'armée Royale. Et quelque temps apres le Roy Henry III. eſtant perſecuté par les Chefs de la Ligue, qui par la ruine de ce pauvre Prince, croyoient mettre la Couronne ſur leur teſte, à l'excluſion & au prejudice du Roy de Navarre, qui en eſtoit le veritable & droit ſucceſſeur, appella à ſon ſecours noſtre grand Henry, qui franchiſſant toute ſorte

*Henry IV. Roy de Fr. CH. X. 253*  
d'ombrages & de méfiance, vint incontinent joindre ses forces à celles du Roy son beau-frere.

Sa presence & son nom asséurerent les courages, & sa hardiesse alloit rendre facile la conquête de Paris, lors que l'exécrable parricide commis à S. Cloud en la personne sacrée du mesme Henry III. l'an 1589. le rendit possesseur de la Couronne, de laquelle un moment auparavant il n'estoit que Protecteur. Il fut reconnu Roy legitime par les Princes du Sang, & par un nombre infiny des plus grands du Royaume, & en cette qualité voulant maintenir un si bel heritage, avec la liberté de ses peuples, il se resolut à faire une forte guerre à ceux qui ne voudroient pas ployer le joug sous sa legitime domination.

Et encore que l'Espagne, l'Italie, la Savoye, la Lorraine & les Pais-Bas, luy opposassent leurs armées, & qu'ils donnassent de tres-puissans secours à ses ennemis; son courage intrepide & veritablement Royal, se porta avec plus d'envie & de resolution à les attaquer, sachant que ses trophées & ses triomphes en seroient plus augustes

254 *Histoire des ſçavans Hommes,*  
& plus éclatans. Il gagna la memorable bataille d'Arques, & contraignit ſes ennemis de lever le ſiege de Dieppe apres pluſieurs furieux combats, où ſon bras victorieux fut ſouvent empourpré du ſang de ſes rebelles Sujets, qu'un voile de Religion faiſoit ſuivre contre leur conſcience, des Princes qui vouloient uſurper ſon ſceptre, & eſcalader le Trône qui luy eſtoit deu.

Les Pariſiens le croyant vaincu, ou du moins forcé de paſſer en Angleterre, s'étonnerent de voir leurs Fauxbourgs gagnez en moins d'une heure par ſa Majeſté, & plus de huit cens des mutins tuez, pour expier en quelque ſorte par leur ſang l'aſſaſſinat horrible commis en la perſonne ſacrée de ſon predeceſſeur. Ces genereux & bien-heureux exploits furent ſuivis de la priſe des villes d'Eſtampes, de Vendosme, du Mans, d'Alençon, de Damfront, de Falaiſe, de Liſieux, de Verneüil, de Ponteau de Mer, & meſme de pluſieurs Provinces toutes entieres.

Et comme l'armée ennemie, fortifiée par quelques Etrangers, eut aſſiegé Meulan, ſa Majeſté luy fit lever le ſie-

ge, & luy donna une sanglante chasse. Et quelque temps apres ses ennemis croyans de reparer leur honte, augmentèrent encore les palmes de nostre Conquerant, & luy preparerent de nouveaux triomphes à la bataille d'Yvry, où sa Majesté eut une victoire entiere, & par la mort de dix mille des ennemis, son bras & son épée affermiront sa Couronne, ayant en mesme jour remporté une autre celebre victoire en Auvergne, sous la conduite d'un de ses Lieutenans.

Les villes de Mantes, de Vernon & de Meulan, vinrent aussi-tost rendre hommage, & recevoir la loy de leur victorieux Monarque : Chartres, Noyon, Avranches & plusieurs autres places en diverses Provinces, se rendirent aussi sous la domination legitime. Le Duc de Parme qui estoit venu pour secourir Paris & Roüen, fut attaqué & chassé bien viste hors des limites du Royaume, où il trouva plus de valeur & de fidelité que l'on ne luy avoit fait concevoir. Enfin, sa Majesté estant persuadée de changer de Religion, pour oster toute sorte de pretexte & de plainte aux Catholiques, qui ne te-

256 *Histoire des ſcavans Hommes,*  
noient pas ſon party, & qui ne luy  
vouloient point obeïr, s'il demeuroid  
dans la Religion proteſtante, reſolut  
de la quitter, & d'embraffer celle des  
Rois ſes predeceſſeurs, ce qu'il fit ſo-  
lemnellement à S. Denis; comme s'il  
euſt voulu avoir pour témoins d'une  
action ſi pieuſe, les cendres & les  
tombeaux de ſes Anceſtres. Enſuite  
dequoy il ſe fit ſacrer à Chartres dans  
l'Egliſe Noſtre-Dame par Nicolas de  
Thou, Eveſque du lieu, & en meſme  
temps il prit les Ordres de S. Michel  
& du S. Eſprit. La ville de Reims ſe  
priva de cét honneur pour n'avoir pas  
encore fléchy ſous les loix de ſon Sou-  
verain, comme elle fit bien-toſt apres  
par l'exemple & les perſuaſions du  
Duc de Guiſe, qui ſe rangea auſſi dans  
le devoir.

Après quoy les rariſiens ſecoüerent  
le joug étranger, changeans leurs rui-  
nes paſſées en feux de joyes & réjouif-  
ſances publiques à l'arrivée de ce  
grand prince, qui fit une magnifique  
entrée dans cette Reine des Citez:  
Roüen, Amiens, Troyes, poitiers, &  
preſque tout le reſte du Royaume ſui-  
vit l'exemple de Paris; mais Laon  
n'ayant

n'ayant pas voulu plover, fut attaquée & forcée par sa Majesté, malgré les vains efforts des troupes Espagnoles, qui estant venuës pour son secours furent taillées en pieces. Apres quoy la Bourgogne servit de glorieux theatre, où sa Majesté vint encore faire paroistre sa valeur & sa bonne fortune, lors qu'il abbatit l'orgueil de ses ennemis dans la plaine de Fontaine Françoise, ayant avec cent cinquante cheuaux qu'il détacha de son armée soutenu genereusement l'effort de celle du Connestable de Castille, composée de dix-huit mille combatans: sa Majesté renversant comme un vray foudre de guerre, tous ceux qui furent si hardis de l'attendre. Toutes ces glorieuses actions furent suivies de la soumission du Duc de Mayenne, chef du party contraire, cōme aussi de celle des villes de Dijon, de Toulouse, de Narbonne, de Marseille & de Soissons.

La citere qui voulut tenir bon fut emportée apres un siege de quelque mois: Et Amiens ayant esté surpris par l'Espagnol, le Roy le reprit glorieusement à la veuë d'une puissante armée, qui entreprit vainement de faire lever le

258 *Histoire des ſçavans Hommes,*  
ſiege. La Bretagne d'autre coſté recon-  
nut ce Roy victorieux, & le Duc de  
Mercœur ſ'eſtima heureux d'obtenir  
le pardon de ce grand Prince.

Enfin la paix eſtant concluë avec  
philippes II. Roy d'Eſpagne par le  
traité de Vervins, Calais, Ardres, le  
Catelet, Monthulin & Blavet, furent  
reſtituez, & cela fit voir que ce gene-  
reux Monarque n'avoit pris les armes  
que pour recouvrer le ſien, & quel'in-  
tereſt & la gloire de la Couronne, avec  
la protection de ſes peuples, avoit  
toujours eſté le ſeul but de ſes juſtes  
armes. Et afin que les proteſtans ne  
troublaſſent point cette douce paix, il  
fit l'Edit de Nantes pour les conten-  
ter. Toutes choſes eſtant donc paci-  
fiées au dedans, il attaqua le Duc de  
Savoye pour la reſtitution du Marqui-  
ſat de Saluces, qui avoit eſté ravy au  
Roy ſon predeceſſeur.

La conquête de toute la Savoye  
par ſa Majeſté en perſonne, & par le  
Seigneur de Leſdiguieres, & notam-  
ment du Fort de Montmelian, repu-  
té juſques-là imprenable, contraigni-  
rent le Duc de Savoye de ſe mettre à la  
raiſon, & l'échange qui fut fait dudit

Marquisat, avec les Comtez de Baughey, de Bresse, Veromey & de Gex, pacifierent ce differend par un traité de paix conclu à Lyon. Ce qui commença de faire changer à sa Majesté les couronnes de Lauriers, dont sa vertu avoit esté si souvent recompensée en des guirlandes d'Olivier, symboles de la paix qu'il donna à toute l'Europe, dont sa valeur l'avoit rendu le glorieux Arbitre. Durant ces tranquillitez & réjouissances universelles, il termina plusieurs grands differends entre ses Alliez, & secourut les Princes de la Maison de Clèves & de Juliers, ayant donné de la terreur à leurs ennemis par le moyen de deux grandes armées qu'il avoit mis sur pied pour un merveilleux dessein, dont le succez l'auroit rendu le Maistre absolu du globe de l'Europe.

Mais hélas! auparavant que de s'acheminer sur la frontiere de Champagne, pour de-là passer plus outre il desira de voir la solemnité du magnifique couronnement de la reine Marie de Medicis son épouse, qui se fit à S. Denis, & resolut de la laisser en son absence Regente deses Estats, mais pen-

260 *Histoire des sçavans Hommes,*  
dant les preparatifs de la magnifique  
entrée qu'il voulut qu'on luy fît dans  
la ville de Paris, ces joyes publiques  
furent par un funeste & déplorable ac-  
cident, converties en un moment en  
deüil & desolation extrême & univer-  
selle le 14. de May l'an 1610. car un  
monstre & demon infernal ayant pris  
la forme humaine, porta ses impitoya-  
bles & parricides mains sur ce grand  
Hercule, luy fit perdre la vie au mi-  
lieu des plus solemnelles prosperitez  
de la paix, vie qu'il avoit conservée  
dans les plus sanglantes & mortelles  
mélées. Il fut pleuré & regreté par ses  
sujets & par tous les Potentats du  
monde, autant que Prince qui ait ja-  
mais vescu; & ses excellentes vertus,  
jointes à un courage & une valeur sans  
exemple, luy acquirent les Eloges &  
les Titres glorieux de *Grand, d'Invinci-  
ble, d'Incomparable, de Clement, de Mag-  
nanime, de Protecteur de la paix, de Restau-  
rateur & Conservateur de l'Estat, d'Orne-  
ment de l'Eglise, & d'Arbitre des Princes  
Chrestiens.*

Il estoit de stature mediocre, d'un  
visage & abord venerable & auguste,  
ayant le nez aquilain, les yeux vifs, le

teint vermeil, le front large, le poil brun, qui commença de grisonner sur l'an 33. de son âge, ayant accoustumé de dire, que c'estoit le vent & l'orage de ses adversitez qui avoient donné sur sa barbe & sur sa chevelure: Au reste, ce grand Monarque n'ayant fait la guerre que pour procurer une paix durable à ses sujets, & les combler de felicitez, remit la justice & la pieté en leurs sieges, rendit la force aux loix, l'autorité aux Magistrats, défendit les duels par plusieurs severes Edits, reforma la discipline militaire, polica ses Villes, & les embellit de plusieurs structures magnifiques, garnit ses Ports de mer de Vaisseaux & de Gale- res, remplit ses coffres de finances, & ses Arsenaux d'un si grand nombre de canons & d'autres armes & instrumens de guerre, qu'il estoit bien facile à voir, que ses desseins eussent enfanté de belles victoires.

Il fit rebâtir ses Châteaux & Palais du Louvre & des Tuilleries à Paris, ceux de Fontainebleau, de S. Germain en Laye, de Blois, de Verneüil & de Monceaux: & au lieu qu'ils estoient auparavant tous ruinez, il les fit restaurer

262 *Histoire des ſcavans Hommes,*  
& embellir de Jardins, de Fontaines,  
de parcs, de ſtatuës, de perspectives, de  
grottes, de caſcades, & de ſi excellen-  
tes peintures, qu'elles porteront aux  
ſiecles à venir les marques de l'excel-  
lence de ſon regne, & de la gloire de  
ſon Nom. Il fit auffi baſtir la place Ro-  
yale, & acheva le Pont neuf, & plu-  
ſieurs autres monumens perdurables.  
Ce grand & invincible Monarque por-  
ta premierement pour ſa devife, la fi-  
gure d'un Hercule, ſymbole des peni-  
bles, & des glorieux travaux qu'il ſouf-  
frit, & des monſtres de rebellion qu'il  
dompta, avec ces mots : INVIA VIR-  
TUTI NULLA EST VIA. Depuis il  
porta une eſpée nuë poſée en pal ſur  
deux ſceptres paſſez en ſautoir, avec  
cette ame *Duo protegit unus*, pour don-  
ner à entendre, que ſes juſtes armes  
n'avoient deſormais autre but que la  
deſenſe & la protection de ſes deux  
Royaumes.

Sa Couronne exhauffée à l'Imperiale  
couvroit les deux eſcus de France & de  
Navarre, dont chacun ſçait les bla-  
zons, & les deux colliers de ſes Ordres,  
du Saint Eſprit & de Saint Michel les  
environnoient.





*LOUIS XIII. ROY DE  
FRANCE*



# LOVIS XIII.

SVRNOMME' LE IVSTE.

ROY DE FRANCE.

## CHAPITRE XI.

**D**EPUIS les fondemens de la Monarchie Françoisse, il n'y a point eu de regne remply de tant de merveilles que celuy du Roy Louïs le Juste, qui a triomphé de tous ses ennemis avec tant de felicité & de gloire, que le trône des Rois tres-Chrestiens n'a jamais esté élevé à un si haut comble de puissance, d'autorité & de splendeur.

La seconde année du siecle où nous vivons, lors que chacun jouïssoit des

264 *Histoire des ſçavans Hommes,*  
agreables douceurs de la paix, à l'om-  
bre des lauriers & des palmes cueil-  
lies par le grand Henry, qui avoit bâty  
dans le cœur de ſon Royaume le ſacré  
Temple de la felicité : Ce Prince nâ-  
quit à Fontainebleau le 27. Septem-  
bre 1601. ſous le favorable ſigne des  
Balances, qui ſont le hierogliphe &  
le ſymbole de cette vertu, qui luy ac-  
quit le ſurnom de Juſte, auſſi rare &  
glorieux qu'aucun dont on ait jamais  
honoré la Majeſté des Rois.

Il fut baptiſé au meſme Palais de  
Fontainebleau l'an 1606. & porté ſur  
les ſacrez Fonds par le Cardinal de  
Joyeuſe au nom du Pape Paul V. &  
par la Princeſſe Eleonor de Medicis  
Duchefſe de Mantouë & de Montfer-  
rat ſa tante maternelle, il fut nommé  
Louis, comme digne ſurgeon du ſaint  
& ſacré Tronc du roy S. Louis ſon  
grand Ayeul. Les ceremonies de ce  
Royal Baptesme furent tres-magnifi-  
ques & ſuivies de jeux, de feſtins, de  
bals, de balets, de courſes de bague &  
de tournois : Le Duc de Sully fit affail-  
lir aux flambeaux un Château artifi-  
ciel, avec une quantité innombrable  
de fuſées, de petars, de boiſtes & de  
canons,

*Louis XIII. Roy de Fr.* CH. XI. 265  
canons, mais l'on ne vit jamais rien  
de plus admirable à la veüe que la  
beauté, l'ornement & le lustre des  
Princesses & des Dames de la Cour;  
les yeux les plus fermes ne pou-  
vans soutenir la splendeur de l'or, la  
beauté des perles, ny le brillant des  
pierreries qui couvroient leurs super-  
bes habillemens; la robe de la Reine  
semée de trente-deux mille perles, &  
de trois mille diamans, rendoit sa  
Majesté éclatante comme le Soleil  
parmy les autres clartez: Les Princes  
& Seigneurs firent aussi d'étranges  
profusions pour célébrer cette feste.  
La garde de l'épée du Duc d'Espemon  
couverte de diamans, comme tout son  
habit, fut estimée à trente mille écus.

Quatre années apres la France fut  
plongée dans une desolation extrême,  
par la mort du Roy Henry IV. qui  
donna des apprehensions à toute l'Eu-  
rope, que le flambeau de la guerre ne  
se rallumât. Mais la sage prevoyance  
de la Reine Mere, des Princes & des  
Parlemens, tinrent encore le Temple  
de Janus fermé; & la jeunesse du nou-  
veau Roy Louis fut élevée dans la paix  
que Dieu conserva à son Royaume

266 *Histoire des sçavans Hommes,*  
La Reine sa mere fut declarée Regente de sa personne & de ses Estats, & ainsi apres avoir rendu les honneurs funebres au Roy defunt, leurs Majestez suivirent le genereux dessein qu'il avoit pris auparavant sa mort, de secourir les Princes alliez de la Couronne; injustement troublez en la possession des Duchez de Cleves & de Juliers : le Marechal de la Chastre y conduisit l'armée, avec un si heureux succez, que la ville de Juliers ( dont Leopold Archiduc d'Austriche s'estoit emparé ) estant assiegée, fut mise en liberté, & renduë à son Prince legitime.

Environ le mesme temps le Roy Louis fut sacré & couronné à Reims le 18. d'Octobre 1610. par le Ministere du Cardinal de Joyeuse, en la presence de la Reine, & de tous les Princes du sang, qui y firent les fonctions des Ducs & Pairs de France. Deux ans apres les mariages du Roy avec l'Infante Anne d'Austriche & de Madame Elisabeth de France avec le prince d'Espagne, furent resolus & publiez : ensuite dequoy l'on fit ce tres-magnifique Caroussel en la place Royale, où

les princes & Seigneurs de France firent paroistre leur adresse & leur galanterie avec tant de bonbance & d'éclat. Deux Ambassadeurs extraordinaires furent ensuite envoyez reciproquement pour faire signer & arrester les conventions de ces Mariages, auxquelles les avantages furent reciproques & semblables; la constitution dotale des princesses ayant esté de six cens mille écus chacune.

Henry de Lorraine Duc de Mayenne alla en Espagne de la part de la France & Ruy Gomes Duc de castille, prince d'Emerito, vint en France de la part du Roy d'Espagne. Cependant le Roy commençoit à s'attacher avec affection à apprendre tous les exercices, & notamment les militaires, où il se porta avec une violente propension: ses passe-temps estoient de dresser des bataillons & des escadrons, & à faire faire l'exercice à ses Gardes, qu'il connoissoit presque tous, & les nommoit par leurs noms.

A peine sceut-il tenir une plume ou un crayon, qu'il commença à tirer les plans & les perspectives des places fortes, à marquer l'assiette des Camps,

268 *Histoire des sçavans Hommes,*  
& à tracer des tranchées ; tous les termes de la guerre luy estoient familiers, & il sçavoit manier le mousquet & la pique aussi bien que le plus habile Officier de son Regiment des Gardes eust pû faire ; il piquoit & pouffoit un cheval avec adresse , & tiroit de l'arquebuse & du pistolet avec plus de justesse qu'homme de tout son Royaume ; s'exerçant ainsi dans l'image de l'art militaire, en attendant de le mettre en pratique tout de bon , comme depuis il a fait avec autant de courage que de bon-heur. Il fut ennemy de l'oïveté, sçachant bien qu'elle corrompt les esprits & qu'elle attire apres soy le vice & la mollesse : Et pource que la chasse est l'exercice qui ressemble le plus à la guerre , il s'y adonna excessivement, & s'y rendit vigoureux & infatigable.

La jalousie que les princes concurrent contre le Marechal d'Ancre, qui par les pratiques de Leonore Galigay sa femme s'estoit acquis un grand ascendant sur l'esprit de la Reine mere, & avoit usurpé une tres-puissante autorité dans la conduite des affaires, fut cause qu'ils se retirerent de la

*Louis XIII. Roy de Fr.* CH. XI. 269  
Cour. Mais ce trouble fut bien-tost  
appaissé par le traité de S. Menchoud,  
dont le premier article portoit la con-  
vocation des Estats du Royaume. Ce-  
pendant le Roy ayant atteint la qua-  
torzième année de son âge, se fit de-  
clarer Majeur par la Cour de parle-  
ment; convoqua les Generaux à Paris,  
& l'assemblée des Notables à Rouen,  
& puis à Paris, pour reformer les des-  
ordres qui s'estoient glissez dans l'E-  
stat.

Après quoy leurs Majestez s'achemi-  
nerent en Guyenne, pour accomplir le  
mariage resolu avec l'Infante d'Espa-  
gne, nonobstant l'empeschement qu'y  
voulurent apporter quelques princes  
qui passerent au-delà de la riviere de  
Loire avec leur armée, quelques pro-  
testans s'estans joints à eux, pource  
qu'ils avoient pour suspectes ces al-  
liances, apprehendans que le Con-  
seil d'Espagne obligéât leurs Majestez  
à les persecuter.

Le Duc de Guise fut envoyé sur la  
frontiere d'Espagne, pour y recevoir  
au nom de sa Majesté Tres-Chrestien-  
ne la Reine Anne son épouse, & pour  
délivrer aux Ambassadeurs d'Espagne

170 *Histoire des ſçavans Hommes*,  
la Princeſſe Elifabeth de France, ſœur  
du Roy, promiſe au Prince Philippes  
IV. L'échange de ces grandes Reines  
ſe fit ſur un Pont d'une admirable  
charpente qu'on avoit élevé en forme  
de theatre ſur la riviere de Bidaffo ou  
d'Endaye, qui fait la ſeparation des  
deux Royaumes. Les magnificences  
qui ſe firent à la Reine à Bordeaux,  
furent tres pompeuſes & tres-augu-  
ſtes, & l'on y reïtera & paracheva les  
ſolemnitez de la benediſtion nuptia-  
le dans l'Egliſe de S. André, par le  
miniſtere de l'Eveſque de Xaintes.

Et pource que le Mareſchal d'An-  
cre abuſant de ſon autorité, conti-  
nuoit de mal-traiter les Princes & les  
Grands du Royaume; ils ſe retire-  
rent encore de la Cour, mais apres les  
ſieges de Soiffons & de Nevers, la pru-  
dence du Roy fortifiée par le conſeil  
de ſes plus fideles Miniſtres, éteignit  
le feu dans le ſang du Mareſchal d'An-  
cre, apres la mort duquel ſa Majeſté  
rappella proche de ſa perſonne tous  
les Princes & Seigneurs éloignez,  
comme auſſi le Chancelier de Sillery,  
le Garde des Sceaux du Vair, le Sei-  
gneur de Villeroy, & les autres Mini-

ftres d'Eftat, qui furent careffez & reftablis dans la fonction de leurs charges, defquelles le Marefchal les avoit éloignez. Les differends que le Roy d'Efpagne avoit avec les Ducs de Savoye & de Mantouë, furent auffi pacifiez par l'entremife de nostre jeune Monarque.

Quelque temps apres la Reine Mere, mécontente, de ce qu'à mefure que le Roy croiffoit en âge, l'autorité qu'elle s'eftoit confervée dans les affaires diminuoit, fe retira en Angoulmois avec quelques Princes & grands Seigneurs; mais une entreveüe ayant efté faite en Touraine entre leurs Majeftez, le Roy donna à la Reine fa mere le Gouvernement d'Anjou, où elle fe retira; & comme on fe promettoit un repos entier apres cette reconciliation, les chofes ayant efté mal expliquées, le remuëment fe renouvela, & la Reine & les Princes commencerent à armer.

Le Roy de fon cofté ayant ramaffé fes forces, passa en Normandie, s'affura de la ville de Rouën, & puis ayant réduit à son obeiffance Caën & Alençon, il passa dans l'Anjou, où il obtint

272 *Histoire des sçavans Hommes,*  
une victoire sur les rebelles ou mé-  
contens au combat du Pont de Cé sur  
Loire.

Ce fut en cette occasion où ce Mo-  
narque montra les premières preuves  
de sa vertu & de sa bonté, s'estant lais-  
sé porter avec beaucoup de tendresse à  
la reconciliation avec la Reine sa me-  
re, par l'entremise du Cardinal de la  
Roche foucaut, & de l'Evesque de Lu-  
çon, qui fut puis après, comme nous  
avons dit cy-devant, l'Eminentissime  
Cardinal de Richelieu. Et pource que  
sa Majesté avoit eu plusieurs plaintes,  
que les Protestans occupoient depuis  
un fort long-temps les biens des Ec-  
clesiastiques Catholiques en Bearn, &  
qu'ils avoient chassé les Evesques &  
les Prestres après les avoir expoliés, il  
résolut de les aller rétablir, à quoy il  
réussit avec beaucoup de prudence &  
de douceur; il unit aussi ces deux  
Cours de Parlement, l'une appelée de  
Saint Palais pour la basse Navarre, &  
l'autre de Pau pour le Bearn, en une  
seule Cour Souveraine & Parlement,  
qu'il rétablit dans la ville de Pau. Il  
unit aussi & annexa les Etats de Na-  
varre & de Bearn, à son Royaume de  
France.

Environ ce temps-là les Protestans se plaignans de l'infraction de l'Edit de Nantes, & de la persecution dont ils disoient qu'on les menaçoit, convoquerent une assemblée generale des Deputez de toutes les Provinces dans la ville de Loudun, laquelle ils transfererent ensuite à la Rochelle, pour y estre en plus de seureté. Et pource que les cahiers de leurs demandes semblerent un peu trop hardis, & qu'outre cela ils fortifioient leurs places de seureté, qu'ils faisoient amas d'argent & de soldats, qu'ils avoient des intelligences & une union secrette avec les Anglois & les Allemans; le Roy resolut de les reprimer, apres toutefois avoir usé de patience & de douceur en leur endroit, & avoir protesté qu'il n'en vouloit qu'aux rebelles, & non à la Religion, ce que connoissant plusieurs grands Seigneurs de ce party, qu'on estimoit devoir adherer à la faction, ils s'en retirerent pour servir le Roy, entr'autres les Ducs de la Trimoüille & de Lesdiguières, & le Mareschal de Chastillon. Sa Majesté voyant donc qu'il en falloit venir aux

274 *Histoire des sçavans Hommes,*  
armes, partit de Fontainebleau au  
mois d'Avril de l'année 1621.

Quelques-unes des villes que les  
Protestans nommoient places de seu-  
reté ou d'ostage, se rendirent au Roy,  
comme Saumur passage sur la riviere  
de Loire, où estoit Gouverneur ce ce-  
lebre & docte Protestant le sieur du  
Plessis-Mornay, Sancerre, Jargeau,  
Vitré & Pontorson en firent de mes-  
me. La ville de S. Jean d'Angely  
se fiant en ses fortifications, & à  
Monsieur de Soubise frere du Duc de  
Rohan qui y commandoit, voulut  
soutenir le siege; mais enfin le courage  
du Roy & la valeur des attaquans la  
forcerent à se rendre & à implorer le  
pardon de son Prince, qui la fit dé-  
menteler, & luy osta avec ses privile-  
ges son ancien nom, ordonnant qu'elle  
fut appellée le Bourg-Louis.

Les villes de Pons, de Chastillon, de  
Sainte-Foy, de Bergerac & de Clerac,  
furent aussi remises sous l'obeïssance  
du Roy; mais Montauban ayant eu  
grand loisir de se bien fortier, se dé-  
fendit si long-temps, que l'on fut con-  
traint de lever le siege apres plusieurs

memorables assauts, attaques, sorties & combats, où moururent plusieurs vaillans hommes des deux partis, & entr'autres le Duc de Mayenne, tué d'un coup de mousquet. Le Roy ayant passé outre, assiegea & prit Negreplisse, & plusieurs autres places: sa Majesté agissant avec une merveilleuse patience, & force d'esprit & de courage en tous ces sieges, passant des jours & des nuits à la campagne, & parfois dans les tranchées; & n'ayant pas seulement à combattre les ennemis, mais encore à résister aux violentes chaleurs & aux maladies contagieuses qui avoient infecté son armée, desquelles Dieu le conserva.

L'année d'après, le Roy voulant achever de mettre à la raison les rebelles, les alla attaquer dans Rié, qui est une peninsule du bas Poitou, en lieu presque inaccessible, environné de la mer & d'une riviere: Là le courage du Roy étonna les plus hardis, car il passa à gué le bras de mer, & montra le chemin aux siens: ce qui épouvanta tellement les ennemis, qu'ils lâcherent le pied après quelque

276 *Histoire des sçavans Hommes,*  
legere resistance, & furent entiere-  
ment défaits, avec la perte de leurs  
vaisseaux & de leurs canons.

Après cét exploit, ce Monarque vi-  
ctorieux passa plus outre, assiegea &  
prit Royan, tres-forte place proche de  
la mer, fit presser la Rochelle par le  
moyen du Fort Louis, qu'il avoit fait  
construire pour servir de caveillon aux  
insolences des Rochelois. De là il tra-  
versa la Guyenne & le haut Langue-  
doc, où il força encore plusieurs pla-  
ces : puis mit le siege devant Mont-  
pellier, qui estoit la plus grande & la  
plus forte place que tinssent les Reli-  
gionnaires dans la Province de Lan-  
guedoc : ce siege fut tres-memorable,  
bien attaqué, bien défendu ; mais en-  
fin forcé de ployer le joug sous la vo-  
lonté de son Souverain, & de ceder à  
ses armes invincibles.

Ce qui ayant abattu l'orgueil & les  
esperances des Protestans, ils furent  
contraints de se venir jeter aux pieds  
de leur Monarque, & d'implorer la  
clemence de sa Majesté, qui les vou-  
lant traiter comme un pere fait ses en-  
fans rebelles, auxquels apres avoir

donné quelques coups de verges, il recire les châtimens, & leur pardonne : ainsi ce genereux & magnanime Prince accorda la paix & le pardon à ses Sujets, apres qu'il fut entré dans la ville de Montpellier. Henry Duc de Rohan chef de tous les Protestans, fit aussi ses soumissions. Comme ces choses se traitoient, l'armée navale du Roy commandée par le Duc de Guise, assisté du Duc de la Rochefoucault & du Comte de Joigny, General des Galeres, emporta une victoire signalée devant la Rochelle : & le genereux Jean de Saint - Bonnet, Seigneur de Toiras, qui s'estoit aussi trouvé à cette bataille, estant établi Lieutenant du Roy dans le Fort Louis, résista vigoureusement aux ennemis, & les battit en plusieurs rencontres.

Après la paix de Montpellier le Roy passa en Provence, & fit une entrée magnifique dans sa ville d'Aix, qui luy dressa plusieurs Arcs de triomphe, où estoient representez tous les anciens Comtes de Provence, semblans recevoir sa Majesté & la congratuler de ses Triomphes plus grands que ceux de

278 *Histoire des sçavans Hommes,*  
l'invincible Hercule. De là sa Majesté  
vint à Avignon, où il receut de tres-  
grands honneurs, le Pape ayant or-  
donné qu'on n'y oubliât rien.

Charles Emanuel Duc de Savoye  
vint visiter & faire ses complimens à  
sa Majesté dans cette Ville, & se con-  
joûir avec elle de ses victoires, & re-  
nouvellier leur ancienne alliance; com-  
me firent aussi les Venitiens & les Gri-  
sons. Sa Majesté passa aussi à Greno-  
ble, où le Connestable de Lesdigui-  
eres luy fit dresser plusieurs Arcs de  
Triumphes ornez de tableaux, qui re-  
presentoient par emblèmes les victoi-  
res & les travaux de ce Prince : Les  
sept merveilles qui se trouvent en la  
Province de Dauphiné y furent aussi  
dépeintes. Et ce glorieux Connestable  
donna le plaisir d'une tres-belle chasse  
dans le Parc de son superbe Chasteau  
de Vizille à deux lieues de Grenoble,  
où sa Majesté courut & tua le Cerf à  
coups d'épée. Les guerres intestines  
semblant estre pacifiées, le Roy eut  
soin d'assister ses Alliez : sous ses heu-  
reux auspices le Marquis de Courvres,  
depuis Marechal d'Estrée, chassa l'Es-

*Louis XIII. Roy de Fr. CH. XI. 279*  
pagnol de la Valteline, à laquelle il  
ren dit sa premiere liberté : Et le Con-  
nestable de Lesdiguières, duquel nous  
venons de parler, assiegea & prit quel-  
ques places dans l'Estat de Gennes, à  
la priere du Duc de Savoye.

L'an 1625. le Pape Urbain VIII. en-  
voya son neveu le Cardinal François  
Barberin, Legat en France, pour traiter  
la paix d'Italie, mais ses propositions  
ne furent pas receuës. Cependant le  
Seigneur de Soubise, & plusieurs Pro-  
testans violerent le traité de paix,  
ayant voulu prendre le Port de Blavet  
en Bretagne, & se saisir des navires du  
Roy; mais la Noblesse y estant accou-  
rue, les rebelles se retirerent honteu-  
sement. Et peu de temps apres le Duc  
de Montmorency Admiral de France,  
gagna une bataille navale contr'eux,  
& assisté des Hollandois, se saisit de  
l'Isle d'Oleron, & puis ils perdirent  
celle de Ré; tellement que se voyant  
ainsi mal-menez, ils eurent encore re-  
cours à la genereuse clemence du Roy,  
qui leur pardonna l'an 1626. Le trai-  
té de Mouçon fut conclu en ce temps-  
là avec l'Espagnol, par lequel la Val-

280 *Histoire des ſavans Hommes,*  
teline, dont il s'eſtoit encore emparé,  
fut renduë, les Forts démolis, & toutes  
choſes remiſes en leur premier  
eſtat. Sa Majeſté fut en Bretagne ſur la  
fin de la meſme année, où il arreſta le  
cours d'une conſpiration qui ſe tra-  
moit dans la Cour, le principal com-  
plice de laquelle fut puny exemplaire-  
ment à Nantes. Et quelque mois apres  
eſtant à Paris, une forte maladie faillit  
à l'oſter de ce monde, de laquelle eſ-  
tant relevé par l'aſſiſtance divine, il  
fut contraint de monter à cheval pour  
s'aller oppoſer à une décente inopinée  
que le Duc de Bukinkam avoit faite à  
l'Iſle de Ré, pour favoriſer les Roche-  
lois, l'armée duquel ayant mis pied à  
terre, ſans avoir denoncé la guerre,  
fut auſſi-toſt repouſſée par la vertu du  
Seigneur de Toiras, & par le miracu-  
leux ſecours que le Roy y envoya,  
conduit par le Mareſchal de Schom-  
berg, qui forcerent cét insolent enne-  
my de ſe rembarquer, apres avoir per-  
du ſes meilleurs ſoldats, pluſieurs  
vaiſſeaux & tout ſon canon.

Cét heureux evenement obligea ſa  
Majeſté à ſe reſoudre d'aſſieger cette  
orgueilleuſe

Rochelle, encore que son port, son affiette & ses orgueilleux boulevards la fissent estimer imprenable: tout incontinent l'on mit la main à l'œuvre, l'on dressa plusieurs forts joints par des lignes de communication de trois grandes lieues de tour: mais pource qu'il estoit necessaire d'oster à ces obstinez rebelles toute sorte de moyens de pouvoir estre secourus; le Cardinal de Richelieu, qui estoit alors le sacré Pilote qui conduisoit le vaisseau de la Monarchie sous l'autorité du Roy, entreprit & fit construire une digue si admirable pour boucher le port, qu'elle surpassoit la creance des hommes, en sorte que le plus impetueux de tous les élemens fut contraint de changer d'inclination & de nature pour contribuer aux victoires de ce grand Monarque; & toute la flotte des grands vaisseaux & remberges d'Angleterre, qui sont comme autant de fortes citadelles flottantes, fut dissipée & plongée dans un tel desordre, qu'elle fut contrainte de se retirer heureusement vaguant ça & là, parmy les écueils de la mer du Nord, sans avoir pris ny

282 *Histoire des ſçavans Hommes,*  
oſé attaquer le moindre de nos vaiſſeaux, ny brûlé un ſeul de nos Villages. Enfin ce ſuperbe boulevard, cette invincible Rochelle, fut contrainte de crier miſericorde, & de venir implorer la grace de Louis le Juſte, qui acheva heureuſement cette glorieuſe entrepriſe, où pluſieurs de ſes predeceſſeurs avoient échoué : comparable en cela à ces Heros de l'Antiquité, Alexandre le Grand & Scipion l'Africain, qui ſubjuguerent les villes de Tyr & de Carthage par le moyen de deux digues.

Après la Rochelle priſe, qui oſeroit reſiſter à cét invincible Monarque ? L'Anglois échoüé, l'Océan ſubjugué, & la violence des elemens vaincuë firent connoiſtre à toute l'Europe que le bras du Dieu des Armées avoit fortiſié celui de ce genereux Prince, qui peu après eſtant reclamé par les Princes d'Italie ſes Alliez, partit d'une des extremitez de ſon Ro. aume pour aller triompher à Paris, & pour aller paſſer les Alpes, & malgré l'aſpreté d'un froid extrême, monter avec ardeur ſur les pointes des rochers preſ-

*Louis XIII. Roy de Fr. CH. XI. 283*  
ques inaccessibles, pour parvenir au  
sommet de la gloire.

Les Espagnols qui avoient assiégé  
étroitement Casal, pendant que le  
Roy estoit occupé ailleurs, furent con-  
traints de lever le siege, apres que le  
Duc de Savoye fut forcé au pas de Su-  
se, par la valeur des François animez  
par la presence du Roy, tellement que  
sa Majesté ayant fait restituer à Char-  
les de Gonzague nouveau Duc de  
Mantouë, ce qu'on luy avoit injuste-  
ment usurpé, vint en Languedoc, as-  
siegea & prit par force la ville de Pri-  
vas, & mit en sa puissance les Seve-  
nes; & de là poussant encore plus  
avant, les villes d'Alez, d'Uz, de  
Chartres, de Montauban, & plus de  
trente autres places, furent contrain-  
tes d'ouvrir leurs portes, & d'implo-  
rer le pardon de leur prince, qui les  
traita avec toute sorte de douceur, de  
clemence & de generosité.

Le Duc de Rohan, Chef des prote-  
stans, éprouva aussi la bonté du Roy,  
& apres avoir conferé secretement de  
plusieurs & importantes affaires avec  
le Cardinal de Richelieu, il fut envoyé

284 *Histoire des ſçavans Hommes,*  
en Italie, où il obtint deux victoires  
ſur les Imperiaux, & une ſur les Eſpa-  
gnols au païs des Grifons; & enfin per-  
dit glorieuſement la vie par les bleſ-  
ſures qu'il receut à la bataille de Rin-  
feld.

Sa Maieſté eſtant de retour à paris,  
tous les princes Etrangers luy envoye-  
rent des Ambaſſadeurs pour luy té-  
moigner la part qu'ils prenoient à ſes  
triomphes, & pour renouveler leurs  
alliances. La paix d'Angleterre fut  
achevée, & l'Italie ſecouruë encore  
une fois, apres le glorieux combat de  
Veillane, & la genereuſe reſiſtance  
que le Seigneur de Toiras fit à Caſal  
contre les violens efforts de l'armée  
Eſpagnele, commandée par le Mar-  
quis Spinola : La ville de Pignerol fut  
en ce temp-là reünie à la Couronne,  
& nos Generaux receurent beaucoup  
de gloire par l'avantage qu'ils eurent  
aux combats de Carignan & à la priſe  
d'Avigliage, & de pluſieurs autres pla-  
ces : Toutes ces conquêtes furent ſui-  
vies du traité de paix fait à Queieras,  
par le moyen duquel toutes choſes fu-  
rent rétablies.

Ce fut en ce temps-là que le Roy de Suede estoit entré victorieux en Allemagne, & que nostre Roy Louis le Juste l'obligea à declarer que ce n'estoit point à la Religion Catholique qu'il en vouloit, mais seulement à l'usurpation que l'Empereur avoit faite sur les terres, sur la liberté & sur les privileges des Princes Allemans, qui l'avoient appellé à leur secours.

L'an 1633. le Roy s'achemina en Lorraine pour reprimer le Duc Charles: Nancy, la Mothe, le Pont-à-Mousson, Vic, Moyenvic, Marsal & Clermont en Argonne, furent conquises par l'armée du Roy, & plusieurs autres places en Suaube & en Alsace.

Environ ce temps-là la Reine mere Marie de Medicis, & Monsieur frere du Roy, s'estant retirez, firent paroistre leur mécontentement par quelques pratiques & remuëmens qu'ils firent en France, qui furent funestes aux entrepreneurs. Et les Espagnols ayant donné plusieurs sujets de plainte au Roy, & notamment par la prise de la ville de Trèves, & par l'injuste détention de son Prince legitime, qui

286 *Histoire des ſcavans Hommes,*  
ſ'eſtoit depuis peu mis ſous la protection de la France : ſa Majeſté fut contrainte d'envoyer un Heraut d'armes à Bruxelles, pour declarer la guerre au Cardinal Infant : enſuite de laquelle les Armées Royales eurent pluſieurs glorieux avantages par mer & par terre, comme nous avons dit cy-devant dans l'abregé de la vie de l'Eminentiffime Cardinal de Richelieu.

Mais quand je vous auray encore rafraichy la memoire de la bataille, & de la victoire d'Avain, & des progrès que le Cardinal de la Vallette & le Duc de Veimar firent au Palatinat, des victoires du Duc de Rohan à la Valteline, de la bataille du Teſin gagnée au Milanois par le genereux Duc de Crequy, & de pluſieurs autres places qu'il emporta ſur les Eſpagnols : des reſpriſes de Corbie, de Roye, du Catelet, de la Capelle & des Iſles de Sainte Marguerite & de S. Honorat : des ſieges & priſes des Villes de Landrecy, de Damvilliers & d'Yvoy ; de la bataille de Laucate, & de celles de Rhinau & de Rhinfeld, de la conquē

*Louis XIII. Roy de Fr* CH. XI. 287  
te de Fribourg, de Brisgau & de Rhin-  
feld, & peu de temps apres de Brisac  
par le Duc de Ueimar, qui estant mort  
apres ce glorieux exploit, le sage &  
vaillant Duc de Longueville luy suc-  
ceda, qui prit plusieurs places dans la  
Franche Comté de Bourgogne, & puis  
emporta sur les Imperiaux & Bavar-  
rois Hermenstein, Neustad, Landau,  
Creuzenac & Coblens: & ensuite se  
joignit au Marechal Bannier, Chef  
de l'armée Suedoise, & traita allian-  
ce avec la Lantgrave, Douairiere de  
Hesse-Cassel, Princesse genereuse, &  
portée à l'avancement de la liberté  
Germanique, & aux interets de la  
France. Quand, dis-je, je vous auray  
encore parlé de la victoire que le ge-  
neroux Comte d'Harcourt remporta  
à Casal, où il fit lever le siege aux Es-  
pagnols avec tant de valeur: & puis  
du fameux siege de Turin, où ce mes-  
me Prince fit triompher son courage,  
sa constance & sa magnanimité, se-  
condé par le vaillant Seigneur de la  
Mothe-Houdancourt, depuis Maref-  
chal de France, qui depuis en qualité  
de Viceroy de Catalogne, y a tant ac-

288 *Histoire des ſçavans Hommes,*  
quis de gloire & d'eſtime pour le ſervice de la France.

Quand nous aurons dit un mot de la priſe d'Hedin, & du combat ou bataille de S. Nicolas, gagnée par le Mareſchal de la Meilleraye, & d'un nombre de fameux combats & priſes de places par e Colonel de Gaſſion, depuis Mareſchal de France, du memorable ſiege d'Arras, & de ſa priſe, de la défaite de Lamboy & du Comte de Buquoy : & puis de la conquête d'Aire, de Bapaume, de la Baſſée, de la bataille de Kempen, gagnée par le Mareſchal de Guebriant, de celle de Leide en Catalogne par le Mareſchal de la Mothe, des priſes de Colioure, d'Angiliers, de S. Elme, & peu apres celle de la forte & renommée ville de Perpignan, & enfin de la réduction & acquisition de Sedan. Je laiſſeray faire le reſte à l'imagination de ceux qui liront toutes ces choſes, les priant de juger combien il a fallu de peines, de ſoins & de ſueurs, combien d'éminentes qualitez de Roy, de Capitaine, de Soldat : combien de fortune, de ſuffiſance, de patience & de magnanimité  
pour

pour achever un si grand nombre de genereuses entreprises : Et par ce raisonnement comme par des échelons Geometriques , l'on découvrira la grandeur des victoires de ce Prince, & l'on confessera qu'il a fait des merveilles , & que son Regne a esté autant glorieux qu'aucun des siècles passez.

Comme donc la France estoit montée au plus haut faiste de grandeur où elle pouvoit atteindre , & que les affaires publiques & celles de la guerre estoient préparées à un accommodement , par la proposition d'une paix generale , à quoy les ennemis attaquez & vaincus de toutes parts , inclinoient avec beaucoup d'affection & d'instance : ces douces esperances furent bien-tost converties en une tres-amere & cuisante affliction , quand ce grand Roy estant tombé malade d'une langueur & foiblesse extrême , fut attaché dans son lit trois mois entiers , au bout desquels il rendit l'ame à son Createur , à S. Germain en Laye le 14. jour de May 1643. avec une resignation parfaite à la volonté divine , & un détachement entier des grandeurs de ce monde , ayant fait paroistre en ses

290 *Histoire des sçavans Hommes,*  
plus cuifantes douleurs une ferme resolution au mépris de la mort & de la vanité, de laquelle il fut si ennemy, qu'il defendit mesme qu'on luy fit des pompes funebres. Il laissa la Regence de ses Estats à la Reine son épouse, ayant reconnu les excellentes vertus & la pieté de cette grande Princesse. Il estoit debonnaire, clement, chaste, courageux, & tres-intelligent aux affaires de la guerre & de la paix; secret dans ses resolutions, dissimulé, vigilant & infatigable aux expeditions militaires & à la chasse. Il aima les Arts, & particulièrement la Peinture & la Musique, il rétablit les monnoyes d'or & d'argent dans leur perfection, il redressa une excellente Imprimerie, & augmenta ses Bastimens du Louvre, de S. Germain & de Fontainebleau, fit bastir Versailles & l'Eglise de Saint Louis, & acheva plusieurs autres choses admirables.

Sa devise estoit composée d'une massue d'Hercule, avec ces mots pour ame, ERIT HÆC QVOQUE COGNITA MONSTRIS. Et ses armes toutes semblables à celles du Roy Henry le Grand son Pere.


Messieurs de Sainte Marthe, freres jumeaux, & tres doctes Historiographes du Roy, dresserent un Monument à ce grand Prince, sur le sujet de la Statuë Equestre qu'on luy a érigée en la Place Royale; les curieux seront bien aises de le voir sur la fin de cét Abregé.

*Ludovico XIII. Christianissimo Francorum & Navarrorum Regi, Pio, Iusto, Felici, Triumphatori semper invicto, Catholice Religionis Assertori. Sanctorum Principum Arnulfi Ducis, Caroli Magni Imperatoris, Ludovici IX. Regis Sanguini Primigenio, Henrici Magni filio, Ludovici XIV. à Deo dati, ut Regni sic primis ab annis victoriarum heredis, parenti non sine miraculo, post bellorum civilium ignes sospitos, fusos ac fugatos Anglos, fractas Hæreticorum Partes, Oceanū stupendo aggere, imo compedibus vinctum: Rupellam nullis fœe humanis viribus expugnabilem ad deditionem compulsam, post subditorum itidem rebellantium prostratam pervicaciam; Tum fortitudine, tum clementia, Casalum præcipuum Italie munimentum tribus obsidionibus exemptum: Augustam Tauri-*

292 *Histoire des sçavans Hommes,*  
*noram ac Mantuam civitates Sabauda ac*  
*Mantuano Ducibus restitutas; Italiam li-*  
*beritam, post Catalauniam vindicatam:*  
*Regem Lusitaniae Ioannem IV. aliosque*  
*foederatos Reges, ac Principes auxiliis ad-*  
*iutos. Post Atrebatum, Brisiacum, Nan-*  
*ceium, Perpinianum, Sedanum, munitissi-*  
*mas urbes, plurimasque alias armis subac-*  
*tas, Germanos, Belgas, Hispanos, Lotharin-*  
*gos, Allobroges collatis signis terram mari-*  
*que saepissime superatos, &c.*







*FOVLQVES. NERRA*



# FOVLOVES

## NERRA.

---

### CHAPITRE XII.



E n'ay pas deliberé de rapporter icy l'antiquité, la splendeur & l'excellence de la maison des Foulques, pour le long & ennuyeux discours qu'il me faudroit entreprendre, il me suffira de pouvoir tracer un simple abbregé de la vie, des actions & diis de celuy dont je represente le portrait, tel que je l'ay pris au S. Sepulchre de Hierusalem, d'une Histoire qui y est à l'entrée contre une muraille, si antique, que j'estime estre faite de son temps. Quant à son pere, nos Historiens n'en sont pas entierement d'ac-

294 *Histoire des ſçavans Hommes,*  
cord : quelques-uns tiennent que ce  
fut Geoffroy Grifegonelle, fils aîné de  
Foulques II. du nom, Comte d'An-  
jou, lequel fut ainſi nommé, pour  
avoir porté une caſaque ou hoqueton  
gris, allant combattre au temps du Roy  
Lothaire un Geant Danois devant pa-  
ris, & lequel il d'ſit : d'autres toute-  
fois l'appellent Chriſegonelle, comme  
ſi ſon hoqueton eſtoit doré, ſe fondant  
ſur un Epitaphe qui eſtoit ſur la tombe  
de la Comteſſe Adelle, épouſe de ce  
Geoffroy, duquel la teneur ſ'enſuit.

*Adella tumba præſente recondimus oſſa,  
Sarcophago vili quondã fuerat tumultata.  
Ejus ſponſa fuit, qui dictus Grifagonella,  
FVLCONEM genuit, qui geſſit plurimæ  
bella, &c.*

C'eſt à dire.

*Giſent dans le tombeau preſent les os d' A-  
delle,*

*Qui furent entombez dãs un pietre cercueil.  
De celuy femme fut, qui ſe dit Grifegonelle  
Ce FOVLQVES engendra, qui guerres  
eut ſans deuil, &c.*

D'autres aſſeurent que noſtre Nerra  
fut fils de Maurice, qui ſucceda au

Comte d'Anjou apres la mort de Geoffroy, où il ne vesquit qu'un an, & épousa la fille du Seigneur d'Aulnis, nommé Amaulry, Gouverneur de Xaintonge, & proche parent du Comte de poictou. L'appuy qu'ils prennent est, qu'il y a un exemplaire Latin, qui notamment specifie, que Maurice est pere de Nerra. La teneur du passage est telle.

„ *Duxit Mauritius Consul uxorem de*  
„ *Alviensi pago, filiam Hamerici Con-*  
„ *sulis Santonici, neptem Raymundi Pi-*  
„ *ctavi Comitis, ex qua Fu'conem Nerram*  
„ *genuit.*

„ C'est à dire, Maurice le Consul prit  
„ à femme du village d'Aulnis, la fil'e  
„ d'Amaulry, Consul Xaintongeois,  
„ niepce de Raymond Comte de poi-  
„ ctou, de laquelle il engendra Foul-  
„ ques Nerra.

Quiconque est son pere, il a bien montré qu'il est sorty de fort bon lieu, & que ce Comté d'Anjou luy est legittimement écheu. En l'administration duquel il s'est porté avec un tel courage & integrité, qu'entretenant la paix entre ses Sujets il les a gouverné, sans les fouler & opprimer d'exactions &

296 *Histoire des sçavans Hommes,*  
tyranniques oppressions. Toutefois il fut contraint de s'armer contre Landry le Dunois, qui estant soutenu d'Eude Comte de Champagne, s'estoit voulu attaquer à Maurice predecesseur de nostre Foulques (lequel quelques-uns veulent qu'il est frere de ce Maurice, pour confirmer d'autant mieux que Crisegonelle estoit pere, & non Maurice) & encore qu'il eut esté déjà bien dompté, il osa bien s'attaquer à ce Nerra, qui sans mener grand bruit luy apprit à qui il avoit affaire. Et pour tenir en haleine le Champenois, il trouva moyen de gagner Lysois, sieur de Basougiere, qui malcontent d'Eude & de Selduin Seigneur de Saumur, prit un plaisir incroyable de faire service au Comte Angevin, & par ce moyen se vanger de l'injustice & tort que luy avoient fait ces Seigneurs. Pour exercer davantage la valeur de ce second Cesar, qui pour n'avoir erré en ses voyages d'outremer fut surnommé Nerra. Son beaufrere Conan Duc de Bretagne, voulut pareillement estre de la partie de ceux qui luy feroient du pis qu'ils pourroient. Conan pour ne pas declarer

manifestement ce qu'il vouloit faire, se trouva à Orleans avec Foulques au mandement du Roy, où ils se firent toutes les courtoisies qu'il estoit possible de penser : sous main toutefois il brasloit une menée contre l'Estat d'Anjou, donna charge à ses quatre fils de ravager tout le pais Angevin, se saisir des forts, & s'en rendre maistres & possesseurs. Déjà il tenoit à sa manche, ce luy sembloit, ce Comte, & ne faisoit estat sinon du partage. Tant il estoit ébloüy des opinions qu'il imprimoit en sa cervelle, que ce n'estoit pas jusques à ses valets, devant lesquels il ne se vanta de la conquête, qu'il pensoit estre assurée pour l'absence de Foulques. Mais il parla si haut, que Nerra en fut adverty, qui prevenant l'exécution de l'entreprise de Conan, en grande diligence reprit la brisée d'Anjou, & défit les Bretons, qui s'approchoient trop d'Angers. Deux des neveux de Foulques fils du Duc de Bretagne furent tuez sur la place, les deux autres pris prisonniers avec un fort grand nombre de Bretons de remarque. Je laisseray quelques autres victoires qu'il eut depuis con-

298 *Histoire des sçavans Hommes*,  
tre son beau-frere Conan, qui voulant  
avoir la raison du meurtre de ses en-  
fans, mena en Anjou plusieurs Bre-  
tons, la plus grand part desquels passa  
au fil de l'épée, & mesme Conan y de-  
meura avec Alain son fils aîné & la  
fleur de la Noblesse. Pareillement je  
passeray tres-legerement la défaite  
qu'il fit du tyran de Crescence, qui  
donnoit beaucoup d'ennuis au Pape :  
vers lequel il s'estoit acheminé, ce  
Comte Angevin, pour obtenir de luy  
quelque commandement, adressant à  
quelque Prelat pour dedier l'Eglise de  
S. Didier, laquelle il avoit fait bastir à  
demie lieuë de Loches, au ressort &  
Diocese de Tours, & n'avoit neant-  
moins pû tant faire envers l'Archeves-  
que qu'il la dediaست. Ce qui facilement  
luy fut accordé par le Pape, qui desi-  
roit l'obliger, afin qu'il luy prit envie  
de se ruer sur la friperie de Crescence.  
Tous ces heroïques exploits tout d'un  
coup demeurerent ternis & amortis  
par la cruauté & impieté qu'il com-  
mit en la personne de Drogon, petit  
enfant d'Alin Comte de Nantes, dont  
il fut fait tuteur, parce qu'il avoit es-  
pousé la fille de Thibaud troisiéme du

nom Comte de Blois, laissée du susdit Alain. Le pauvre Foulques fut tellement surpris d'avarice & ambition, que pour attraper la seigneurie de Nantes, il fit malheureusement suffoquer en un bain son pupile, mais il fut bien deceu du costé des hommes, il trouva empeschement, & d'autre part sa conscience le bourreloit incessamment. Les Nantois luy refuserent l'obéissance, à cause de l'inhumanité exercée par luy sur leur pauvre Seigneur; mais cela n'estoit rien au prix du tourment que luy donnoit sa conscience cauterisée. Jamais il ne sceut l'appaiser, que pour le crime commis, il n'entreprist le voyage de la Terre Sainte, accompagné seulement de six valets, auxquels il fit jurer de faire ce qu'il leur commanderoit. Les ayant par ce serment obligé, par ses journées il chemina si bien, qu'il arriva à Jerusalem. Et avant qu'entrer, il commanda à l'un d'eux de luy mettre la corde au col & de le tirer au Saint Sepulchre, & à deux autres de prendre des verges, & de le fouetter bien rudement. Mais avant qu'entrer dans la ville, les Infideles qui appercevoient

300 *Histoire des ſcavans Hommes,*  
une telle contrition d'un ſi grand Sei-  
gneur de France, ſ'en mocquoient, &  
jamais ne luy voulurent permettre  
l'entrée, qu'il ne leur eut donné gran-  
de ſomme de deniers, ce qu'il fit. Et  
pour ce il ne pût pas ſi-toſt accomplir  
ſon vœu, qu'il falut p'aider & cōteſter  
pour entrer au S. Sepulchre. Pour or-  
ny pour argent il ne pût achepter la  
permiſſion d'eux, qui voyans la pour-  
ſuite qu'il continuoit, ne voulurent  
luy accorder ſa requête tres-équita-  
ble, qu'au prealable il n'eut piſſé ſur  
le S. Sepulchre, & payé une grande  
quantité d'écus. Ils ſçavoient bien  
qu'il falloir que pour accomplir ſon  
vœu il entraſt dans le Sepulchre, par-  
tant ils ne luy octroyerent point que  
ſous les condiōs les plus deſavanta-  
geuſes & ignominieuſes qu'ils pûrent.  
Mais ils furent bien trompez, dautant  
que le lendemain matin il prit une  
petite fiole de verre aſſez plate, laquel-  
le il emplit de liqueur fort precieuſe,  
& la mit en ſa brayette. Et apres avoir  
compté ce qu'il leur avoit promis, il  
ſ'avança du S. Sepulchre, & feignant  
de piſſer, verſoit de cette liqueur qu'il  
avoit dans ſa fiole. Puis ſe fit ſouïetter

par ses valets si asprement, qu'eux-mesmes touchez de compassion des playes qu'ils luy firent, ne voulurent plus davantage frapper dessus luy. Ce qui fut cause, qu'encore qu'il eut les épaules toutes déchiquetées de coups de verges, il prit la poignée de l'un d'eux, & redoubla bien plus rudement que n'avoient fait ses serviteurs. Estant en ce supplice il crioit, Seigneur reçois à pardon le miserable parjure & fugitif Foulques<sup>!</sup>, comme je vous ay amplement discouru en ma Cosmographie, livre 15. chap. 7. Je ne propose pas cette Histoire pour en dégoûter ceux, qui d'un saint zele se soumettent à une telle penitence, ou pour faire prendre appetit à aucun d'entrer en telle lice : La carriere est si longue, que devant qu'y avoir atteint le milieu, plusieurs seroient contraints de quitter la partie : Je sçay bien qu'ils me diront qu'ils ne sont pas parricides comme estoit Foulques, en apres qu'ils ne sçauroient prendre en patience de voir ruisseler leur sang de telle & si étrange maniere. Ce n'est pas pareillement pour mettre la borne & regle de telles penitences, au point d'une si

302 *Histoire des ſçavans Hommes,*  
ſevere & rigoureuſe punition; mais je  
ſuis bien content de propoſer cette  
Hiftoire à ceux qui pourroient ſe for-  
malifer quand ils entendoient parler  
de la devotion des Penitenciers, qui  
les ſcandaliferoit bien davantage, ſi  
de toutes parts ils voyoient dégouter  
le ſang de leurs épaules enſanglantées.  
Enfin ce n'eſt pas pour décourager  
ceux qui ſont entrez en un ſi beau &  
louïable exercice, mais au contraire je  
pretens les y exciter davantage, par  
l'exemple de noſtre Foulques, qui  
ayant fait une ſi ſolemnelle penitence  
au S. Sepulchre, quand il fut de retour  
en ſon païs, en fut beaucoup plus che-  
ry, priſé & honoré, luy-meſme ſain-  
tement ſ'en glorifioit; ſi bien qu'il  
ſembloit qu'à Jeruſalem il eût receu  
une couronne de valeur inestimable.  
Cette conſideration luy donna occa-  
ſion de ſ'y acheminer par deux autres  
diverſes fois, apres avoir ſurmonté  
ſes ennemis & fait baſtir l'Eglife de S.  
Nicolas aux Faux-bourgs d'Angers,  
laquelle il repara de pluſieurs joyaux  
precieux & quelques Reliques de S.  
Nicolas qu'il avoit apporté de Bar. Or  
quittant ce propos, je reprendray ce-

luy que j'avois entre-rompu, & retourneray aux biens que fit ce bon Duc à ses Sujets : & en premier lieu je remarqueray qu'ô lui attribué l'honneur d'avoir fait défricher le terroir Angevin, qui estoit pour la pluspart sterile & remply de buissons. Ensuite je reciteray quelques villes & forts édifiez par cet Angevin, qui estoit un fort grand bastisseur. C'est luy qui édifia en son temps les villes de Durestal, Baugé, Chasteau-Gontier & autres qui sont en Anjou. Prés Amboise il bastit Mont-Richard, pour faire teste à Geldouin Seigneur de Saumur, & Geoffroy Seigneur de S. Aignan, joints & soutenus d'Eude Comte de Champagne, qui couroient ses terres & seigneuries de Touraine, où pareillement il bastit Chaumont, vray Paradis de delices, Mont-Richard, Montresor, Sainte Maure & autres. En Poictou, Mirebeau, Monstereul, Faye, Maulevrier & Passe-avant. Après qu'il eut ainsi passé ses jours il mourut à Mets l'an 1036. au retour du troisiéme voyage qu'il fit en Jerusalem. Son corps, au rapport du Chroniqueur d'Anjou, ouvert, & ses entrailles fu-

304 *Histoire des ſcavans Hommes,*  
rent enterrées en l'Eglise de Mets ſous  
une tombe, que l'on appelle de pre-  
ſent le Sepulchre du Comte d'Anjou :  
ſon corps fut embaumé d'onguent pre-  
cieux, & fut porté à Loches au Mona-  
ſtere qu'il y avoit fait construire. Il  
laiffa deux enfans de ſon mariage avec  
la veuve dudit Alain, à ſçavoir Adelle  
Comteſſe de Gaſtinois, & Geoffroy II.  
du nom, ſurnommé Martel Comte  
d'Anjou, lequel eut auſſi pluſieurs  
guerres contre les Bretons, à cauſe du  
Seigneur de Craon, la ville & heritage  
duquel il ſaiſit pour raiſon de ſa ſelon-  
nie : comme auſſi contre le Comte de  
Blois, Guillaume Comte de Poictiers,  
Thibauld Comte de Chartres, & Guil-  
laume Duc de Normandie & autres,  
ſur leſquels il emporta à ſon advanta-  
ge pluſieurs victoires, il prit meſme  
Domfront, Alençon, Touraine, Sau-  
mur & quelques autres ſeigneuries ſur  
ſes ennemis. Il épouſa Agnes en pre-  
mieres nopces, de laquelle il n'eut au-  
cuns enfans, & en ſecondes il eut Ber-  
the ſœur du Comte d'Evreux, qui auſſi  
ne luy produiſit aucune lignée. Il fon-  
da l'Abbaye de la Trinité de Vendô-  
me du vivant de ſa premiere femme.

Enfin

Enfin ayant fondé l'Abbaye de S. Nicolas à Angers, il s'y fit Moine de l'Ordre de S. Benoist Oû il deceda l'an de Grace 1661. du Regne de Philippes I. du nom, Roy de France, sur la tombe de ce Martel fut mis cét Epitaphe.


*Dum vixisti tua, dum valuit, MARTELLE,  
potestas,*

*Fraus latuit, pax magna fuit, regnavit.  
honestas.*

Après sa mort, ainsi qu'il avoit ordonné avant que de sortir de ce monde, les enfans de sa sœur unique Adelle ou Engeberge, femme de Geoffroy Seigneur de Gastinois, s'avancerent à la succession de leur oncle, laquelle ils partagerent de telle façon, que Geoffroy eut la Touraine & Xaintonge, & Foulques Anjou & Gastinois. Auquel estat ils ne sçurent long-temps demeurer, à cause de l'insolence de Geoffroy, surnommé le Barbu, qui vouloit faire la part la plus jeune à son frere puisné, nommé Foulques Rechin, qui n'étoit pas homme qui pût permettre aisément de se laisser tondre la laine sur le dos, mesme il avoit ce nom de Rechin, à cause qu'il estoit dur & inaccostable, comme

306 *Histoire des ſçavans Hommes,*  
il le montra bien au Barbu , lequel  
avoit déjà eu la victoire ſur Guillaume Comte d'Aquitaine , & avec tant  
d'avantage, qu'il le contraignit de luy  
quiter le vaſſelage, & tous autres droits  
qu'ils pouvoient pretendre à l'encon-  
tre de luy , & pource il pensoit qu'il  
pourroit par meſme moyen amener  
ſon Rechin à raiſon. Mais il fut bien  
trompé , car il luy montra de ſi bonne  
façon les dents , que luy faiſant ſouf-  
frir une ſi grande perte , qu'il ſe ren-  
dit maître de ſon frere , l'emprisonna,  
& ſe fit Comte paſſible de toutes les  
terres du ſuſdit Geoffroy ſon frere.  
Cette race des Foulques a eſté ſi heu-  
reuſe , que le fils de la fille de noſtre  
Nerra fut Roy de Jeruſalem. De cette  
meſme tige ſont pareillement iſſus les  
Rois d'Angleterre , qui dure juſques à  
aujourd'huy , ayant éteint celle de  
Guillaume le Conquerant.







*CAZIMIR . III . ROY DE  
POLOGNE*



# CAZIMIR III.

## ROY DE POLOGNE.

---

### CHAPITRE XIII.

**L'**HISTOIRE de ce Royde Pologne sembloit nous exciter à entrer un peu avant au discours des affaires d'Etat de Pologne, rechercher le commencement, progrès & succès de ceux qui ont eu la charge de commander en ces contrées de Sarmatie, & finalement borner & limiter l'étendue des terres & pais de leur obeïssance. Mais pour ce que cela seroit de fort longue haleine, je suis content de remettre le tout aux amples discours qui ont esté faits par les Historiens Polonois, & principalement par Jean Herburt de Fultin,

308 *Histoire des sçavans Hommes,*  
Chastellain de Sanoc & Capitaine de  
Premissie, qui, quoy que succincte-  
ment, s'est neantmoins assez bien ac-  
quité de sa charge. Et de plus avant  
que pousser j'eusse fait la discussion de  
la diversité & changemens de l'admini-  
stration de l'Estat de Pologne, j'au-  
rois presque surmonté la difficulté des  
écueils qui se presentent en nostre Hi-  
stoire : j'aurois à déchiffrer l'entrée de  
Lech au gouvernement de Pologne,  
qui fut l'an apres la Nativité de Jesus-  
Christ 550. En apres la succession des  
douze Palatins, Vaivodes : enfin l'en-  
tre-laceure des Ducs & Rois. Si bien  
que pour resoudre chaque article l'un  
apres l'autre, il seroit besoin d'em-  
ployer plusieurs cahiers. J'aurois as-  
sez de matiere pour m'ébatre au dis-  
cours de la vie de ce Roy, lequel du  
commencement a esté troublé en son  
Etat, mais à la fins'y est trouvé assuré,  
ainsi que plus amplement il paroistra  
par la suite de ce discours : lequel il  
faudra reprendre d'un peu plus haut,  
pour découvrir d'où la tempeste qui a  
troublé les premiers avancemens de  
ce jeune Cazimir, peut estre procedée.  
Après la mort de Boleslas, qui fut l'an

*Cazimir III. R. de Pol. C. XIII. 309*  
de salut 1024. Mietzslas son fils luy  
succeda, qui fut d'un courage si foible,  
qu'il se laissa dupper par les conseils  
des femmes, s'emporta à yvrogneries,  
gourmandise, oisiveté & tels autres  
plaisirs deshonestes, qui luy furent  
vendus bien cher, d'autant que  
cependant qu'il s'amusoit à ces cor-  
ruptions, ceux qui luy estoient mal  
affectionnez au Royaume, faisoient un  
terrible ravage sur son Estat; mais le  
pis fut que par telles façons il perdit si  
bien l'amitié de ses Sujets, qu'après  
sa mort qui survint l'an 1034. les Po-  
lonois firent difficulté de recevoir  
pour leur Roy Cazimir son fils, encore  
qu'il fut de grande preud'homme &  
bien instruit aux lettres. En effet,  
quand ils se remettoient devant les  
yeux les malversations de Mietzslas,  
ils ne se pouvoient résoudre d'ac-  
cepter pour Seigneur celuy, qui sorty  
d'un tronc si dépravé, ne pourroit qu'  
avec grandissime peine faire chose qui  
ne sentist toujours la peste du pere,  
suivant le proverbe que le mortier sent  
toujours les aux. Et plus, que la Reine  
Rixe, qui avoit de telle façon em-  
broüillé les affaires de Pologne, avoit

310 *Histoire des ſçavans Hommes,*  
façonné à ſa poſte ſon fils Cazimir, &  
pour mieux l'y entretenir, le vouloit  
tôujours tenir à ſa veuë. Cette bonne  
Dame neantmoins abuſant de l'autho-  
rité qui pouvoit appartenir à ſon fils,  
voulut du commencement tenir bon à  
l'encontre des Eſtats du païs, & ſe re-  
ſerver la Regence du Royaume non  
que Cazimir fuſt mineur, puisqu'au  
decès de ſon pere Mietzſlas il pou-  
voit eſtre âgé de vingt ans, mais parce  
qu'ayant accouſtumé de commander  
au pere, elle ſe faiſoit entendre qu'el-  
le devoit & pouvoit plier ſous ſon au-  
thorité la foibleſſe de ſon fils, quoy  
qu'il fut contre le gré des Polonois.  
Ce qu'elle ſçavoit fort bien reconnoi-  
ſtre : & pource le moins qu'elle pou-  
voit elle les entremettoit és affaires  
d'Eſtat, mais avançoit aux offices &  
dignitez Theutoniques de guet à-  
pend, afin que ſi quelques remuëmens  
ſurvenoyent ils luy ſerviſſent de ram-  
part. Quand les Polonois virent que  
quelques remonſtrances qu'on luy fiſt,  
elle ne vouloit deſiſter de ſon entre-  
priſe, & que pour gagner les étrangers  
elle ne ſe ſoucioit de reculer ceùx, qui  
par leurs armes & leur ſang defendoient

*Cazimir III. R. de Pol. C. XIII. 311*  
e Royaume, apres avoir long-temps  
éprouvé l'ennuy d'une grande pa-  
tience, tout ouvertement ils declare-  
rent, qu'il ne falloit plus endurer la  
tyrannique & contumelieuse oppres-  
sion d'une femme étrangere. Ils l'é-  
branlerent si bien, que par la crainte  
qu'elle eut qu'il ne pleût sur sa merce-  
rie, elle n'eut rien de plus expedient  
que faire place à ses ennemis, & vui-  
der le Royaume, apres toutefois qu'  
elle eut fait ses affaires. Elle dressa son  
paquet, garny des plus precieux joyaux  
qui fussent au pais, de pierreries, affi-  
quets, dorures, bagues, vaisselle d'or  
& d'argent avec deux Couronnes.  
Jetta le tout hors du Royaume avec  
son fils, & se retira à Saxe, pour se  
plaindre à l'Empereur Conrad (auquel  
elle fit de grands presens) des torts  
qu'on luy avoit fait & à son fils de les  
avoir devalisez de ce Royaume, qui  
de droit leur appartenoit, & de leur  
pouvoir fuir. L'occasion qu'elle pouf-  
soit à faire cette retraite vers Conrad,  
n'est pas que les Rois de Pologne ayent  
jamais rien tenu de l'Empire, ce qu'au-  
cuns en ce point épargnans par trop  
la verité, ont osé écrire, pour ce que

312 *Histoire des ſcavans Hommes,*  
nous liſons qu'ils ont envoyé aux Ducs  
de Pologne les Couronnes Royales au-  
paravant que le Pape leur eut permis  
de porter le titre Royal. Si c'ette rai-  
ſon eſtoit neceſſaire, il faudroit dire  
que l'Empereur Sigismond auroit af-  
ſujetty à l'Empire le Duc de Litüanie,  
parce qu'il luy envoya la Couronne  
Royale. Ce qui ſera trouvé hors de  
vray-ſemblance de poſſibilité par ceux  
qui conſidereront que la Litüanie eſt  
à plus de deux cens lieuës des frontie-  
res d'Allemagne. Et quant aux Polo-  
nois on ſçait bien qu'ils ont conquis  
partie de la Sileſie & la ſouveraineté  
de Pruſſe, dequoy les Allemans ont  
fait ſouvent plainte aux Eſtats de l'Em-  
pire : ils n'ont neantmoins oſé rien at-  
tenter, ſçachans bien que les Rois de  
Pologne ont mis en déroute les Empe-  
reurs & Armées Imperiales, touteſois  
& quantes que les Empereurs ont vou-  
lu enjamber ſur la ſouveraineté de  
l'Empire. Il n'eſtoit pas icy queſtion  
d'entrer en cette diſpute, il y avoit  
bien plus beau pretexte pour Conrad,  
à ſçavoir de remettre Cazimir en poſ-  
ſeſſion de ſon Royaume, qui eſtoit la  
cauſe la plus favorable qu'il eſtoit poſ-  
ſible

sible de penser, pour émouvoir tous les Princes à tenir le party de l'Empereur contre les Estats de Pologne. Cependant, parce que les affaires ne bastoient pas au poinct desiré par Cazimir, il se retira vers Estienne, Roy d'Hongrie son parent, & de-là alla trouver sa mere, qui du butin qu'elle avoit tiré en Pologne, avoit déjà acheté, autres disent qu'elle receut en don les villes de Galfed, Magdebourg ou Brunsvich. Elle l'envoya à Paris pour le civiliser tant és mœurs dignes d'un Prince, que pour le faire enseigner és bonnes lettres, dont la secon-  
de pepiniere sur tous autres lieux est là cultivée, maintenüe & illustrée. Ensuite quelques années apres, ayant veu l'Italie, en passant estant arrivé à Cluny, ils'y rendit Moine, il se pleut tellement en cét Ordre, qui autrefois tant pour les grandes & religieuses devotions estoit prisé & renommé sur tous les autres, que pour l'étroite observation des regles qui se faisoient nommément en cette Abbaye, laquelle est aujourd'huy mise au nombre des belles du Royaume de France. De ma

314 *Histoire des ſçavans Hommes,*  
part j'aimerois mieux que ce fut pour  
la ſainteté & integrité de vie de ceux  
qui y ſont habituez, que pour les  
grands & inestimables revenus, dont  
elle eſt à grand ſoiſon abreuvée. Et de  
fait auſſi c'eſtoit là, où regardoit le bon  
Cazimir, quād il ſ'y rendit Religieux,  
faifant beaucoup plus d'eſtat de la  
Couronne de pieté, dont les Moines  
de Cluny eſtoient alors, au rapport  
d'un chacun honorez, que des grands  
biens qui regorgent en cette Abbaye.  
Ce n'eſtoit point diſette & neceſſité  
qui luy fit prendre ce party, veu l'eſtat,  
qualité & condition du perſonnage.  
A Cluny noſtre Polonois faiſoit ſi bien  
ſon compte de ſ'y tenir pour tout ja-  
mais, qu'il y receut l'Ordre de Dia-  
cre, & ſ'y rendit Moine Profès, au  
grand contentement du Prieur & Re-  
ligieux, qui s'étonnoient de l'inopi-  
née conversion de ce Roy, telle que  
quand toute ſa vie il eut eſté regulari-  
ſé ſous l'Ordre de S. Benoist, il n'eut  
ſçeu ſi exactement ſ'aquitter du de-  
voir ds ſa charge, avec une devotion  
preſque incroyable, comme il faiſoit.  
Or nous le laiſſerons dans les Cloiſ-

tres, voûtes & Palais de Cluny vivre quelque temps Monachement, pour aller voir en Pologne comme ses affaires s'y portoient, lesquelles s'il avoit laissé bien troublées à son départ, ne s'estoient aucunement débrouillées, mais sembloit que de mal en pis tout y marcha pour luy à cause de la confusion & desordre qui y estoit glissé sous les replis de cette générale revolte; on n'entendoit parler que de larcins, meurtres, brigandages, quereles & dissensions qui fourmillerent tellement parmy eux, qu'à enseignes déployées il fallut qu'ils s'entrefissent la guerre les uns aux autres. En un mot il n'estoit point question de discerner les seigneuries, mais seulement de regarder par quelle ruse on pourroit enjamber sur son compagnon. Dont je ne m'étonne point, puisqu'il n'estoit pas possible que le Chef estant retranché, le reste des membres ne se déparcelât en une milliasse de partialitez, qui déjoignans l'union du Royaume, dissipèrent aussi la tranquillité, bonheur & prospérité. Si d'un costé ces divisions interieures ébranloient la

316 *Histoire des sçavans Hommes,*  
fermeté & assurance de l'Estat, les  
courses assiduelles de leurs ennemis  
Jarassas, Duc de Ruffie & Predeffas,  
Duc des Boëmiens, l'étonnoient bien  
encore davantage, d'autant que se  
voyans assaillis du dehors & dedans,  
aux quatre coins & au milieu, Vratif-  
lavie, Posne, Gnezne & quelques au-  
tres Villes, Bourgs & Bourgades brû-  
lées & saccagées, ne sçurent avoir re-  
cours à autre qu'à leur Cazimir, qui,  
quoy qu'il eut par sa profession Mona-  
chale quitte la secularité du monde, fut  
neantmoins rappellé & recherché par  
ses Polonois, qui ayans esté par six ans  
continuellement tracassés de ces trou-  
bles, & craignans encore pire, re-  
tournerent à leur bon sens, & se dé-  
pouillans des inimitiez, discordes &  
rancunes civiles, assemblerent les Es-  
tats à Gnezne, où apres avoir fort  
long-temps contesté sur l'élection de  
leur Roy, enfin cette opinion l'empor-  
ta qu'il falloit recouvrer Cazimir,  
quelque part qu'il fut l'appaiser & ra-  
mener : Pour cet effet ils dépeschent  
des Ambassadeurs pardevers la  
Reine Rixe, puis à Cluny, où ils trou-

verent leur Cazimir du tout changé, tant pour raison de son estat, qualité & condition, que pour son nom, d'autant qu'il s'estoit fait appeller là Charles. Je passeray legerement les humili-  
tez, dont ils userent en son endroit, & par quelles excuses ils tascherent tant de couvrir la faute qu'ils lui avoient faite qu'à le rapatirer avec sa patrie, qui desolée, & à peu près démantelée luy tendoit les bras, pour luy requerrir le secours & devoir, où nature seule l'obligeoit assez. Et à dire la verité, encore que la longueur me dégoûte assez d'un si ennuyeux discours, il ne seroit pas seant icy de faire le recit de quelque harangue qui auroit esté faite à ce Religieux. Lequel pour toute réponse les larmes aux yeux, ne sceut alleguer à ces Ambassadeurs, sinon que la retraite qu'il avoit faite en cete maisõ de Cluny, ne procedoit pas tant du mauvais traitement de ses Sujets, que de la Providence du Tout-puissant, qui s'estoit servy de leur méconnoissance, pour l'oster des allechemens mondains, qu'il eut pû avoir en Pologne, & le reduire en la Bergerie de ceux,

318 *Histoire des ſçavans Hommes,*  
qui ſous la regle de S. Benoist avoient  
voüé de vivre en cette Abbaye, deco-  
rée de tant d'excellens perſonnages,  
qui autrefois y ont fleury : au reſte il  
déploroit le piteux eſtat de ce Ro-  
yaume, pour ne pouvoir luy donner le ſe-  
cours qu'ils requeroient de luy, qui  
eſtant en ſubjection, & ne pouvoit  
ſans fauſſer ſa foy quitter ſa Religion.  
Cette réponſe fut ſi maigre, que ſi les  
Ambaſſadeurs n'euffent eu ( comme  
l'on dit ) bon appetit, il eſt bien à croi-  
re qu'ils ſ'en fuſſent retournez ſans  
rien faire touchant leur Ambaſſade.  
Toutefois ils ne laiſſerent pas à pour-  
ſuivre leur premiere pointe, & recon-  
noiſſans que Cazimir, rangé ſous le  
commandement, pouvoir & autorité  
de ſon Abbé, avoit ſa volonté bridée  
par le ſeul pouvoir & conſentement  
de ſon Superieur ſ'adreſſent à luy, &  
apres luy avoir fait entendre que le  
but de leur legation viſoit à tirer Ca-  
zimir hors du Cloiſtre pour le faire  
Roy de Pologne, ils le ſupplient luy  
vouloir octroyer permiſſion, & le li-  
centier du ſerment qu'il avoit fait.  
Mais ils n'y gagneront non plus qu'a-

vec Cazimir, dautant que l'Abbé les renvoya au Pape. Qui estoit pour les faire sortir du tout hors des gonds de patience, à cause de l'ennuy & longueur du chemin, qui pouvoit bien à la verité les dégoûter de passer plus outre: neantmoins ils prirent courage, & s'acheminèrent à Rome, où ils firent entendre au Pape Benoist X. de ce nom la pitoyable desolation de Pologne, qui ne pouvoit estre redressée, si leur legitime Roy ne venoit luy - mesme mettre (commel'on dit) la main à la paste, tant pour éteindre le feu des seditions civiles & male-façons, qui avoient presque du tout embrasé le Royaume, que pour faire teste aux ennemis de l'Estat de Pologne. Pour ces occasions le supplioient vouloir l'émanciper du vœu Monachal qu'il avoit fait, attendu que l'utilité publique & le salut du Royaume dépendoient de la presence de ce Roy. Par leurs prieres & remonstrances ils gagnerent si bien le cœur du Pape, qu'il leur accorda l'an 1041. que Cazimir Moine & Diacre seroit dispensé de sortir de Religion, & pourroit re-

320 *Histoire des sçavans Hommes,*  
tourner au Royaume de ses Ancestres,  
& se marier. Et pour reconnoissance  
d'un tel benefice, receu du sieg<sup>e</sup> Apo-  
stolique, il fut enjoint aux Polonois  
que pour chacune teste (excepté les  
Nobles & gens d'Eglise) seroit payé  
tous les ans un denier pour le luminai-  
re de l'Eglise de S. Pierre. En outre  
que tous les Polonois fussent tondus en  
rond à la façon des Moines, & qu'au-  
cun ne laissât croistre sa perruque plus  
bas que les oreilles. Et de plus qu'aux  
Festes Tolemnelles en faisant le Service  
divin, chaque Chevalier portast une  
écharpe penduë au col, semblable aux  
Etoles que les Prestres & Diacres por-  
tent en faisant l'office à l'Eglise. Apres  
que les Ambassadeurs eurent obtenu  
que leur Moine fut remis au Royaume  
en grande joye & en toute diligence  
ils retournerent à Cluny, d'où apres  
avoir communiqué la dispense qui  
avoit esté octroyée à Cazimir, ils le ti-  
rerent & le menerent en Allemagne  
vers sa mere, qui estoit à Salseroitsfeld,  
où il se mit en ordre pour prendre pos-  
session du Royaume. Là nous le lais-  
serons pour s'apprester, estans appelez

*Cazimir III R. de Pol. C. XIII. 3<sup>1</sup>*  
en un discours par maniere de digres-  
sion, à cause de la qualité, estat & con-  
dition de Cazimir, lequel parce qu'il  
estoit Moine Profez. & Diacre, quel-  
ques grands qui pretendoient au Roy-  
aume, trouvoient étrange de ce qu'on  
luy permit de sortir de son Cloître  
pour se seculariser. Comme s'il estoit  
le premier qui eût esté mis hors la Re-  
ligion afin de commander : Nos Chro-  
niques en ont tiré hors ligne une fi-  
belle liste, que ce seroit folie de dou-  
ter s'il a esté permis à Cazimir de quit-  
ter le froc pour prendre la Royauté.  
Vous avez Clotaire Roy de France,  
qui fut pour ses mal-façons rélégué  
dans un Monastere par force, d'où il  
fut apres par l'advis des Estats retiré &  
remis en sa premiere & Royale gran-  
deur : Là dessus je sçay bien qu'on me  
dira que Clotaire jettant le froc, estoit  
plus excusable que Cazimir, d'autant  
que la force & contrainte qu'on luy  
avoit fait, le relevoit du consentement  
qu'il pouvoit avoir donné contre son  
gré, au lieu que Cazimir sans estre for-  
cé & poussé par aucun, s'estoit fourré  
dans son Abbaye. Cela est bien verita-

322 *Histoire des ſçavans Hommes,*  
ble , mais l'utilité du public couvre  
tout le defect qu'il y pourroit avoir.  
Joint auffi que Cazimir n'étoit aſtraint  
que par les liens que tenoit le Pape.  
Que ſ'il luy a plû de pleniére grace les  
relâcher, doit-on ſçavoir mauvais gré  
à Cazimir ſ'il a pris ſa volée pour jouir  
de ſa liberté. J'eſtime davantage qu'a-  
vec moindre ſcrupule de ſa conſcien-  
ce, noſtre Polonois a pû ſortir de ſa Re-  
ligion que Clotaire : la raiſon eſt, que  
puisque de gayeté de cœur il s'eſtoit  
ſoumis à la Regle de S. Benoît , beau-  
coup plus étroites que celle des quatre  
Mendians , ayans permiſſion du Pape,  
qui luy ſervoit de commandement , il  
a pû choiſir le party de ſecularité.  
Quant à Clotaire , le mauvais meſna-  
ge qu'il faiſoit en ſa Royauté , luy bri-  
doit les mains de pouvoir prendre ſa  
liberté , ſans le congé & advis des Eſ-  
tats du Royaume, qui ne ſont pas ſeuls  
qui ont reſſerré leurs Rois , oublians  
le devoir de leur charge, dans des Mo-  
naſteres. Nous liſons de Conſtantin  
l'Empereur, qu'il fut envoyé par Con-  
ſtantin & Eſtienne ſes enfans en un  
Monaſtere bâty dans une Ile, afin que

s'amusant à philosopher & contempler, il ne prit fantaisie de leur quereler l'Empire. Mais du depuis par le juste jugement de Dieu ils furent reclus dans ce gentil Monastere de S. Basile. L'Empereur Theodose III. du nom, ayant esté avancé à l'Empire par la remise testamentaire que luy en fit Anastase, fit guerre contre luy, le vainquit, le prit prisonnier, & pour l'empescher d'aspirer plus à la Couronne, le fit tondre, raser & mettre en un Monastere. Michel Parapinac Empereur Grec fut privé de l'Empire par Nicephore & rendu Moine au Patriarchat de Constantinople : comme il vous est dit dans ma Cosmographie d'un autre Constantin aussi Duc, fils de Constantin, lequel mesme Nicephore un an apres envoya pour estre Moine en l'Isle de Lesbos : comme plus amplement je vous diray dans mon Insulaire. Et enfin il fallut que Nicephore courut mesme fortune, en laquelle il avoit voulu mettre les autres. Il fut sur ses vieux jours privé de son Empire par Alexis Comnene, & par force fut rendu Moine en la Montagne d'Athos en un Mo-

324 *Histoire des ſcavans Hommes,*  
naſtere, que luy-meſme avoit fait bâ-  
tir & doté de ſix mil ducats d'or; ainſi  
que j'ay trouvé dans un ancien Livre  
Grec, écrit à la main en la Bibliothe-  
que de la Reine Mere du Roy. L'impe-  
ratrice mere de Constantin & Eſtien-  
ne, pour avoir troublé les affaires de  
l'Empire, fut par force & malgré ſes  
dents renfermée dans un Monaſtere  
de la ville de Gallipoli. Chriſtophle  
Pape de Rome, apres avoir eſté avancé  
en grands honneurs, fut privé de ſa  
Papauté, & ſix mois apres du conſente-  
ment du Clergé fut fait Moine. Jean  
neveu de Rodolphe & d'Albert Em-  
pereurs, & de Vincelas Roy de Bo-  
heſme, pour un homicide par luy  
commis en la perſonne d'un Seigneur  
de ſon ſang, eſtant arrivé à Rome du  
temps de Clement V. du nom, fut ap-  
prehendé & envoyé avec ſeuſe garde,  
par le commandement du Pape à  
l'Empereur Henry VIII. du nom, le-  
quel le condamna en la ville de Piſe  
d'eſtre relegué dans un Monaſtere des  
Religieux de Saint Auguſtin. Folgan  
auſſi Roy d'Eſpagne du ſang des Viſi-  
goths pour le mauvais gouvernement

qu'il gardoit en son Royaume, en fut chassé & rendu Moine. Catherine fille de Ferdinand Roy d'Arragon, apres avoir esté repudiée par l'Empereur Henry VIII. du nom, fut recluse & faite Nonnain. Grinilde fille de Cynnyton Roy d'Angleterre fut mariée avec Henry III fils de Conrad Empereur, lequel par iniques conseils l'avoit repudiée; & encore qu'elle fut innocente du fait calomnieux qu'on luy imposoit, jamais ne voulut se retirer du Monastere, où elle entra apres cette action. Busone aussi Roy d'Arles & de Provence la veille de Noël, pour n'avoir point tant receu d'honneur de l'evesque Ottone durant le Service, comme il desira, se jetta sur son Evesque, & luy donna quelques estafilades. Dont l'Empereur ne fut plutôt adverty, qu'il fit apprehender ce Rôytelet, & le condamna à mort. Toutefois, à la priere & requeste de l'evesque offensé, la peine fut mitigée, & en moderant le jugement, il fut dit que pour la reparation de l'insolence qu'il avoit fait à la personne de l'evesque, il seroit reclus

326 *Histoire des sçavans Hommes,*  
en un Monastere, & ce suivant le fait  
de Saint Ambroise, qui quoy qu'il re-  
broüast assez rudement l'Empereur  
Theodose, ne fust pas toutefois ainsi  
indignement outragé. Le déloyal Car-  
loman apres avoir fait renoncer à  
son frere Alme le Royaume d'Hon-  
grie, luy fit crever les deux yeux, &  
à Bello son neveu fils d'Alme, &  
les fit enfermer dans un Cloistre.  
Toutefois quelque temps apres Bel-  
lo fut retiré de Religion, & encore  
qu'il fut ainsi aveuglé inhumaine-  
ment, fut creé Roy d'Hongrie, &  
depuis marié, & fit de tres beaux en-  
fans. Je pourrois encore icy parler de  
ce que j'ay touché en ma Cosmo-  
graphie touchant Cantacuzan & au-  
tres, qui ont esté par force chassés  
de leurs Empires, Royaumes & Sei-  
gneuries, & quelques-uns volontaie-  
rement, d'autres par contrainte sont  
entrez en Religion. Mais ce que j'ay  
cy-dessus amplement dit, me sem-  
ble devoir suffire de preuve p'us que  
manifeste, pour justifier ce que j'ay  
proposé au commencement de ma di-  
gression, qu'il y a eu plusieurs Prin-

ces , qui tant par leur faute que par l'iniquité , méconnoissance & déloyauté de plusieurs ont esté reclus dans les Cloistres. Dont quelques-uns ont fait assez bon fruit. Je ne veux pas enrooler avec eux nostre Cazimir, dautant que je sçay bien qu'on me battroit de ce consentement & de la contrainte , mais lors ce poinct la retraite ne sera pas beaucoup dissemblable ; & partant j'oseray bien asseurer qu'entre tous les Princes qui ont esté resserrez dans les Monasteres , qu'il n'y en a eu aucun qui ait si bien travaillé pour le public comme a fait Cazimir, lequel estant accompagné de six cens chevaux que l'Empereur Henry luy avoit donnez, & de plusieurs braves Gentilshommes & Seigneurs, & ainsi au meilleur équipage qu'il luy fût possible fit son entrée en Pologne, où il fut honorablement receu, sept ans apres qu'il estoit party du Royaume. Apres qu'il eut fait son entrée & eut esté couronné Roy à Gnesne, l'an mil quarante-un, il prit toutes les peines qu'il pût à pour-

328 *Histoire des sçavans Hommes,*  
voir aux maux de la Republique.  
Par Edicts il commença à retrancher & assoupir toute la memoire des querelles & dissensions du passé, reprima l'insolence de ceux qui s'estans licentiez aux pilleries accoustumées, ne vouloient quitter prise, mais de plus en plus continuoient en leurs meschancetez : il fallut qu'à main armée il allât assaillir les ennemis du Royaume, & des premiers s'adressast à Bretzlas Duc de Bohesme. Où il ne fit pas bien dès la premiere rencontre, s'estant laissé surprendre dans les bois de Bohesme, où il fut miserablement défait. Avec le reste de ses gens il se sauva en Allemagne, & l'année suivante il conquît la Bohesme, & contraignit le Duc de lui faire hommage. En apres, quoy qu'il en fit fort grande difficulté, pour le vœu de perpetuelle continence & celibat qu'il avoit juré, les Estats du pais par leurs remonstrances gagnerent si bien son cœur, qu'apres avoir appris d'eux que la permission & indult du Pape le relevoit de l'obligation

tion qu'il avoit fait en sa Religion, & partant qu'il pouvoit, sans en rien blesser sa conscience, entendre au mariage, il contracta alliance avec Iaroslav Duc de Russie, & prit à femme Marie sa sœur, à laquelle il fit renoncer le schisme des Grecs, & au lieu de Marie, la nomma Dobro-gneve. Après son Couronnement, & cette alliance les affaires de son Royaume estoient gouvernées le plus paisiblement & avec plus grande tranquillité du monde, & il n'y avoit personne qui osast se bander contre luy, sinon Masas, qui avoit esté Echanfon de Mietzas pere de Cazimir. Le galland voyant la retraite & absence de la Reine Rixe & de Cazimir, prit grand plaisir de nager en eau trouble, & attraper ce qu'il pourroit sur la veufve & l'orphelin, & pour ce se rendit Chef & Capitaine entre les siens en la contrée de Ploce, & attira à soy de toutes parts grande multitude de peuples. Avec ces troupes ramassées, il conquist sur Cazimir une grande étendue de pays, qu'il nomma Massessie ou Masovie.

330 *Histoire des sçavans Hommes,*  
Et non content d'avoir ainsi perfidement envahy les Seigneuries de Cazimir absent, apres son retour, pour de tant plus confirmer sa depravée affection, il voulut courir sur ses terres. Cazimir se voyant agacé par cet hobereau, delibera de jouer au quitte ou au double, & dressa une forte & puissante armée, avec laquelle il pût si bien le dompter, que Massas fut contraint de prendre sa route accoustumée, & de vistesse se sauva en Prusse, faisant estat, que comme l'autre fois à celle-ey, ce luy seroit l'abord de salut & seure retraite : mais comptant sans son hoste, il fallut qu'il compta deux fois, dautant que le malheureux succez de la bataille, ayant esté jusques aux oreilles des Prussiens, ils prirent ce miserable Tyran, le tourmenterent & mirent au gibet, lui reprochans que comme il avoit tascché de se monter bien haut, aussi il estoit raisonnable qu'il fut élevé haut en ce gibet. Apres cette victoire ce Roy ne se contenta pas de faire des presens à l'Abbaye de Cluny, mais

voulut que son Royaume fut peuplé des Religieux de cet Ordre. Et pour ce qu'à sa requeste , lui en furent envoyez douze , auxquels il donna une partie du Chasteau de Tincie , qui est à un mille de Cracovie sur la Vistule , avec plus de cent villages & la ville de Libens , situez sur la riviere d Odere & plusieurs grands revenus. Ayant ainsi vescu honorablement , & ordonné plusieurs choses pour la restauration de la Religion & Republique , & étably une paix perpetuelle , ayant regné dix-huit ans il mourut le vingt-huitiesme de Novembre l'an mil cinquante-huit , & fut enterré à Posnanie , & eut quatre fils males & une fille de sa femme Dobrogneve , à sçavoir Boleslas , Vladislas , Miescon & Otton & une fille Suentochut. Otton encore petit enfant mourut du vivant du pere , & Miescon estant déjà grandelet , mourut huit ans apres le pere.









*GODEFROY DE BUI-  
LON.*




# GODEFROY

## DE BIVILLON.

---

### CHAPITRE XIV.

 Eux qui ont escrit touchant le voyage de la Terre Sainte , entrepris pour son recouvrement , en ont parlé avec tant de diversitez , que peu d'entr'eux sont de mesme opinion. Mais suivant ce qui est plus veritable , j'auray pour auteurs & defen- seurs de mon opinion les Histoires des Armeniens & Grecs de la Palestine , & des modernes Platine , principalement en ce qui concerne les belles actions de ce brave Godefroy de Buil-

334 *Histoire des ſçavans Hommes,*  
lon. Le fait eſt donc tel , qu'en l'an  
mil nonante-huit le Pape Urbain ſe-  
cond , deſireux de l'amplification de  
la Foy Chreſtienne , fit publier le  
voyage d'outre-mer contre les Infi-  
deles & Sarraſins , qui tenoient la  
Terre Sainte , dite la Paleſtine , à la  
pourſuite d'un nommé Pierre l'Her-  
mite , principal auteur de ce voya-  
ge , appellé la Croiſade : parce que  
ceux qui ſ'enrooloient en cette entre-  
priſe , furent marquez d'une Croix  
rouge ſur l'eſpaule droite , faiſans vœu  
de mourir ou vaincre. Le nombre en  
fut preſque infiny. Car de toutes na-  
tions avec emulation de pieté & de  
gloire hommes de toutes qualitez ſ'y  
acheminoient. Des François , ſans  
faire mention des autres nations , y al-  
lerent Hugues le Grand , frere de  
Philippes Roy de France : deux Ro-  
berts , l'un Duc de Normandie , &  
l'autre Comte de Flandres : Eſtienne  
Comte de Chartres , Godefroy , Euf-  
tache & Balduin , enfans d'Euf-  
tache Comte de Boulogne ſur la mer en Pi-  
cardie. Ceux qui ſont Godefroy de  
Buillon Capitaine general de cette

armée se trompent : car chacun y fut à ses propres cousts & dépens , comme nous dirons du Royaume qu'il obtint. Je trouve aussi grande diversité , en ce qu'aucuns le nomment Duc de Lorraine , entr'autres du Tillet , lequel demeure seul ferme en cette opinion contre Bergomas , Platine , Palmere , Jovius & plusieurs , qui le font seulement Duc de Buillon , & Comte de Boulogne sur mer : ils assurent bien qu'il estoit de la tres-ancienne maison & sang illustre de Lorraine : sinon que par Metz il veuille entendre toute la Lorraine , ainsi qu'il maintient en son Recueil. Ce qui se peut prouver , parce que pour subvenir aux frais de l'expédition militaire , il vendit la ville de Metz aux Citoyens de la mesme ville , & le Duché de Buillon à Oudert Evesque du Liege : & toutefois il n'est pas fait mention qui luy ait succédé au reste du Duché d'Austrasie. Or il estoit pour sa vaillance , vertu , dextérité & beauté , un des plus apparens de toute l'armée , respecté de tous & estimé beaucoup. Telle fut donc la felicité

336 *Histoire des sçavans Hommes,*  
& force de cette indomptable armée,  
qu'ayant bien combattu cent fois avec  
sucez au passage des grands fleu-  
ves & aspres sentiers du Mont Taur-  
rus contre les effroyables escadrons  
des Barbares rencontrez en tous lieux,  
ny la soif, ny la faim, ny les maladies  
qui survenoient aux hommes & che-  
vaux, ne pûrent retarder la fureur  
de l'armée Chrestienne. Ainsi apres  
avoir couru & ravagé toute la petite  
Asie, ils arriverent devant Hierusa-  
lem, située & environnée de plusieurs  
petites montagnes ou collines, com-  
me celle de Sion, où autrefois estoit  
la Tour de David, de Moria & des  
Olives, comme plus amplement j'ay  
décrit en ma Cosmographie. De sorte  
que difficilement se pouvoit-elle as-  
sieger, sinon avec une tres-puissante  
armée : joint que lors on ne trouvoit  
à l'entour aucune fontaine ny eau de  
fleuves, sinon le seul fleuve de la pisci-  
ne de Siloé, fort petit, & quasi sec au  
temps d'Esté, lequel coule par la vallée  
de Iosaphat. Neantmoins les Chre-  
stiens pourvus de vivres & eaux dou-  
ces pour un long siege, l'assaillirent  
par

*Godefroy de Buillon.* CH. XIV. 337  
par quatre costez, & la prirent d'assaut, nonobstant la defense des habitans, le treizième de Juillet, l'an mil nonante-neuf, le trente-neuvième jour du siege. L'honneur principal de la prise & victoire fut deferé à Godefroy, pour avoir devant tous les autres approché un tour de bois de la muraille, & par là jetté un pont sur la muraille des ennemis, & par ce moyen occupé le rempart, & fait place à son frere Baudouin, qui entra dedans, & fit passage aux Chrestiens, lesquels n'ayans pas du premier jour totalement occupé les places fortes, le second jour se rallierent & forcerent le Temple, où les fuyards s'estoient retirez, pardonnans toutefois à ceux qui volontairement se rendirent. Les Chrestiens donc victorieux cesserent l'espace de huit jours à poursuivre leur victoire : & lors du consentement de tous les Princes, Godefroy de Buillon, duquel je vous represente icy le portrait au naturel, tel que je l'ay apporté de ces pais-là, fut le Roy de Hierusalem. Mais ce Prince non moins loüable pour sa pieté que

338 *Histoire des sçavans Hommes,*  
son courage, refusa non le nom & titre de Roy, comme certains ont es- crit, mais la Couronne Royale & dorée : disant qu'il n'estoit honneste, & n'appartenoit à aucun de porter Couronne d'or en la ville en laquelle I. C. Roy des Rois l'avoit portée d'épines ; & à cette occasion il advoüa tenir le Royaume de Hierusalem & Syrie du Pape, voila pourquoy il est compris au Catalogue des Rois feodataires de l'Eglise de Rome. Quelques uns, mais malicieusement ont escrit, qu'il ne fut esleu & fait Roy pour autre cause, sinon qu'ayant vendu & aliené tous ses biens qu'il avoit pardeça, en esperance de ne retourner point, luy fut octroyé cette legere & non esperée recompense : mais il ne faut pas s'arrester à ces calomniateurs : croions que sa vertu & courage furent la cause principale d'un tel honneur, & que puis qu'il avoit sçeu gagner une telle ville, il la pourroit bien defendre. Ce seroit folie de vouloir pallier la faute qu'il fit, & qui a esté si solemnellement declarée par Saint Bernard à Louis le Jeune Roy de France VII.


*Godefroy de Buillon.* CH. XIV. 339  
de ce nom. Godefroy de Buillon, dit-il, pour ce qu'il estoit né homme & sujet à faillir, commit un peché, toutefois il n'y persevera pas, reconnut sa faute, & s'en purgea par le sang des Sarrafins, avec un si grand bon-heur, que le bruit de la faute qu'il avoit faite, est évanouïy, & le renom de sa vertu tout commun entre les hommes, & sera jusqu'aux derniers siecles. Comme il estoit au service de l'Empereur Henry en ses guerres contre les Papes, il se trouva à la prise de Rome, & montant le premier sur la muraille, il y planta son enseigne, pour signal à ses compagnons que la ville estoit prise, neantmoins il crut que c'estoit peché de tourmenter ce saint siege pour une injuste occasion, & connut bien qu'il avoit mérité la colere de Dieu & un rigoureux chastiment, s'il n'y donnoit ordre. C'est pourquoy deslors qu'il fut créé Roy, il mit toute sa pensée & son soin à bien nettoyer les Temples & Oratoires de la Cité, & à refaire les tours & murailles rompuës. Puis s'achemina pour conquérir les Ports de Jassé & Baruth, d'Acre & de Tri-

340 *Histoire des ſçavans Hommes,*  
poli en Surie, afin que l'armée Chre-  
stienne eut entrée à la prochaine coste.  
Ayans donc les Princes victorieux  
de l'armée satisfait à leurs vœux au  
Sepulchre de Nostre-Seigneur, ils s'en  
retournerent en Europe : toutefois  
plusieurs y furent tuez, & entre les  
autres Hugues de France, frere du Roy  
Philippes, & fils de Henry. Lors Go-  
defroy, apres qu'il eut pris Iaffé & la  
ville d'Aſcalon, depuis nommée Acre  
par les Chevaliers Templiers, qui la  
poſſederent plusieurs années & forti-  
fierent, & par tout rompu les ennemis  
en diverſes batailles, & conquis tant  
par armes que par composition quel-  
ques villes en terre ferme : ayant re-  
gné un an entier, ſurpris d'une mala-  
die peſtilentielle, il paſſa de cette vie  
en la beatitude eternelle, avec gran-  
des plaintes & regrets des Chreſtiens  
& de tous les Syriens. Et d'autant que  
ſon frere Baudouin eſtoit imitateur de  
ſa grandeur & fortune, par le com-  
mun accord & conſentement des Prin-  
ces, il luy ſucceda & obtint le Royau-  
me, qui dura à ſes ſucceſſeurs juſqu'à  
ce que Saladin le recouvra octante

*Godefroy de Buillon.* CH. XIV. 341  
huit ans apres que premierement Hierusalem fut prise par Godefroy, qui mourut l'an de salut mil cent un le quinzième Juillet, & fut enterré dans l'Eglise du S. Sepulchre, comme aussi fut Baudouin son frere apres sa mort. Son tombeau estoit de six pieds & demy, quatre en longueur, & celuy de Baudouin de six pieds trois bons pouces. Sur celuy de nostre Godefroy contre une grosse pierre élevée faite en dos d'asne, sont écrits ces mots en lettres antiques.

HIC IACET INCLYTUS DVX  
GODEFROY DVX DE BVIL-  
LON, QUI TOTAM ISTAM  
TERRAM ACQUISIVIT  
CVLVI CHRISTIANO,  
CVIVS ANIMA REGNAT  
CVM CHRISTO.  
AMEN.







*GEOFFROY DE LUSIGNAN  
DICT A LA GRAND DENT.*



# GEOFFROY

## DE LUSIGNAN,

### DIT A LA GRAND DENT.

---

#### CHAPITRE XV.



**P**LVSIEURS qui verront le portrait que je presente icy (tel que je l'ay pris au frontispice du Chasteau de Lusignan, où il estoit élevé entre les deux grosses Tours, avec celui de Remond & Melusine) d'abord diront que ce que nous pretendons proposer presentement n'est que risée, ou une partie des bourdes, qui ont assez impudemment esté couchées dans le Roman de Mellusi-

344 *Histoire des ſcavans Hommes,*  
ne. Telle conſideration m'a long  
temps tenu en ſuſpens : enfin j'ay har  
diment franchy le pas, me mocquant  
de toutes les fables & niaiseries roma  
nées ſous le nom de la maiſon de Luſi  
gnan, pour décrire icy en peu de pa  
roles tant la ſource & accroiſſement  
d'une ſi illuſtre race, qu'auffi pour  
faire reſſouvenir quelques - unes des  
actions, qui ont rendu noſtre Denté  
grandement recommandable. Son  
pere eſtoit Raymondin, Seigneur du  
Troishic ou Croishic en Bretagne,  
prés l'embouchure de la riviere de  
Loire, & faiſoit ſa demeure en un  
Chateau appellé Succinio. Il ſe di  
ſoit Comte de Forest, qui eſtoit l'Ifle  
ferme, appelée à preſent l'Ifle de Rais.  
Sa mere eſtoit Marie, ſœur de Guillau  
me, troiſième de ce nom, Comte de  
Poitou, & quatrième de ce nom, Duc  
d'Aquitaine, laquelle eut les villes de  
Melles & Luſignan en partage, pour  
cette raiſon elle fut appelée Melluſi  
ne. Elle a ſervy aux broüilleurs de  
papier à grifonner beaucoup, non  
point tant pour ſes loüables actions,  
que pour quelque ſiniſtre opinion,

*Geof. dit à la grand dent. C. XV. 345*  
que soit à tort, soit à droit fut imprimée dans la cervelle du Comte Raimondin. A cette occasion certains l'ont joliment afluée de sortilege, parce que selon le rapport du Roman, elle estoit demy serpent, & chaque Samedy estoit en peine de se baigner. Je ne puis donner certains arre's sur tels differends, n'ayant esté sur les lieux au temps que l'un & l'autre vivoient. J'aime beaucoup mieux laisser le tout indecis, que par une precipitée resolution donner à entendre au Lecteur une chose qu'il ne devroit pas croire, & que je ne pourrois luy maintenir. Elle fit de grands & superbes batimens, & entr'autres le Chateau de Lusignan : dont la structure, comme elle est magnifique, assis en lieu beau & fort, est assez recommandable, pour avoir servy de retraite aux troubles, à ceux qui par un si long-temps y ont enduré ron<sup>er</sup> les effroyables canons & assauts du camp de sa Majesté. D'elle & de Raimondin sont issus plusieurs enfans, qui furent par elle si bien instruits, selon l'inclination d'un chacun, qu'il sembloit que

346 *Histoire des ſavans Hommes,*  
ce fuſſent demy-Dieux. Ils n'eurent  
pas atteint preſque l'âge de virilité,  
qu'ayant ouy bruit du voyage d'ou-  
tre-mer, elle les y fit marcher avec  
bonne compagnie. Son fils aîné nom-  
mé Vrian ou Vranie, paſſant par l'Iſle  
de Chipre, trouva la Princeſſe heri-  
tiere, laquelle eſtoit encore jeune, ſi  
mal obeye de ſes Sujets, que ſi elle  
n'eut eu pour reſſource ce nouveau  
eſpoux, elle ne pouvoit eſperer qu'u-  
ne revolte univerſelle. C'eſt celui,  
qui (ſelon qu'aucuns aſſeurent) bâ-  
tiſt le Temple de Venus, encore que  
d'autres écrivent, que ce fut Cinare  
Roy de Chipre, fils de Paphe, qui édi-  
fia la ville de Paphe la neufve. Le ſe-  
cond fut Roy d'Arménie, ils s'arrete-  
rent ſi bien en ces quartiers, que de  
cet eſtoc de Luſignan ſont partis les  
Princes & Rois de Jeruſalem. Et a  
duré leur lignée Royale plus de deux  
cens ans, & de leurs races il y en a en-  
core, portans le nom de Luſignan en  
Arménie, Chipre & Candie, vivans  
toutefois miſcrablement, à cauſe de  
la tyrannie des Turcs. Ils avoient ac-  
couſtumé de prendre pour leurs bla-

*Godef. dit la grand dent. C. XV. 347*  
fons & enseignes Royales, un Lion  
avec deux barres d'azur, les cinq croix  
de Hierusalem, & une burelle d'ar-  
gent & d'azur, qui sont les trois ar-  
moiries de Hierusalem, Chipre & Ar-  
menie. Pour Hierusalem, c'estoient  
les cinq croix : pour Chipre c'estoit le  
Lion rampant de gueule, armé & cou-  
ronné d'or : pour l'Armenie c'est la bu-  
relle d'argent & d'azur. Le troisiéme  
fils épousa l'heritiere de Luxembourg,  
dont la vraye lignée est faillie, & por-  
toient des armoiries semblables com-  
me les autres, avec un lambeau de  
trois pieces. Le quatriéme estoit Hu-  
gues, qui épousa l'heritiere de la Mar-  
che : duquel sont descendus Almeric  
de Lusignan, Roy de Chipre & de  
Hierusalem, par sa femme Elisabeth  
Reine de Hierusalem, lequel regna  
douze ans. Apres fut Guy de Lusignan,  
qui épousa Sibille, sœur de Baudouin  
quatriéme Roy de Hierusalem, qui  
luy donna la Comté de Iope, l'établit  
Regent de tout son Royaume, sans  
qu'il se reserva que la Royauté & la  
Cité de Hierusalem pour sa vie, avec  
le revenu de dix mil écus tous les ans :

348 *Histoire des ſcavans Hommes,*  
& voulut que tous luy fiſſent homma-  
ge. Toutefois apres, à cauſe de quel-  
ques déportemens de Guy, Baudouin  
voulut luy oſter la Comté de Joppe,  
& rompre le mariage d'entre luy & ſa  
ſœur Sibille. Dont ſe forma une gran-  
de querele entre ces beaux freres, qui  
fut appaiſée par Guillaume Secre-  
taire d'Eſtat du Roy de Hieruſa-  
lem, à la charge qu'il ſeroit fait tu-  
teur du nouveau Baudouin cinquième  
du nom, & ſeptième Roy de Hieru-  
ſalem, fils du Marquis Guillaume de  
Montferrat, lequel ne ſurveſquit à  
ſon oncle que ſept mois. Apres ſa mort  
Sibille gagna avec une telle adreſſe le  
Patriarche & les autres Prelats, que  
Gerard de Ridefort grand Maïſtre des  
Templiers mit entre ſes mains la cou-  
ronne. Et fut couronné Roy le meſme  
jour que l'enfant Baudouin fut mis en  
terre. Il regna trois ans au païs d'A-  
cre, & en Chipre trois. Et eut de Si-  
bille quatre enfans, qui avec elle mou-  
rurent au recouvrement de la ville  
d'Acre. Le troiſième fut Geofroy Sei-  
gneur de la Marche Lequel il ne faut  
pas toutefois confondre avec noſtre


Geofroy, qui est le cinquième enfant de Mellusine, & outre de ce Geofroy, duquel nous parlerons cy-apres. Le sixième fut le sieur de Partenay, d'où est issuë la maison de Soubise. Le septième fut Religieux à Maillezais. Le huitième fut nommé par la mere Horrible, parce qu'il n'avoit qu'un œil au milieu du front, qui luy servoit de marque, pour le rendre effroyable tout ainsi que le reste de ceux de la race de Mellusine, lesquels ont eu presque tous un signal en leur corps, qui les faisoit redouter par tout le monde. Toutefois pour le malheureux presage que portoit cét œil, il estoit hay & fut en bas âge tué par la mere, & enterré au Monastere neuf dedans le petit Cloistre. Voila une grande lignée d'excellens personnages fort remarquez, tant à cause de leurs heroïques faïcts, que pour les marques imprimées naturellement sur leur corps, qui les faisoient differens l'un de l'autre. Mais entre les autres estoit fort recommandable nostre Geofroy à la grand dent, qui accompagna Godfroy de Buillon : en la conquête de


350 *Histoire des sçavans Hommes,*  
la Terre Sainte il s'y comporta si bravement, qu'il se trouva des premiers qui seconderent Baudouin Comte de Flandres, & chargea avec telle furie les Infideles, qu'il sembloit que ce fussent des mouches qui se presentassent devant luy, tant drus il les abbatoit. Avec sa dent qui estoit fort avancée, il se monstrois si effroyable, que les ennemis n'osoient le regarder au front. Je laisseray le recit des grandes actions qui ont esté faites par ce furieux denté, dont le portrait & ceux d'autres Rois de Chipre avant que les Venitiens la possedassent, se voyoit en belles statuës de marbre dans le Palais Royal de Chipre, ainsi que m'ont dit les Insulaires, & renvoyeray le Lecteur à ce que les Historiens en ont fidelement écrit. Je rapporteray seulement la pitoyable desolation du Monastere & Abbaye de Maillezais qu'il fit brûler, parce qu'on ne vouloit pas luy rendre son frere, qui s'y estoit rendu Religieux. Dont fut procez meue en la Cour de Rome, & en eut ledit Monastere plus de trois mil livres de rente de reparation, comme on voit

*Godef dit la grand dent. C. XV. 351*  
par actes & registres de l'accord passé  
à Spolette, au rapport de M. Jean Pou-  
chet en ses Annales d'Aquitaine, en-  
tre les Religieux, Abbé & Convent  
de Maillezais d'une part, & Geofroy  
de Lusignan Seigneur de Vouvent &  
Mervent d'autre, l'an 1222. és Ides  
de Juillet, l'an du Pontificat du Pape  
Gregoire neuvième du nom. Et ou-  
tre cela le sieur Jean de la Haye en ses  
memoires & recherches fait mention  
d'une fondation faite par Guy, fils de  
Geofroy de la lignée de Raimond &  
de Mellusine, lequel en executant le  
testament de son pere, donnoit à l'Ab-  
baye & aux Moines du Monastere de  
Maillezais, où le corps de Geofroy est  
enterré, deux cens livres de terre à  
Larmenau, à ce qu'ils ayent souvenan-  
ce de la maison de Lusignan, & pour  
penitence. Cette donation est faite du  
mesme jour que Geofroy fut ensevely,









*PIERRE L'HERMITE.*



# PIERRE

## L'HERMITE.

---

### CHAPITRE XVI.



Voyez que j'aye assez parlé dans mon Histoire Cosmographique de l'entreprise du voyage d'outre-mer fait par Godefroy de Buillon, à la sollicitation de Pierre l'Hermite, ainsi surnommé, natif d'Amiens, ville en Picardie, de noble race, & non de Blois, ainsi que nous a laissé par écrit le nouveau Munster, qui se vante que chacun luy dérobe ce qu'il a de bon de ses vieilles recherches,

354 *Histoire des ſçavans Hommes,*  
encore qu'il ne faſſe autre choſe que  
ſe remplumer des plumes d'autry, je  
ne laiſſeray pas neantmoins d'en ra-  
fraiſchir la memoire, ſeulement de  
peur d'ennuyer. Ce n'eſt donc ſans  
cauſe que ce Godefroy voulut entre-  
prendre ce beau voyage Aziatique,  
apres la deliberation du Concile tenu  
à Clermont en Auvergne, par le Pape  
Vrbain, qui fut l'an 1495. devant l'aſ-  
ſiſtance duquel fut remonſtré par  
l'Hermite Picard les outrages & ty-  
rannies dont uſoient les Infideles à  
l'endroit des Chreſtiens Armeniens,  
Grecs & Latins. C'eſt pourquoy pour  
obvier à de telles inſolences, pluſieurs  
Princes, Ducs, Comtes, Barons &  
autres nobles Seigneurs, riches &  
pauvres de diverſes contrées de l'Eu-  
rope, ſe croiſerent pour ſ'acheminer  
au voyage. Et comme j'ay dit, le pre-  
mier moteur fut noſtre Pierre l'Her-  
mite, lequel ayant eſté auparavant en  
la Paleſtine, eſtant de retour en Fran-  
ce, provoqua cetté trouppes Chreſtien-  
ne, qui eſtoit d'une milliaſſe d'hom-  
mes, pour aller conquerir la Terre  
Sainte, & ville de Hieruſalem. Par

l'advis de ce bon pere plusieurs villes furent prises & reduites au Christianisme, entr'autres celles d'Acre, Baruth & Tripoly, quelques grandes resistances que pûssent faire les Infideles, non sans grande effusion de sang tant d'une part que d'autre. Apres Acre, jadis nommé Ptolomaïde, fut par le moyen de l'Hermite bien fortifiée, on en voit la ruine aujourd'huy entre deux portes, lesquelles sont de present, comme j'ay veu, ruinées tant par la barbarie, que par l'injure du temps. Incontinent apres le mort de Godefroy les Chrestiens en furent chassez par le Caliphe de Damas, c'est à dire par l'heritier ou successeur de leur Idole Mahemet, depuis elle fut reprise par les Chevaliers Templiers. Au reste Pierre l'Hermite (le portrait duquel je vous represente tiré du cabinet de la Reine Mere du Roy) fut envoyé par les Princes Catholiques estant à Constantinople vers l'Empereur Grec, nommé Alexis, lequel lui fit mauvais visage, attendu que les choses prosperoient de mieux en mieux, pour donner aux Princes Latins aide & secours.

356 *Histoire des ſçavans Hommes,*  
Et âgé de ſoixante deux ans, mourut  
à Constantinople, ainſi que les Grecs  
m'ont aſſeuré l'avoir par écrit dans  
leurs Histoires, non ſans ſoupçon de  
poison. Son corps fut mis au Temple  
des Martyrs en ladite ville. Pluſieurs  
ſe ſont trompez, penſans que Pierre  
l'Hermite, qui vivoit du temps de ce  
Prince Lorrain, l'an de Noſtre Sei-  
gneur mil nonante ſix, fut celui que  
nous appellons Triſtan l'Hermite, qui  
vivoit ſous Louis XI. Roy de France,  
& qui eſtoit ſon grand Prevost, ſçavoir  
l'an mil quatre cens ſoixante - huit,  
du coſté duquel eſt décenduë Jeanne  
l'Hermite, fille de Pierre l'Hermite, &  
les Seigneurs de Maugiron. Elle eſtoit  
Dame de Mortagne, petite ville ſur la  
Garonne, autrefois Colonie des Ro-  
mains, dont les predeceſſeurs ont fait  
beaucoup de biens à mon Abbaye de  
Noſtre-Dame de Madion.







*GUILLAUME LE CON-  
QUERANT .*



# GVILLAVME

## LE CONQVERANT.

### CHAPITRE XVII.

**D**Eux choses recommandent grandement celui dont je represente le portrait. La premiere est sa source, qui est telle, qu'il fut bastard de Robert VI. Duc de Normandie, qui de la fenestre d'une haute salle au Chasteau de Falaise, voyant une belle jeune fille nommée Arlette au ruisseau d'une fontaine, qui est au pied d'un grand rocher, vis-à-vis du donjon du Chasteau, s'en sentit épris, & l'envoya querir, & coucha avec elle en ce Chasteau. Et apres le premier attouche-

358 *Histoire des sçavans Hommes,*  
ment mutuel, elle songea que de son  
ventre sortoit un arbre, large de ra-  
meaux & de cime, de sorte qu'il fai-  
soit ombre à une bonne partie de la  
terre. L'enfant né, le Duc Robert  
son pere alla au voyage d'outr-mer,  
& avant que partir fit jurer ses Sei-  
gneurs & Barons, que s'il mouroit en  
son voyage, ils reconnoistroient pour  
leur Seigneur souverain, apres ieu,  
son fils Guillaume, lequel il tenoit  
pour legitime, & institua son tuteur  
le Roy de France. Presage qui a esté  
tres-élegamment exprimé par le pre-  
sent Sonnet. J'ay receu ce portrait  
d'un mien amy, qu'il a pris sur une  
figure de pierre dure en bosse, qui est  
en la ville de Falaise en une maison,  
qui jadis appartenoit à ce Guillaume.



## SONNET.

Constantin, qui depuis fut si grand Em-  
pereur,

A ce grand Duc & Roy eut naissance pa-  
reille :

L'un & l'autre sortit d'une fille vermeille  
D'assez basse maison, mais pure en corps &  
cœur.



Arlette se nommoit la mere au C O N-  
Q U E R E U R,

Celle de Constantin sainte Hcleine on ap-  
pelle :

L'une de soy songea sortir la plante belle,  
Qui ombroit de la terre une grande rondeur.



Pareil songe eut Mandane estant grosse de  
Cyre,

Qui depuis eut de Perse & de Mede l'Ens-  
pire,

Constans de l'Occident vit lever le Soleil,  
Celle d'Octave vid ses entrailles étendre,

Philippes vid sceller la mere d' Alexandre  
Tous nez avec merveille ont eu regne pa-

reil.

Le ſecond poinct qui le rend admirable, eſt appuyé ſur ſes grandes actions, qui luy ont acquis le titre de Conquerant, qui ſera cauſe que principalement nous inſiſterons en ce diſcours ſur les bravoures par le moyen deſquelles il s'eſt rendu propriétaire de cette qualité. Non que je veüille nier qu'il n'ait beaucoup merité par ce qu'il a fait en France: mais d'autant que nos Histoſiens François l'ont aſſez copieuſement publié, je me contenteray ſeulement de tirer du comble de leurs Histoires les fondations qu'il fit de deux Abbayes à Caën, l'une de femmes, nommé de la Sainte Trinité, l'autre d'hommes, nommée de Saint Eſtienne. Et ce afin que les Anglois & Eſcoſſois ne penſent pas que ſeulement noſtre France ait eu le bien de le produire, mais auſſi qu'il y a laiſſé des trophées excellens de ſa grandeur. Nous reprendrons donc la route vers l'Angleterre, pour voir quel ménage il y fit, & avant toute autre choſe, nous toucherons un mot du droit que pouvoit pretendre ce Duc Normand au Royaume d'Angleterre, ſans en-

trer

trer au fonds pour le regard d'Eldefrede & ses fils Edoüard & Alvrede, supposant, comme telle est la verité reconnuë par les Historiens d'Angleterre, qu'Edoüard, surnommé le Confesseur, fils de cet Eldefrede & d' Aimée, fil e de Richard, Duc de Normandie, fut par les Anglois rappellé de Normandie, qui par sa prudence, douceur & humanité dressa si bien Ardehunute Danois, qui tenoit alors le Royaume, qu'il luy permist d'y regner avec luy. Apres sa mort il tint seul le Royaume; mais voyant qu'il n'avoit aucuns enfans d'Edithe, fille du Comte Goduin, à laquelle il n'avoit en sa vie voulu toucher charnellement, craignant que Harald son beau-frere, auquel il avoit donné la Duché d'Oxford, n'usurpast la Couronne d'Angleterre, suivant la resolution des Estats, l'an mil soixante-six il fit son testament, par lequel il institua Roy d'Angleterre Guillaume son cousin, fils bastard de Robert. Apres sa mort Harald, sans avoir égard à la volonté d'Edoüard, & à la deliberation des Estats s'empara du Royaume

362 *Histoire des ſçavans Hommes,*  
Ce qui fit dresser une armée à Guillaume pour aller chasser celui qui injustement le luy detenoit. Estant arrivé en Angleterre, & s'estant saisi de Londres, il envoya vers Harald, qui pour lors estoit en Northumberland, chargeant son Ambassade de lui presenter de sa part trois articles. Le premier est, que suivant la foy qu'il avoit jurée au defunt Roy Edoüard, il luy quittaſt la Couronne d'Angleterre purement & simplement. Le second est, qu'apres que Guillaume auroit esté mis en possession de ce Royaume, il seroit permis à Harald de le tenir, moyennant qu'il le reconnût mouvant de luy en foy & hommage. Le troisiéme, advenant que Harald refusaſt ces deux conditions, & qu'il fallut venir aux mains, que pour éviter l'effusion de plusieurs personnes, il se trouvaſt en champ de bataille, où eux deux vuideroient leur different à la pointe de l'épée, sans pour ce sujet embarasser autres personnes. Offres, lesquelles Harald ne voulut accepter, soit que ce fut par lâcheté, n'osant se hazarder au fu-

*Guill le Conquerant.* CH. XVII. 363  
rieux duel d'entre Guillaume & luy :  
soit qu'il se fiait trop és forces d'An-  
gleterre. Guillaumen'eut pas p'ustost  
ouy la réponse de Harald, qu'il s'ap-  
preste à a bataille, laquelle fut livrée  
si brusquement au pais d'Essey, au  
lieu ou est de present édifiée l'Abbaye  
de Bataille, le quatorzième jour d'O-  
ctobre, l'an mil cinq cens soixante-  
sept, que par trois fois le Duc Guil-  
laume fut renversé par terre de des-  
sus trois chevaux qui furent tuez sous  
lui. Enfin Harald fut blessé d'un coup  
de flèche à l'œil, dont il mourut, ayant  
gouverné le Royaume depuis le cin-  
quième jour du mois de Janvier jus-  
ques au quatorzième jour d'Octobre  
ensuivant. Apres cette mort, le camp  
de Harald fut mis en déroute : & le  
lendemain qui estoit le quinzième  
d'Octobre au septième an du regne de  
Philippes Roy de France, Guillaume  
fut publié Roy d'Angleterre, & sacré  
le propre jour de Noël par Aldrede,  
Archevesque d'York, pour l'absence  
de l'Archevesque de Cantorbéry.  
Apres qu'il se fut ainsi saisi du Royau-  
me, & qu'il eut rendu la pluspart pa-

364 *Histoire des ſçavans Hommes,*  
cifigue, il en remit la charge & gou-  
vernement à ſon frere l'Eveſque de  
Bayeux : & puis au Careſme enſui-  
vant il repaſſa en Normandie, me-  
nant avec lui les principaux Seigneurs  
d'Angleterre, pour obvier aux me-  
nées qu'ils euſſent pû braſſer ſecrete-  
ment contre lui en ſon abſence. L'hi-  
ver enſuivant il repaſſa en Angleter-  
re, & impoſa de grandes ſubſides,  
dont quelques uns ſe formaliferent,  
leſquels il punit. Et pour leur couper  
bien près les aiſſes, il peupla ce païs  
de pluſieurs François, leſquels il ad-  
vança en grands biens & honneurs.  
Davantage, pour brider ceux du païs,  
il fit baſtir quatre Chateaux, l'un à  
Nottingham, deux à York, & le qua-  
trième en la ville de Lincolne, ef-  
quels il mit garniſon de Normands,  
& non d'autres. Et comme il penſoit  
à s'étendre, Malcolin Roy d'Eſcoſſe  
lui appreſta occaſion de marcher con-  
tre lui, d'autant qu'au quatrième an  
de ſon regne, Malcolin entra hoſtile-  
ment, ravageant & faiſant un dégât  
nompareil au païs de Northumber-  
land. Guillaume n'en fut pas ſi-toſt

*Guill. le Conquerant.* CH. XVII. 365  
adverty, qu'il le fut trouver au lieu  
d'Abirnethey en Escosse, où il le char-  
gea si vivement, qu'il lui fit promet-  
tre que de là en avant il lui feroit hom-  
mage. Apres une telle victoire, par  
l'avis du Comte de Hartfort il fit dé-  
nombrement des biens, joyaux, or &  
argent, qui estoient aux Abbayes &  
gros Prieurez d'Angleterre, & ordon-  
na que ce qui s'y trouveroit de plus  
precieux, fut apporté & mis en ses  
coffres. Ce qui fut fait, dont quel-  
ques uns se graisserent les mains plus  
qu'il n'appartenoit, disans que puis-  
que Guillaume tiroit la couverture  
de son costé, ils eussent esté repûtez  
indignes & mal-entendus en leurs  
charges, s'ils n'en eussent retenu quel-  
que petit bout. Mais ils oublient à  
dire, que le Roy environ le dix-neu-  
vième an de son regne fit reparer &  
embellir de ces deniers l'Abbaye de  
Bataille, & en fonda une autre près  
Londres, appelée Barmondsey. Enfin  
après avoir fait plusieurs grands ex-  
ploits pour les couronner, & immor-  
taliser tant son nom que celui des  
Normands, il fieffa la pluspart de ce

366 *Histoire des ſçavans Hommes*,  
qu'il avoit conquis aux Gentils-hommes qui l'avoient ſuivy . qui eſtoient preſque tous François , changea , re-trancha & caſſa pluſieurs loix , ſtatuts & ordonnances que ſes predeceſſeurs Rois d'Angleterre avoient auparavant éſtably : & au lieu en redigea d'autres en ſon propre langage maternel & François , beaucoup mieux poly que le Saxon ou Anglois , leſquelles ſont encore aujourd'huy obſervées & pratiquées au Royaume d'Angleterre. Cen'eſt pas que je me veuille accorder avec certains , qui mal informez du droit d'Angleterre , & ayans ſeulement envie de prouver que les Anglois reconnoiſſent en tout & par tout les François pour leurs Seigneurs , ont oſé aſſez temerairement écrire , qu'il n'y a autres loix en Angleterre que celles qui ont eſté éſtablies par le Conquerant : & de là ils tirent cette conſequence , que les Anglois ſont ſujets aux François , comme décendus de ceux qui furent menez par le Roy Guillaume : & ſujets aux ordonnances faites par ce Duc Normand : & auſſi d'autant que de lui ſont venues les

Blrsons destrois ou deux Lions , pris pour armes par ces Rois d'Ang'eterre , qui n'avoient auparavant aucuns éscussions. Quant à moy je ne voudrois pas nier cela, mais ce feroit avec telle distinction , que veritablement la tige des principales familles doit estre pris des François , qui y traverserent avec ce Duc Normand, qui leur auroit fait faire joug , & baillé la loy absolument, mais non privativement, Et qu'il ne soit ainsi , il y a entre les loix ordonnées par le Roy Guillaume deux manieres d'autre droit, à sçavoir les coustumes locales & les maximes de droit qui ont toujourns esté receuës, comme si c'estoit une loi écrite entre ies Juges & Legistes du Roiaume : De maniere qu'il n'est permis à aucun, qui est filé, façonné, ou qui doive les entendre, de nier ces maximes, mais d'elles-mesmes sont assez suffisantes en autorité , sans demander plus ample approbation & témoignage. Suffit aux luges de declarer aux partiec plaidantes, que ces maximes ne sont contraires à la loi de Dieu, ni à la raison, que toujourns elles ont esté receuës,

368 *Histoire des ſçavans Hommes,*  
comme ſic'eult eſté droit écrit, & qui  
dés long-temps eut eſté pratiqué en  
une Republique bien policée. Et de  
faict ces maximes ont autant de vi-  
gueur en tous cas ſujets à la deciſion  
de la loy, & qui conſiſtent principa-  
lement en droit, comme peuvent avoir  
les Edits, Statuts & Ordonnances po-  
litiques paſſées par les trois Eſtats du  
Royaume. Et quoy que les couſtumes  
generales ſoient la garantie & aſſeu-  
rance de telles maximes, pourtant ne  
leur eſt oſtée la force & autorité qu'-  
elles peuvent avoir, dautant que ces  
couſtumes ſervent ( par maniere de  
dire ) de modification & éclairciſſe-  
ment de ces maximes. En quoy eſt de  
tant plus recommandable la facilité  
du droit de cette Nation, parce que  
ces couſtumes ſont preſque generale-  
ment connuës par tous les habitans  
du Royaume tant doctes qu'ignorans  
& non lettrez, & peuvent facilement  
eſtre apprises par exercice & routine,  
ſans longuement les étudier, & par  
ainſi ont-ils quelque connoiſſance du  
droit duquel ils uſent. Car quant au  
fonds, ils n'y peuvent penetrer, mais

*Guill. le Conquerant. C. XVII. 369*  
seulement ceux qui par longues années sont versez en la loy ou droit es- crit du Royaume, ou bien ceux qui plaident ordinairement és Cours & Jurisdiccions, esquelles les procez & causes forenses se démefflent. Je ne veux pas icy entrer sur la comparaison du droit d'Angleterre avec celuy des Romains, François, Allemands & autres, puis qu'un chacun peut aisément découvrir la felicité nompareille qui est au droit Anglois au regard des autres. Quant à l'autre droit qui est pratiqué en Angleterre, on ne peut nier qu'il n'y ait des coustumes particulieres & locales, selon lesquelles la loy commune d'Angleterre est réglée, & qu'en des Comtez, Villes, Citez & autres détroits du païs il y ait diverses coustumes, qui bien qu'elles ne conviennent & ne se rapportent pas à l'effet & établissement des coustumes generales & des maximes, nantmoins puisqu'on ne les trouve prejudicier à la loy de Dieu, elles sont receuës en usage & pratique ordinaire de loy. Et de ce j'en veux bailler certains exemples. Au païs & Comté de Reut il y a

370 *Histoire des ſçavans Hommes,*  
une couſtume locale appellée Vavel-  
kinds, par laquelle tous les freres ſuc-  
cedent également aux biens & patri-  
moine du pere, ce qui n'eſt obſervé en  
autre endroit de tout le Royaume  
d'Angleterre. Il y a auſſi une couſtu-  
me particuliere appellée vulgaire-  
ment *Burghenliſhe*, là où le fils puisné  
herite devant l'aiſné, & eſt cette cou-  
ſtume gardée au païs de Nottingham.  
Auſſi y a-il une couſtume en Gavel-  
kind, que quoy qu'un pere ſoit pendu  
& executé par Juſtice, ſon fils ne laiſ-  
ſera pas d'heriter de ſes biens, ſans  
qu'ils ſoient acquis ny conſiſquez au  
Roy. Ce qui eſt pareillement obſer-  
vé en certains endroits, où il n'y a pas  
droit de conſiſcation, ſi ce n'eſt au cas  
de crime d'heréſie & de leze-Majeſté  
au chef. Pareillement en certains en-  
droits d'Angleterre une veuve prend  
la jouiſſance & diſpoſition des biens  
de feu ſon mary ſa vie durant, & ce  
par contemplation & à cauſe de ſon  
not. Il y a auſſi certains lieux en ce  
Royaume, où le mary a la moitié des  
biens de ſa femme, quoy qu'il n'ait au-  
cuns enfans iſſus de leur mariage. Il

est pareillement permis en quelques endroits d'Angleterre à un enfant dès l'âge de quinze ans de disposer de ses biens , & est le contract bon & valable, selon telle coustume ; mais ce qui est bien plus difficile , un enfant en autres endroits peut passer un contract, stipuler & s'obliger lors qu'il peut mesurer une aulne de drap. l'en pourrois produire plusieurs autres exemples , si je ne pensois ce que j'ay cy-dessus allegué , peut suffire pour rembarrer les niaiseries de ceux qui n'entendans les Histoires, voudroient nous persuader qu'il n'y a d'autres loix en Angleterre , que celles qui ont esté établies par Guillaume le Conquerant. Je les priois volontiers de me dire s'ils ont jamais ouy parler del Edit de Vvestmonstier, fait en l'an mil trois cens soixante-un. Il a esté besoin d'une telle & si longue digression , pour lever l'erreur, dont j'apperçois que plusieurs se sont laissé embeguiner. Mais retournons à nostre Guillaume, comme un certain jour de l'année il monta à cheval, il luy survint une grande maladie, de laquelle jamais il ne releva, mais languit fort long-

372 *Histoire des scavans Hommes,*  
temps : Dont Philippes premier du  
nom, Roy de France se mocquant, luy  
manda, qu'il n'y avoit jamais eu fem-  
me en Normandie, qui eust fait si long  
accouchement que luy, que s'il en re-  
voit il devoit avoir un beau luminai-  
re. Le Duc luy remanda qu'il luyferoit  
avoir le temps de sa relevée, & qu'il  
iroit en France en faire chanter la Mes-  
se, feroit allumer mil torches sans ci-  
re, dont les lumignons seroient de  
bois, & auroit mil lances garnies d'a-  
cier par le bout pour allumer les tor-  
ches. Toutefois la mort prevint ses  
desseins, il mourut l'an mil quatre-  
vingt huit, & de son âge 74. apres  
avoir regné Roy d'Angleterre vingt-  
un an & un mois. Et fut son corps  
porté & inhumé avec tres-honorable  
Convoy en l'Eglise de Caën en Nor-  
mandie : dans son tombeau, lequel  
le Seigneur de Castres, Evêque de  
Fayeux, Abbé de S. Estienne de Caën  
fit ouvrir, fut trouvée une lame de cui-  
vre, tres-bien dorée & gravée de let-  
tres. Dont en ma Cosmographie je  
vous ay représenté le modelle & fa-  
çon, tellement que je me contenteray  
d'inserer son Epitaphe.

# EPITAPHE

## DU ROY GUILLAUME.

*Qui rexit rigidos Northmannos at-  
que Britannos,  
Audacter vicit, fortiter obtinuit,  
Et Canomenses virtute coërcuit en-  
ses,*

*Imperii que suilegibus applicuit,  
Rex magnus parua jacet hac GVIL-  
LELMVS in urna :*

*Sufficit & magno parua domus Do-  
mino.*

*Ter septem gradibus se voluerat atque  
duobus :*

*Virginis in gremio Phæbus & hic  
obiit.*

Il eut cinq enfans , Robert l'aîné , auquel il laiffa la Duché de Normandie , qui eſtoit furnommé Courbeuiſſe , contre lequel il eut guerre l'an cinquième de ſon regne , à cauſe des vexations , torts & concuſſions qu'il faiſoit aux Normands. Le ſecond fut Richard , qui mourut en la fleur de ſon âge. Le troiſième fut Guillaume le Roux , auquel il donna le titre du Royaume d'Angleterre , duquel il prit poſſeſſion au mois de Juillet , l'an de Noſtre-Seigneur mil quatre cens vingt neuf , & au vingt neuvième an du regne de Philippes premier de ce nom , Roy de France. Il prit le ſceptre & couronné le vingt - ſeptième jour de Septembre enſuivant. Quant à ſes qualitez & manieres de faire , il eſtoit d'un naturel fort muable & inconstant. Son quatrième fils fut Henry , auquel il legua ſon treſor & biens meubles. Il eut une ſeule fille nommée Adela. Je n'avois pas delibéré d'enſer davantage ce diſcours , n'eut eſté que j'ay trouvé qu'aucuns attribuent le nom de Conquerant à celui

*Guill le Conquerant. C. XVII. 375*  
duquel nous parlons presentement,  
comme à un homme qui auroit arraché des griffes du Danois Halrad le Royaume d'Angleterre, sans y avoir aucun droit, encore que nous ayons produit la substitution qu'en fit Edoüard, qui par testament l'institua son vray heritier, comme le plus proche & plus habile à succeder, quoy qu'il fut bastard, dautant que la legitimisation qu'en fit Robert efface toute l'instabilité qui eut pû le prevenir pour la succession. De maniere qu'avec l'épée, Guillaume est descendu en Angleterre, non point comme ravisseur, mais en qualité d'heritier, & pour se maintenir au droit qui luy estoit acquis par l'institution du Roy Edoüard. Cela fit que la Noblesse de France tant plus volontiers l'accompagna pour lui tenir escorte, à la valeur desquels je ne sçay si on doit attribuer la conquête d'Angleterre, ou à Guillaume seul, ou bien la leur communiquer à tous ensemble, comme font les Poëtes, la gloire de la Toison d'or gagnée sur Æte, non point seulement à Iason, mais aux Argonautes & à Medée.

376 *Histoire des ſçavans Hommes,*  
I'euffe bien deſiré icy les dreſſer tous  
par liſte, & décrire leurs loüables &  
hero-ques actions, ſi le corps de la pre-  
ſente vie eût pû contenir une ſi grande  
mer d'hiftoires : ſuffira d'en avoir icy  
rapporté quelques-uns, à ſçavoir le  
SEIGNEUR D'AVBIGNI, auquel apres  
la conquête d'Angleterre en l'an mil  
ſoixante - ſept, le Roy donna la Sei-  
gneurie & Comté d'Arondel avec  
l'office de grand Bouteiller d'Angle-  
terre. LE BARON DE BEAUCHAMP,  
qui fut créé Panetier de la bouche du  
Roy. LE SIEUR OSMONT, qui fut  
Chancelier & ſur-Intendant des afai-  
res du Roy. LE SIEUR DE CONNIERES,  
qui fut créé Conneſtable ou Gouver-  
neur de la Comté Palatine de Durhan,  
lors confinant aux marches d'Eſcoſſe.  
Les Barons de Strange, Latimer, Lo-  
melas, Ogle, Scroup, Darcy, Meſſire  
Thomas Baron de Hilton, les Milords  
de Dacres, Nevel, Clifford, Guillaume  
Percas. Le Seigneur ſils Vvillian ou  
ſils de Guillaume le Conquerant, qui  
le crea Maréchal de ſon Camp. ROGER  
MONTGOMERY, qui tenoit la premiere  
bande de l'armée du Duc Guillaume  
contre

Harald , ayant sous son Regiment les Angevins, Bretons, Manceaux & Percherons. GEOFFROI MARTEL Comte d'Anjou , qui avoit sous sa conduite la seconde bande , fournie de Poitevins , Bolonnois & Allemands : la troisiéme estoit de Normands, qui estoient menez par le Duc. Apres que par la bravoure de ces genereux Chevaliers , Guillaume se veid saisi du Royaume d'Angleterre, ayant défait, comme nous avons remarqué cy-dessus Harald , il advisa par tous moyens de recompenser ceux qui luy avoient donné secours. Entr'autres le sieur de Montgomery fut fait Comte, & épousa peu apres la Duchesse de Glocester. Peu apres la consommation de ce mariage , continuant de mieux en mieux la bonne affection qu'il portoit au Roy, il se montra hardy contre David Prince de Gales , le Roy d'Irlande & Malcolin quatre-vingt-sixième Roi d'Escoffe , surnommé Crammor , qui deliberoient de chasser du Royaume d'Angleterre les Normands, mesme ils estoient déjà entrez bien avant dans le país , pillans & brûlans jus-

378 *Histoire des sçavans Hommes,*  
ques aux marches de la rivière de  
Trente , & de là le long de la coste de  
la mer jusques à Douvre. Avec telle  
vitesse à les repousser , qu'ils furent à  
grande haste contraints de se retirer,  
la plus grand part de leurs gens ayans  
esté désaits. Apres une telle victoire,  
Guillaume avec le sieur de Montgom-  
mery & autres signalez Capitaines les  
poursuivit & passa jusqu'en Gales, &  
en chemin prit d'emblée la ville de  
Bristol , puis mit le siege devant celle  
de Vvarvik , ou le Roy Malcolin s'es-  
toit retiré, qui fut contraint de se met-  
tre à la mercy du Roy Guillaume , luy  
jurerent la fidelité, & reconnoistre de  
luy le Royaume d'Escoffe. Depuis en  
l'année mil septante - quatre le sieur  
de Montgommery fut envoyé en Ga-  
les avec autres Capitaines contre les  
Danois, qui estoient descendus en cette  
contrée avec force. Là fut tué par Ca-  
nut Roy des Danois. LE SIEVR YVES-  
TAILLEBOIS Comte d'Anjou , auquel  
le Duc Guillaume bailla l'an mil soi-  
xante-neufles Comtez & Seigneuries  
de Leicester & de Lincolne apres la  
mort de Edoüin & Morkar enfans

d'Algary Comte de Leicester, desquels il épousa la sœur nommée Luce. LE SIEVR HVGVES DE MONTFORT, qui fut créé Comte & Capitaine en la Cité d'York, où fort vaillamment il se porta l'an mil soixante-huit, pour le service du Roy à l'encontre d'Eustache Comte de Boulogne & autres, qui s'estans revoltez de l'obéissance du Roy Guillaume, estoient entrez en alliance avec Roger Comte de Herford, Raould Comte de Cantorbery & autres, qui se joignans avec les Danois, pensoient bien bailler de la peine à Guillaume le Conquerant, mesme ils avoient delibéré de luy oster la Couronne. Ils vinrent aborder avec leurs forces vers York, pensans la surprendre, mais le sieur de Montfort qui y commandoit, les fit charger de si brusque appointement, qu'ils n'eurent rien plus seur que de debusquer en toute diligence, & à peine eurent-ils le loisir de déloger. Eustache se sauva à Bologne, le reste pensant se sauver sur une roche, fut si puissamment poursuivy, que force fut à quelques-uns de se rendre, les autres qui

380 *Histoire des sçavans Hommes,*  
se precipiterent trop à se dénicher, se  
jetterent dans la mer, & furent noyez.  
Les fleurs de Clare, Longue-épée, Bo-  
him, Bigot, Mandeuille, Luçay, Fer-  
rieres, Bassut, Belfort, Icaumont,  
Houfay, Honguerfort, Chenay, Bran-  
don, Saint Leger, Carret, Cornuail-  
les. LE SIEVR UNFRAINVILLE, le-  
quel avec ses successeurs s'est montré  
fort genereux & bien affectionné à  
l'endroit de l'Angleterre. HUGUES  
MORTIMER, qui fut premier Con-  
nestable d'Angleterre, & eut un Re-  
giment en l'armée, que dressa le Roy  
Guillaume l'an mil septante. LE  
SIEVR ROBERT MOMBRAI, qui fut  
créé Comte de Northumberland,  
apres l'execution d'Edgar Adelin, &  
de Vvalter Evesque du Durhan au  
lieu de Catthesid, & apres la dis-  
mission du sieur Aubris, auparavant Com-  
tes alternatifs de Northumberland.  
L'eusse volontiers poursuivy le reste  
des autres Seigneurs, n'eut esté que  
je craignois d'estre trop long, enco-  
re que la ressemblance, que je trou-  
ve en la conquête, tant de la Toi-  
son d'or, qui est tant celebrée par les

Poëtes que du Royaume Anglois m'y convie assez. Quant aux circonstances, il y a plusieurs diversitez, mais qui peuvent aisément estre rassemblées en bon accord. Entr'autres le Poëte Apollonius raconte que Iason estant abordé à Lemnos, Hyppipile & toutes les femmes du païs, apres avoir fait quelque resistance, se rendirent à la mercy de ces heroïques Argonautes, qui s'en apprivoiserent de si près, que familièrement ils eurent leur compagnie, & de leur generation repeuplerent de mas estoute cette Isle. Ce n'estoit pas où tendoit le voyage de Iason, mais osté ce point, il semble que le séjour que fit Guillaume avec ses Chevaliers en Angleterre soit bien peu dissemblable d'avec la propagation de Lemnos. Et de fait, encore pour le jourd huy oculairement on peut remarquer en Angleterre les Marques, Armoiries, Devises & Blasons des François, qui traverserent avec Cuillaume le Conquerant. Cela a fait que j'ay icy voulu toucher quelque mot des principaux Seigneurs, qui pour donner

328 *Histoire des sçavans Hommes,*  
secours , & tenir escorte à cét in  
dompté Conquerant , exposerent  
l'hazard leurs vies à l'encontre d Ha  
rald & des Escossois.

*Fin du troisiéme Tome.*



